



3 23

6

571

BIBLIOTECA NAZIONALE
CENTRALE - FIRENZE



1886 June

2758698. A.

M. T. C I C E R O N I S
D E
O R A T O R E
A D
Q. F R A T R E M
L I B R I T R E S,
CUM DELECTU COMMENTARIORUM,
I N U S U M
S E R E N I S S I M I D E L P H I N I,
E T N O T I S
J A C O B I P R U S T E I.



PATAVII, MDCCLXXIII.

Ex Typographia Seminarii.

Aphd Joannem Mansfrè.

Superiorum Permissu, & Privilegio.

B². 13. 6. 57¹

M. T. CICERONIS

DE

ORATORE,

AD Q. FRATREM,

LIBER PRIMUS.

ARGUMENTUM.



*U*t ex hisce libris legendis majores fructus Lector percipiat, non inutile credidi fore, totius Operis formam & quasi figuram breviter depingere. De Rhetorica Cicero omnium Romanorum eloquentissimus tradit praecepta; nec ea quidem, Rhetorum aliorum more, nuda & inornata tradit, sed oratione ita limata, & doctrina ita liberali, ut scias ipsum id affectum esse, quod vellet aliis praecipere. Plerumque fit, ut cum invidia audiatur, qui aliis praecipit: qui enim eos conatur docere, se iis superiorem fore in eo, quod docet, pollicetur. Hanc igitur invidiam a se Cicero artificio quodam removet, cum sub personis Lucii Licinii Crassi, & M. Antonii, oratorum superioris seculi principum, suam de Eloquentia sententiam explicavit. His senibus duos juvenes, forumque vix ingressos, Cottam, & Sulpicium, comites adjunxit: prudenter quidem; nisi enim in hanc disputationem venissent senes, minus auctoritatis & gravitatis haberent ea, quae praeciperentur: & nisi

De Orat.

A

ju-

juvenes adessent, qui & audiendi cupidi essent, & nondum satis usu forensis instructi, senes non potuissent hunc sermonem sine ineptiarum crimine instituerre. Vide, quam elegans sit exordium disputationis: Artificum erat & levium Græcorum Rhetorum, se de Eloquentia dicturos esse profiteri. Hi senes, & ingenui, & in Rep. versati, non, nisi fortuito, in hanc disputationem incidunt; nihil de se promittunt, sed cursu orationis, vel casu potius, in Rhetoricæ campos incurrunt. Nec in personis solum, sed in loco decorum servat Cicero: non enim Romæ, sed ruri disputant; non in urbis occupatione, ubi mollioribus his studiis se dedere non licet, sed in otio recessus Tusculani, quo proficiscentem cura Reipublicæ negotia, etiam cum bonorum venia, non sequuntur.

In primo libro queritur, quæ sit oratoris materia, quæque artes sint illi ad cognoscendum necessariæ. Crassus, cujus in persona explicatur ipsius Ciceronis sententia, perfectum oratorem instituit, eique omnium artium cognitionem subjungit: singulas percurrit, probatque & exemplis & rationibus, quam utilis sit unaquæque oratori: Antonius vero, cujus disputatio ad mentem Quinti formatur, contra Crassum disputat, & cum indoctus a plerisque haberetur, solaque natura ad dicendum instructus, Eloquentiam a ceteris artibus segregat, eique solam bene dicendi scientiam adjungit. Quæ argumenta attulerat Crassus, ea omnia percurrit Antonius, & verbo magis, quam re dissolvit: Aderat etiam huic disputationi Scaevola senex; quem Cicero a sequentibus libris dimovit, & quia infirma valetudine fuit (ut ait ipse); & quia in hoc libro disputatio de jure civili a Scaevolæ studiis non abhorrebat: tantum vero virum proximæ de joci disputationi interesse non decebat.

In secundo libro partes Inventionis Antonio traduntur.

LECTORI BENEVOLO.



Anibal, Carthaginiensium ille celeberrimus Imperator, cum olim Phormionem Philosophum disputantem de Imperatoris officio, & de omni arte militari longa accurataque oratione audisset, & a cæteris, qui eidem concioni aderant, interrogatus esset, quidnam ipse de illo Philosopho judicaret, ita dicitur respondisse: Se quidem multos deliros senes sæpe vidisse, sed qui magis, quam Phormio deliraret, vidisse neminem. Quid enim magis ridiculum, quam græcum hominem, qui nunquam hostem, & castra viderat, de re militari præcepta tradere, idque coram Annibale, qui tot annos cum Populo Romano de Imperii gloria certaverat? Hoc idem potest jure ac merito de illis omnibus pronunciari, qui se præceptores jactant illarum artium, quas ipsi nunquam exercuerunt, ideoque saltem aliqua ex parte ignorant. Multi multa de eloquentia præcipiunt, sed intimam ejus vim veramque formam admodum pauci norunt. Novit hanc vel maxime Latinorum omnium Oratorum eloquentissimus M. Tullius, cujus oratio vel in tradendis præceptis ornata est prorsus & expolita, ut exemplum potius videatur esse aliis ad imitandum propositum, quam præceptum. Sic Polycletus,
ut

ut videretur assequutus, quod aliis ipse præciperet, egregiam statuiam effinxit, quam Canonem appellavit. Itaque in istis libris, quos de Oratore Tullius inscripsit, dum veri Oratoris imaginem studuit effingere, suam ipse nobis exhibuit; eosque sibi vehementer probatos esse testatur Epistola 19. lib. XIII. ad Atticum. Eisdemque scripsit Aristoteleo more disputatione & dialogo. Quid in singulis Orator præstet intelliges ex eo, quod mox subjicimus, Argumento. Lucium Licinium Crassum, & M. Antonium, Oratorum omnium sæculi superioris facile principes, hic disputantes inducit Cicero, tum ut effugiat invidiam, quam subire solent, qui volunt aliis præcipere, tum etiam ut iis, quæ dicit, majorem auctoritatem conciliet. Hæc omnia duorum præstantissimorum virorum Jacobi scilicet Prustei, & Josephi Oliveti eruditis adnotationibus illustravi, ne quid Tibi, studiose Lector, ad eorum intelligentiam deesset. Utere interim illorum opibus, & meam in iis colligendis sedulitatem ne repuas. Vale.

duntur; in qua potius, quam in ornatu orationis excelluit. Omnia igitur praecepta ponit, ex quibus argumenta possimus eruere; quibus animus iudicium mouere & nobis conciliare: ista illa genera, iudicialia, deliberatiuum, demonstratiuum, tractat: digitumque ad fontes intendens docet, quomodo ea, quae uniuersae dicuntur, ad unamquamque causam referri possint. Ad Inventionem pertinent ioci; Caesar igitur, qui in iis omnibus praestitit, huic disputationi adest, & ea omnia, quae de iocis didicerat aut obseruauerat, in medium proferre. Deinde Antonius laqueitur de memoria; scilicet artificiali, (nam ea sola Inventionis est proprietas,) brevibusque omnia, quae ad illam spectant, praeceptis concludit.

In tertio partes Elocutionis Crasso deferuntur: in verbis enim magis, quam in sententiis eligendis elaborauit. Prius igitur de uniuerso genere dicendi pauca loquitur; deinde ad eas quatuor partes, quibus elocutio continetur, pure, dilucide, ornate, & apte dicendi, sese reuocat: has singulas percurrit, praecipue uero ornatum orationis. Docet, quae uerba eligenda sint, quae figura, qui tropi adhibendi, quos numeros & pedes oratio postulet. Tum ad extremum de Actione querit, docetque, quomodo & uox, & gestus, & uultus ad orationem accommodari debeat. Omnes denique hi libri ita venusti, ita elegantes sunt, ut ab illis non solum praecepta, sed exempla Eloquentiae petenda sint. PEARCIUS.

I. **COGITANTI** mihi saepenumero, & memoria uetera (1) repetenti, perbeati fuisse, Quinte frater (2), illi uideri solent, qui in optima

A 2

re-

(1) *Vetera*) Puta monumenta ueterum aut Athenicisum, aut etiam Romanorum; apud quos clarissimi quique uiri maximis afficiebantur honoribus. *Pruseus*.

(2) *Quinte frater*) M. Tullii frater Quintus Cicero primum quidem legatus Caesaris in Gallia, tum in Asia praetor fuit. Non indifferetum fuisse ostendit ad M. fratrem de Pothione Consul.

Repubblica, cum & honoribus, & rerum gestarum gloria florerent, eum vitæ cursum tenere potuerunt, ut vel in negotio sine periculo, vel in otio cum dignitate esse possent. Ac fuit tempus (3) illud, cum mihi quoque initium requiescendi; atque animum ad utriusque nostrum præclara studia referendi fore iustum, & prope ab omnibus concessum arbitraret, si infinitus forensium rerum labor, & ambitionis occupatio (4); decursu honorum (5), etiam ætatis flexu (6) constitisset. Quam spem cogitationum & consiliorum meorum, cum graves communium temporum (7), tum varii nostri casus (8) fefellerunt. Nam qui locus quietis & tran-

sulatus liber. A triumviris proscriptus, cum a satellitibus efflagraret, ut ante filium interficeretur, filius ut ante patrem, uterque simul occisus est, anno U. C. DCCXI. ante Christum XLIII. *Appian. l. 1. v. Bell. Civ. Plut. in Cic. Idem.*

(3) *Ac fuit tempus* Nempe post consulatum, quem cepit anno U. C. DCXCI. ætatis suæ XLIV. quo tempore rebus maximis pro salute publica gestis, plurimisque iactatus periculis, reliquum vitæ tempus in otio perquam honesto traducere jure poterat. *Idem.*

(4) *Et ambitionis occupatio* Multum laboris sumebant candidati in ambiendis honoribus; obibant urbem & municipia; homines nominatim salutabant, prensabant, deducebant; ludis edendis, largienda etiam pecunia suffragia populi captabant. Legit hinc Hotomanus *Observ. lib. 1. cap. 5. ut ambitionis occupatio*, hoc sensu, requiescendi initium iustum futurum fuisse, si quemadmodum ambitionis & petendorum magistratum occupatio decursu honorum: sic etiam infinitus forensium rerum labor ætatis ingravescentis flexu constitisset. *Idem.*

(5) *Decursu honorum* Erant quidam quasi gradus honorum Romanis decurrendi. A quaestura ad ædilitatem, hinc ad præturam & consulatum aspirabant. Cetero fuit augur, quaestor, ædilis, prætor, & proconsul Asiæ. *Idem.*

(6) *Ætatis flexu* Senectutem intelligit. Ætas hominum & vita quasi stadium est: utque in stadio erat meta, ad quam cum pervenissent, non pergebant ulterius, sed stettebant currum, & ad eum, unde profecti erant, locum revertebantur: sic in vita senectus est instar metæ, ad quam ubi ventum est, vitæ cursus veluti steditur, & ad interitum declinat. *Idem.*

(7) *Graves communium temporum* Communis pericula, ut conjunctio Catilinæ. *Idem.*

(8) *Varii nostri casus* Plurimæ cum sceleratis civibus contentiones, cum Vatinio, cum P. Clodio, tribuno plebis, a quo ejectus est in exilium. *Idem.*

tranquillitatis plenissimus fore videbatur, in eo maximæ moles molestiarum (9); & turbulentissimæ tempestates existerunt. Neque vero nobis cupientibus, atque exoptantibus fructus otii datus est ad eas artes; quibus a pueris dediti fuimus, celebrandas, inter nosque recolendas (10). Nam prima ætate (11) incidimus in ipsam perturbationem disciplinæ veteris: & consulatu devenimus in medium rerum (12) omnium certamen, atque discrimen: & hoc tempus omne (13) post consulatum objecimus (14) iis fluctibus, qui, per nos a com-

A 3

mu-

(9) *Moles molestiarum*) In verborum collocatione neglexit hic diligentiam Cicero, ut in fragmentis Epistolarum: *res mihi invise vise sunt*: & in Bruto. cap. 1. *parentis loco colere*. Idem.

(10) *Inter nosque recolendas*) Trajecit copulandi particulam, maluitque, *inter nosque*, quàm istuc, & *inter nos recolendas*, usurpare: ne, quod in oratione vitiosum est, in heroici carminis finem decideret. Quæ componendi manifesta diligentia, ut in foro & in curia celatur, ita in hoc scripti genere dissimulari non debet. Sunt qui legant, *Interque nos recolendas*, virtutis hujus ignari, qui nesciant auribus atque rationi cedere præcepta. *Servæus*.

(11) *Prima ætate*) Anno U. C. DCLXVII. & consequenti, cum Tullius ageret annum vicesimum, exarsere bella civilia Cinnae, Marii, & Syllæ, qui contra pristinum morem oppressa patriæ libertate, principatum invadere tentabant. *Præst.*

(12) *In medium rerum*, &c.) Conjuratorem Catilinæ, quam ad excidium urbis erumpentem exstinxit singulari prudentia Tullius consul anno U. C. DCXCI. Idem.

(13) *Et hoc tempus omne*) Hos de Oratotes Dialogos Cicero scripsisse putatur anno ætatis suæ 38. & U. C. 698. secundo vero anno post ejus reditum, cum Clodianorum furore actus in exilium cecisset. *Petrcius*.

(14) *Post consulatum objecimus*) Cicero post gestum consulatum gravem perditorum civium invidiam sustinuit. Accusatus est a P. Clodio, tribuno plebis, quod Lentulum, Cethegum, & alios conjurationis cum Catilina socios interfici jussisset, quasi præter jus falsæ claves indicta causa e medio sustulisset. Tueri se poterat opibus amicorum; at abire maluit in exilium, quàm sua causa viros probos in periculum adducere. Statim domus ejus a Clodio diruta, bona publicata: atque ii sunt fluctus, quibus cum eripuisset patriam, pene ipse submersus est. Paucis post mensibus, annitente præcipue Pompeio, revocatus est, eodem quo expulsius fuerat anno, qui fuit U. C. DCXCVI. ante Christum LVIII. *Cicero*, *Plutarchus*, &c. Ac paulo post, sedatis tempestatibus, hos ad Q. Fratrem lieros scribit. *Præst.*

muni peste (15) depulsi, in nosmetipsos redundarunt, Sed tamen in his vel asperitatibus rerum, vel angustiis temporis, obsequar studiis nostris: & quantum mihi vel fraus inimicorum, vel causæ amicorum, vel respublica tribuet otii, ad scribendum potissimum conferam. Tibi vero, frater, neque hortanti deero, neque roganti. Nam neque auctoritate quisquam apud me plus valere se potest, neque voluntate.

II. At mihi repetenda est veteris cujusdam memoriz non sane satis explicata recordatio, sed, ut arbitror, apta ad id, quod requiris, ut cognoscas, quæ viri omnium eloquentissimi, clarissimique sentierint de omni ratione dicendi. Vis enim, ut mihi sæpe dixisti; quoniam quæ pueris, aut adolescentulis nobis ex commentariolis nostris (16) inchoata, ac rudia exciderunt, vix hac ætate digna, & hoc usu, quem ex causis, quas diximus, tot vantisque consecuti sumus; aliquid iisdem de rebus politius a nobis, perfectiusque proferri: solesque nonnunquam hac de re a me in disputationibus nostris dissentire, quod ego prudentissimorum (17) hominum artibus eloquentiam contineri statuam; tu autem illam ab elegantia doctrinæ segregandam putes, & in quodam ingenii atque exercitationis genere ponendam.

Ac

(15) *Peste*) Redundare vocem illam censet Lambinus, & per commune, τὸ κοινόν, quod dicunt Græci, temp. significat. Idem.

(16) *Ex commentariolis nostris*) Libros de Inventionem sub annum ætatis vicesimum Cicero scripserat, rudes & impolitos, si cum his conferantur. Porro commentarius, liber est, in quem referimus breviter aliquid memoriz causa. Idem.

(17) *Prudentissimorum*) Hoc est, doctissimorum. vel (ut Noster loquitur in sequenti sententia) eorum, qui habent *elegantiam doctrinæ*: sæpius in hoc opere doctos disertis, & *prudentiam* eloquentiæ opposuit: & hic per *prudentissimos* intelligi voluit eos, qui omnibus artibus, sc. Philosophia, jure civili, &c. instructi essent. Sic l. 1. c. 49. *Prudentia rerum magnarum magis, quam dicendi arte nititur*. Lib. 3. c. 35. *Malim equidem indiseram prudentiam, quam stultissimam loquacem*. Et l. 1. c. 14. *Sine summa rerum civilium cognitione & prudentia*. *Peæcius*,

Ac mihi quidem sæpenumero in summos homines, ac summis ingeniis præditos intuenti, querendum esse visum est, quid esset, cur plures in omnibus artibus, quam in dicendo admirabiles existissent. Nam, quocunque te animo, & cogitatione converteris, permultos excellentes in quoque genere videbis, non mediocrium artium (18), sed prope maximarum (19). Quis enim est, qui, si clarorum hominum scientiam, rerum gestarum vel utilitate vel magnitudine metiri velit, non anteponant oratori imperatorem (20)? Quis autem dubitet, quin belli duces ex hac una civitate præstantissimos pene innumerabiles (21), in dicendo autem excellentes vix paucos proferre possimus? Jam vero consilio, ac sapientia qui regere, ac gubernare rempublicam possent, multi nostra, plures patrum memoria, atque etiam majorum exstiterunt: cum boni perditum nulli, vix autem singulis (22) ætatibus singuli tolerabiles oratores invenirentur. Ac, ne quis forte cum aliis studiis, quæ reconditis in artibus, atque in qua-

A 4

dam.

(18) *Mediocrium artium*) In pictura Zeuxis, Apelles, Protogenes: in statuaria Polyclethus, Phidias, Lyfippus: alij in aliis excelluere. *Præst.*

(19) *Prope maximarum*) In arte imperatoria maximi quique duces tum Græci, tum Romani: in Mathematica, Euclides & Archimedes: in Medicis, Hippocrates, ejusque filius, Theffalus, Prodicus, Polybius, Dexippus, Hippocratis discipuli, & qui secundas ab Hippocrate tenuit, Diocles. nomen suum commendarent. De Philosophis dicetur infra. *Idem.*

(20) *Imperatorem*) Romanæ reipub. temporibus hoc nomen ducem significavit, qui rem contra hostes bene ac feliciter gereret. postea illis tributum est, qui tertium summo jure soli potirentur. *Idem.*

(21) *Pene innumerabiles*) Ut Manlios, Camillos, Fabios, Decios, Scipiones, Catones, &c. *Idem.*

(22) *Vix autem singulis*, &c.) Plurimos quidem oratores ad incendendam eloquentiæ cupiditatem enumerat in Bruto Tullius, sed adeo non excellentes, ut sub libri finem dicat, vix singulis ætatibus binos oratores laudabiles extitisse. Et vero per quingentos & quinquaginta prope annos nullus Romæ fuit orator. Primus omnium, ut ex Q. Ennio refert Cicero in Bruto, eloquens fuit, & habitus est M. Cornelius Cethegus, qui collega P. Sempronio Tuditano consulatum gessit anno U. C. DL. ante Christum CCXV. *Idem.*

dam varietate literarum versentur, magis hanc dicendi rationem, quam cum imperatoris laude, aut cum boni senatoris prudentia comparandam putet; convertat animum ad ea ipsa artium genera, circumspiciatque, qui in iis floruerint, quamque multi: sic facillime, quanta oratorum sit, semperque fuerit paucitas, judicabit.

III. Neque enim te fugit, laudatarum artium omnium procreatricem quandam, & quasi parentem eam, quam φιλοσοφίαν Græci vocant, ab hominibus doctissimis judicari; in qua difficile est enumerare (23), quot viri, quanta scientia, quantaque in suis studiis varietate, & copia fuerint: qui non una aliqua in re separatim elaborarint, sed omnia (24), quæcunque * essent, vel scientiæ per-
vestigatione, vel differendi ratione comprehenderent. Quis ignorat, ii, qui mathematici (25) vocantur, quanta in obscuritate rerum, & quam
re-

(23) *Difficile est enumerare*) Ut omittam Pythagoram, Socratem, & alios vel antiquiores, vel minus nobiles, præcipue Philosophorum sectæ fuerunt omnino decem. Academica, quæ fuit triplex, vetus Platonem habet auctorem, media Arceesium, nova Lacyden, aut ut alii volunt, Carneadem & Clitomachum. Sunt etiam qui quartam addunt Academicam, a Philone & Charmida institutam, ut refert Sextus. Cyrenaica fluxit ab Aristippo Cyrenæo, Eliaca a Phædone Eliensi, Megarica ab Euclide Megarensi, Cynica ab Antisthene Atheniensi, Eretrica a Menedemo Eretriate, Dialectica a Clitomacho Calchedonio, Peripatetica ab Aristotele Stagyrita, Stoica a Zenone Citieo, Epicurea ab Epicuro Atheniensi. Quorum omnium diversas iisdem de rebus opiniones colligere infinitum esset. Vide Clementem Alexandrinum lib. 1. Stromatum. *Idem.*

(24) *Sed omnia*) Gorgias Leontinus philosophus ad omnia, de quibus quisque audire vellet, paratum se denunciabat. Carneades item philosophus eloquentiæ præsidio quicquid vellet, vel ab invitis extorquere poterat. *Idem.*

* *Essent*) Man. Grut. *possent.*

(25) *Mathematici*) Si unam vim nominis attendamus, Mathematicus eum significat, qui doctrinam aliquam tenet; nam ἀπὸ τῆς μαθηματικῆς, a discendo dicitur; proprie tamen mathematici nomen cadit in eos, qui disciplinis Astrologiæ, Geometriæ, Arithmeticiæ, Musiciæ, &c. operam dant, quasi illæ solæ plane discantur; quippe quæ certissimis demonstrationibus innitantur, non, ut pleræque aliæ, sola opinione content, *Idem.*

recondita in arte, & multiplici, subtilique versentur? quo tamen in genere ita multi perfecti (26) homines exstiterunt, ut nemo fere studuisse ei scientiæ vehementius videatur, quin, quod voluerit, consecutus sit. Quis musicis (27), quis huic studio literarum, quod profitentur ii, qui grammatici vocantur, penitus se dedidit, quin omnem illarum artium pene infinitam vim, & materiam, scientia, & cogitatione comprehenderit? Vere mihi hoc videor esse dicturus, ex omnibus iis, qui in harum artium studiis liberalissimis sint, doctrinisque versati, minimam copiam poetarum (28) egregiorum exstitisse: atque in hoc ipso numero, in quo perraro exoritur aliquis excellens, si diligenter & ex nostrorum, & ex Græcorum copia comparare voles, multo tamen pauciores oratores, quam poetæ boni reperientur. Quod hoc etiam mirabilius debet videri, quia cæterarum artium studia fere reconditis atque abditis e fontibus hauriuntur: dicendi autem omnis ratio in medio posita, communi quodam in usu, atque in hominum more & sermone versatur; ut in cæteris id maxime excellat, quod longissime sit ab imperitorum intelligentia, sensuque disjunctum: in dicendo autem vitium vel maximum sit a vulgari genere orationis, atque a consuetudine communis sensus abhorre.

IV.

(26) *Ita multi perfecti*) Præter Euclidem & Archimedem, artis principes, inter mathematicos clauere Archytas Tarentinus, Eudoxus Gnidius, &c. *Idem*.

(27) *Quis musicis*) Cuius artis peritissimi fuere Aristoxenus cognomento Musicus, Xenophilus, Alcidamas Eliates, &c. *Idem*.

(28) *Minimam copiam poetarum*) Ante Ciceronis tempora multi quidem poetæ, sed pauci fuerunt excellentes. Et in Græciis quidem, heroici, Homerus tantum & Hesiodus; lyrici, Pindarus, Anacreon; comici, Aristophanes, Menander; tragici, Euripides & Sophocles principatum obtinuerunt. Ex Latinis autem, nonnulli Q. Ennius, heroicus & tragicus: Lucilius satyricus, Plautus, &c. Terentius, & alii pauculi nomen suum commendauerunt. *Idem*.

IV. Ac ne illud quidem vere dici potest, aut plures cæteris artibus inservire, aut majore delectatione, aut spe uberiore, aut præmiis ad perfiscendum amplioribus commoveri. Atque ut omittam Græciam, quæ semper eloquentiæ princeps esse voluit, atque illas omnium doctrinarum inventrices (29) Athenas, in quibus summa dicendi vis & inventa est, & perfecta: in hac ipsa civitate profecto nulla unquam vehementius, quam eloquentiæ studia viguerunt. Nam posteaquam, imperio omnium gentium (30) constituto, diuturnitas pacis otium confirmavit, nemo fere laudis cupidus adolescens non sibi ad dicendum studio omni enitendum putavit. Ac primo quidem totius rationis ignari (31), qui neque exercitationis ullam viam, neque aliquod præceptum artis esse arbitrarentur, tantum, quantum ingenio & cogitatione poterant, consequebantur. Post autem, auditis oratoribus Græcis, cognitisque eorum literis, adhibitisque doctõribus, incredibili quodam nostri homines dicendi studio flagraverunt. Excitabat eos magnitudo & varietas, multitudoque in omni genere causarum, ut ad eam doctrinam, quam suo quisque stu-

(29) *Omniũ doctrinarum inventrices*) Non ingenuarum modo, sed etiam illiberalium artium ferunt inventores fuisse Athenienses. *Primi lanificii, & olei, & vini usum docuerunt. Arare quoque & serere frumenta glandem vespertibus monstrarunt. Littere certe, ac facundia, & hic civilis ordo disciplina veluti templum Athenas habent.* Justinus lib. 11. cap. 6. Nihilominus ab Hebræis, Ægyptiis, & Chaldæis artes fluxisse ad Athenienses apud eruditos constat, & egregia inductione demonstrat Clemens Alexandrinus lib. 1. Stromatum. *Idem.*

(30) *Imperio omnium gentium*) Celeberrimas gentes, non tamen omnes, Romani subegere. In Oriente, Parthi semper indomiti. Septentrionem versus, ultra Albim Romanum imperium numquam extensum est: nedum atq; Ciceronis iratam fuisset toto orbe constitutum. Itaque vel hic utitur hyperbole Tullius, vel civium suorum auribus servit potius quam veritati. *Idem.*

(31) *Totius rationis ignari*) Suetonius libro de claris rhetoribus rhetoricam apud Romanos perinde ac grammaticam difficultus receptam, imo vetere senatusconsulta philosophos & rhetores ex urbe eiectiones dicit. C. Fannio Strabone, M. Valerio Messala Coss. anno U. C. DXCIV. ante Christum CLX. *Idem.*

studio affectus esset, adjungeretur usus frequens, qui omnium magistrorum præcepta superaret. Erant autem huic studio maxima, quæ nunc quoque sunt, exposita præmia, vel ad gratiam, vel ad opes, vel ad dignitatem. Ingenia (32) vero (ut multis rebus possumus judicare) nostrorum hominum multum cæteris hominibus omnium gentium præstiterunt. Quibus de causis, quis non jure miretur, ex omni memoria ætatum, temporum, civitatum, tam exiguum oratorum numerum inveniri? Sed nimirum majus est hoc quiddam, quam homines opinantur, & pluribus ex artibus studiisque collectum.

V. Quis enim aliud in maxima discantium multitudine, summa magistrorum copia, præstantissimis hominum ingeniis, infinita causarum varietate, amplissimis eloquentiæ propositis præmiis, esse causæ putet, nisi rei quandam incredibilem magnitudinem, ac difficultatem? Est enim & scientiæ comprehendenda rerum plurimarum, sine qua verborum volubilitas inanis atque irridenda est: & ipsa oratio conformanda non solum electione, sed etiam constructione verborum: & omnes animorum motus, quos hominum generi rerum natura tribuit, penitus pernoscenti, quod omnis vis ratioque dicendi, in eorum, qui audiunt, mentibus, aut sedandis, aut excitandis expromenda est. Accedat eodem oportet lepos quidam, facetiæque, & eruditio libero digna, celeritasque & brevis & respondendi, & lacessendi, subtili venustate, atque urbanitate conjuncta. Tenenda præterea est omnis antiquitas, exemplorumque vis: neque legum, aut juris civilis scientia negligenda est. Nam quid ego de actione ipsa plura dicam? quæ motu corporis, quæ

(32) Ingenia) Nihil præcepta atque artes valent, nisi adjuvante natura, inquit Fabius in præmio libri primi. Quapropter ei, cui deerit ingenium, non magis hæc de eloquentia scripta sunt, quam de agrorum cultu sterilibus sarris. Idem.

quæ gestu, quæ vultu, quæ vocis conformatione, ac varietate moderanda est: quæ sola per se ipsa quanta sit, histrionum (33) levis ars & scena (34) declarat: in qua cum omnes in oris, & vocis, & motus moderatione elaborent, quis ignorat, quam pauci sint, fuerintque, quos animo æquo inspicere possimus? Quid dicam de thesauro rerum omnium memoria, quæ nisi custos inventis, cogitatisque rebus, & verbis adhibeatur, intelligimus, omnia, etiam si præclarissima fuerint, in oratore peritura.

Quamobrem mirari desinamus, quæ causa sit eloquentium paucitatis, cum ex iis rebus universis eloquentia constet, quibus in singulis elaborare permagnum est; hortemurque potius liberos nostros, cæterosque, quorum gloria nobis & dignitas cara est, ut animo rei magnitudinem complectantur, neque iis aut præceptis, aut magistris, aut exercitationibus, quibus utuntur omnes, sed aliis quibusdam se id, quod expetunt, consequi posse confidant.

VI. Ac mea quidem sententia nemo poterit esse omni laude cumulatus orator, nisi erit omnium rerum magnarum, atque artium scientiam consecutus. Etenim ex rerum cognitione efflorescat, & redundet oportet oratio: quæ, nisi subest, res ab oratore percepta & cognita, inanem quandam habet elocutionem, & pene puerilem. Neque vero ego hoc tantum oneris imponam nostris præsertim oratoribus, in hac tanta occupatione urbis, ac vitæ,

(33) *Histrionum*) De quibus in libro 3. ad Heren. *Idem*.

(34) *Scena*) in theatro scena erat sive tentorium, sive tabernaculum, sive quæsitum frondibus umbraculum. Scenæ tragicæ, quibus ancipites principum casus exhibebantur, columnis, signis, ac regia magnificentia exornabantur pro dignitate argumenti. Comicæ privatarum ædium speciem referebant. Satyricæ mutuo nexis arboribus, montibus, speluncis, aliisque rebus agrestibus, insar topiarum operis, deformabantur. *Virruvius*. *Idem*.

tæ, nihil ut iis putem licere nescire: quanquam vis oratoris, professioque ipsa bene dicendi, hoc suscipere, ac polliceri videatur, ut omni de re (35); quæcunque sit proposita, ab eo ornate, copioseque dicatur. Sed quia non dubito, quin hoc plerisque immensum, infinitumque videatur, & quod Græcos homines non solum ingenio, & doctrina, sed etiam otio, studioque abundantes, partitionem quandam artium fecisse video, neque in universo genere singulos elaborasse, sed seposuisse a cæteris dictionibus eam partem dicendi, quæ in forensibus disputationibus iudiciorum, aut deliberationum versaretur, & id unum genus oratori reliquisse; non complectar in his libris amplius, quam quod huic generi, re quæsitæ, & multum disputatæ, summorum hominum prope consensu est tributum: repetamque non ab incunabulis nostræ veteris puerilisque doctrinæ quendam ordinem præceptorum, sed ea, quæ quondam accepi in nostrorum hominum eloquentissimorum, & omni dignitate principum, disputatione esse versata: non quod illa contempnam, quæ Græci, dicendi artifices, & doctores reliquerunt; sed cum illa pateant, in promptuque sint omnibus, neque ea interpretatione mea aut ornatiùs explicari, aut planius exprimi possint, dabis hanc veniam, mi frater, ut opinor, ut eorum, quibus summa dicendi laus a nostris hominibus concessa est, auctoritatem Græcis anteponam.

VII. Cum igitur vehementius inveheretur (36)
in

(35) *Omni de re*) Quod Gorgias Leontinus, alique nonnulli sophistæ Græci facere se posse iactabant. *Idem.*

(36) *Cum igitur vehementius inveheretur*) C. Sempronius Gracchus, tribunus plebis, anno U. C. DCXXXII. legem tulit, qua iudicia publica a senatu, penes quem a regum tempore fuerant, quasi ab his non satis caste exercerentur, transferrentur ad equites Romanos. Verum cum in iis non satis integra fide versarentur equites, ea rursus sibi vindicare conati sunt tenatores anno U. C. DCLXIII. adnitente in primis M. Livio Druso, tribuno.

in causam principum consul Philippus ; Drusique tribunatus pro senatus auctoritate susceptus, infringi jam, ac debilitari videretur : dici memini, ludorum Romanorum (37) diebus L. Crassum (38), quasi colligendi sui causa ; se in Tusculanum (39) contulisse : Venisse eodem, socer ejus (40) qui fuerat, Quintus Mucius (41) dicebatur, & M. An.

homo plebis, qui populum perniciofa spe largitionis ; socios Italiae populos, promissa ipsis civitate, in equestrem ordinem concitavit, ac demum legem tulit, ut aequa ex parte judicia penes senatum & equestrem ordinem essent, sive trecentos equites & totidem senatores. Eam quod rem tota graviter Italia turbatum est ; maxime a sociis populis, qui cum promissum a Druso ius civitatis non obtinere, bellum sociale seu Italicum conflagraverunt. Drusus in senatu ut caput maiorem accusatus, cum domum inde se reciperet, inter turbam, incerto auctore, cultro vulneratus, in atrio corruit, ac paulo post obiit. Philippus tum erat consul, tam senatus ac Druso infensus, quam addictus equitibus ; a quibus exerceri iudicia volebat. *Velleius, Livius, Florus, Appianus, &c. Præfatus.*

(37) *Ludorum Romanorum*) Ludos Romanos, qui & Magni appellati sunt, ex Latinorum, quos domuerat, manubiis instituit Tarquinius Priscus anno U. C. cl. ante Christum DCIV. Edebantur singulis annis a pridie nonas Septembris ad pridie idus ; a quarto nimirum ad duodecesimum Septembris diem, quo tempore civilibus occupationibus vacabant. *Livius &c. Præfatus.*

(38) *L. Crassum*) L. Licinius Crassus, celeberrimus orator, præcipuas in his dialogis partes agit. Natus est, ut ex Ciceronis Bruto patet, C. Lælio & Q. Cæpionæ Coss. sive anno U. C. DXCIV. Qua morte defunctus fuerit, fusc refert Tullius sub initium libri tertii de Oratore, cap. 2. *Idem.*

(39) *In Tusculanum*) Quod in Tusculano agro aliquot post annis Ciceronis prædium fuit, nunc est insigne monachorum cænobium, diciturque *Grotta Ferrata* ; Tusculum autem est *Frascati*. *Præfatus.*

(40) *Socer ejus (qui fuerit Q. Mucius)* Ita manuscripti Mag. Mead. Conv. & Harl. duo : nec inusitatum est Nostro post vocem qui uti subiunctivo modo. Vulgatum fuerat parum placeat, tunc enim temporis, cum Mucius ad Crassi Tusculanum venerit, tam socer fuit Crassi quam antea : Crassumque postea appellat generum suum in c. 9. *Pearcius.*

(41) *Q. Mucius*) Q. Mucius Scaevola, Q. Scaevolæ consultus anno DLXXX. filius, C. Lælii gener, in Stoica disciplina, jurisque scientia, & omni literarum genere versatissimus. Ad quem audiendum a patre deductus est Cicero sumpta virili toga. Augur fuit anno U. C. DCXXI. Observent eruditi eum cum Q. Mucio pontifice, ad quem, hoc Q. Mucio augure mortuo, se conferebat Tullius, minime confundendum esse. *Præfatus.*

Antonius (42), homo & consiliorum in republica socius, & summa cum Crasso familiaritate conjunctus. Exierant autem cum ipso Crasso, adolescentes duo, & Drusi maxime familiares, & in quibus magnam tum spem majores natu dignitatis suae collocarant; C. Cotta (43), qui tum tribunatum plebis petebat, & P. Sulpicius (44), qui deinceps eum magistratum petiturus putabatur.

Hi primo die de temporibus illis, deque universa republica, quam ob causam venerant, multum inter se usque ad extremum tempus diei collocuti sunt. Quo quidem in sermone multa divinitus a tribus illis consularibus Cotta deplorata, & commemorata narrabat; ut nihil incidisset postea civitati mali, quod non impendere illi tanto ante vidissent. Eo autem omni sermone confecto, tantam in Crasso humanitatem fuisse, ut, cum laeti accubissent (45), tolleretur omnis illa superioris tristitia sermonis: eaque esset in homine jucunditas, & tantus in jocando lepos, ut dies inter eos curiae fuisse videtur, convivium Tusculani.

Postero autem die, cum illi majores natu factis

(42) *M. Antonius*) Orator eximius, natus cons. Appio Pulchro & Q. Cæcilio anno U. C. DCXI. de quo plura subinde his in libris occurrunt, & præcipue in Bruto cap. 37. De ejus morte vide lib. 3. de Orat. cap. 3. *Idem*.

(43) *C. Cotta*) C. Aurelius Cotta dicendi laude præstans his temporibus petiit tribunatum, & obtinuit, a quo post Crassi mortem per invidiam depulsus, imò civitate deinde ejectus est. *Appian. &c.* Postea tamen consularum gessit anno U. C. DCLXXIV. Cum illi decretus esset triumphus, mortuus est ante diem triumphi, ut refert Asconius in notis ad Pisonianam, cum cicatrix vulneris ejus, quod ante plures annos acceperat, rescissa esset repente. De quo plurima inferius, & in Bruto cap. 55. *Idem*.

(44) *P. Sulpicius*) Cujus in Bruto Tullius dicendi characterem describit, & sub initium lib. 3. de Oratore funestam mortem deplorat. *Idem*.

(45) *Cum laeti accubissent*) Solemnis ille mos fuit Romanorum, a nostro maxime discrepans, in lectulis mensæ acumbere. Prius tamen ad sudorem abstergendum, cum vestibus

tis (46) quiescent, & in ambulationem ventum esset; dicebat tum Scævola duobus spatiis tribusve factis, dixisse, Cur non imitamur (47), Crasse, Socratem illum, qui est in Phædro (48) Platonis? Nam me hæc tua platanus admonuit; quæ non minus ad opacandum hunc locum patulis est diffusa ramis, quam illa, cujus umbram secutus est Socrates, quæ mihi videretur non tam ipsa aquula, quæ describitur, quam Platonis oratione crevisse: & quod ille durissimis pedibus fecit, ut se abjiceret in herbam, atque ita illa, quæ philosophi divinitus ferunt esse dicta, loqueretur, id meis pedibus certe concedi est æquius. Tum Crassum, Immo vero commodius etiam; pulvinosque (49) poposcisse, & omnes in iis sedibus, quæ erant sub platano, consedissee dicebat.

VIII. Ibi, ut ex pristino sermone (50) relaxarentur animi omnium, solebat Cotta narrare, Crassum sermonem quendam de studio dicendi intulisse. Qui cum ita esset exorsus: Non sibi cohortandum Sulpicium & Cottam, sed magis utrumque collaudandum videri, quod tantam jam essent facultatem adepti, ut non æqualibus suis solum anteponerentur, sed cum majoribus natu compararentur. Neque vero mihi quidquam, inquit, præ-

sta-

lineis non uterentur, balneum petebant. Quadrans erat pretium in publicis balneis dari solitum. *Præf.*

(46) *Quiessent*) Viêt. Man. *quiescent*, in ambulationem ventum esse dicebat: tum

(47) *Cur non imitamur*) Apud Platonem in dialogo, qui Phædrus inscribitur, Socrates ad Ilissum, Atticæ fluvium, molli-ter in herba recumbens, sub alta & patulis diffusa ramis platano, multa disserit. *Idem.*

(48) *Phædro*) Phædrus, dialogus Platonis, in quo Socratem de divina pulchritudine, de dignitate animorum, &c. disputantem inducit, Phædro's Græcis pulcher est. *Idem.*

(49) *Pulvinosque*) Qui sacculi sunt, lana vel tomento farti, quibus ad sedendum mollius, vel ad genua commodius ponenda utimur. *Idem.*

(50) *Ex pristino sermone*) In quo de publicis calamitatibus collocuti fuerant non sine dolore. *Idem.*

stabilius videtur, quam posse dicendo tenere hominum coetus, mentes allicere, voluntates impellere quo velis: unde autem velis, deducere. Hæc una res in omni libero populo, maximeque in pacatis, tranquillisque civitatibus, præcipue semper floruit, semperque dominata est. Quid enim est aut tam admirabile, quam ex infinita multitudine hominum existere unum, qui id, quod omnibus (51) natura sit datum, vel solus, vel cum paucis facere possit? aut tam jucundum cognitu atque auditu, quam sapientibus sententiis gravibusque verbis ornata oratio, & perpolita? aut tam potens, tamque magnificentum, quam populi motus, judicum religiones, senatus gravitatem, unius oratione converti? Quid porro tam regium, tam liberale, tam munificum, quam opem ferre supplicibus, excitare afflictos, dare salutem, liberare periculis, retinere homines in civitate? Quid autem tam necessarium, quam tenere semper arma, quibus vel tectus ipse esse possis, vel provocare improbos, vel te ulcisci laceffitus (52)?

Age vero, ne semper forum, subsellia (53),

De Orat.

B

ro-

(51) *Quod omnibus*) Nempe a natura datum omnibus animi sensa dicendo exprimere: quod pauci recte faciunt. *Idem.*

(52) *Vel te ulcisci laceffitus*) De ultione aliud alii veterum sensere. Damnarunt, Seneca lib. 11. de ira cap. 32. Dion apud Plutarchum, & Juvenalis: imo Maximus Tyrius dicit eum, qui se ulciscitur, iniquiorem eo, qui prior nocuit: ὁ τιμῶν τὴν προπάρχοντος ἀδικώτερος. Approbavit Aristoteles lib. 1v. de moribus ad Nicomachum c. 21. Δυσκὶ γὰρ ἢ ἀσθάνεσθαι ἢ ἐλυσκῆσθαι, μὴ ὀργιζόμενός τε ἢ ἐν ἀναισθητοῦσι. Τὸ δὲ προπληκίζόμενον ἀνέχεσθαι, ἀνδραποδῶδες. Qui sic affectus est, videtur & sensus & doloris expertus, & cum non irascatur, ultionem negligere. *Servile autem, si consumeliose traheris, id tolerare.* Cui opinioni videtur accedere Tullius in Antonium: sic ulciscer facinora singula, quemadmodum a quibusque sum provocatus. *Idem.*

(53) *Forum, subsellia, &c.*) In foro jus dicebant prætores, & iudices ab iis dati: unde causæ forenses appellabantur. *Subsellia* esse tribunorum, triumvirorum, quæstorum, & aliorum minora judicia exercentium scribit Aconius. *Rostra*, locus erat,

rostra, curiamque meditare, quid esse potest in otio aut jucundius, aut magis proprium humanitatis, quam sermo facetus, ac nulla in re rudis? Hoc enim uno præstamus vel maxime feris, quod colloquimur inter nos, & quod exprimere dicendo sensa possumus. Quamobrem quis hoc non jure miretur, summeque in eo elaborandum esse arbitretur, ut, quo uno homines maxime bestiis præsent, in hoc hominibus ipsis antecellat? Ut vero jam ad illa summa veniamus; quæ vis alia potuit (54) aut dispersos homines unum in locum congregare, aut a fera, agrestique vita ad hunc humanum cultum, civilemque deducere, aut jam constitutis civitatibus, leges, judicia (55), jura describere?

Ac, ne plura, quæ sunt pene innumerabilia, confectet, comprehendam brevi; sic enim statuo, perfecti oratoris moderatione, & sapientia non solum ipsius dignitatem, sed & privatorum plurimorum, & universæ reipublicæ salutem maxime contineri. Quamobrem pergite, ut facitis, adolescentes: atque in id studium in quo estis, incumbite, ut & vobis honori, & amicis utilitati, & reipublicæ emolumento esse possitis.

IX. Tum Scævola comiter, ut solebat, Cætera, inquit, assentior Crasso, ne aut de C. Lælii (56),

erat, ex quo dicebant oratores ad populum, Curia, ubi senatores & principes civitatis de rep. administranda inter se agebant. Idem.

(54) *Quæ vis alia potuit*) Has laudes Tullius lib. v. Tusculan. Quæst. philosophiæ, poetæ arti suæ tribuunt. Idem.

(55) *Leges, judicia, &c.*) Tullius lib. II. de Legibus, legum originem ad deum refert: *Hanc igitur, inquit, video sapientissimorum fuisse sententiam, legem neque hominum ingenii excogitatam, neque scitum aliquod esse populorum, sed æternum quiddam, quod universum mundum regeret imperandi prohibendique sapientia.* Sane multi legislatores nulla dicendi laude floruerunt: ut facile quis intelligat Crassum hic oratoribus plus æquo tribuere. De legum initiis consule notas in lib. 3. de Orat. cap. 29. Idem.

(56) *C. Lælii*) C. Lælius, de quo pluribus differit Tullius in Bruto, Sapiens vulgo appellatus, ingenio, doctrina, Poesi, & elo-

foceri mei, aut de hujus generi, aut arte, aut gloria detraham: sed illa duo, Crasse, vereor, ut tibi possim concedere. Unum, quod ab oratoribus civitates & ab initio constitutas, & sæpe conservatas esse dixisti. Alterum, quod, remoto foro, concione, judiciis, senatu, statuisti, oratorem in omni genere sermonis, & humanitatis esse perfectum.

Quis enim tibi hoc concesserit, aut initio genus hominum in montibus ac silvis dissipatum, non prudentium consiliis compulsam potius, quam disertorum oratione delinitum, se oppidis, mœnibusque sepsisse? aut vero reliquas utilitates, aut instituendis, aut conservandis civitatibus, non a sapientibus & fortibus viris, sed a disertis, & ornate dicentibus esse constitutas? An vero tibi Romulus (57) ille aut pastores & convenas congregasse, aut Sabinorum connubia conjunxisse (58), aut finitimorum vim repressisse eloquentia videtur, non consilio, & sapientia singulari? Quid? in Numa Pompilio (59); quid? in Ser. Tul-

B 2

lo

& eloquentia clarus; a quo Terentium ipsum in scribendis comœdiis adjutum refert Suetonius; ad amplissimos honores aditum sibi fecit, Africani Æmiliani amicitiam consecutus. Nec minus bellica virtute inclaruit: prætor Viriathi Lusitani ferociam repressit anno U. C. DCIX. ante Christum CXLV. Ac nisi fraus obstitisset Q. Pompeji competitoris gessisset consulatum anno U. C. DCXIII. ante Christum CXXI. *Idem.*

(57) *Romulus*) Primus Romanorum rex, natus est, auctore Dionysio, anno II. Olympiadis II. ante Christum DCCLXXI. Anno post decimo octavo, Romam condidit. Propter impotentiam odiosus, a partibus, ut creditur, discerptus obiit anno regni & U. C. XXXVIII. ante Christum DCCXVI. *Dionysius, Livius, Plutarchus, &c. Idem.*

(58) *Sabinorum connubia conjunxisse*) Sabinorum puellas per ludorum occasionem anno regni quarto Romulus rapuit, ex quo grave bellum exarsit. Sabini porro populi sunt Italiae inter Umbriam & Latium. *Idem.*

(59) *Numa Pompilio*) Is fuit rex secundus, qui Romanos bello ferociore ad humaniorem vitam superstitiosa religionis specie transtulit. Regnum, quod XLIII. annos tenuit, auspicatus est annis ante Christum DCCXIV. *Livius, &c. Idem.*

lo (60), quid? in cæteris regibus (61), quorum multa sunt eximia ad constituendam rempublicam, num quod eloquentiæ vestigium apparet? Quid, exactis regibus (62), (tamen si ipsam exactiorem mente, non lingua, perfectam: L. Bruti esse cernimus) sed deinceps omnia, nonne plena consiliorum, inania verborum videmus? Ego vero si velim & nostræ civitatis exemplis uti, & aliarum, plura proferre, possim detrimenta publicis rebus, quam adjumenta per homines eloquentissimos importata: sed, ut reliqua prætermittam, omnium mihi videor, exceptis, Crasse, vobis duobus, eloquentissimos audisse Tib. & C. Sempronios (63), quorum pater (64), homo prudens, & gravis, haudquaquam eloquens, & sæpe alias, & maxime censor, salutis reipublicæ fuit. Atque
is

(60) *Ser. Tullo*) Qui sextus Romanorum rex, instituto censu, populo in classes distributo, urbe amplificata, ac regno summa virtute per annos XLIV. administrato, generi sui ac filię crudeli parricidio petiit anno U. C. CCXIX. ante Christum DXXXV. *Livius, &c. Idem.*

(61) *Cæteris regibus*) Tull. Hostilio, Anco Martio, & Tarquinio Prisco. *Idem.*

(62) *Exactis regibus*) Tarquinius Superbus, septimus Romanorum rex, lonæ sceleratissimus, cum Lucretiæ stuprum intulisset, communi populi consensu Roma ejectus est; & cum eo simul regium nomen sublatum est exeunte anno U. C. CCXLIV. ante Christum DIX. Regifugium VI. Kalendas Martii in Kalendario Romano notatur. Ex quo tempore regibus suffecti sunt consules, qui bini quotannis ad remp. regendam eligerentur. Primi fuere L. Junius Brutus, & L. Tarquinius Collatinus. *Idem.*

(63) *Ti. & C. Sempronios*) De quibus vide in Bruto. *Idem.*

(64) *Quorum pater*) Tiberius scilicet Sempronius, qui Corneliam Scipionis Africani majoris filiam duxit uxorem. Bis triumphavit, primum de Celtiberis, deinde de Sardinis bis consul, & anno U. C. DLXXVII. & anno DXCII. libertinos, qui per omnes antea tribus erant sparsi, transtulit, ac redegit in urbanas tribus, quæ quatuor tantum erant, & rusticis postponabantur; quemadmodum ex Varrone colligitur lib. II. de re rustica, ut minus valerent in suffragiis ferendis, neque in eorum manu essent comitia, ut ait Livius; idque ille non erudita, & ad amussim elaborata oratione perfecit, sed imperio, ac paucis verbis. *Idem.*

is non accurata quadam orationis copia, sed nutu atque verbo libertinos in urbanas tribus (65) transfudit; quod nisi fecisset, rempublicam, quam nunc vix tenemus, jamdiu nullam haberemus (66). At vero ejus filii disertissimi, & omnibus vel naturæ vel doctrinæ præfidiis ad dicendum parati, cum civitatem vel paterno consilio, vel avitis armis (67) florentissimam accepissent, ista præclara gubernatrice; ut ais, civitatum, eloquentia rempublicam dissipaverunt (68).

X. Quid? leges veteres, moresque majorum: quid? auspicia (69), quibus, & ego, & tu, Crasse, cum magna reipublicæ salute præsumus (70): quid? religiones & cæremoniæ: quid? hæc jura civilia, quæ jampridem in nostra familia (71) sine ulla eloquentiæ laude versantur, num aut inventa sunt, aut cognita, aut omnino ab oratorum genere tractata? Equidem & Ser.

B 3

Gal-

(65) *In urbanas tribus*) Populum Romanum, ut tradit Dionysius Halicarnassensis, Romulus in tres partes divisit, quas tribus appellavit. Tribus prioribus totidem addidit Tarquinius Priscus. Ab hac opinione dissentit Livius, & urbem a Romulo quatuor in partes divisam, tribusque a tributo solvendo distas existimat. Cæterum adeo tribuum numerus excreverat, ut Ciceronis ætate triginta quinque recenserentur. Urbanas tribus quatuor numerat Plinius, Suburranam, Palatinam, Collinam, & Exquilinam. *Idem*.

(66) *Rempub. nullam haberemus*) Quia libertini comitia, & suffragia pro arbitrio moderantes omnia perturbassent in eligendis magistratibus. *Idem*.

(67) *Avitis armis*) Virtute bellica, & victoriis avi materni Scipionis. *Idem*.

(68) *Remp. dissipaverunt*) Latis agrariis legibus: quam ob causam, orta seditione, ambo cæsi sunt. *Idem*.

(69) *Auspicia*) Certe quædam conjecturæ ad res majoris momenti vel faciendas, vel omittendas apud Romanos ab avium cantu, volatu, & pailu, interdum e cælo ipso peti solitæ, quibus conjecturis & signis deorum voluntatem cognoscere se confidebant. Romani ab Etruscis auspicia habuere. *Idem*.

(70) *Quibus præsumus*) Erant enim in augurum numero: augures autem curam auspiciorum gerebant. *Idem*.

(71) *In nostra familia*) Scævolarum familia scientia juris floruit. *Idem*.

Galbam (72) memoria teneo, divinum hominem in dicendo, & M. Æmilium Porcinam, & C. ipsum Carbonem, quem tu adolescentulus perculisti (73), ignarum legum, hæsitantem in majorum institutis, rudem in jure civili: & hæc ætas nostra, præter te, Crasse, qui tuo magis studio, quam proprio munere aliquo disertorum, jus a nobis civile didicisti, quod interdum pudeat, juris ignara est.

Quod vero in extrema oratione, quasi tuo jure, sumpsisti, oratorem in omnis sermonis disputatione copiosissime posse versari, id, nisi hic in tuo regno essemus, non tulissem, multisque præfessum, qui aut interdicto tecum contenderent (74), aut te ex jure manum confertum (75) vocarent, quod in alienas possessiones tam temere irruisses. Agerent enim tecum lege primum Pythagorei (76) omnes, atque Democriti-

ci

(72) *Ser. Galbam*) De quo, perinde atque Æmilio Porcina, & Cn. Carbone, vide in Bruto. *Idem*.

(73) *Perculisti*) Id est, evertisti, seu deiecisti. Simile est illud lib. 11. c. 70. Scipionis illius, qui Tib. Gracchum perculit. *Peavcius*.

(74) *Interdicto tecum contenderent*) Interdictum, prætoris est edictum quo jubet aliquid vel fieri, vel omitti. Sententia est: Multi litem tibi intenderent, & lege, ac prætoris edicto tecum agerent, quod eam rem, quæ pertinet ad alias artes, nimirum in omni disputatione copiose versari, tanquam oratori propriam, vindices illi, ac tribuas. *Prusteus*.

(75) *Ex jure manum* (alii, *manus*) *confertum*) Manum conferere est proprie in prælio venire ad manus. Transfertur autem a militiæ certaminibus ad fori contentiones. Scilicet petitor, & is a quo petebatur, dicto die, in agrum litigiosum conveniebant, simulatoque conflictu, quasi per vim expellebatur ex agro petitor: hic deinde ad prætorem appellabat de vi, ac petebat ut sua sibi restituerentur. De hac locutione plura Gellius lib. 22. cap. 10. *Manu pro manus* dicitur, expuncta more veterum *s: confertum* in supino a *confero*, quod est committo. Cæterum hujus loci sententia est: Multi repeterent ac restitui postularent, adhibita solemnī juris formula, rem a te contra jus fasque occupatam. *Idem*.

(76) *Pythagorei*) Philosophi, quorum dux Pythagoras. Hic autem ex insula Samo oriundus post diuturnas peregrinationes Crotona confedit, in ea Italiæ parte, quæ Magna Græcia appellata

ci (77), * ceterique in suo genere physici, vindicarentque ornati homines in dicendo & graves, quibuscum tibi iusto sacramento (78) contendere non liceret. Urgerent præterea philosophorum greges, jam ab illo fonte & capite Socrate, nihil te de bonis rebus in vita, nihil de malis, nihil de animi permotionibus, nihil de hominum moribus, nihil de ratione vitæ didicisse, nihil omnino quæsisse, nihil scire convincerent: &, cum universi in te impetum fecissent, tum singulæ familiæ li-

B 4

tem

lata est, ibique in: redibili concursu docuit. Quinquenne silentium, quod aliquando contraxit ad biennium, exigebat a discipulis, quibus nunquam licuit cum extraneis, hoc est non Pythagoricis de his, quæ didicissent, loqui. Docuit *μετεωρολογίαν*, cælum & stellas stare, terram moveri credidit, ut ex Plutarcho colligimus. Philosophum se primus appellavit, cum prius rerum naturalium interpretes Sophorum, sive sapientum nomen sibi arrogarent, atque ut cecinit Ovidius xv. Metamorph.

Mente deos adiit, & quæ natura negavit

Visionibus humanis, oculis ea pectoris hausit.

Claruit, ut auctor est Diogenes Laërtius, Olympiade LX. annis ante Christum DXL. Idem.

(77) *Democritici*) Philosophi, quorum caput Democritus. Is autem patria Abderites risu solebat humanos omnes casus excipere. Censuit atomos rerum omnium esse primordia; quam opinionem Gassendus hac ætate ingeniosissime illustravit. Democritus an oculis se privaverit, ut quam minime animus a cogitationibus abduceretur, ambigit Cicero libro V. de Finibus; Plutarchus libro de curiositate falsum, Gellius lib. X. c. 18. verum existimat. Ætatis annum CIX. cum attigisset, sine ullo doloris sensu vita functus est, ut ex Hipparcho refert in ejus vita Diogenes. Idem.

* *Ceterique*) Lamb. *ceterique suo jure physici vindicarent, ornati*

(78) *Iusto Sacramento*) *Sacramentum iuris penis erat, simile sponsionis.* Varro. Et qui petebat, & qui inficiabatur, de aliis rebus utrique quingentos æris apud Pontificem deponebant, de aliis item rebus certum numerum assium. Qui iudicio autem vicerat, suum sacramentum a sacro auferbat, victi ad ærarium redibant. Sacramentum dixit pecuniam lite depositam apud Pontificem. Decepti sunt qui legerunt hic *apud pontem*, non *apud Pontificem*. Sensus est igitur: Philosophi disciplinarum possessione dejecti, tecum interdicto contenderent, quemadmodum ii qui ab æro deiectioni sunt: aut vindiciarum litem tibi intenderent, & disciplinas suas adferrent: aut iure possent agere tecum, & deposita pecunia contendere. *Syrabeus.*

tem tibi intenderent. Instaret Academia (79), quæ, quidquid dixisses, id te ipsum scire negaret. Stoici (80) vero nostri disputationum, suarum atque interrogationum laqueis te irretitum tenerent. Peripaterici autem etiam hæc ipsa, quæ propria oratorum putas esse adjumenta, atque ornamenta dicendi, ab se peti vincerent oportere: ac non solum meliora, sed etiam multo plura Aristotelem, Theophrastumque de his rebus, quam omnes dicendi magistros scripsisse ostenderent. Missos facio mathematicos, grammaticos, musicos, quorum artibus vestra ista dicendi vis ne minima quidem societate conjungitur. Quamobrem ista tanta, tamque multa, profitenda, Crasse, non censeo. Satis id est magnum, quod potes præstare, ut in judiciis ea causa, quamcumque tu dicis, melior & probabilior esse videatur: ut in concionibus, ut in sententiis dicendis ad persuadendum tua plurimum valeat oratio: denique ut prudentibus diserte, stultis etiam vere dicere videaris. Hoc amplius si quid poteris, non id mihi videbitur orator, sed Crassus sua quadam propria, non communi oratorum facultate posse.

XI. Tum ille, Non sum, inquit, nescius, Scævola, ista inter Græcos dici, & disceptari solere. Audivi enim summos homines, cum quæstor (81) ex Macedonia (82) venissem Athenas, florente Aca-

(79) *Academia*) Locus prope Athenas, ubi maximo discipulorum concursu philosophiam docuit Plato, cujus affectæ inde Academicæ sunt appellati. *Prust.*

(80) *Stoici*) Nomen habuere ἀπὸ τῆς σῶφης, a porticu, quo ad disputandum convenire solebant. Cujus sectæ fuit auctor Zeno Citieus e Cyprio. *Idem.*

(81) *Quæstor*) Hic apud Romanos magistratus publicæ pecuniæ in aliqua provincia curam gerebat. Quæstura Crassi incidit in annum U. C. DXLIII. ante Christum CXI. *Idem.*

(82) *Macedonia*) Græciæ regio celebris, quæ ad septentrionem & orientem maxime vergit. Prius Emathia & Pzonia. *Idem.*

Academia, ut temporibus illis ferebatur, quod eam Charmadas (85), & Clitomachus (86), & ÆL-

(85) *Charmadas*) Vulgo pro *Charmadas* legimus *Carneades*, male omnino: hic enim Crassus dicit se Quæstorem, postea vero Antonius se Proconsulem, vidisse *Carneadem*, contra auctoritatem veterum Scriptorum. Laetius enim ex Apollodoro scribit *Carneadem* mortuum esse (Olymp. CLXII. ann. 4.) anno U. C. 625. Crassus vero Quæstor fuit an. U. C. 643. & Antonius Proconsul anno U. C. 652. Immo Cicero ipse in Acad. Quæst. dicit *Carneadis* legationem incidisse in an. U. C. 599. Si igitur Crassus Quæstor vidit *Carneadem*, *Carneades* post legationem vixit annos 44. & si Antonius Proconsul eum vidit, vixit annos 53. post legationem: quod verisimile non videtur. Sed ulterius ex ipso Cicerone probaturus sum, neque Crassum, neque Antonium vidisse *Carneadem*. Primo, in lib. III. cap. 18. Crassus dicit, *cujus (Carneadis) etsi ego multos auditores cognovi Athenis &c.* Ex quo loco colligo Crassum non vidisse *Carneadem*: quia si eum vidisset, non foceri, aut Metelli usus esset iudicio, sed suo. Porro dicit ibi Crassus Metellum adolescentem fuisse, eum audiret *Carneadem affectum aetate*: Metellus vero Consul fuit an. 645, ergo non credibile est *Carneadem* vixisse usque ad Quæsituram Crassi, hoc est, pene ad consulatum Metelli, multo autem minus ad Proconsulatum Antonii. Secundo, in l. 2. c. 37. itemque in hoc ipso loco non de homine, quem novit, Crassus loquitur, sed dicit *hominem, ut ferebant*, &c. Tercio, ut se habet vulgata lectio, *Carneades Carneadis* auditor fuit, quo quid ineptius? His rationibus adductus vulgatam lectionem rejicio. Cur autem *Carmidas* reposui, paucis sciat Lector. 1. Mss. Cant. habet *Carneades*, Bod. *Carniadas* (quæ vox si punctum literæ i tollas, est *Carmadas*), Mss. vero Joan. & Harl. 1. habent *Charmadas* in hoc loco, & tribus sequentibus, de quibus mox dicturus sum. 2. In Oratore c. 16. cum dicitur, *scitum est enim, quod Carneades dicere solebat, Clitomachum eadem dicere*, *Carneadem eodem etiam modo dicere*; nonnulli, quos vidi, Mss. habent ibi *Charmadam*, poscente etiam sensu. Patet idem ex l. 2. c. 88. ubi, Jonsio primum notante & Gronovio approbante, pro *Carneadem* jam legimus *Charmadam*, testimonio Plinii & auctoritate Mss. 3. Sextus Empiricus non semel dicit *Charmadam* (vel *Charniadem*) Academicum fuisse, & Academicæ principem. 4. Idem scriptis mandavit disputationem quandam *Charmade*, in qua Academicus iste probat Rhetoricam non esse artem, & Rhetores exagitat, quæ omnia Sex. Empirici testimonia huic loco optime conveniunt. Utile fore credidi hunc locum luculentis argumentis explicare, qui Petavio, Stanlejo nostro, aliisque Chronologiam docentibus, magnas olim turbas excitaverit. *Pearcius*. Vide in eandem sententiam, Henrici *Valesii* Eminent. l. 29.

(86) *Clitomachus*) Carthagenensis philosophus, *Carneadem* audivit, eique successit. Tribus in sectis versatus est, Academicæ, Peripatetica, & Stoica, *Diogenes*. Prust.

& Æschines (87) obtinebant . Erat etiam Metrodorus (88), qui cum illis una ipsum illum Carneadem diligentius audierat , hominem omnium in dicendo , ut ferebant , acerrimum , & copiosissimum . Vigebat auditor Panætii (89) illius tui Mnesarchus (90); & Peripatetici Critolaus & Diodorus (1). Multi erant præterea præclari in philosophia , & nobiles , a quibus omnibus una pene repelli voce oratorem a gubernaculis civitatum , excludi ab omni doctrina , rerumque majorum scientia , ac tantum in judicia & concinnulas , tanquam in aliquod pistrinum (2), detrudi , & compingi videbam . Sed ego neque illis assentiebar , neque harum disputationum inventori , & principi longe omnium in dicendo gravissimo , & eloquentissimo , Platoni (3), cujus tum Athe-

(87) *Æschines*) Longe alius ab Æschine Socratico , & ab eo rhetore , qui Demosthenis æmulus fuit . Fortasse Neapolitanus ille philosophus Academicus , cujus meminit Laertius , aut Mitylenæus , quem rhetoromalliga appellabant . *Idem* .

(88) *Metrodorus*) Carneadis auditor , philosophus illustris , & arte pingendi clarus . *Idem* .

(89) *Panætii*) Panætius philosophus Stoicus , Rhodius , Scipionis Africani præceptor elegantes de officiis libros conscripsit , eumque eodem in argumento Cicero secutus est . Floruit ducentis circiter ante Christum annis , & Athenis obiit . *Idem* .

(90) *Mnesarchus*) Panætii discipulus Stoicorum sectam secutus est . *Idem* .

(1) *Peripatetici Critolaus & Diodorus*) Ita vulgati omnes . Sed , *Peripatetici Critolai Diodorus* , est lectio Mss. duorum Pall. & trium Gulielmii , nec non Joan. Mag. & Harl. duorum : testaturque Cicero de Fin. l. 5. c. 5. *Diodorum* fuisse auditorem *Critolai* . Porro , ea argumenta , quibus probavi *Carneadem* ad *Quæsturam* Crassi non vixisse , satis docebunt ne *Critolaum* quidem in Crassi *Quæstura* viguisse ; quod tamen præ se fert vulgata lectio , & *Peripatetici Critolaus & Diodorus* . Pearce . *Critolaus* is est qui cum *Carneade* & *Diogene* Stoico Romam legatus fuit ab Atheniensibus anno U. C. ut censet Tullius DXCIX. ante Christum CLV. *Diodorus* Indolentiam honestati adjuugebat ad beatitudinem , ut alibi Cicero tradit . *Pruff* .

(2) *In aliquod pistrinum*) Ducta a servis metaphora , quorum nequissimos in pistrinum supplicii causa compingebant . *Pruff* .

(3) *Platoni*) Plato divinus ille philosophus , quem ex æria mente susceptum a patre ferunt , cujus in cunis parvulo dormien-

Athenis diligentius legi cum Charmada Gorgiam (4): quo in libro, hoc maxime admirabar Platonem, quod mihi in oratoribus irridendis ipse esse orator summus videbatur. Verbi enim controversia (5) jamdiu torquet Græculos homines contentionis cupidiores quam veritatis. Nam si quis hunc statuit esse oratorem, qui tantummodo in jure, aut in judiciis possit, aut apud populum, aut in senatu copiose loqui, tamen huic ipsi multa tribuat, & concedat necesse est. Neque enim sine multa pertractatione omnium rerum publicarum (6), neque sine legum, morum, juris scientia, neque natura hominum incognita, ac moribus, in his ipsis rebus satis callide versari, & perite potest. Qui autem hæc cognoverit, sine quibus ne illa quidem minima in causis quisquam recte tueri potest, quid huic abesse poterit de maximarum rerum scientia? Sin oratoris nihil vis esse, nisi

com-

ti apes in labellis dicuntur confedisse, singularis in dicendo suavitatis præfagium; natus est Athenis anno primo Olympiadis LXXXIII. ante Christum CCCXXVIII. Socrati primum annos septem operam dedit: tum longinquis in peregrinationibus alios alibi audivit. Reversus in patriam Aristotelem habuit discipulum. Obiit ætatis anno LXXXVI. Lærtius, &c. Idem.

(4) *Gorgiam*) Gorgias Platonis dialogus, in quo rationem ejocet, qua fuit rhetorum sophistarum argutiæ refellantur. Tullius sive ex sua, sive ex Crassi sententia non recte censuit in illo dialogo derideri oratores. Non veram rhetoricam, sed adulteriam tantum, ut cuiusvis legenti patet, traducit. Neque vero paucos induxit in errorem hic dialogus, ut observavit Quintilian. lib. 11. cap. 15. *Plerique*, inquit, *dum pauca ex Gorgia Platonis a prioribus imperite excerpta legere contenti, neque alia ejus volumina evolvunt, in maximum errorem inciderunt: creduntque eum in hac esse opinione, ut rhetoricam non artem, sed peritiam quandam gratiæ ac voluptatis existimet*, &c. Idem.

(5) *Verbi controversia*) Maximo animorum æstu contendunt inter se Græci, quis orator dicendus sit, an ille qui tantum in causis forensibus valeat, an qui de re qualibet ornate possit dicere. Idem.

(6) *Omnium rerum publicarum*) In vulgatis duæ postremæ voces male conjunguntur: neque enim necesse est, ut is omnes Respublicas cognoscat, qui Romanam velit cognoscere: necesse est autem, ut publicas res omnes Romani imperii sciat, qui de eo administrando dicturus est. *Pærcius*.

compositæ, ornate, copiose eloqui: quæro id ipsum qui possit assequi sine ea scientia, quam ei non conceditis? Dicendi enim virtus, nisi ei, qui dicit, ea, de quibus dicit, percepta sint, exstare non potest.

Quamobrem, si ornate locutus est, sicut fertur, & mihi videtur, physicus ille Democritus; materies illa fuit physici, de qua dixit: ornatus vero ipse verborum, oratoris putandus est. Et, si Plato de rebus a civilibus controversiis remotissimis divinitus est locutus, quod ego concedo: si item Aristoteles (7), si Theophrastus, si Carneades in rebus iis, de quibus disputaverunt, eloquentes, & in dicendo suaves, atque ornati fuerunt: sint hæc res, de quibus disputant, in aliis quibusdam studiis: oratio quidem ipsa propria est hujus unius rationis, de qua loquimur, & quærimus. Etenim videmus, iisdem de rebus jejune quosdam, & exiliter, ut eum, quem acutissimum ferunt, Chrysippum (8), disputavisse; neque ob eam rem philosophiæ non satis fecisse, quod non habuerit hanc dicendi * ex arte alienam facultatem.

XII. Quid ergo interest? aut qui discernes eorum, quos nominavi, ubertatem in dicendo, & copiam, ab eorum exilitate, qui hac dicendi varietate & elegantia non utuntur? Unum erit profecto, quod ii, qui bene dicunt, afferunt proprium: compositam orationem, & ornatam, & artificio quodam & expositione distinctam. Hæc autem oratio, si res non subest ab oratore percepta

(7) *Aristoteles*) Consule lib. 1. de Invent. Præf.

(8) *Chrysippum*) Qui natus Solis Ciliciæ oppido, vel, ut alii malunt, Tarfi, philosophus Stoicus & Cleanthis auditor celebris fuit Athenis. Mortuus est Olympiade CXLIII. annis autem Christum CCVIII. ægens annum LXXIII. ut refert ex Apollodoro Laertius. *Idem*.

* *Ex arte*) Græc. *in arte aliena*

pta & cognita, aut nulla sit necesse est, aut omnium irrisione ludatur (9). Quid enim tam furiosum (10), quam verborum, vel optimorum atque ornatissimorum, sonitus inanis, nulla subiecta sententia, nec scientia? Quicquid erit igitur quacumque ex arte, quocumque de genere, id orator, si, tamquam clientis causam, didicerit, dicet melius, & ornatius, quam ille ipse ejus rei inventor, atque artifex.

Nam si quis erit, qui hoc dicat, esse quasdam oratorum proprias sententias atque causas, & certarum rerum forensibus cancellis circumscriptam scientiam; fatebor equidem in his magis assidue versari hanc nostram dictionem: sed tamen in his ipsis rebus permulta sunt, quæ isti magistri, qui rhetorici vocantur, nec tradunt, nec tenent. Quis enim nescit, maximam vim existere oratoris in hominum mentibus vel ad iram, aut ad odium, aut dolorem incitandis, vel ab hisce iisdem per-motionibus ad lenitatem, misericordiamque revocandis? * Quare nisi qui naturas hominum, vimque omnem humanitatis, causasque eas, quibus mentes aut incitantur, aut reflectuntur, penitus perspexerit: dicendo, quod volet, perficere non poterit. Atqui totus hic locus philosophorum putatur proprius: neque orator, me auctore, unquam repugnabit: sed, cum illis cognitionem rerum concesserit, quod in ea solum illi voluerint elaborare; tractationem orationis, quæ sine illa scientia nulla est, sibi assumet. Hoc enim est proprium oratoris, quod sæpe jam dixi, oratio gravis,

(9) *Omnium irrisione ludatur*) Testis Peripateticus ille Phormio, qui coram Annibale de re militari differere aggressus, eximio duci visus est absurdissime delirare. Vide lib. 11. de Oratore cap. 18. *Idem*.

(10) *Tam furiosum*) Furiosi & insani sunt, qui plurima effutiant, quæ non intelligunt. *Idem*.

* *Quare nisi*) Vult. Man. Grut. quæ nisi

vis, & ornata, & hominum sensibus, ac menti-
bus accommodata.

XIII. Quibus de rebus Aristotelem (11), & Theophrastum scripsisse fateor. Sed vide, ne hoc, Scævola, totum sit a me. Nam ego, quæ sunt oratori cum illis communia, non mutuor ab illis: isti quæ de his rebus disputant, oratorum esse concedunt. Itaque cæteros libros, artis isti suæ nomine, hos Rhetoricos & inscribunt, & appellant. Etenim cum illi in dicendo inciderint loci (quod per sæpe evenit) ut de diis immortalibus, de pietate, de concordia, de amicitia, de communi civium, de hominum, de gentium jure, de æquitate, de temperantia, de magnitudine animi, de omni virtutis genere sit dicendum, clamabunt, credo, omnia gymnasia, atque omnes philosophorum scholæ, sua hæc esse * omnia propria, nihil omnino ad oratorem pertinere. Quibus ego, ut de his rebus omnibus in ængulis, consumendi otii causa, differant, cum concessero, illud tamen oratori tribuam, & dabo, ut eadem, de quibus illi tenui quodam, exanguique sermone disputant, hic cum omni gravitate & jucunditate explicet. Hæc ego cum ipsis philosophis tum Athenis disse-
rebam. Cogebat enim me M. Marcellus (12) hic noster, qui nunc ædilis curulis (13) est: & pro-
fecto,

(11) *Aristotelem*) Qui de concitandis animi motibus egregie differit lib. 11. Rhetorices. *Idem*.

* *Omnia propria*) Lamb. *omnia, propria nihil*

(12) *M. Marcellus*) Quem Cicero servatum a Cæsare post bella civilia gratulatus est insigni oratione. *Præst.*

(13) *Ædilis curulis*) Ædiles ab ædibus sacris & privatis procurandis nomen habuere. Ex plebe primum duo fuere: subinde anno U. C. CCCLXXXVIII. ante Christum CCCLXVI. ædiles curules primi creati sunt. Cum enim propter civiles discordias compositas, quod refert Livius lib. vi. censeret senatus, ut ludi maximi fierent, recusantibus id munus ædilibus plebis, conclamatum est a juvenibus patriciis se, honoris deorum immortalium causa, libenter futuros ædiles, tumque duo e patribus ædiles creati, curules dicti, quod sella curuli uterentur. Eorum munus fuit ludis
ceden-

fecto, nisi ludos nunc faceret, huic nostro sermone interesset: ac jam tum erat adolescentulus his studiis mirifice deditus.

Jam vero de legibus instituendis, de bello, de pace, de sociis, de vectigalibus, de jure civium generatim in ordines, ætatesque descripto (14), dicant vel Græci (15), si volunt, Lycurgum (16), aut Solonem (17) (quanquam illos quidem censemus in numero eloquentium reponendos) scisse melius, quam Hyperidem, aut Demosthenem (18), perfectos jam homines in dicendo, & perpolitos: vel * nostri, decemviros, qui XII tabulas (19) perscripserant, quos necesse est fuisse prudentes, antepo-
nere & Ser. Galbæ, & socero tuo C. Lælio, quos
con-

edendis solemnibus & publicis præesse, sacrarum ædium curam gerere, templa, theatra, & mœnia magnificis operibus reficere.
Idem.

(14) *Descripto*) Lamb. legit, *descriptorum*, id est, civium: non enim *jus*, sed *cives* in ordines ætatesque describebantur.
Pædicius.

(15) *Dicant vel Græci*) Dictum ironice. *Præst.*

(16) *Lycurgum*) Lycurgus, Eunomi filius, Lacedæmoniorum legislator, Polydectæ fratris Spartanorum regis posthumum filium Charilæum, cujus pueri regnum tutoris nomine administratum usurpare poterat, solio restituit. Peregre deinde profectus ex collectis diversarum rerum publicarum institutis leges scripsit sapientissimas, quibus Lacedæmonios adstrinxit: *Plutarch. Justin.* Quo potissimum tempore floruerit, incertum: alii ad Olympiadem primam, quæ incidit in annum DCCLXXVI. ante Christum, ejus ætatem referunt: contendunt alii centum annis eoque amplius antecessisse. *Plutarch. &c. Idem.*

(17) *Solonem*) Solon Salamine natus, Atheniensium legislator, unus e septem Græciæ sapientibus, prætor Athenis fuit anno 111. Olympiadis XLV. ante Christum DXCVIII. Mortuus est anno ætatis LXXX. ante Christum DLIX. eodem quo Cyrus in Perside regnare cœpit. *Plutarchus, Diogenes. Idem.*

(18) *Hyperidem, aut Demosthenem*) De quibus in Bruto Cap. 35. & 36. *Idem.*

* *Nostri*) Viñ. Grut. *nostros decemviros,*

(19) *Decemviros, qui xii. tabulas, &c.*) Sublati regum decretis, & populo per viginti annos nullis legibus adstricto, constituti sunt anno U. C. CCCIV. decemviri, qui a Græcis leges peterent; quas acceptas tabulis decem æreis inscribere. Cum autem in primis legibus aliquid desideraretur, anno sequenti alias duas adjecere tabulas: unde & dictæ sunt leges XII. tabularum.
Præst.

constat dicendi gloria præstitisse. Nunquam enim negabo, esse quasdam artes proprias eorum, qui in his cognoscendis, atque tractandis studium suum omne posuerunt: sed oratorem plenum atque perfectum esse eum dicam, qui de omnibus rebus possit varie, copioseque dicere.

XIV. Etenim sæpe in causis, quas omnes proprias esse oratorum consentitur, est aliquid, quod non ex usu forensi, quem solum oratoribus conceditis, sed ex obscuriore aliqua scientia sit promendum, & assumendum. Quæro enim, num possit aut contra imperatorem, aut pro imperatore dici sine rei militaris usu, aut sæpe etiam sine regionum terrestrium aut maritimarum scientia? num apud populum de legibus jubendis, aut vetandis, num in senatu de omni reipublicæ genere dici sine summa rerum civilium cognitione, & prudentia? num admoventi possit oratio ad sensus animorum, atque motus vel inflammandos, vel etiam extinguendos, (quod unum in oratore dominatur) sine diligentissima peruestigatione earum omnium rationum, quæ de naturis humani generis ac moribus a philosophis explicantur?

Atque haud scio an minus hoc vobis sim probaturus; equidem non dubitabo, quod sentio, dicere. Physica ista ipsa quæ paulo ante, & mathematica, & cæterarum artium propria posuisti, scientiæ sunt eorum, qui illa profitentur: illustrare autem oratione si quis istas ipsas artes velit, ad oratoris ei confugiendum est facultatem. Neque enim, si Philonem (20) illum architectum, qui Atheniensibus armamentarium (21) fecit, constat perdiserte populo rationem operis sui reddidisse, existimandum est architecti potius artificio disertum, quam

(20) *Philonem*) De Philone architecto Plinius, VII. 37. Vide etiam, & de Hermodoro, Turnebi *Advers.* XI. 2.

(21) *Armamentarium*) Hoc loco est navium receptaculum: armamenta proprie sunt navium instrumenta. *Pruss.*

quam oratoris, fuisse. Nec, si huic M. Antonio pro Hermodoro (22) fuisset de navalium opere dicendum, non, cum ab illo causam didicisset, ipse ornate de alieno artificio, copioseque dixisset. Neque vero Asclepiades (23) is, quo nos medico amicoque usi sumus, tum, cum eloquentia vincebat cæteros medicos, in eo ipso, quod ornate dicebat, medicinæ facultate utebatur, non eloquentiæ. Atque illud est probabilius, neque tamen verum, quod Socrates dicere solebat, omnes in eo, quod scirent, fatis esse eloquentes. Illud verius, neque quemquam in eo disertum esse posse, quod nesciat; neque, si id optime sciat, ignarusque sit faciundæ ac poliendæ orationis, diserte id ipsum posse, de quo sciat, dicere.

XV. Quamobrem si quis universam, & propriam oratoris vim definire complectique vult; is orator erit (24), mea sententia, hoc tam gravi dignus nomine, qui, quæcumque res inciderit, quæ sit dictione explicanda, prudenter, & compositæ, & ornate, & memoriter dicat, cum quadam etiam actionis dignitate.

Sin cuiquam nimis infinitum videtur, quod ita proposui, *quacumque de re*, licet hinc, quantum cuique videbitur, circumcidat, atque amputet; tamen illud tenebo, si, quæ cæteris in artibus aut

De Orat.

C

flu-

(22) *Hermodoro*) Qui Romanorum navalium fuit architectus. Navalium autem erat locus idoneus ad recipiendas, trahendas in siccum, aut fabricandas naves. *Idem*.

(23) *Asclepiades*) Patria Prusienſis, primum rhetoricæ, deinde preſſus inopia, medicinæ operam dedit. Tantum arti suæ fidebat, ut sponſionem quandam cum fortuna fecisset, ne medicus crederetur, si unquam invalidus fuisset ipse; & victor suprema in senectâ lapsu scalarum exanimatus est. Crasso & Pompejo familiaris, eorum ætate floruit circa annum U. C. DCL. Plinius lib. vii. *Idem*.

(24) *Is orator erit*) Videtur hic quinque partes artis oratoricæ facere: inventio est prudentiæ, collocatio compositionis, elocutio ornatus; quibus accedunt memoria, & actio, sive prouocatio. *Idem*.

studiis sita sunt, orator ignoret, tantumque ea teneat, quæ sint in disceptationibus, aut in usu forensi; tamen his de rebus ipsis si sit ei dicendum, cum cognoverit ab iis, qui tenent, quæ sint in quaque re; multo oratorem melius, quam ipsos illos, quorum eæ sunt artes, esse dicturum. Ita si de re militari dicendum huic erit Sulpicio, quæret a C. Mario (25) affini nostro, & cum acceperit, ita pronuntiabit, ut ipsi C. Mario pene hic melius, quam ipse * ille scire videatur. Sin de jure civili; tecum communicabit, teque hominem prudentissimum, & peritissimum in iis ipsis rebus, quas abs te didicerit, dicendi arte superabit. Sin quæ res inciderit, in qua de natura, de vitiis hominum, de cupiditatibus, de modo, de continentia, de dolore, de morte dicendum sit: forsitan, si ei sit visum (et si hæc quidem nosse debet orator) cum Sex-Pompejo (26), erudito homine in philosophia, communicabit. Hoc profecto efficiet, ut quamcumque rem a quoque cognorit, de ea multo dicat ornatius, quam ille ipse, unde cognorit. Sed si me audierit, quoniam philosophia in tres partes est distributa, in naturæ obscuritatem, in differendi subtilitatem, in vitam atque mores; duo illa relin-

(25) C. Mario) Hic ille est C. Marius, celebris Romanorum imperator, in bello hostibus, in otio civibus infestissimus, quietisque impatientissimus, ut refert Paterculus; quem humili loco natum ad amplissimos reip. magistratus singularis virtus evehit. Apud Sallustium dum loquitur, artis oratoriæ imperitum se dicit: & a Plutarcho reprehenditur, quod literas Græcas contempserit. Inopiam eloquentiæ compensavit fortitudo. Confecit bellum Jugurtinum: Teutones & Ambrones, Germaniæ populos, interfectis millibus ducentis, & paulo post Cimbro genti strage delevit. Cum provinciam belli Mithridatici suscipere contenderet, a Sylla, suo quondam legato, expulsus ex urbe, in quam paulo post irrupit, & Syllanis omnibus obtruncatis, septimum consul renunciatus in magistratu obiit anno U. C. DCLXVIII. Idem.

* Quam ipse ille scire) Quam ipse, illa scire. Pearcius.

(26) Sex. Pompejo) Qui præstantissimum ingenium contulit ad summam juris civilis, & ad perfectam geometriæ, rerum Stoicarum scientiam. Tullius in Bruto. Præf.

linquamus, idque largiamur inertiae nostrae: tertium vero, quod semper oratoris fuit, nisi tenebimus, nihil oratori, in quo magnus esse possit, relinquemus. Quare hic locus de vita & moribus totus est oratori perdiscendus: cetera si non didicerit, tamen poterit, si quando volet, ornare dicendo, cum erunt ad eum delata, & ei tradita.

XVI. Etenim si constat inter doctos, hominem ignarum astrologiae, ornatissimis, atque optimis versibus, Aratum (27), de caelo, stellisque dixisse: si de rebus rusticis hominem ab agro remotissimum, Nicandrum (18) Colophonium (29), poetica quadam facultate, non rustica, scripsisse praecclare: quid est, cur non orator de rebus iis eloquentissime dicat, quas ad certam causam, tempusque cognorit? Est enim finitimus oratori poeta, numeris adstrictior paulo, verborum autem licentia liberior, multis vero ornandi generibus socius, ac pene par: in hoc quidem certe prope idem, nullis ut terminis circumscribat, aut definiat jus suum, quo minus ei liceat eadem illa facultate & copia vagari, qua velit.

Namque illud quare, Scævola, negasti te fuisse
C 2 latu-

(27) *Aratum*) Qui poeta Graecus Solis urbe Ciliciae natus est, ut auctor est Suidas, Olympiade CXXIV. annis ante Christum CCLXXXIV. Inter alia adstricta numeris oratione scripsit libros de astrologia, quos *φαινόμενα* inscripsit. Ea primum Cicero, deinde veterum alii in Latinum sermonem vertere. De Arato sic judicat Quintilianus lib. X. Cap. 1. *Arati materia motu caret, ut in qua nulla varietas, nullus affectus, nulla persona, cui usquam sit oratio: sufficit tamen operi, cui parem se credidit.* Idem.

(28) *Nicandrum*) Nicander patria Colophonius, ut hic ait Cicero, (an potius Clarius, quod de se ipse testatur?) cum poetica medicinam exercuit. Librum scripsit *θερακία* & *ἀλκιον* *φάρμακα*, qui etiamnum extat: nam periisse illos necesse est, qui sunt ab eodem de rebus rusticis, ut ait Cicero, elaborati. Eum aliqui supparem Arato faciunt, alii duodecim Olympiadibus posteriozem; alii denique, ut Suidas, sub Attalo juniore floruisse tradunt. Idem.

(29) *Colophonium*) Colophon Joniae in Asia minore urbs. Nunc *Aitobosro*, aliis *Belvader*. Idem.

laturum, nisi in meo regno (30) esses; quod in omni genere sermonis, in omni parte humanitatis dixerim oratorem perfectum esse debere? Nunquam mehercule hoc dicerem, si eum, quem fingo, me ipsum esse arbitrarer. Sed, ut solebat C. Lucilius (31) sæpe dicere, (homo tibi subiratus, mihi propter eam ipsam causam minus, quam volebat, familiaris, sed tamen & doctus & perurbanus) sic sentio, neminem esse in oratorum numero habendum, qui non sit omnibus iis artibus, quæ sunt libero dignæ, perpolitus: quibus ipsis, si in dicendo non utimur, tamen apparet, atque exstat, utrum simus earum rudes, an didicerimus. Ut, qui pila ludunt, non utuntur in ipsa lusione artificio proprio palæstræ (32), sed indicat ipse motus, didicerintne palæstram, an nesciant: & qui aliquid fingunt, etsi tum pictura nihil utuntur, tamen, utrum sciant pingere, an nesciant, non obscurum est: sic in orationibus hisce ipsis iudiciorum, concionum, senatus, etiamsi propriæ ceteræ non adhibentur artes, tamen facile declaratur, utrum is, qui dicat, tantummodo in hoc declamatorio sit opere (33) jactatus, an ad dicendum omnibus ingenuis artibus instructus accesserit.

XVII. Tum ridens Scævola, Non luctabor, inquit, tecum, Crasse, amplius: id enim ipsum, quod contra me locutus es, artificio quodam es consecutus (34), ut & mihi, quæ ego vellem non esse orato-

(30) *Nisi in meo regno*) V. Cap. 10. *Idem*.

(31) *C. Lucilius*) Subiratus erat Scævolæ, qui in Albutium, Lucilli amicum, urationem habuerat. *Idem*.

(32) *Palæstre*) Palæstra aliquando gymnasium, vel magisterium significat; aliquando concinnitatem, & in gestu motuque corporis venustatem; aliquando artem belle movendi corporis sive ad saltandum, sive ad pugnandum. *Idem*.

(33) *Declamatorio opere*) Exercitatione puerili, in qua fictis argumentis ad scribendum & declamandum exercebantur interdum ætate provectiores. *Idem*.

(34) *Es consecutus &c.*) Sensus est: Arte quadam mihi dedisti

Oratoris, concederes; & ea ipsa, nescio quomodo, rursus detorqueres, atque oratori propria traderes. Hæc, cum ego prætor Rhodum (36) venissem, & cum summo illo doctore istius disciplinæ Apollonio, (37), ea, quæ a Panætio acceperam, contulissem: irrisit ille quidem, ut solebat, philosophiam, atque contempsit, multaque non tam graviter dixit, quam facete. Tua autem fuit oratio ejusmodi, non ut ullam artem, doctrinamve contemneres, sed ut omnes comites ac ministras oratoris esse diceres. Quas ego, si quis sit unus complexus omnes, idemque si ad eas facultatem istam ornatissimæ orationis adjunxerit; non possum dicere, eum non egregium quendam hominem, atque admirandum fore. Sed is, si quis esset, aut si etiam unquam fuisset, aut vero si esse posset, tu esses unus profecto, qui & meo judicio, & omnium, vix ullam cæteris oratoribus (pace horum dixerim) laudem reliquisti. Verum si tibi ipsi nihil deest, quod in forensibus rebus, civilibusque versetur, quin scias; neque eam tamen scientiam, quam adjungis oratori, complexus es; videamus, ne plus ei tribuas, quam res & veritas ipsa concedat.

Hic Crassus, Memento, inquit, me non de mea, sed de oratoris facultate dixisse. Quid enim nos aut didicimus, aut scire potuimus, qui ante ad agendum quam ad cognoscendum venimus? quos in fo-

C 3 ro,

dixisti quæ vellem; cum dixisti artes omnes esse proprias quorundam hominum, eorum scilicet qui illas aut invenerint, aut profiteantur, aut diligentius excolant, visus es mihi concedere eas non esse proprias oratoris unius, quod ego contendo. Rursum cum easdem artes & oratori, si disputare de illis velit, necessarias esse dixisti, & ab eodem etiam ornatius, quam ab illis ipsis, quorum sunt propriæ, tractari: visus es illas mihi extorquere, & oratori tribuere tanquam suas. Idem.

(36) Rhodum) Carpathi maris Insulam, hodie Rhodes. Idem.

(37) Apollonio) Apollonius Molō, Rhodius fuit: quo rhetoricæ magistro usus est aliquando ipse Tullius, cum dictatore Sylla Romam Apollonius venisset, ut refert Cicero in Brutolo. Idem.

ro, quos in ambitione, quos in republica, quos in amicorum negotiis res ipsa ante confecit, quam possemus aliquid de rebus tantis suspicari? Quod si tibi tantum in vobis videtur esse, quibus etiam si ingenium, ut tu putas, non maxime defuit, doctrina certe, & orium, & hercule (38) etiam studium illud discendi acerrimum defuit: quid censes, si ad alicujus ingenium vel majus illa, quæ ego non attigi, accesserint? qualem illum, & quantum oratorem futurum?

XVIII. Tum Antonius, Probas mihi, inquit, ista, Crasse, quæ dicis: nec dubito, quin multo locupletior in dicendo futurus sit, si quis omnium rerum atque artium rationem, naturamque comprehenderit. Sed primum id difficile est factu, præsertim in hac nostra vita, nostrisque occupationibus: deinde illud etiam verendum est, ne abstrahamur ab hac exercitatione, & consuetudine dicendi populari, & forensi. Aliud enim mihi quoddam genus orationis esse videtur eorum hominum, de quibus paulo ante dixisti, quamvis illi ornate, & graviter aut de natura rerum, aut de humanis rebus loquantur. Nitidum quoddam genus est verborum, & latum, sed palæstræ magis, & olei (39), quam hujus civilis turbæ, ac fori. Namque egomet, qui sero, ac leviter Græcas litteras attigissem, tamen cum proconsul (40) in Ciliciam

(38) *Hercule*) Juradi formula. Primo dicebant, *ita me Hercules adjuvet*: deinde brevius, *me Hercules*: postea, *mehercule*: denique *Hercule*, aut *Hercle* dixerunt. *Idem*.

(39) *Palæstra, & olei*) Athletæ & pugiles, qui corpus exercebant palæstra, solebant oleo corpus inungere, tum ad augendas vires, tum ut cutis lubrica, & oleo delibuta manus captantis adversarii facilius eluderet. *Idem*.

(40) *Proconsul*) Romani post gestum Romæ consulatum, mittebantur in provincias, ut in iis ius dicerent, & eas gubernarent: tumque pro consule, vel proconsul dicebatur aliquis in provinciam proficisci: proprætor, vel pro prætore, si prætusa Romæ perfunctus in provinciam iret. Aliquando tamen etiam qui consules

*sic*iam (41) proficiscens Athenas venissem, complures tum ibi dies sum propter navigandi difficultatem commoratus: sed, cum quotidie mecum haberem homines doctissimos, eos fere ipsos, qui abs te modo sunt nominati, cumque hoc, nescio quomodo, apud eos increbuisse, me in causis majoribus, sicuti te, solere versari; pro se quisque ut poterat, de officio & ratione oratoris disputabat. Horum alii, sicut iste ipse Mnesarchus, hos, quos nos oratores vocaremus, nihil esse dicebat, nisi quosdam operarios (42) lingua celeri & exercitata: oratorem autem, nisi qui sapiens esset, esse neminem: atque ipsam eloquentiam (43), quod ex bene dicendi scientia constaret, unam quandam esse virtutem, &, qui unam virtutem haberet omnes habere, easque ipsas esse inter se æquales & pares. Ita, qui esset eloquens, eum virtutes omnes habere, atque esse sapientem. Sed hæc erat spinosa quædam, & exilis oratio, longeque a nostris sensibus abhorrebat. Charmadas vero multo uberius iisdem de rebus loquebatur: non quo aperiret sententiam suam, (hic enim mos erat patrius Academicæ, adversari semper omnibus in disputando) sed tum maxime tamen hoc significabat, eos, qui Rhetores nominarentur, & qui dicendi præcepta trade-

C 4

rent,

fules non fuerant, cum imperio consulari mittebantur in provincias, nec minus appellabantur proconsules; ut hic ipse qui loquitur, Antonius, ante consulatum, quem nonnisi triennio post obtinuit, proconsul in Ciliciam profectus est anno U. C. DCLII. ante Christum CII. Immo nomina consulis & proconsulis, prætoris & prætoris non semel a veteribus confundi videas. *Idem*.

(41) *In Ciliciam*) Quæ Asiæ minoris est ora, quæ meridiem spectat, alligiturque mari mediterraneo, e regione insularum Cypri & Rhodi: urbs primaria Tarsus est: nunc Caramania appellatur. *Idem*.

(42) *Operarios*) Qui haberent usum dicendi, artem ignorent. *Idem*.

(43) *Ipsam eloquentiam*) Eloquentia est vis ipsa & facultas bene & apposite dicendi ad persuadendum alterum; rhetorica est ars quæ dat præcepta ad id præstandum. *Idem*.

rent, nihil plane tenere, neque posse quemquam facultatem assequi dicendi, nisi qui philosophorum inventa didicisset.

XIX. Disputabant contra disertis homines, Athenienses, & in republica causisque versati, in quibus erat etiam is, qui nuper Romæ fuit, Menedemus, hospes meus: qui cum diceret esse quandam prudentiam, quæ versaretur in perspiciendis rationibus constituendarum, & regendarum rerum publicarum, excitabatur (44) homo promptus ab homine abundanti doctrina, & quadam incredibili varietate rerum atque copia. Omnes enim partes illius ipsius prudentiæ petendas esse a philosophia docebat, neque ea, quæ statuerentur in republica de diis immortalibus, de disciplina juventutis, de iustitia, de patientia, de temperantia, de modo rerum omnium, cæteraque, sine quibus civitates aut esse, aut bene moratæ esse non possent, usquam in eorum libris inveniri.

Quod si tantam vim rerum maximarum arte sua rhetorici illi doctores complecterentur, quærebat, cur de procemiis, & de epilogis, & de huiusmodi nugis (sic enim appellabat) referti essent eorum libri: de civitatibus instituendis, de scribendi legibus, de æquitate, de iustitia, de fide, de frangendis cupiditatibus, de conformandis hominum moribus, litera in eorum libris nulla inveniretur.

Ipsa vero præcepta sic illudere solebat, ut ostenderet, non modo eos illius expertes esse prudentiæ, quam sibi asciscerent, sed ne hanc quidem ipsam dicendi rationem ac viam nosse. Caput

(44) *Excitabatur*) Hotomanus coniecit legendum esse, *excipitur*: sed vulgata lectio defendi potest. Sensus est enim: Homo abundans doctrina, (nempe Charmadas philosophus) ita respondebat iis, quæ dixerat Menedemus (homo promptus, utpote disertus orator) ut Menedemum excitaret, & ad suam opinionem defendendam acueret. *Pearcius*.

put (45) enim esse arbitrabatur oratoris, ut & ipsis, apud quos ageret, talis, qualem se ipse optaret, videretur; id fieri vitæ dignitate, de qua nihil rhetorici isti doctores in præceptis suis reliquissent: & uti eorum, qui audirent, sic afficerentur animi, ut eos affici vellet orator; quod item fieri nullo modo posse, nisi cognosceret is, qui diceret, quot modis hominum mentes, & quibus rebus, & quo genere orationis in quamque partem moverentur. Hæc autem esse penitus in media philosophia retrusa, atque abdita, quæ isti rhetores ne primoribus quidem labris attigissent.

Ea Menedemus exemplis magis, quam argumentis, conabatur refellere. Memoriter enim multa ex orationibus Demosthenis præclare scripta pronuntiatis, docebat, illum in animis vel iudicum, vel populi, in omnem partem dicendo promovendis, non fuisse ignarum, quibus ea rebus consequeretur, quæ negaret ille sine philosophia quemquam scire posse.

XX. Huic respondebat (46) non se negare, Demosthenem summam prudentiam, summamque vim habuisse dicendi: sed sive ille hoc ingenio potuisset, sive, id quod constaret, Platonis studiosus (47) audiendi fuisset; non, quid ille potuisset

(45) *Caput*) Finis oratoris est alterum persuadere; persuadet is cui fides habetur; habetur autem viris probis, in quibus nulla est mendacii suspicio. Debet igitur orator id unum præ cæteris studere, ut sit vir bonus, aut certe talis videatur. Τοῖς γὰρ ἐπικρίσει πισδόμεν μᾶλλον καὶ θάττον περὶ πάντα μὲν ἀπλῶς. ἐν οἷς δὲ τὸ ἀκριβὲς μὴ ἔστιν, ἀλλὰ τὸ ἀμυριδοῦν καὶ παντελῶς, inquit Aristoteles lib. 1. Rhetor. cap. 2. Bonis enim viris credimus magis & celerius generatim quidem in omnibus: maxime autem in eo quod exploratum non est, sed in varias opinioniones trahi potest. Ex his verbis falsi Carneades arguitur, qui nullam de sectanda vitæ probitate præceptionem rhetorum in libris traditam mox affirmat. Idem cum doctrinam movendorum affectuum ne a rhetoribus quidem delibatam ait, ex toto libro rhetoricorum Aristotelis secundo refutatur. *Præst.*

(46) *Huic respondebat*) Charmadas Menedemo.

(47) *Platonis studiosus*) Demosthenes, de quo plura in Bruto,

set (48), sed quid illi docerent , esse quærendum .

Sæpe etiam in eam partem ferebatur oratione , ut omnino disputaret , nullam artem esse dicendi , Idque cum argumentis docuerat , quod ita nati essemus (49) , ut & blandiri suppliciter iis , a quibus esset petendum , & adversarios minaciter terrere possemus , & rem gestam exponere , & id , quod intenderemus confirmare , & id , quod contra diceretur , refellere , & ad extremum deprecari aliquid , & conqueri ; quibus in rebus omnis oratorum versaretur facultas : & quod consuetudo , exercitatioque & intelligendi prudentiam acueret , & eloquendi celeritatem incitaret : tum etiam exemplorum copia nitebatur . Nam primum , quasi dedita opera (50) , neminem scriptorem artis ne mediocriter quidem disertum fuisse dicebat , cum repeteret usque a Corace nescio quo , & Tisia (51) , quos artis illius inventores & principes fuisse constaret : eloquentissimos autem homines , qui ista nec didi-

cif-

10 , admodum adolescens in Academia Platoni dabat operam , verum audito forte Callistrato insigni oratore , eum deinceps , res lieta Academia , sectatus est . *Ex Hermippo Gellius lib. 3. cap. 13. Præst.*

(48) *Non , quid ille potuisset*) Ab uno ad omnes vitiosa est argumentatio . Nemo sic ratiocinetur : Demosthenes orator potuit in dicendo animos movere , ergo id poterunt cæteri oratores . *Idem .*

(49) *Quod ita nati essemus*) Hoc Carneadis argumentum probat quidem aliquam esse naturalem eloquentiam ; at non evertit artificialem , cuius præceptis perficitur vis persuadendi a natura insita . *Idem .*

(50) *Quasi dedita opera*) Dicebat Carneades neminem scriptorem artis fuisse disertum , quasi omnes scriptores artis collegisset de industria , ut id probaret : vel sententia est , quasi scriptores artis certo consilio disertum esse noluisent . Errabat hic etiam Carneades : nam , ut alios præteream , Gorgias , Isocrates , Protagoras , Theophrastus , eloquentiæ magistri disertum fuere . *Idem .*

(51) *A Corace . . . & Tisia*) Artis rhetoricæ scriptores antiquissimi Corax , & Tisia , eius discipulus , Siculi : quos insecutus est vir ejusdem insule Gorgias Leontinus , Empedoclis , ut traditur , discipulus . Quintil. lib. 3. Cap. 1. Corax Hieronis tyranni amicus floruit Olymp. LXXVI. annis ante Christum CCCCLXXV , Vide Ciceronem in Bruto . *Idem .*

cissent, nec omnino scisse curassent, innumerabiles quosdam nominabat: in quibus etiam (sive ille irridens, sive quod ita putaret, atque ita audisset) me in illo numero, qui illa non didicissem, & tamen (ut ipse dicebat) possem aliquid in dicendo, proferebat. Quorum ego illi alterum facile assentiebar, nihil me didicisse: in altero autem me illudi ab eo, aut etiam ipsum errare arbitrabar.

Artem vero negabat esse ullam, nisi quæ cognitis, penitusque perspectis, & in unum exitum spectantibus, & nunquam fallentibus rebus contineretur. Hæc autem omnia, quæ tractarentur ab oratoribus, dubia esse & incerta: cum & dicerentur ab iis, qui ea omnia non plane tenerent, & audirentur ab iis, quibus non scientia esset tradenda, sed exigui temporis aut falsa, aut certe obscura opinio.

Quid multa? sic mihi tum persuadere videbatur, neque artificium ullum esse dicendi, neque quemquam posse, nisi qui illa, quæ a doctissimis hominibus in philosophia dicerentur, cognosset, aut callide aut copiose dicere. Quibus dicere (52) Charmadas solebat, ingenium tuum, Crasse, vehementer admirans, me sibi perfacilem in audiendo (53), te perpugnacem in disputando esse visum.

XXI. Tumque ego hac eadem opinione adductus, scripsi etiam illud quodam in libello, qui me imprudente, & invito (54) excidit, & pervenit.

(52) *Quibus dicere*) Vulnus hic video, remedium non ita. *Muretus*. Lambinus edidit, *quibus adjicere...* solebat: quod est conjectaneum Hotomani. *Grut.*

(53) *Perfacilem in audiendo*) Nam cum rudem artium omnium se diceret Antonius, non erat cur de artibus cum hominibus doctissimis æque pugnaciter atque Crassus, qui se multa didicisse fatebatur, contenderet. *Strebaeus*.

(54) *Me imprudente, & invito*) M. Antonius idcirco se agebat nullam orationem scripsisse, ut, si quid superiore iudicio actum,

nit in manus hominum, *disertos* me cognosse nōnullos, *eloquentem* adhuc neminem: quod cum statuebam disertum, qui posset satis acute atque dilucide apud mediocres homines ex communi quadam hominum opinione dicere: eloquentem vero, qui mirabilius, & magnificentius augere posset, atque ornare quæ veller, omnesque omnium rerum quæ ad dicendum pertinerent, fontes animo ac memoria contineret. Id si est difficile nobis, qui ante, quam ad discendum ingressi sumus, obruimur ambitione & foro; sit tamen in re positum atque natura. Ego enim, quantum auguror conjectura, quantaque ingenia in nostris hominibus esse video, non despero fore aliquem (55) aliquando, qui & studio acriore, quam nos sumus, atque fuimus, & otio ac facultate discendi majore, ac maturiore, & labore atque industria superiore, cum se ad audiendum, legendum, scribendumque majore opera dediderit, existat talis orator, qualem quærimus: qui jure non solum disertus, sed etiam eloquens dici possit: qui tamen, mea sententia, aut hic est jam Crassus, aut, si quis pari fuerit ingenio, pluraque quam hic, & audierit, & lectitarit, & scripserit, paulum huic aliquid poterit addere.

Hoc loco Sulpicius, Insperanti mihi, inquit, & Cottæ, sed valde optanti utrique nostrum, cecidit, ut in istum sermonem, Crasse, delaberemini. Nobis enim huc venientibus jucundum satis fore videbatur, si, cum vos de rebus aliis loqueremini, tamen nos aliquid ex sermone vestro memoria dignum excipere possemus: ut vero penitus in eam ipsam totius hujus vel studii, vel artificii

actum, ei, quem postea defensurus esset, nociturum foret, non dictum a se affirmare posset. Valer. Maximus lib. VII. Cap. 3. Præstus.

(55) *Aliquem*) De se ipso id ex Antonii persona videtur Cicerō prædicere.

cii (56), vel facultatis disputationem pene intimam perveniretis, vix optandum nobis videbatur. Ego enim, qui ab ineunte ætate incensus essem studio utriusque vestrum, Crassi vero etiam amore, cum ab eo nusquam discederem, verbum ex eo nunquam elicere potui de vi ac ratione dicendi (57), cum & per meipsum egissem, & per Drusum (58) sæpe tentassem: quo in genere tu, Antoni, (vere loquar) nunquam mihi percontanti, aut querenti aliquid, defuisti, & persæpe me, quæ soleres in dicendo observare, docuisti. Nunc quoniam uterque vestrum patefecit earum rerum ipsarum aditum, quas quærimus, & quoniam princeps Crassus ejus sermonis ordiendi fuit, date nobis hanc veniam, ut ea, quæ sentitis de omni genere dicendi, subtiliter persequamini. Quod quidem si erit a vobis impetratum, magnam habebō, Crasse, huic palæstræ & Tusculano tuo gratiam, & longe Academiæ illi, ac Lyceo (59) tuum hoc suburbanum gymnasium (60) anteponom.

XXII. Tum ille, Immo vero, inquit, Sulpicii,

(56) *Vel studii, vel artificii*) Decorum servat hic Tullius, qui Sulpicium adolescentem inducit dubitantem an esset ars rhetorica, quod in dubium id revocasse videretur Antonius. *Præst.*

(57) *De vi ac ratione dicendi*) Malim cum Gulielmio legere *de via ac ratione*: facillime ultima litera vocis *via* a sequentis vocis *ac* prima litera absorberi potuit. Manutius olim edidit *via*, & sic Cicero sæpissime. L. 1. c. 25. *Non rationem dicendi & viam, sed naturam defuisse*. L. 3. c. 36. *Ancipites vias, rationesque disputandi*. Facile plura exempla proferri possunt. *Pe- arcus.*

(58) *Per Drusum*) C. Cotta & P. Sulpicius, qui hic loquitur, Drusi maxime familiares erant, ut supra dictum Cap. 7. *Præst.*

(59) *Academia illi, ac Lyceo*) De Academia dictum Cap. 10. Lyceum autem gymnasium fuit prope Athenas celeberrimum, in quo docebat Aristoteles. *Idem.*

(60) *Gymnasium*) Locus ubi exercentur corpora saltu, cursu, lustratione, a γυμνὰς nudus, quia in istis exercitationibus graviores vestes deponebant, ut essent expediti. Metaphorice significat locum, ubi animi literis humanioribus informantur. *Idem.*

ci, rogemus Antonium, qui & potest facere id, quod requiris, & consuevit, ut te audio dicere. Nam fateor me quidem semper a genere hoc toto sermonis refugisse, & tibi cupienti atque instanti sæpissime negasse, ut tute paulo ante dixisti. Quod ego non superbia, neque inhumanitate faciebam, neque quo tuo studio rectissimo, atque optimo non oblequi vellem, præsertim cum te unum ex omnibus ad dicendum maxime natum, aptumque cognossem; sed mehercule istius disputationis insolentia, atque earum rerum, quæ quasi in arte traduntur, inscitia.

Tum Cotta, Quoniam id, quod difficillimum nobis videbatur, ut omnino de his rebus, Crasse, loquerere, assecuti sumus: de reliquo jam nostra culpa fuerit, si te, nisi omnia, quæ percontati erimus, explicaris, dimiserimus. De his, credo, rebus, inquit Crassus, ut in cretionibus scribi solet (61) *Quibus sciam, poteroque*. Tum ille, Nam-

(61) *Ut in cretionibus scribi solet*) Cum in aliis libris manuscriptis reperissem scriptum, *certionibus*, in aliis, *Crassi orationibus*, in aliis, *certioribus*: ego *cretionibus* reposui, præsertim cum meminissem jampridem ita a Fr. Duareno esse emendatum. Est autem *cretio*, ut docet Ulpianus, Titul. 22. l. 5. Varro 3. de ling. Lat. 13. ad Attic. 44. certorum dierum spatium, quod datur heredi ad deliberandum, utrum expediat adire hereditatem, necne: veluti Titius heres esto, cernitoque hereditatem in diebus centum proximis, quibus scierit, poteritque; nisi ita creverit, exheres esto. Lambin. Est autem *cernere*, non modo constituere se heredem esse (ut Varro 6. Ling. Latin. explicat) verum etiam legitima cretionis verba dicere, hunc in modum: *Cum me Manius heredem insituerit, eam hereditatem cerno*. Adeoque Ulp. 32. *Cretio duplex: vulgaris*, in qua adiciebantur hæc verba, *quibus sciam, poteroque*: *continua*, in qua non adiciebantur. Ulp. tit. 23. Unde his verbis, *quibus sciam, poteroque*, tempus bonorum possess. admittendæ utile, nec continuū ostenditur l. 1. ff. *Quis ordo in bonorum possess.* Gothofredus. Vera lectio fuit, *conditionibus*. Quid enim ad *cretiones* formula hæc: *De iis rebus quibus sciam, poteroque*? Quæ ipsa in conditionibus aptissima est. Et verbum, *conditio*, etiam juridicum est; quod indicat caput illud Juris, *De conditionibus et demonstrationibus*. Et lectionem priorem, quam Lambinus eiecit, tuetur verbum

Namque quod tu non poteris, aut nescies, quis nostrum tam impudens est, qui se scire, aut posse postulet? Jam vero ista conditione, dum mihi liceat negare posse quod non potero, & fateri nescire quod nesciam, licet, inquit Crassus, vestro arbitratu percontemini.

Atque, inquit Sulpicius, hoc primum ex te, de quo modo Antonius exposuit, quid sentias, quaerimus: existimesne artem aliquam esse dicendi. Quid mihi nunc vos, inquit Crassus, tanquam alicui Graculo otioso & loquaci, & fortasse docto atque erudito, quaestiunculam, de qua meo arbitratu loquar, ponitis? Quando enim me ista curasse, aut cogitasse arbitramini; & non semper irrisisse potius eorum hominum impudentiam, qui cum in schola assedissent, ex magna hominum frequentia dicere juberent, si quis quid quaereret? Quod primum ferunt Leontinum (62) fecisse Gorgiam: qui permagnum quiddam suscipere, ac profiteri videbatur, cum se ad omnia, de quibus quisque audire vellet, esse paratum denuntiaret. Postea vero (63) vulgo hoc facere coeperunt, hodieque faciunt; ut nulla sit res, neque tanta, neque tam improvisa, neque tam nova, de qua se non omnia, quæ dici possunt, profiteantur esse dicturos.

Quod

conditionis, quo mox utitur Crassus: *Jam vero*, inquit, *ista conditione*, dum mihi liceat negare posse quod non potero, & fateri nescire, quod nesciam, licet vestro arbitratu percontemini. Et sane quæ huc affert Lambinus de cretionibus hereditatum, scilicet heredi cernendam esse hereditatem in diebus centum proximis, quibus scierit, poteritque, non valde huc pertinent. N.que enim, postquam sciverit quis cernendam esse hereditatem, amplius datur temporis, possit, necne possit. Præterea non idem est *scire* in herede, & *scire* hic in Crasso. Nam in herede *scire* est rescire, certiores fieri: at hic Crassus: *De iis rebus*, inquit, *quibus sciam, poteroque*: id est, de iis, quæ ego intelligam. Anonymus.

(62) *Leontinum*. Ex urbe Leontio in Sicilia; nunc, auctore Nigro, dicitur *Lintini*. Præst.

(63) *Postea vero*, &c.) Multi post Gorgiam extemporalis eloquentiæ laudem aucupati sunt, ut Protagoras, Prodicus, Thrasymachus, Eleas, & alij. *Idem*.

Quod si te, Cotta, arbitrarer, aut te, Sulpici, de iis rebus audire velle, adduxissem huc Græcum aliquem, qui (*a*) vos istiusmodi disputationibus delectaret: quod ne nunc quidem difficile factum est. Est enim apud M. Pisonem (64), adolescentem jam huic studio deditum, summo hominem ingenio, nostrique cupidissimum, peripateticus Staseas (65), homo nobis sane familiaris, & , ut inter homines peritos constare video, in illo suo genere omnium princeps.

XXIII. Quem tu mihi, inquit Mucius, Staseam, quem peripateticum narras? Gerendus est tibi mos adolescentibus, Crasse: qui non Græci alicujus quotidianam loquacitatem sine usu, neque ex scholis cantilenam requirunt, sed ex homine omnium sapientissimo atque eloquentissimo, atque ex eo, qui non in libellis, sed in maximis causis, & in hoc domicilio imperii & gloriæ, sit consilio linguae princeps: cujus vestigia (*b*) persequi cupiunt, ejus sententiam sciscitantur. Equidem te cum in dicendo semper putavi deum, tum vero tibi nunquam eloquentiæ majorem tribui laudem, quam humanitatis: qua nunc te uti vel maxime decet, neque defugere eam disputationem, ad quam te duo excellentis ingenii adolescentes cupiunt accedere.

Ego vero, inquit, istis obsequi studeo, neque gravabor breviter meo more, quid quaque de sententiam, dicere. Ac primum illud (quoniam auctoritatem tuam negligere, Scævola, fas mihi esse non puto) respondeo, mihi dicendi aut nullam artem, aut pertenuem videri, sed omnem esse contenten-

(*a*) Vos) Viñt. Man. Grut. nos.

(64) M. Pisonem) De quo satis fufe Tullius in Bruto. Prust.

(65) Staseas) Peripateticus philosophus patria Neapolitanus. Cicero lib. v. de Finibus. Idem.

(*b*) Persequi) Viñt. qui persequi

tentionem inter homines doctos in verbi contraversia positam. Nam si ars ita definitur, ut paulo ante exposuit Antonius, ex rebus penitus perspectis, planeque cognitis, atque ab opinionis arbitrio sejunctis, scientiaque comprehensis; non mihi videtur ars oratoris esse ulla. Sunt enim varia, & ad vulgarem popularemque sensum accommodata, omnia genera hujus forensis nostræ dictionis. Sin autem ea, quæ observata sunt in usu (66) ac ratione dicendi, hæc ab hominibus callidis ac peritis animadversa ac notata, verbis designata, generibus illustrata, partibus distributa sunt, (id quod fieri potuisse video) non intelligo, quamobrem non, si minus illa subtili definitione, at hac vulgari opinione, ars esse videatur. Sed sive est ars, sive artis quædam similitudo, non est quidem ea negligenda: verum intelligendum est, alia quædam ad consequendam eloquentiam esse majora.

XXIV. Tum Antonius vehementer se assentiri Crasso dixit, quod neque ita amplecteretur artem, ut ii solerent, qui omnem vim dicendi in arte ponerent, neque rursus eam totam, sicut plerique philosophi facerent, repudiaret: Sed existimo, inquit, gratum te his, Crasse, facturum, si ista exposueris, quæ putas ad dicendum plus, quam ipsam artem, posse prodesse.

Dicam equidem, quoniam institui, petamque a vobis, inquit, ne has meas ineptias efferatis: quam moderabor ipse, ne, ut quidam magister,

De Orat.

D

atque

(66) *Quæ observata sunt in usu*) Ad artem notionem populari receptam quatuor hic requirit Crassus. 1. ut vir callidus ac prudens ea diligenter observet, quibus, v. g. in dicendi facultate, facilius quispiam persuadet. 2. ut observationes suas conscribat. 3. tria dicendi genera, judiciale, exornativum, ac deliberativum clare explicet. 4. illa genera distribuat in partes, puta in constitutiones conjecturales, definitivas, juridiciales, &c. Quæ cum quis collegerit accurate, artem eloquentiæ tradiderit. *Præbeus.*

atque artifex, sed quasi unus e togatorum (67) numero, atque ex forensi usu homo mediocris, neque omnino rudis, videar non ipse aliquid a me promississe (68), sed fortuito in sermonem vestrum incidisse.

Equidem, cum peterem magistratus, solebam in preliado (69) dimittere a me Scævola, cum ei ita dicerem, Me velle esse ineptum. Id erat petere blandius: quod nisi inepte fieret, bene non posset fieri. Hunc autem esse hominem unum ex omnibus, quo præsente ego ineptus esse minime vel-

(67) *Togatorum*) Ut pallium Græcorum erat proprium, adeoque palliati vocabantur: ita a toga, qua Romani utebantur, togatorum nomen habuere. Virgilius:

Romanos verum dominos, gentemque togatam. Idem.

(68) *Aliquid a me promississe*) Annon & qui sponte, & qui invito loquuntur, omnia *a se promunt*? an vero *a se promere* significat sponte promere? hæc significatio præpositionis *a* cum verbo *promo* nullibi mihi occurrit. Vide igitur, Lector, annon editio Ven. & Mss. Norf. Mag. Mead. Harl. 1. Cant. Balg. Wag. Nov. & Joan. vetustissimus suggerant verissimam lectionem, *promississe*: quibus si fides adhibenda sit, sic locum reingas. Non ipse aliquid de me promississe, sed fortuito in sermonem vestrum incidisse. Literæ *e* & *a* in Mss. sæpe confunduntur, & litera *d* vocis de facile abforberi potuit a litera postrema præcedentis vocis aliquid. Eodem modo loquitur Horatius Serm. l. 1. Sat. 4.

---- *Ut si quid promittere de me*

Possum aliud vere, promitto.

Porro hæc lectio optime quadrat iis, quæ supra dicta sunt: innuit enim Crassus se nolle imitari Græcos, quos in præcedenti capite arguit impudentiæ, quod nulla erat res de qua non se omnia, quæ dici possent, profiterentur esse dicturos; id est, promittebant se omnibus quæstiunculis responsuros esse. Crassus igitur istis Græcis magistris, atque artificibus dicendi opponit se, quem vocat *unum e togatorum numero*, atque *ex forensi usu hominem*. Ut illi, inquit Crassus, artifices sunt, & magistri dicendi, ego vero tantum, quantum mihi opus est, didici; sic illi de se omnia promittunt, ego vero nunquam sponte, nunquam, nisi fortuito, in hujusmodi disputationes venio. *Pearcius.*

(69) *Solebam in preliando*) Id paulo fufius explicat Valerius Maximus lib. 1v. Cap. 5. *Consulatum petens Crassus, cum omnium candidatorum more circum forum supplex populo ire cogeretur, nunquam adduci potuit, ut id præsentis Q. Scævola, gravissimo & sapientissimo viro, socero suo, faceret. Itaque rogabat eum, ut a se, dum ineptæ rei deserviret, discederet: majorem verecundiam dignitatis ejus, quam candida toga suæ respectum agens. Præteus.*

vellem : quem quidem nunc mearum ineptiarum testem & spectatorem fortuna constituit. Nam quid est ineptius, quam de dicendo dicere, cum idipsum dicere nunquam sit non ineptum, nisi cum est necessarium?

Perge vero, Crasse, inquit Mucius. Istam enim culpam, quam vereris, ego præstabo.

XXV. Sic igitur sentio, inquit Crassus, naturam (70) primum, atque ingenium ad dicendum vim afferre maximam : neque vero istis, de quibus paulo ante dixit Antonius, scriptoribus artis, rationem dicendi & viam, sed naturam defuisse. Nam & animi, atque ingenii celeres quidam motus esse debent, qui & ad excogitandum acuti, & ad explicandum, ornandumque sint uberes, & ad memoriam firmi, atque diuturni. Et si quis est, qui hæc putet arte accipi posse, quod falsum est, (præclare enim se res habeat, si hæc accendi, aut commoveri arte possint : inseri quidem, & donari ab arte non possunt omnia ; sunt enim illa dona naturæ) quid de illis dicet, quæ certe cum ipso homine nascuntur ? linguæ solutio, votis sonus, latera, vires, conformatio quædam, & figura totius oris, & corporis ? Neque hæc ita dico, ut ars aliquid limare (71) non possit : neque enim ignoro, & quæ bona sint, fieri meliora posse doctrina, & quæ non optima, aliquo modo acui tamen, & corrigi posse : sed sunt quidam aut ita lingua hæsitantes, aut ita voce absoni, aut ita vultu, motuque corporis vasti, atque agrestes, ut,

D 2

etiamsi

(70) *Naturam*) Consule notam in c. 4. hujus libri. *Præst.*

(71) *Ut ars aliquid limare*) Ars naturæ dotes perficit, corrigit vitia, ut liquet exemplo Demosthenis. Ad eloquentiam & ingenio, & arte opus est, quod ad poesim requirebat Horatius in *Arte*.

*Natura fieret laudabile carmen, an arte
Quæstum est ; ego nec studium sine divite vena,
Nec rude quid prosit video ingenium ; alterius sic
Alterna possit opem res, & conjuras amice. Idem.*

etiamſi ingeniis, atque arte valeant, tamen in oratorum numerum venire non poſſint. Sunt autem quidam (a) ita naturæ muneribus in iſdem rebus habiles, ita ornatī, ut non nati, ſed ab aliquo deo ficti eſſe videantur.

Magnum quoddam eſt onus atque munus, ſuſcipere, atque profiteri, ſe eſſe, omnibus ſilentibus, unum maximis de rebus, magno in conventu hominum, audiendum. Adelt enim ſere nemo, quin acutiſ, atque acrius vitia in dicente, quam recta videat. Ita, quidquid eſt, in quo offenditur, id etiam illa, quæ laudanda ſunt, obruit. Neque hæc in eam ſententiam diſputo, ut homines adoleſcentes, ſi quid naturale forte non habeant, omnino a dicendi ſtudio deterream. Quis enim non videat C. Cælio (72), æquali meo, magno honori fuiſſe, homini novo, illam ipſam, quamcumque aſſequi potuerit, in dicendo mediocritatem? (b) Quiſ veſtrum æqualem, Q. Varium (73), vaſtum hominem, atque ſœdum, non intelligit, illa ipſa facultate, quamcumque habuit, magnam eſſe in civitate gratiam conſecutum?

XXVI. Sed quia de oratore quærimus, fingendus eſt nobis oratione noſtra, detractis omnibus

vi-

Ita nature) Lamb. *ita in iſdem rebus habiles, ita nature muneribus ornatī.*

(72) C. Cælio) De quo Tullius agit in Bruto, ut & de Q. Vario, de quo ibi multo ſentit honorificentius, quam hoc libro. Præſt.

b) *Quiſ veſtrum*) Viſt. Lamb. Grut. *Quiſ veſtrum æqualem meum, Q.*

(73) *Quiſ veſtrum æqualem Q. Varium, &c.*) Laſſi ſunt iterum plerique librarii, & editores; Mſſ. tamen Bod. Harl. 2. & Gonv. & Manutius veram lectionem retinent; delent enim vocem *meum*, quæ vulgo legitur poſt *æqualem*. Et Car. Stephanus teſtatur vocem *meum* a quibuſdam veteribus libris abeſſe. Veram autem hanc lectionem voco, quia Q. Varius non fuit æqualis Craſſi, ſed Cottæ, & Sulpicii, ut patet ex libro de Cl. Oratoribus c. 49. *Æquales propemodum fuerunt C. Cotta, P. Sulpicius, Q. Varius, &c.* Porro ſi rejiciatur *meum*, non inelegans eſt antithetiſ: Craſſus enim duo exempla proſert, C. Cælium æqualem ſuum, & Q. Varium Cottæ ac Sulpicii æqualem. Pearc.

vitiis, orator, atque omni laude cumulatus. Neque enim, si multitudo litium, si varietas causarum, si hæc turba, & barbaria forensis dat locum vel vitiosissimis oratoribus, idcirco nos hoc, quod quærimus, omitemus. Itaque in iis artibus, in quibus non utilitas quæritur necessaria, sed animi libera quædam oblectatio, quam diligenter, & quam prope fastidiose judicamus? Nullæ enim lites (74), neque controversiæ sunt, quæ cogant homines, sicut in foro non bonos oratores, item in theatro actores malos perpeti.

Est igitur oratori diligenter providendum, non uti illis satisfaciât, quibus necesse est: sed ut iis admirabilis esse videatur, quibus libere liceat judicare. Ac, si quæritis, plane quid sentiam, enuntiabo apud homines familiarissimos, quod adhuc semper tacui, & tacendum putavi. Mihi etiam quique optime dicunt, quique id facillime, atque ornatissime facere possunt, tamen, nisi timide ad dicendum accedunt, & in exordienda oratione perturbantur (75), pene impudentes videntur: tamen si * id accidere non potest. Ut enim quisque optime dicit, ita maxime dicendi difficultatem, variosque eventus (76) orationis, expectationem

D. 3

que.

(74) *Nullæ enim lites*) Hæc est Crassi sententia. Oratores malos ferimus, propterea quod litibus & forensi negotio carere homines non possunt, aut etiam nolunt: theatrum autem, & ejusmodi artibus, in quibus est tantum oblectatio, possunt carere, unde malos actores pati non possunt. *Prust.*

(75) *Perturbantur*) Id de se ipse Cicero fatetur oratione in Q. Cæcilium, quæ Divinatio dicitur. Ita deos mihi velim propitios, ut, cum illius diei mihi venit in mentem, quo die, citato reo, mihi dicendum sit, non solum commoveor animo, sed etiam toto corpore perhorresco. Et pro Dejotaro. Cum in omnibus causis gravioribus initio dicendi commoveri solem vehementius, quam videtur vel usus, vel ætas mea postulare; tum in hac causa ita me multa perturbant, ut quantum mea fides studii mihi afferat ad salutem regis Dejotari defendendam, tantam facultatis timor detrahat. Idem.

* *Id accidere*) Man. id non accidere non potest.

(76) *Variosque eventus*) Ita nonnunquam perturbantur egregii

gii

que hominum pertimescit . Qui vero nihil potest dignum re , dignum nomine oratoris , dignum hominum auribus efficere , atque edere , is mihi , etiam si commovetur in dicendo , tamen impudens videtur . Non enim pudendo , sed non faciendo , id , quod non decet , impudentiæ nomen effugere debemus . Quem vero non pudet , (id quod in plerisque video) hunc ego non reprehensione solum , sed etiam poenâ dignum puto . Equidem & in vobis animadvertere soleo , & in me ipso sæpissime experior , ut exalbescam in principiis dicendi , & tota mente atque omnibus artibus contremiscam . Adolescentulus vero sic initio accusationis exanimatus sum , ut hoc summum beneficium Q. Maximo (77) debuerim , quod continuo consilium dimiserit , simul ac me fractum , ac debilitatum metu viderit .

Hic omnes assensu , significare inter sese , & colloqui cœperunt . Fuit enim mirificus quidam in Crasso pudor , qui tamen non modo non obesset ejus orationi , sed etiam probitatis commendatione prodesset .

XXVII. Tum Antonius , Sæpe , ut dicis , inquit , animadverti , Crasse , & te , & cæteros summos oratores , quamquam tibi par , mea sententia , nemo unquam fuit , in dicendi exordio permoveri . Cujus quidem rei cum causam quærerem , quidnam esset , cur , ut in quoque oratore plurimum esset , ita maxime is pertimesceret , has causas inveniebam duas : Unam , quod intelligerent ii , quos usus ac natura docuisset , nonnunquam summis

gii oratores , ut in dicendo hæreant . Obmutuit Demosthenes præsentente Philippo Macedonum rege : obmutuit Theophrastus apud Athenienses orationem habiturus . Cicero ipse , exceptus acclamatione Clodianorum , ut refert Asconius , non ea , qua solitus erat , constantia dixit . *Præst.*

(77) Q. Maximo) Q. scilicet Fabio Maximo Serviliano , qui consulatum gessit anno U. C. DCXI. deinde censuram anno DCXXVII. ante Christum CXXVII. *Idem.*

mis oratoribus non satis ex sententia eventum dicendi procedere: ita non injuria, quotiescumque dicerent, id, quod aliquando posset accidere, ne tum accideret, timere. Altera est hæc, de qua queri sæpe soleo: cæterarum homines artium spectati, & probati, si quando aliquid minus bene fecerunt, quam solent, aut noluisse, aut valetudine impediti non potuisse consequi, id quod scirent, putantur. Noluit, inquit, hodie agere Roscius (78); aut, Crudior fuit. Oratoris peccatum, si quod est animadversum, stultitiæ peccatum videtur. Stultitia autem excusationem non habet: quia nemo videtur, aut quia crudus fuerit, aut quod ita maluerit, stultus fuisse. Quo etiam gravius iudicium in dicendo subimus. Quoties enim dicimus, toties de nobis iudicatur: &, qui semel in gestu peccavit, non continuo existimatur nescire gestum: cuius autem in dicendo aliquid reprehensum est, aut æterna in eo, aut certe diuturna valet opinio tarditatis.

XXVIII. Illud vero, quod a te dictum est, esse permulta, quæ orator, nisi a natura haberet, non multum a magistro adjuvaretur; valde tibi assentior, inque eo vel maxime probavi summum illum doctorem, Alabandensem (79). Apollonium, qui cum mercede doceret, tamen non patiebatur, eos, quos iudicabat non posse oratores evadere, operam apud sese perdere, dimittebatque; & ad quam quemque artem putabat esse aptum, ad eam impellere atque hortari solebat. Satis est enim cæteris artificii percipiendis, tantummodo similem esse hominis; & id, quod tradatur, vel etiam inculcetur, si quis forte sit tardior, posse percipere

D 4 ani-

(78) *Roscius*.) Insignis ætate Ciceronis histrio, de quo plura in his, & aliis libris oratoriis Tullius. *Idem*.

(79) *Alabandensem*.) Ex Alabanda, quæ urbs est Asiæ minoris in Caria. Alius Apollonius Molō, cuius supra meministi, Rhodius fuit. *Idem*.

animo, & memoria custodire. Non quaeritur mobilitas linguae, non celeritas verborum, non denique ea, quae nobis non possumus fingere, facies, vultus, sonus. In oratore autem acumen dialecticorum (80), sententiae philosophorum, verba prope poetarum, memoria jurisconsultorum, vox tragicorum, gestus pene summorum actorum est requirendus. Quamobrem nihil in hominum genere rarius perfecto oratore inveniri potest. Quae enim singularum rerum artifices singula si mediocriter adepti sunt, probantur, ea, nisi omnia sunt in oratore, probari non possunt.

Tum Crassus, Atqui vide, inquit, in artificio perquam tenui (81), & levi, quanto plus adhibeatur diligentiae, quam in hac re, quam constat esse maximam. Saepe enim soleo audire Roscium, cum ita dicat, se adhuc reperire discipulum, quem quidem probaret, potuisse neminem: non quo non essent quidam probabiles, sed quia, si aliquid modo esset vitii, id ferre ipse non posset. Nihil est enim tam insigne, nec tam ad diuturnitatem memoriae stabile, quam id, in quo aliquid offenderis.

Itaque ut ad hanc similitudinem hujus histronis, oratoriam laudem dirigamus; videtisne, quam nihil ab eo, nisi perfecte, nihil nisi cum summa venustate fiat? nihil nisi ita, ut deceat, & uti omnes moveat, atque delectet? Itaque hoc jamdiu est consecutus, ut, in quo quisque artificio excelleret, is in suo genere Roscius diceretur. Hanc ego absolutionem, perfectionemque in oratore

(80) *Dialecticorum*) Quorum propria est subtilitas: proficiunt enim artem differendi, cujus finis est verum a falso distinguere. *Idem*.

(81) *Artificio perquam tenui*) Non alia villior, si servitia exceperis, quam histronum fuit apud Romanos conditio. Nonnullis Imperatorum legibus infames declarantur in codice Justinian. lib. xi. titulo xli. aliis tamen ab infamia vindicari videntur. *Idem*.

tore desiderans, a qua ipse longe absum, facio impudenter. Mihi enim volo ignosci, cæteris ipse non ignosco. Nam qui non potest, qui vitiose facit, quem denique non decet, hunc (ut Apollonius jubebat) ad id, quod facere possit, detrudendum puro.

XXIX. Num tu igitur, inquit Sulpicius, me, aut hunc Cottam, jus civile (82), aut rem militarem jubes discere? nam quis ad ista summa, atque in omni genere perfecta potest pervenire? Tum ille, Ego vero, inquit, quod in vobis egregiam quandam, ac præolaram indolem ad dicendum esse cognovi, idcirco hæc exposui omnia: nec magis ad eos deterrendos, qui non possent, quam ad vos, qui possētis, exacuendos accommodavi orationem meam: & quanquam in utroque vestrum summum esse ingenium studiumque perspexi, tamen hæc, quæ sunt in specie posita (83), de quibus plura fortasse dixi, quam solent Græci dicere, in te, Sulpici, divina sunt. Ego enim neminem, nec motu corporis, neque ipso habitu atque forma aptiorem, nec voce pleniorē, aut suaviorem mihi videor audisse: quæ quibus a natura minora data sunt, tamen illud assequi possunt, ut iis, quæ habeant, modice & scienter utantur, & ut ne dedecet. Id enim est maxime vitandum, & de hoc uno minime est facile præcipere, non mihi modo, qui sicut unus paterfamilias his de rebus loquor, sed etiam ipsi illi Roscio, quem sæpe audio dicere, caput esse artis, DECERE: quod tamen unum id esse, quod tradi arte non possit. Sed, si placet, sermonem alio

(82) *Jus civile*) Tribus scilicet artibus operam vulgo dare solebant nobiles Romani, aut eloquentiæ, aut jurisprudentiæ, aut militiæ. *Idem*.

(83) *Quæ sunt in specie posita*) Quæ pertinent ad quandam corporis dignitatem; ut ætate, vox, motus & conformatio corporis. *Idem*.

alio transferamus, & nostro more aliquando, non rhetorico, loquamur.

Minime vero, inquit Cotta. Nunc enim te jam exoremus necesse est; quoniam retines nos in hoc studio, nec ad aliam dimittis artem, ut nobis explices, quidquid est istud, quod tu in dicendo potes. Neque enim sumus nimis avidi: ista tua mediocri (84) eloquentia contenti sumus; idque ex te quærimus, (ut ne plus nos assequamur, quam quantum tu in dicendo assecutus es) quoniam, quæ a natura expetenda sunt, ea dicis non nimis deesse nobis, quid præterea esse assumendum putet?

XXX. Tum Crassus aridens, Quid censes, inquit, Cotta, nisi studium, & ardorem quandam amoris? sine quo cum in vita nihil quidquam egregium, tum certe hoc, quod tu expetis, nemo unquam assequetur. Neque vero vos ad eam rem video esse cohortandos: quos, cum mihi quoque sitis molesti, nimis etiam flagrare intelligo cupiditate. Sed profecto studia nihil profunt perveniendi aliquo, nisi illud, quod eo, quo intendas, ferat, deducatque, cognoris. Quare, quoniam mihi levius quoddam onus imponitis, neque ex me de oratoris arte, sed de hac mea, quantulacumque est, facultate quæritis, exponam vobis quandam, non aut perreconditam, aut valde difficilem, aut magnificam, aut gravem rationem consuetudinis meæ, qua quondam solitus sum uti, cum mihi in isto studio versari adolescenti licebat.

Tum Sulpicius, O diem, Cotta, nobis, inquit, optatum! quod enim neque precibus unquam, nec insidiando, nec speculando assequi potui, ut, quid Crassus ageret, meditandi, aut dicendi causa, non modo videre mihi, sed ex ejus scri-

(84) *Ista tua mediocri*) Ironice dictum : tua tibi videtur eloquentia mediocris, nobis maxima. *Idem.*

scriptore (85), & lectore Diphilo suspicari liceret; id spero nos esse adeptos, omniaque jam ex ipso, quæ diu cupimus, cognituros.

XXXI. Tum Crassus, Atqui arbitror, Sulpici, cum audieris, non tam te hæc admiraturum, quæ dixero, quam existimaturum, tum, cum ea audire cupiebas, causam, cur cuperes, non fuisse. Nihil enim dicam reconditum, nihil expectatione vestra dignum, nihil aut inauditum vobis, aut cuiquam novum. Nam principio illud, quod est homine ingenuo, liberaliterque educato dignum, non negabo me ista omnium communia & contrita præcepta didicisse.

Primum, oratoris officium esse, dicere ad persuadendum accommodate. Deinde esse omnem orationem aut de infinitæ rei quæstione (86), sine designatione personarum, & temporum; aut de re certis in personis, ac temporibus locata. In utraque autem re quidquid in controversiam veniat, in eo quæri solere, aut factumne sit (87), aut, si est factum, quale sit, aut etiam quo nomine vocetur, aut, quod nonnulli addunt, recte ne factum esse videatur. Existere autem controversias etiam ex scripti interpretatione (88), in quo

(85) *Ejus scriptore*) Romani studiis literarum addicti, ut parcerent operæ, servos habebant, quibus ad scribendum & legendum uterentur. Id Ciceroni Tyro, Crasso Diphilus præstabat. *Idem.*

(86) *De infinitæ rei quæstione*) Quæstio est argumentum orationis, sive id de quo quæritur. Ea quæstio, si nullis definita est circumstantiis personarum, loci, temporis, &c. vocatur infinita, & vulgo thesis, interdum etiam locus communis; verbi gratia, an bellum sit gerendum. Si designantur personæ, locus, tempus, &c. vocatur quæstio definita, seu hypothesis, causa, controversia: verbi gratia, an contra Cæsarem bellum sit gerendum. *Idem.*

(87) *Aut factumne sit*) Hæc pertinent ad causarum constitutiones, de quibus dictum vide librum 1. Herennianum. *Idem.*

(88) *Ex scripti interpretatione*) De qua consule lib. II. ad Heren. *Idem.*

quo aut ambigue (89) quid sit scriptum, aut contrarie; aut ita, ut a sententia scriptum dissideat: his autem omnibus partibus subjecta quædam esse argumenta propria. Sed causarum, quæ sint a communi quæstione sejunctæ; partim in iudiciis (90) versari, partim in deliberationibus: esse etiam genus tertium, quod in laudandis, aut vituperandis hominibus poneretur; certosque esse locos, quibus in iudiciis uteremur, in quibus æquitas quæritur: alios in deliberationibus, qui omnes ad utilitatem dirigerentur eorum, quibus consilium daremus: alios item in laudationibus, in quibus ad personarum dignitatem referrentur. Cumque esset omnis oratoris vis, ac facultas in quinque partes (1) distributa, ut deberet reperire primum, quid diceret; deinde inventa non solum ordine, sed etiam momento quodam, atque iudicio dispensare, atque disponere; tum ea denique vestire, atque ornare oratione; post memoria seprire; ad extremum agere cum dignitate & venustate. Etiam illa cognoram, & acceperam, antequam de re diceremus, initio conciliandos (2) eorum esse animos, qui audirent: deinde rem demonstrandam: postea controversiam constituendam: tum id, quod nos intenderemus, confirmandum: post, quæ contra dicerentur, refellenda: extrema autem oratione ea, quæ pro nobis essent, amplificanda & augenda; quæque essent pro adversariis, infirmanda atque frangenda.

XXXII. Audieram etiam, quæ de orationis
ipsum

(89) *Aut ambigue*) Vide librum II. ad Heren. *Idem*.

(90) *Partim in iudiciis*) De triplici genere, iudiciali, deliberativo, & exornativo consule lib. I. Herennianum. *Idem*.

(1) *In quinque partes*) Inventionem scilicet, dispositionem, exornationem, memoriam, & actionem. *Idem*.

(2) *Initio conciliandos*) Partes orationis designat, exordium, narrationem, propositionem, confirmationem, refutationem, ac perorationem. *Idem*.

ipsius ornamentis traderentur; in qua præcipitur primum, ut pure, & Latine loquamur: deinde ut plane & dilucide: tum ut ornate: post ad rerum dignitatem apte, & quasi decore: singularumque rerum præcepta cognoram.

Quin etiam, quæ maxime propria essent naturæ, tamen his ipsis artem adhiberi videram. Nam de actione, & de memoria quædam brevia, sed magna cum exercitatione præcepta gustaram. In his enim fere rebus omnis istorum artificum doctrina versatur, quam ego si nihil dicam adjuvare, mentiar. Habet enim quædam quasi ad commo-
nendum oratorem, quo quidque referat, & quo intuens, ab eo, quodcumque sibi proposuerit, minus aberret.

Verum ego hanc vim intelligo esse in præceptis omnibus, non ut ea secuti oratores, eloquentiæ laudem sint adepti, sed, quæ sua sponte homines eloquentes facerent, ea quosdam observasse, atque * id egisse: sic esse non eloquentiam ex artificio, sed artificium ex eloquentia natum; quod tamen, ut ante dixi, non ejicio. Est enim, etiamsi minus necessarium ad bene dicendum, tamen ad cognoscendum non illiberale.

Ea exercitatio quædam suscipienda vobis est: quanquam vos quidem jampridem estis in cursu: sed iis, qui ingrediuntur in stadium, quique ea, quæ agenda sunt in foro, tanquam in acie (3), possunt etiam nunc exercitatione quasi ludrica prædiscere, ac meditari.

Hanc ipsam, inquit Sulpicius, nosse volumus: attamen illa, quæ abs te breviter de arte decursa sunt, audire cupimus, quanquam sunt nobis quoque

* Id egisse) Man. atque selegisse. Lamb. atque in artem rede-
gisse:

(3) Tanquam in acie) Forum comparatur cum acie & prælio: exercitatio vero domestica cum palæstra, in qua milites tyrones ludicris certaminibus finguntur ad vera prælia, Prust.

que non inaudita. Verum illa mox: nunc de ipsa exercitatione quid sentiant, quærimus.

XXXIII. Equidem probo ista, Crassus inquit, quæ vos facere soletis, ut, causa aliqua posita consimili causarum earum, quæ in forum deferuntur, dicatis quam maxime ad veritatem accommodate. Sed plerique in hoc vocem modo, neque eam scienter, & vires exercent suas, & linguæ celeritatem incitant, verborumque frequentia delectantur: in quo fallit eos, quod audierunt, *dicendo homines, ut dicant, efficere solere*. Vere enim etiam illud dicitur, *perversè dicere, homines, perversè dicendo, facillime consequi*. Quamobrem in istis ipsis exercitationibus, etsi utile est, etiam subito sæpe dicere, tamen illud utilius, sumpto spatio ad cogitandum, paratius, atque accuratius dicere. Caput autem est, quod (ut vere dicam) minime facimus, (est enim magni laboris; quem plerique fugimus) quam plurimum scribere. *Stylus* (4) *optimus, & præstantissimus dicendi effector, ac magister*: neque injuria: nam si subitam & fortuitam orationem commentatio, & cogitatio facile vincit; hanc ipsam profecto assidua, ac diligens scriptura superabit.

Omnes enim sive artis sunt loci (5), sive ingenii cujusdam atque prudentiæ, qui modo insunt in ea re, de qua scribimus, acquirentibus nobis, omnique acie ingenii contemplantibus ostendunt se

(4) *Stylus*) Proprie significat graphium, hoc est, acum ferream, qua Romani veteres, cum in obductis cera tabulis scriberent, utebantur ad formandas in cera literas. Hic stylus sumitur pro exercitatione scribendi frequenter, & per otium. Vulgo stylus est ipse modus & ratio scribendi, seu conformatio certa sententiarum & verborum in oratione: quomodo Ciceronianus, Virgilianusque stylus dicitur. Interdum etiam accipitur pro reprehensione, quo sensu Tullius ait, censorium stylum pertimescere. *Idem*.

(5) *Loci*) Loci oratorii sunt argumentorum sedes; alii intrinseci, & in ipsa causa positi, ut definitio, enumeratio partium, &c. alii extrinseci, & extra rem ipsam, ut locus a fama, a seculis, &c. *Idem*.

se (6) & occurrunt; omnesque sententiæ , verbaque omnia , quæ sunt cujusque generis maxime illustra , sub acumen styli subeant , & succedant necesse est : tum ipsa collocatio , conformatioque verborum perficitur in scribendo , non poetico , sed quodam oratorio numero , & modo . Hæc sunt , quæ clamores , & admirationes in bonis oratoribus efficiunt ; neque ea quisquam , nisi diu , multumque scriptitarit , etiamsi vehementissime se in his subitis dictionibus exercuerit , consequetur : & qui a scribendi consuetudine ad dicendum venit , hanc affert facultatem , ut , etiam subito si dicat , tamen illa , quæ dicantur , similia scriptorum esse videantur ; atque etiam , si quando in dicendo scriptum attulerit aliquid , cum ab eo discesserit , reliqua similis oratio consequetur . Ut concitato navigio , cum remiges inhibuerunt (7) , retinet tamen ipsa navis motum , & cursum suum , intermisso impetu , pulsque remorum : sic in oratione perpetua , cum scripta deficiunt , parem tamen obtinet oratio reliqua cursum , scriptorum similitudine & vi concitata .

XXXIV. In quotidianis autem * commentationibus

(6) *Ostendunt se*) Triplex scribentium utilitas . Inveniunt certius ea omnia , quibus probari , ac defendi causa potest ; illustres sententias seligunt ; verba expendunt : quod facere non possunt qui dicunt ex tempore . *Idem* .

(7) *Cum remiges inhibuerunt*) Lamb. notavit legendum *sustinuerunt* ; non ut vulgo , *inhibuerunt* . Lambini lectionem probat , causasque , quas ille omisit , insuper affert . Cicero hos Oratorios Libros prius , quam Academicas Quaestiones scripsit : ex libro autem 13. Ep. ad Att. ep. 21. colligere possumus ipsum in istis Acad. Libris , qui nunc defunt , monitu Attici scripsisse *inhibere remos* , pro *sustinere* : postea vero observatis nautarum formulis , jubet Atticum legere *sustinere* . Dicit enim ; *inhibitio remigum motum habet , & vehementiorem quidem , remigationis , navim convertentis ad puppim* . Quod igitur de illo in Acad. Quaest. loco Cicero dicit , de hoc ipso loco , quem expendimus , dicendum est : hic enim caremus voce , quæ significet cursum navis esse tardatum : ipsius igitur Ciceronis monitu vox , *sustinuerunt* , recipienda est . *Pearcius* .

* *Commentationibus*) *Vist. Grut. cogitationibus* . Lamb. *concentrationibus*

nibus equidem mihi adolescentulus proponere solebam illam exercitationem maxime, qua C. Carbonem (8) nostrum illum inimicum solitum esse uti sciebam, ut aut versibus propositis quam maxime gravibus, aut oratione aliqua lecta ad eum finem, quem memoria possem comprehendere, eam rem ipsam, quam legissem, verbis aliis quam maxime possem lectis pronuntiarem. Sed post animadverti, hoc esse in hoc vitii, quod ea verba, quæ maxime cujusque rei propria, quæque essent ornatissima atque optima, occupasset, aut Ennius (9), si ad ejus versus me exercerem, aut Gracchus, si ejus orationem mihi forte proposuissem: ita, si iisdem verbis uterer, nihil prodesse; si aliis, etiam obesse, cum minus idoneis uti consuecerem. Postea mihi placuit, eoque sum usus adolescens, ut summorum oratorum Græcas orationes explicarem: quibus lectis hoc assequebar, ut, cum ea, quæ legerem Græce, Latine redderem (10), non solum optimis verbis uterer, & tamen usitatis, sed etiam exprimerem quædam verba imitando, que nova nostris essent, dummodo essent idonea. Jam vocis, & spiritus, & totius corporis, & ipsius linguæ motus, & exercitationes, non tam artis indigent, quam laboris: quibus in rebus habenda est ratio diligenter, quos imitemur, quorum similes velimus esse. Intuendi nobis sunt non solum oratores, sed etiam actores, ne mala consuetudine ad aliquam deformitatem pravitatemque veniamus. Exercenda est etiam memoria,

edi-

(8) *C. Carbonem*) Qui sibi veneno necem intulit, ut traditur in *Biuto. Prust.*

(9) *Ennius*) De quo vide librum secundum Herennianum. De Graccho Cicero disserit in libro de claris oratoribus. *Idem.*

(10) *Quæ legerem Græce, Latine redderem*) Hoc veteres oratores optimum iudicabant... Hoc Cicero sua ipse persona frequentissime præcipit: quin etiam libros Platonis, atque Xenophontis edidit hoc genere translatos. Quintilianus lib. x. cap. 5. *Idem.*

discendis ad verbum quam plurimis & nostris scriptis, & alienis. Atque in ea exercitatione non sane mihi displicet adhibere, si consueris, etiam istam locorum simulacrorumque rationem (11), quæ in arte traditur. Educenda deinde dictio est ex hac domestica exercitatione, & umbratili, medium in agnen, in pulverem, in clamorem, in castra, atque aciem forenses. Subeundus usus omnium, & periclitandæ vires ingenii; & illa commentatio inclusa, in veritatis lucem proferenda est. Legendi etiam poetæ, cognoscenda historia, omnium bonarum artium scriptores ac doctores & legendi & pervolutandi, & exercitationis causa laudandi, interpretandi, corrigendi, vituperandi, refellendi; disputandumque de omni re in contrarias partes, &, quidquid erit in quaque re, quod probabile videri possit, eliciendum atque dicendum. Perdiscendum jus civile, cognoscendæ leges, percipienda omnis antiquitas, senatoria consuetudo, disciplina reipublicæ, jura sociorum (12), fœdera (13), pactiones, causa imperii cognoscenda est. Libandus est etiam ex omni genere urbanitatis facetiarum quidam lepos: quo, tanquam sale, perspergatur omnis oratio. Effudi vo-

De Orat.

E. bis

(11) *Locorum, simulacrorumque rationem*) Memoria artificialis, de qua consulendus liber 3. ad Herennium, cap. 21. maxime in eo continetur, ut loca, & imagines quædam animo informentur, quibus velut imponantur & inhæreant ea, quorum volumus meminisse. Loca sunt, verbi gratia, domus aliqua, ubi limen, cubicula, fenestræ, &c. Imagines, aliæ sunt hominum & ferarum, aliæ rerum anima & motu carentium, ut arborum, lapidum, &c. Quæ imagines certo inter se ordine collocatæ res ipsæ affixas facilius exhibent. Vide Fabium lib. xi. cap. 2. *Idem*.

(12) *Jura sociorum*) Socii Romanorum dicebantur ii populi, qui vel sua sponte, & bello non laceffiti societatem cum Romanis inibant; vel qui ab iis victi, certas, quibus uterentur, leges accipiebant: suas etiam fœdere constituto fervebant. *Idem*.

(13) *Fœdera*) Multo plus habent dignitatis, & caeremoniarum, quam pactiones: sunt enim fœdera vocatis divis, dato jureiurando, occisa porca; pactiones sola voce aliquando concipiuntur, & data invicem, acceptaque fide. Rursum, pactiones iniiri cum privatis possunt, non fœdera. *Idem*.

bis omnia, quæ sentiebam; quæ fortasse, quemcumque patremfamilias arripuissetis ex aliquo circulo, eadem vobis percontantibus respondisset.

XXXV. Hæc cum Crassus dixisset, silentium est consecutum. Sed quanquam satis iis, qui aderant, ad id, quod erat propositum, dictum videbatur, tamen sentiebant celerius esse multo, quam ipsi vellent, ab eo petoratum. Tum Scævola, Quid est, Cotta? inquit, quid tacetis? nihilne vobis in mentem venit, quod præterea a Crasso requiratis?

Immo id mehercule, inquit, ipsum attendo. Tantus enim cursus verborum fuit, & sic evolavit oratio, ut ejus vim, atque incitationem aspexerim; vestigia, ingressumque vix viderim: & tanquam in aliquam locupletem ac refertam domum venerim, non explicata veste, neque proposito argento, neque tabulis & signis propalam collocatis, sed his omnibus multis, magnificisque rebus * constructis ac reconditis: sic modo in oratione Crassi divitias, atque ornamenta ejus ingenii per quædam involucria, atque integumenta perspexi; sed ea cum contemplari cuperem, vix aspiciendi potestas fuit. Ita neque hoc possum dicere, me omnino ignorare quid possideat, neque plane nosse, ac vidisse.

Quin tu igitur facis idem, inquit Scævola, quod faceres, si in aliquam domum, plenam ornamentorum illam, venisses. Si ea seposita, ut dicis, essent, tuque valde spectandi cupidus esses, non dubitares rogare dominum, ut proferri juberet, præsertim si esset familiaris: similiter nunc petes a Crasso, ut eam copiam ornamentorum suorum, quam constructam uno in loco, quasi per transennam (14) prætereuntes strictim aspeximus,

in

* *Constructis*) Lamb. *constrictis*, & paulo infra *constrictans*.

(14) *Quasi per transennam*) Per cancellos fenestris oppositos, visui tamen pervios. Metaphora ducta est a mercatoribus, qui

in lucem proferat, & suo quidque loco collocet.

Ego vero, inquit Cotta, a te peto, Scævola: me enim; & hunc Sulpicium impedit pudor ab homine omnium gravissimo, qui genus huiusmodi disputationis semper contempserit, hæc, quæ isti forsitan puerorum elementa videantur, exquirere. Sed tu nobis da, Scævola, & perface, ut Crassus hæc quæ coarctavit, & peranguste referfit in oratione sua, dilatat nobis, atque explicet.

Ego mehercule, inquit Mucius, antea vestra magis hoc causa volebam, quam mea: neque enim tantopere hanc a Crasso disputationem desiderabam, quantopere ejus in causis oratione delector. Nunc vero, Crasse, mea quoque etiam causa rogo, ut quoniam tantum habemus otii, quantum jamdiu nobis non contigit, ne graveris exædificare id opus, quod instituisti. Formam enim totius negotii opinione majorem, melioremque video; quam vehementer probō.

XXXVI. Enimvero, inquit Crassus, mirari satis non queo, etiam te hæc, Scævola, desiderare, quæ neque ego teneo, uti ii, qui docent; neque sunt ejus generis, ut, si optime tenerem, digna essent ista sapientia, ac tuis auribus.* An tu, inquit ille, si de istis communibus & pervagaris vix huic ætati audiendum putas, etiamne illa negligere possumus, quæ tu oratori cognoscenda esse dixisti, de naturis hominum, de moribus, de rationibus iis, quibus hominum mentes & incitarentur, & reprimerentur, de historia, de antiquitate, de administratione reipublicæ, denique de nostro ipso jure civili? Hanc enim ego omnem scien-

E 2

tiam,

qui mercibus pretiosis, quas a prætereuntibus nolunt contrectari, tales cancellos objiciunt. Itaque per transentem aspicere, idem est, quod nec propius, nec sigillatim intueri. *Præsteus.*

* An tu? Lambinus, *Ain' tu?* quod & in Pal. septimo; nam octavus, *Quin tu.* Græc.

riam, & copiam rerum in tua prudentia sciebam inesse: in oratoris vero instrumento tam lautam supellestem nunquam videram.

Potes igitur, inquit Crassus, (ut alia omittam innumerabilia, & immensa, & ad ipsum tuum ius civile veniam) oratores putare eos, quos multas horas expectavit, cum in campum (15) properaret, & ridens & stomachans Scævola (16), cum Hypseus (17) maxima voce, plurimis verbis a M. Crasso prætor contenderet, ut ei, quem defendebat, causa cadere liceret (18): Cn. autem

(15) *In campum*) A Marte, cui sacer erat, nomen habuit campus Martius, ubi & comitia centuriata habebantur, & tanquam in palæstra, juvenus Romana militiæ rudimentis instituebatur. *Præst.*

(16) *Scævola*) Non ille Q. Scævola augur, Crassi focer, quo præsentē Crassus hic differit; sed alter Q. Scævola, pontifex, jurisconsultus peritissimus, & tum, cum hoc iudicium disceptaretur, tribunus erat plebis, anno scilicet U. C. DCXLIX. *Idem.*

(17) *Hypseus*) Causam integram accipe. Ibat Scævola pontifex in campum Martium ad comitia; iter illi per forum fuit, in eo reperit oratores duos inter se litigantes, & graviter ignorantia juris civilis peccantes. Horum uni nomen Hypseus erat, alteri Cn. Octavius, qui consulatum gesserat anno U. C. DCXXVI. Hypseus accusabat aliquem tutorem, quod pupilli fortunas male administrasset. Hoc iudicium tutelæ appellatur. Octavius tutorem defendebat. Iudex hujus controversiæ M. Crassus, qui tum prætor urbanus erat, nempe anno U. C. DCXLVIII. Qui iudicio tutelæ damnabatur, cogebatur pupillo, cujus rebus male consulisset, pecuniam solvere, ac damnum refarcire; deinde lege duodecim tabularum jubebatur aliquid ultra pendere, multæ nomine. Quod si pupillus, aut ejus patronus plus a reo peteret, quam deberetur, cadebat causa. Hoc petebat Hypseus, & plus petebat, quam par esset, adeoque debebat causa cadere. Contendebat, inquit L. Crassus, ut ei, quem defendebat, nempe suo pupillo, causa cadere liceret; hoc est, petebat, ut edicto prætoris tribueretur pupillo suo major pecuniæ summa, quam deberetur; quod erat velle causam amittere. Octavius, tutoris accusati defensor imperitus, cum deberet hoc ipso vehementer lætari, quod plus, quam fas erat, peteretur; id enim si objecisset postea, & probasset, causam obtinisset, ac reum tutorem turpi iudicio tutelæ male administratæ, atque omni molestia, & periculo liberasset: Octavius, inquam, longā oratione recusabat, ne plus peteretur, hoc est, ne Hypseus causa caderet, atque ipse litem obtineret. *Idem.*

(18) *Causa cadere liceret*) Ut naturam hujus litis, ejusque

quæ

tem Octavius, homo consularis, non minus longa oratione recusaret, ne adversarius causa caderet, ac ne is, pro quo ipse diceret, turpi tutelæ iudicio, atque omni molestia, stultitia adversarii, liberaretur?

Ego vero istos, inquit, (memini enim mihi narrare Mucium) non modo oratoris nomine, sed ne foro quidem dignos putarim. Atqui non desuit illis patronis, inquit Crassus, eloquentia, neque dicendi ratio, aut copia, sed juris civilis prudentia; quod alter plus, lege agendo, petebat, quam quantum lex in XII. tabulis (19) permiserat; quod cum impetrasset, causa caderet: alter iniquum putabat plus secum agi, quam quod esset in actione; neque intelligebat, si ita esset actum, litem adversarium perditurum.

XXXVII. Quid? his paucis diebus; nonne, nobis in tribunali Q. Pompeji (20), prætoris urbani (21), familiaris nostri, sedentibus, homo ex numero disertorum postulabat, ut illi (22),

E 3 unde

quæ in sequenti capite occurrit, bene intelligamus, audi Erasmus in Adag. Chil. 5. Cent. 2. Prov. 15. „Causa cadere si videbatur, qui male agendo jus agendi perdidisset. Si quis (inquit Justinianus lib. 4. tit. 6. de Action. paragr. Si quis &c.) agent in intentione sua plus complexus fuerit, quam ad eum pertineret, causa cadebat, i. e. rem amittebat: in proximo vero paragrafo ostendit (sc. Justinianus) vocem hanc plus quadrariam intelligi; re, tempore, loco, & causa: re, si quis pro decem Aureis petat viginti, quale Hypseus iste fecerat; tempore, si quis ante diem vel conditionem petat; quod in sequenti capite patronum quendam fecisse dicit Crassus. *Parcius*.

(19) *Lex in duodecim tabulis*) Vide c. 13. *Prust*.
(20) *Q. Pompeji*) Hoc ipso anno, quo Cicero fingit habitos esse hos de oratore dialogos, scilicet U. C. DCLXIII. ante Christum XCI. Q. Pompejus Rufus urbanam jurisdictionem sortitus obtinuit. *Idem*.

(21) *Prætoris urbani*) Consule librum II. ad Herennium? *Idem*.

(22) *Postulabat, ut illis*) Hæc fuit causa. Debebat quidam alteri certam pecuniæ summam, solvendam, verbi gratia, inedunte mente Januario; alter, seu petitor non expectavit ad illud tempus, sed petiit ut sibi solveretur, verbi gratia, mense Decembri ineunte, & accusavit debitorem quod pecuniam non sola-

veret.

unde peteretur, vetus atque usitata exceptio (23) daretur, *Cujus pecunia dies fuisset?* quod petitoris causa comparatum esse non intelligebat: ut, si ille inficiator probasset judici, ante petitam esse pecuniam, quam esset cœpta deberi, petitor, rursus cum peteret, exceptione excluderetur, *Quod ea res in iudicium antea venisset*. Quid ergo hoc fieri turpius, aut dici potest, quam cum, qui hanc personam susceperit, ut amicorum controversias, causasque tueatur, laborantibus succurrat, ægris medeatur, afflicto excitet; hunc in minimis tenuissimisque rebus ira labi, ut aliis miserandus, aliis irridendus esse videatur?

Equidem propinquum nostrum P. Crassum (24) illum Divitem, & multis aliis in rebus elegantem hominem & ornatum; & præcipue in hoc effereudum & laudandum puto, quod, cum P. Scævola frater (25) esset, solitus est ei persæpe dicere, neque

vetet. Causidicus imperitus, qui debitorem defendebat, cum litem inferre petitori debuisset eo nomine, quod ante tempus peteret pecuniam, (erant enim graves poenæ positæ illis, qui ante tempus passionis, vel obligationis litem intenderent) id enim si fecisset, causa cecidisset petitor, hoc postulavit tantum, ut: sibi liceret, ac debitori, quem defendebat, uti beneficio legis, & exceptione, quæ vetabat ut pecunia peteretur ante illam diem, qua cœpta esset deberi. Quod cum postulabat, non intelligebat homo juris ignarus, comparatum hoc esse in utilitatem petitoris, & adversario suo prodesse. Hinc enim factum, ut petitor postea litem de integro intulerit, tamquam si ea res nunquam in iudicium antea venisset; quam litem inferre non potuisset, si inficiator, hoc est debitor probasset judici, ante petitam esse pecuniam, quam deberi cœpisset. Petitor enim, cum postea pecuniam suam peteret apud iudicem, exclusus fuisset lege, hoc est inipeditus ne ageret, ac moveret litem: lex enim excipit, hoc est prohibet, ne agatur iterum ea de re, quæ jam in iudicium venit, seu quæ jam dijudicata est. *Idem*.

(23) *Exceptio*) De qua dictum lib. 1. de Inventione. *Idem*.

(24) *P. Crassum*) Qui ex eadem erat familia ac L. Crassus, qui loquitur; & eum vocat propinquum suum. *Idem*.

(25) *P. Scævola frater*) P. Scævola transierat in Crassorum familiam, adoptatus a P. Licinio Crasso, qui pater fuit hujus P. Crassi, de quo hic fit mentio. *Idem*.

neque illum in jure civili satis illi arti facere posse, nisi dicendi copiam assumpisset; (quod quidem hic, qui mecum consul fuit (26), filius ejus est consecutus) neque se ante causas amicorum tractare, atque agere coepisse, quam jus civile didicisset.

Quid vero ille M. Cato (27) ? nonne & eloquentia tanta fuit, quantam illa tempora, atque illa ætas in hac civitate ferre maximam potuit, & juris civilis omnium peritissimus ? Verecundius hac de re jamdudum loquor, quod adest vir in dicendo summus, quem ego unum oratorem maxime admiror: sed tamen idem hoc semper jus civile contempsit. Verum quoniam sententiæ, atque opinionis meæ voluistis esse participes, nihil occultabo; & quoad potero, vobis exponam, quid de quaque re sentiam.

XXXVIII. Antonii incredibilis quædam, & prope singularis, & divina vis ingenii videtur, etiam si hac scientia juris nudata sit, posse facile cæteris armis prudentiæ causas tueri, atque defendere. Quamobrem hic nobis sit exceptus: cæteros vero non dubitabo primum inertię condemnare sententia mea, post etiam impudentiæ. Nam volitare in foro, hæere in iure ac prætorum tribunalibus judicia privata magnarum rerum obire, in quibus sæpe non de facto (28), sed de æquitate ac jure certetur, jactare se in causis centum-

E 4

vira-

(26) *Qui mecum Consul fuit*) In consulatu collegæ fuere L. Licinius Crassus & Q. Mucius Scaevola anno U. C. DCLIX. ante Christum XCIII. Hoc narrat Tullius in Bruto collegas in omnibus magistratibus fuisse, præterquam in tribunatu plebis, & censura. *Idem.*

(27) *M. Cato*) Censorius nimieum, cujus laudes Cicero in Bruto sæpe persequitur. *Idem.*

(28) *De facto*) Causa, in qua agitur de facto, a rhetoribus vocatur conjecturalis status; quia veritas plerumque conjecturis indagatur. *Idem.*

viralibus (29), in quibus usucapionum (30),
tutelarum (31), gentilitatum (32), agnatio-
num (33), alluvionum, circumluvionum (34),
nexorum (35), mancipiorum (36), parietum,
lumi-

(29) *In causis centumviralibus*) Centumviri erant minores
judices apud Romanos e singulis tribubus lecti ad exercenda pri-
vata de causis minoris, ut plurimum, momenti judicia. Porro
erant illi centum quinque, terni scilicet ex unaquaque tribu; tri-
bus autem erant triginta quinque; attamen, quo facilius nomina-
rentur, centumviri sunt appellati. His præsidebat prætor, ut col-
ligimus ex Plinio juniore, ex quo etiam intelligimus centumvi-
rorum numerum ad centum octoginta excrevisse. *Idem.*

(30) *Usucapionum*) Usucapio, sive usucapio, est jus possi-
dendi, & capiendi rem aliquam, quia usus illa fuisse per certum
tempus lege constitutum, eamque possedisti. *Idem.*

(31) *Tutelarum*) Tutela a Servio Sulpitio definitur, vis ac
potestas in capite libero ad defendendum eum, qui per ætatem se
ipse defendere nequit, jure civili data ac permessa. *Idem.*

(32) *Gentilitatum*) Gentilitas est ordo & series hominum,
qui sunt ex eadem familia, quique ob eam causam jura quædam
habent sibi propria; verbi gratia, hereditatis adeundæ, suscipien-
dæ tutelæ, &c. Hæc autem jura non obtinebant, neque gentili-
tate gaudebant, servi, libetti, libertini, & capite diminuti. *Ci-
cero in Topicis. Idem.*

(33) *Agnationum*) Agnati virilis sexus propinquitate juncti
sunt, quibus, ut gentilibus, propria jura sunt. *Idem.*

(34) *Alluvionum, circumluvionum*) Alluit prædium, vel
agrum fluvius, quando præter illum it: circumluit, quando to-
tum instar insulæ cingit. *Alluvio*, inquit Justinianus Instit. lib.
2. tit. 1. est incrementum latens. *Per alluvionem autem id vi-
detur adjici, quod ita paulatim adjicitur, ut intelligere non pos-
sis, quantum quoquo momento temporis adjiciatur.* Ex alluvione
autem, & circumluvione, variz controversiæ nascuntur, verbi
gratia, si vis fluminis de prædio tuo partem aliquam detraxerit,
& vicini prædio adjunxerit, cujus sit ea pars: si arbores tux in
vicini prædium delatz fluvio, in eo prædio radices egerint, fru-
ctum tolerint &c. *Idem.*

(35) *Nexorum*) Nexum, sive nexus, est obligatio civilis,
quæ cum contrahatur, aliquis libram & æs manu tenebat, qui
vocabatur libripens. Vide Topica, Cap. 5. Præterea civis ille ne-
xus dicebatur, qui cum esset liber, pecuniamque alteri deberet,
illi addicebatur in servitutem, ut ipsi pro pecunia, quam debe-
ret, nec posset solvere, servilem operam præstaret, dum æs alie-
num dissolveret. Nexum autem dicebatur, quod nesteretur, id
est, compedibus, aut nervo vinctus, & clausus teneretur. *Livius lib. viii.* Addictus etiam vocabatur. *Idem.*

(36) *Mancipiorum*) Mancipium, inquit Isidorus, est quid-
quid manu capi potest. Aliquando sumitur pro quolibet servo,
hic pro aliqua re, quæ accipitur aut alteri possidenda traditur,
vel pro actione, qua id fit. *Idem.*

luminum (37), stillicidiorum (38), testamentorum raptorum, aut ratorum, cæterarumque (39) rerum innumerabilium jura versentur; cum omnino, quid suum, quid alienum, quare denique cæcis an peregrinus, servus an liber quispiam sit, ignoret, insignis est * impudentiæ. Illa vero (40) deridenda arrogantia est, in minoribus navigiis rudem esse se confiteri; quinquereemes (41), aut etiam majores, gubernare didicisse. Tu mihi cum in circulo decipiare adversarii stipulatiuncula (42); & cum

(37) *Parietum, luminum*) De pariete communi sæpe incidit controversia; de tigno in parietem immisso, de alio pariete aut adjuncto, aut supra communem exædificato, &c. Item de luminibus; verbi gratia, si quis altius adificet, ac vicini luminibus officiat; si quis prospectum in ædes tuas habeat, &c. *Idem*.

(38) *Stillicidiorum*) Stillicidium est aquæ pluvix lapsus e tecto. Unde possunt oriri lites de servitute stillicidii, de immit-tendis & recipiendis stillicidiis. *Idem*.

(39) *Testamentorum raptorum, aut ratorum, cæterarumque*) Ita Mss. Bod. Hal. Mag. Harl. duo, & ad oram Nov. necnon editiones Ven. Mediol. Roberti Stephani, Manutij, & Lambini, aliorumque: Mss. vero septem, *raptorum, aut ratorum*, a vera lesione non multum abhorrentes: horum igitur auctoritate voces, *aut ratorum*, inserui. Testamenta *rupta* significant ea testa-menta, quæ, aliqua conditione interveniente, aut legibus ea illo modo fieri vetantibus, decreto Centumvirum suam vim amitte-bant: sic Cicero in hujus libri c. 57. *constat agnascendo rumpi testamentum*. His autem testamentis *ruptis* opponuntur ea, quæ vim suam obtinebant decreto Centumvirum, & quæ *rata* esse dice-bantur. De his igitur ambobus Valerius Maximus in 7. libro tra-ctat: in c. 7. de *rescissis*, id est, *ruptis*, & c. 8. de *ratis*. Im-mo exempla utriusque generis Crassus hic profert; nempe testa-menti *rati* in proximo capite, cum M. Curius M. Coponium causa vicit, heresque factus fuit: testamenti vero *rupti* exemplum habes in hoc capite, cum miles a Centumviris obtinebat, ut patris sui testamentum rescinderetur: Valerio enim Maximo teste miles superior in causa discessit. *Pearcius*.

* *Impudentiæ*) Man. Lamb. *imprudentiæ*.

(40) *Illæ vero*) Quemadmodum turpe est, ac non seren-dum, si quis gloriatur se posse gubernare maximas naves, qui fateatur parva navigia non posse flectere: sic turpe est in mini-mis causis tractandis imperitum esse illum, qui tamen gravissimas, & publicas suscipere non dubitet. *Præst.*

(41) *Quinquereemes*) Naves sunt quinque remorum ordini-bus instructæ. *Idem*.

(42) *Stipulatiuncula*) Obligatio est, quam aliquis in se re-cipit, cum certis verbis interrogatus respondet: Spondes? spon-deo: fide jubes? fide jubeo. *Idem*.

& cum obſignes tabellas clientis tui, quibus in tabellis id ſit ſcriptum, quo ille capiat; ego tibi ullam cauſam maiorem committendam potero? Citius hercule is, qui duorum ſcalmorum (43) naviculam in portu everterit, in Euxino ponto (44) Argonautarum (45) navem gubernarit.

Quid, ſi ne parvæ quidem cauſæ ſunt, ſed ſæpe maximæ, in quibus certatur de jure civili; quod tandem os eſt illius patroni, qui ad eas cauſas ſine ulla ſcientia juris audent accedere? Quæ potuit igitur eſſe cauſa major, quam illius militis? de cujus morte, cum domum falſus ab exercitu nuntius veniſſet, & pater ejus, re credita, teſtamentum muſaſſet, & quem ei viſum eſſet, feciſſet heredem, eſſetque ipſe mortuus; res delata eſt ad centumviros, cum miles domum reveniſſet, egiſſetque lege in hereditatem paternam teſtamento exheres filius (46)? Nempe in ea cauſa quæſitum eſt de jure civili, poſſetne paternorum bonorum exheres eſſe filius, quem pater te-

(43) *Duorum ſcalmorum*) Scalmus eſt ſignum teres, ad quod remi alligantur, & circa quod vertuntur, Οὐδὲν μὲν αὖ κῦμα ἐκδίδονται, σκαλμοὶ, inquit Pollux lib. I. cap. 9. *Idem de remi alligantur, ſcalmus eſt.* Navicula igitur duorum ſcalmorum eſt ea, quæ duobus remis utitur. *Idem.*

(44) *Euxino ponto*) Mare illud, quod a Boſphoro Thracio orientem verſus & ſeptentrionem porrigitur. Primo Axenus pontus, quaſi inhospitalis, propter immanem eorum, qui littora occupabant, feritatem, dictus eſt; poſtea, iſſdem Græcorum commercio manſuefactis, pontus Euxinus, id eſt hospitalis appellari cœpit; nunc *La mer noire.* *Idem.*

(45) *Argonautarum*) De quibus lib. II. ad Herennium. *Idem.*

(46) *Teſtamento exheres filius*) Clariſſimus Lambinus audax Scriptorum cenſor, ſed quem non velliſſe minus audacem, cenſet hæc tria verba delenda eſſe, *teſtamento exheres filius*; teſtatur idem ea ab uno Mſ. quem vidit abeſſe. Talaus etiam dicit ea a nonnullis exemplaribus abeſſe. Utinam quidem in meis Mſ. idem obſervaſſem? cum enim *milos* præceſſerat, redundat caſus nominativus: & cum in dubio fuit, utrum exheres eſſet miles necne, non eleganter dici poteſt *exheres filius*. Porro notandum eſt me notam interrogationis poſt vocem *ſilius* poſuiſſe. *Peircius.*

testamento neque heredem, neque exheredem scrip-
sisset nominatim (47)?

XXXIX. Quid, qua de re inter Marcellos, &
Claudios patricios centumviri judicarunt? cum
Marcelli ab liberti filio stirpe (48) Claudii,
patricii ejusdem nominis, hereditatem gente ad
se rediisse dicerent, nonne in ea causa fuit ora-
toribus de toto stirpis ac gentilitatis jure dicen-
dum? Quid, quod item in centumvirali judicio
certatum esse accepimus? qui Romam (49) in
exilium venisset, cui Romæ exulare jus esset, si
se

(47) *Scripssisset nominatim*) Filio, qui in potestate est, præ-
terito, inquit Cajus jurisconsultus, inutile est testamentum: de-
bet enim nominatim appellari cum ab hereditate excluditur, alio-
quin legitime non erit exheres. *Præst.*

(48) *Ab liberti filio stirpe*) Filius liberti cujusdam e Clau-
diorum gente intestato decessit, ejusque hereditas lege rediit ad
Claudios; quorum duæ familiæ erant, altera patricia, altera ple-
beja. Claudii patricii vocabantur Pulchri, plebeji vero Marcelli:
hi de intestato mortui hereditate certabant. Claudii patricii (quo-
rum familia istius gentis maxima natu fuit,) sibi hereditatem
vindicarunt jure Gentilitatis, quia libertus iste e gente Claudia
esset, ipsorumque familia esset prima: &, quamvis servitutem
serviisset, tamen Claudii patricii contendebant eam injustam fu-
isse, ideoque se jure Gentilitatis privari non potuisse. Claudii ve-
ro plebeji, sc. Marcelli, eandem sibi vindicarunt hereditatem,
quia libertus iste stirpe propior Marcellis fuit, quam Pulchris,
& quia ista servitute (quam serviisset, & quam justam fuisse si
contendebant) jus Gentilitatis Claudiis patriciis amissum fuisse
videbatur. De significatione vocis *Gentiles* audi ipsum Ciceronem
in Topicis c. 6. *Gentiles sunt*, Qui inter se eodem nomine sunt.
Non est satis. Qui ab ingenuis oriundi sunt. *Ne id quidem sa-
tis est*. Quorum majorum nemo servitutem servivit. *Abeſt etiam
nunc*. Qui capite non sunt diminuti. *Hoc fortasse satis est*.
Idem.

(49) *Qui Romam*) Quidam peregrinus (sic appellatur qui-
cumque civis non est.) Romam venit, in exilium ejectus ex ur-
be sua & patria. Applicuit sese, id est, adjunxit ad Romanum
civem, quem coleret, observaretque, ut cliens patronum, & a
quo vicissim defendebatur, ita si civis & cliens suus fuisset. Con-
tingit ut ille peregrinus testamento nullo moreretur. Civis
Romanus, cui peregrinus ille tanquam patrono addictus fuerat,
ejus hereditatem postulavit apud centumviros, ea de causa, quod
iste peregrinus ad ipsum applicuisset sese, & veluti ipsi dedisset.
Hoc, applicationis jus appellat Cicero. De isto jure antea obsecuro,
quia raræ sunt hujusmodi causæ, dicendum causidico fuit, adeo-
que illustrandum & patefaciendum. *Præstus*. Vide Turneb. Ad-
vers. xxiv. 32.

se ad aliquem quasi patronum applicavisset, intestatoque esset mortuus, nonne in ea causa jus applicationis, obscurum sane & ignotum, patefactum in judicio, atque illustratum est a patrono? Quid nuper, cum ego C. Sergii Auratæ contra hunc nostrum Antonium judicio privato causam defenderem, nonne omnis nostra in jure versata defensio est? Cum enim Marius (50) Gratiidianus ædes Auratæ vendidisset, neque servire quandam earum ædium partem in Mancipii lege dixisset: defendebamus, quidquid fuisset incommodi in Mancipio, id si venditor scisset, neque declarasset, præstare debere.

Quo quidem in genere familiaris noster M. Bucculejus, homo neque meo judicio stultus, & suo valde sapiens, & a juris studio non abhorrens, simili in re quodam modo nuper erravit. Nam cum ædes L. Fusio venderet, in Mancipio (51) lumina, uti tum essent, ita recepit. Fusius autem, simul atque ædificari cœptum est in quadam parte urbis, quæ modo ex illis ædibus conspici posset, egit statim cum Bucculejo, quod, cuicumque particulæ cæli officeretur, quamvis esset procul, mutari lumina putabat.

Quid vero? clarissima M. Curii causa (52),
& M.

(50) *Cum enim Marius*) Rem omnem paulo fusius explicat Cicero lib. 3. de Officiis, cap. 20. *Præstetur*.

(51) *In Mancipio*) Id est, in venditione ædium. Controversia illa hujusmodi fuit. Bucculejus, cum venderet ædes suas Fusio, hæc verba in pactione scribi voluit, *Lumina* (id est, fenestras) *uti nunc sunt, ita recipio* : quibus verbis id unum in se suscepit, ut ne quis vicinus earum fenestrarum usum vel tolleretur, vel ædificiis altioribus obscuraret. In hoc Bucculejus erravit, quod verbis ambiguis usus esset; nam Fusius ei litem intendit, simul atque ædificari cœptum est in quadam remotiori urbis parte, quæ ex ædibus, quas emerat, conspici posset. Egit igitur cum Bucculejo, quia jam ex illis ædibus non idem erat cæli prospectus, & (ut ille putabat) *mutabantur lumina*, nec tum *ita erant, uti in Mancipio ex Bucculejo receperat*. Pearce.

(52) *Clarissima M. Curii causa*) Coponius quidam moriens cum uxorem gravidam putaret, filium, qui se mortuo nascere-

& M. Coponii nuper apud centumviros, quo concursu hominum, qua expectatione defensa est? cum Q. Scævola, æqualis, & collega meus, homo omnium & disciplina juris civilis eruditissimus, & ingenio, prudentiaque acutissimus, & oratione maxime limatus atque subtilis, atque ut ego soleo dicere, juris peritorum eloquentissimus, eloquentium juris peritissimus, ex scripto testamentorum jura defenderet, negaretque, nisi posthumus & natus, & antequam in suam tutelam venisset, mortuus esset, heredem eum esse posse, qui esset secundum posthumum & natum, & mortuum, heres institutus; ego autem defenderem, hac eum tum mente fuisse, qui testamentum fecisset, ut, si filius non esset, qui in tutelam veniret, M. Curius esset heres. Num destitit uterque nostrum in ea causa, in auctoritatibus, in exemplis, in testamentorum formulis, hoc est, in medio jure civili versari?

XL. Omitto jam plura exempla causarum amplif-

tur, (is posthumus dicitur, quasi postremo loco, seu, qui post humatum patrem, natus) reliquit heredem; substituit illi heredem secundum M. Curium, ea conditione, ut M. Curius esset heres, si filius posthumus ante moreretur, quam sui juris esset. Decessit subinde Coponius: sed cum uxor ejus revera gravida non esset, nullus ei natus est filius posthumus. Statim M. Coponius, agnatus mortui, apud centumviros egit, ut sibi liceret hereditatem adire: oratorem & patronum delegit Q. Scævolam. Contra M. Curius, secundus heres testamento relictus, sibi hanc hereditatem postulabat, eo nomine, quod heres fuisset institutus, si posthumus ante moreretur, quam posset per ætatem e tutoris custodia & potestate exire: perinde autem esse, quod nullus fuisset posthumus, ac si natus revera foret, ac mortuus ante tempus a patre constitutum. Erat Curii patronus L. Crassus, quem Cicero nunc loquentem facit. Q. Scævola scripto nitebatur: hæc esse verba testamenti, ut Curius tantum heres esset, si posthumus ante certum tempus moreretur: mori eum non posse qui natus non sit: natum non esse posthumum: itaque hereditatem M. Coponio agnationis jure adscribendam esse, non M. Curio, qui conditione testamenti excluderetur. Crassus contra, voluntatem ejus, qui testamentum fecisset, ac scripti sententiam spectandam esse contendebat, non ipsa verba, & apices scripti. Hanc fuisse mentem testatoris: Si filius sibi non esset, qui hereditatem paternam adiret, ut M. Curius heres esset. Causam obtinuit L. Crassus, ut refert Cicero oratione pro Cæcina, cap. 18. *Præstetur*.

plissimarum, quæ sunt innumerabilia. Capitis nostri (53) sæpe potest accidere ut causæ versentur in jure. Etenim sic C. Mancinum (54), nobilissimum, atque optimum virum, ac consularem, cum eum propter invidiam Numantini fœderis paterpatratus (55) ex S. C. Numantinis dedidisset, eumque illi non recepissent, posteaque Mancinus domum revenisset, neque in senatum introire dubitasset; P. Rutilius, M. filius, tribunus plebis de senatu jussit educi, quod eum civem negaret esse: quia memoria sic esset proditum, quem pater suus, aut populus vendidisset, aut paterpatratus dedidisset, ei nullum esse postliminium (56).

Quam

(53) *Capitis nostri*) Causa capitis apud Romanos ea dicebatur, in qua agebatur de status mutatione, sive capitis diminutione. Triplex est autem capitis diminutio: maxima, cum aliquis simul & civitatem, & libertatem amittit: minor, sive media, cum civitas quidem amittitur, libertas vero retinetur: minima, cum & civitas, & libertas retinetur, sed status hominis commutatur. Maxima servum facit: media peregrinum; minima filiumfamilias, vel patremfamilias. *Justinianus lib. 1. Instit. tit. 16. Idem.*

(54) *Mancinum*) C. Hostilius Mancinus consul anno U. C. DCXVII. prodigiorum contemptor, a Numantinis victus, & castris exutus, pacem cum iis ignominiosam fecit. Sed hanc ratam esse vetuit senatus: itaque ipse sciens ac volens illis deditus est. Cum autem non esset ab iisdem receptus, Romam rediit. Quæsitum est, an pro-cive habendus esset, sive an ullum ei postliminium esse posset. Negabat P. Rutilius, tribunus plebis, ob eam causam, quam Cicero commemorat. Affirmabant alii, quia non erat receptus ab hostibus; deditionem enim, aut donationem sine acceptione non posse intelligi; Mancinum igitur non habendum esse pro dedito, quem hostis accipere nollet. Pro Mancino judicavit populus Romanus, illumque obtinuisse præturam anno U. C. DCXX. tradit Pomponius jurisconsultus. *Florus in Epitoma, Appianus, &c. Idem.*

(55) *Paterpatratus*) Is unus e fecialibus erat, sanctiori quadam ornatus dignitate, atque auctoritate, ad parandam, hoc est, faciendum aliquod fœdus, res repetendas, bellum indicendum hosti, &c. Feciales autem fidei publicæ inter populos præerant; nec licebat bellum inferre, nisi ipsi iusti de causis susceptam declarassent, atque indixissent. *Livius lib. 1. Idem.*

(56) *Postliminium*) Cic. in Topic. c. 8. *Quæ a nobis alienata sunt, cum ad hostem pervenerint, & ex suo tanquam li-*
mi.

Quam possumus reperire ex omnibus rebus civilibus causam, contentionemque majorem (57) quam de ordine, de civitate, de libertate, de capite hominis consularis, præsertim cum hæc non in crimine aliquo (58), quod ille posset infirmari; sed in civili jure (59) consisteret? Similique in genere, inferiore ordine, si quis apud (60) nos servisset ex populo fœderato, seseque liberasset, ac postea domum revenisset; quaeritum est apud majores nostros, num is ad suos postliminio redisset, & amisisset hanc civitatem.

Quid? de libertate, quo judicium gravius esse nullum potest; nonne ex jure civili potest esse contentio, cum quaeritur, is (61), qui domini volun-

mine exierint, dein cum redierint post ad idem limen, postliminio videntur rediisse. Vide Cujacium, lib. xi. Observat. cap. 23. Pearsonius.

(57) *Majorem*) Illa scilicet Mancini causa, in qua agebatur de illius ordine, civitate, & libertate: de ordine, an senator esset, quo in ordine erat antequam hosti dederetur: de civitate, an habendus esset in numero civium: de libertate, an servus esset, an liber: de capite, an capite diminutus esset, proindeque in exilium pellendus, aut etiam omnino perdendus. *Præstus.*

(58) *Non in crimine aliquo*) Constat enim illius crimen, videlicet fœdus ignominiosum cum Numantinis factum. *Idem.*

(59) *Sed in jure civili*) Cuius est statuere, quæ sit vis illius vocis, postliminium; & an ille pro dedito sit habendus, ac proinde privandus jure postliminii, qui hostibus quidem deditus fuerit, verum ab his non receptus: quæ causa erat Mancini. *Idem.*

(60) *Si quis apud*) Aliquis e populo fœderato, homo inter suos liber & ingenuus, Romam venerat; ibi servitutem servivit; ea servitute liberatus ad suos rediit; ab his receptus non est. Quaeritum est an is dicendus esset ad suos redire postliminio, an defuisset civis Romanus esse. Causa quaerendi hæc erat, quod inter fœderatos postliminium non est, sed tantum inter hostes: itaque si ille affectus in libertatem, factus erat civis Romanus, sine postliminio poterat redire ad suos. Non poterat tamen amplius esse civis Romanus, quia jure Romano nemo poterat, ut ait Cicero pro Corn. Balbo, duarum civitatum civis esse. *Idem.*

(61) *Cum quaeritur, is*) Cum a censoribus numerarentur cives Romani de more quinquæ quoque anno; in eo numero recensebantur tantum cives, non servi: si quis igitur servus domini sui voluntate census esset, seu relatus in tabulas, in quibus scribebantur tantum civium nomina, & fortuna, quaeri poterat, an

luntate census sit (62), continuone, an ubi lustrum conditum (63), liber sit? Quid, quod usu, memoria patrum, venit, ut paterfamilias, qui ex Hispania Romam venisset, cum uxorem prægnantem in provincia reliquisset, Romæque alteram duxisset (64), neque nuntium priori remisisset (65), mortuusque esset intestato, & ex utraque filius natus esset; mediocrisve res in controversiam adducta est? cum quæreretur de duobus civium capitibus, & de puero, qui ex posteriore natus erat, & de ejus matre: quæ, si judicaretur certis quibusdam verbis (66), non novis nuptiis (67), fieri cum superiore divortium, in concubinæ locum duceretur. Hæc igitur, & horum

ille continuo libertate donatus fuisset a domino, & an liber esset, & e civium numero. *Idem.*

(62) *Domini voluntate census sit*) Quinto quoque anno a Censoribus in tabulas referebantur civium Romanorum tam nomina, quam opes. Si quis dominus tunc temporis servo suo permisit, ut in civium numero ab iis magistratibus recenseretur, is liber factus est: sed inter jurisconsultos quærebatur, utrum *consensus*, id est, eo ipso die recensendi, is liber esset, an non nisi post totum censum absolutum, sive *lustrum conditum*, quod solemnī sacrificio fiebat. *Pearcius.* Censum instituit Servius Tullus, rex Romanorum sextus. *Præf.*

(63) *Ubi lustrum conditum*) Condi lustrum dicebatur, cum census perfectus erat & absolutus: absoluebatur autem sacrificio solemnī. Lustrum est ipse census, seu recensio civium: a lustrando dicitur, tunc enim veluti lustrabantur, & recognoscebantur cives omnes. Aliquando lustrum est spatium annorum quinque: quia exactis quinque annis fiebat census. *Præfatus.* Vide Cujacium, lib. xvi. Observ. cap. 20.

(64) *Duxisset*) In uxorem accepisset. Viri novas uxores ducere solebant domum suam. *Præf.*

(65) *Nuntium.... remisisset*) Non licebat Romanis plures habere uxores: at eas repudiare, quæ ductæ essent, certis de causis fas erat, & iis quasi renunciare. *Idem.*

(66) *Certis quibusdam verbis*) His fere verbis, cum vir uxorem repudiabat, utebatur: Res tuas tibi habeto, tuas tibi res ago: quorum altero restituit dotem, altero tutoris munus in rebus uxoris deponebat. *Idem.*

(67) *Non novis nuptiis*) Videbatur is qui nuptias cum altera uxore contrahit, priorem repudiare: hunc tamen tacitum consensum recentiores jurisperiti negant sufficere. Lis igitur hæc, & controversia erat, an verbis, an mente sola, & novis nuptiis factis divortium fieri censeretur. *Idem.*

rum similia jura suæ civitatis ignorantem, erectum & celsum, alacri & prompto ore, ac vultu, huc atque illuc intuentem, vagari magna cum caterva toto foro, præsidium clientibus, atque opem amicis, & prope cunctis civibus lucem ingenii, & consilii sui porrigentem, atque tendentem, nonne in primis flagitiosum putandum est?

XLI. Et quoniam de impudentia dixi, castigamus etiam segnitiam hominum, atque inertiam. Nam si esset ista cognitio juris magna ac difficilis, tamen utilitatis magnitudo deberet homines ad suscipiendum discendi laborem impellere. Sed, o dii immortales, non dicerem hoc audiente Scævola, nisi ipse dicere soleret, nullius sibi artis facilitatem cognitionem videri. Quod quidem certis de causis a plerisque aliter existimatur: primum quia veteres illi, qui huic scientiæ præfuerunt, obtinendæ atque augendæ potentiæ suæ causa, pervulgari artem suam noluerunt: deinde, posteaquam est editum, expositis a Cn. Flavio (68) primum actionibus, nulli fuerunt, qui illa artificiose digesta generatim componerent. Nihil est enim (69), quod ad artem redigi possit, nisi ille prius, qui

De Orat.

F.

illa

(68) *Expositis a Cn. Flavio*) Posset agi lege, necne, inquit Cicero pro Murena, cap. 11. pauci quondam sciebant: Fastos enim vulgo non habebant. Erant enim in magna potentia quæ consulebantur: a quibus etiam dies, tanquam a Chaldeis petebantur. Inventus est scriba quidam Cn. Flavius, qui cornicum oculos confixerit, id est, ostenderit doctrinam veterum illorum jurisconsultorum non admodum reconditam fuisse, & singulis diebus ediscendos fastos populo proposuerit, & ab ipsis cautis jurisconsultis eorum sapientiam compilarit. Cn. iste Flavius, patre libertino natus, ob fastos populo promulgatos fuit ædilis curulis a forensi turba creatus anno U. C. CDXLVIII. *Livius lib. 1x. & Pomponius de origine juris. Idem.*

(69) *Nihil est enim*) Est enim opus quadam scientia ad artem instituendam, & res artificiose ordinandas. Philosophiam intelligit, ut colligitur ex c. 42. Neque satis est ea scire, quæ in artem possunt redigi, nisi via illa teneatur, quam quia pauci tenebant, nulli perditum fuerunt, qui artem juris civilis constituerent; unde orta est illius cognoscendæ difficultas, quæ jam nulla est, arte inventa, & perfecta. *Idem.*

illa tenet, quorum artem instituere vult, habeat illam scientiam, ut ex iis rebus, quarum ars nondum sit, artem efficere possit. Hoc video, dum breviter voluerim dicere, dictum a me esse paulo obscurius: sed experiar, & dicam, si potero, planius.

XLII. Omnia fere, quæ sunt conclusa nunc artibus, dispersa, & dissipata quondam fuerunt; ut in musicis, numeri, & voces, & modi (70); in geometria (71), lineamenta, formæ, interval- la, magnitudines: in astrologia, cæli conversio, ortus, obitus, motusque siderum: in grammati- cis (72), poetarum pertractatio, historiarum cognitio, verborum interpretatio, pronuntiandi quidam sonus. In hac denique ipsa ratione dicen- di, excogitare, ornare, disponere, meminisse, age- re; ignota quondam omnibus, & diffusa late vi- debantur. Adhibita est igitur ars quædam extrin- secus ex alio genere quodam, quod sibi totum philosophi assumunt, quæ rem dissolutam, divul- samque conglutinaret; & ratione quadam constrin- geret.

Sit ergo in iure civili finis hic, legitimæ, at- que usitatæ in rebus causisque civium, & æquabi-
lita-

(70) *Numeri, & voces, & modi*) Ex his constat musica. 1. voce, in qua spectatur tonus varius, alius acutus, alius gra- vis, alius remissus; hinc variæ canentium partes. 2. ex numeris, quæ sunt intervalla vocum, ac tempora, cum voces aut protra- hantur, aut contrahuntur, aut inciduntur, &c. 3. ex modis: modus, seu modulatio, est coagmentatio quædam vocum, ac nu- merorum. *Idem.*

(71) *In geometria*) Ars est, qua tum locorum intervalla, tum rerum, quæ sub aspectum cadunt, longitudinem, latitudi- nem, altitudinem ac profunditatem dimetitur, ex *γῆς terra*, & *μέτροι mensura*. Lineamenta sunt linearum ductus, formæ sunt fi- guræ, &c. De his Euclides fuisse disserit. *Idem.*

(72) *In Grammaticis*) Grammatica est ars emendate loquen- di. Asciscit sibi subsidia ex poetis quos evolvit, & historicis quos explicat. Versatur etiam in interpretatione verborum, & eorum origine indaganda: hanc ejus partem etymologiam vocant, hæc est notationem nominum, & veræ originis rationem. *Idem.*

* *Æqualitatis*) *Vicē Man. equalitatis.*

litatis conservatio. Tum sunt notanda genera (73), & ad certum numerum paucitatemque revocanda, Genus autem est id, quod sui similes communitio-
ne quadam, specie autem differentes, duas, aut
plures complectitur partes: partes autem sunt,
quæ generibus his, ex quibus emanant, subijcitur:
omniaque, quæ sunt vel generum vel par-
tium nomina, definitionibus, quam vim habeant,
exprimendum. Est enim definitio (74), eorum
setum, quæ sunt ejus rei propriæ, quam defini-
re volumus, brevis, & circumscripta quædam ex-
plicatio.

Hiscæ ego rebus exempla adjungerem, nisi,
apud quos hæc haberetur oratio, cernerem. Nunc
complectar quod proposui, brevi. Si enim aut mi-
hi facere licuerit, quod jamdiu cogito (75),
aut alius quispiam, aut me impedito occuparit,
aut mortuo effecerit, ut primum omne jus civi-
le in genera digerat, quæ perpauca sunt; deinde
eorum generum quasi quædam membra disperiat;
tum propriam cujusque vim definitione declaret,
perfectam artem juris civilis habebitis, magis ma-
gnam atque uberem, quam difficilem atque ob-
scuram. Acque interea tamen, dum hæc, quæ
dispersa sunt, coguntur, vel passim licet carpen-
tem,

F 2

(73) *Notanda genera*) Juris genera ista sunt: aliud publicum
est ius, aliud privatum. Rursus publicum aliud spectat res sacras;
aliud magistratus, ordinemque civitatis; aliud continetur legibus;
aliud senatusconsultis, &c. aliud civium est, aliud exterorum, &c.
Vide Ciceronem in *Tonicis*. *Præf.*

(74) *Est enim definitio*) Id attulit, quod maxime definitio-
nem continet. Vulgo enim dicitur illius partes afferuntur: una ex-
plicat id, quod est rei, quam definire volumus, commune cum
aliis rebus; altera id, quod est illi proprium. Homo est animal
rationis compos: animal, hoc illi cum bellis commune: rationis
compos, hoc proprium est ac peculiare. *Idem.*

(75) *Quod jamdiu cogito*) Hoc in persona Crassi de se ipso
Cicero dicere videtur: cum enim scripserit librum de iure civili in
artem redigendo testis est Gellius lib. 1. cap. 22. *Idem.* Vide
Philosophicorum Fragmenta.

rem, & colligentem undique, repleti iusta juris civilis scientia (76).

XLIH: Nonne videtis, equitem Romanum, hominem acutissimo omnium ingenio, sed minime cæteris artibus eruditum, C. Aculeonem (77), qui mecum vivit, semperque vixit, ita tenere jus civile; ut ei, cum ab hoc discesseritis (78), nemo de iis, qui peritissimi sunt, anteponatur? Omnia enim sunt posita ante oculos, collocata in usu quotidiano, in congressione hominum, atque in foro: neque ita multis literis, aut voluminibus magnis continentur. Eadem enim sunt elata (79) primum a pluribus: deinde, paucis verbis commutatis, etiam ab iisdem scriptoribus scripta sunt sæpius.

Accedit vero, quo facilius percipi cognoscique jus civile possit, (quod minime plerique arbitrantur) mira quædam in cognoscendo suavitas, & delectatio. Nam, siue quem aliena studia delectant, plurima est & in omni jure civili, & in pontificum libris (80), & in XII. tabulis (81), antiquitatis effigies, quod & verborum prisca vetustas cognoscitur; & actionum genera quædam,

ma-

(76) *Iusta* (vulgo, *ista*) *juris civilis scientia*) Id est, quæ sufficit, cui nihil deest ad tuendum nomen scientiæ. Sic in Oratore, c. 41. *iusta excusatio*, idem valet ac satis bona, & in epistol. ad Fam. l. 2. ep. 10. *victoria iusta* eodem dicitur sensu. Non opus est igitur, ut cum Gulielmio sententiam refingamus. *Pearcius*.

(77) *C. Aculeonem*) Hic eques Romanus Ciceronis materteram duxit uxorem: propterea filios Aculeonis Cicero consobrinos suos vocat lib. 11. de Oratore. *Præstus*.

(78) *Cum ab hoc discesseritis*) Scilicet, a Scævola. *Strebeus*.

(79) *Elata*) Quid, si, *velata*? *Muret*.

(80) *Pontificum libris*) In quibus est jus sacrorum. Pontifices, religionis & rerum divinarum apud Romanos arbitri, ita sunt appellati, quod possent facere, hoc est sacrificare. Qui Maximus dicebatur, cæteris summa auctoritate præerat, nec nisi in maximis rebus, quæ religionem spectabant, versabatur. Pontifices Maximi auctoritate valuerunt ad tempora C. Julii Cæsaris; post quem reliqui Cæsares hanc dignitatem usurparunt. *Præstus*.

(81) *XII. tabulis*) De quibus supra diximus in notis ad c. 13. *Idem*.

majorum consuetudinem vitamque declarant. Sive quis civilem scientiam contempletur, (quam Scævola non putat oratoris esse propriam, sed cuiusdam ex alio genere prudentiæ) totam hanc, descriptis omnibus civitatis utilitatibus ac parribus, XII. tabulis contineri videbitis. Sive quem ista præpotens, & gloriosa philosophia delectat, (dicam audacius,) hosce habet fontes omnium disputationum suarum, qui jure civili & legibus continentur. Ex his enim & dignitatem maximam expectandam videmus, cum verus, justus, atque honestus labor honoribus, præmiis, atque splendore decoratur; vitia autem hominum atque fraudes, damnis, ignominiiis, vinculis, verberibus, exiliis, morte multantur: & docemur non infinitis, concertationumque plenis disputationibus, sed auctoritate, nutuque legum domitas habere libidines, coercere omnes cupiditates, nostra tueri, ab alienis mentes, oculos, manus abstinere.

XLIV. Fremant omnes licet; dicam quod sentio: bibliothecas mehercule omnium philosophorum unus mihi videtur XII. tabularum libellus, si quis legum fontes & capita viderit, & auctoritatis pondere, & utilitatis ubertate superare. Ac si nos, id quod maxime debet, nostra patria delectat, cujus rei tanta est vis, ac tanta natura, ut Ithacam (82) illam in asperissimis saxulis, tanquam nidulum, affixam, sapientissimus vir (83) immortalitati anteponeret; quo amore tandem inflammari esse debemus in ejusmodi patriam, quæ una in omnibus terris domus est virtutis, imperii,

F. 3

di-

(82) *Ithacæ*) Insulam in Jonio mari prope Cephaleniâ Sophiano dicitur hodie, *Valle di Compas*; Portaccio, *Theachi* Turcis, *Phiacchi*. De Ithacæ sterilitate vide Homerum lib. iv. *Odyssæ*. *Idem*.

(83) *Sapientissimus vir*) Ulysses scilicet, cui Catypso pollicita est immortalitatem, modo secum manere perpetuo vellet *Odyss.* lib. V. *Idem*.

dignitatis? Cujus primum nobis mens, mos, disciplina, nota esse debet; vel quia est patria parens omnium nostrum, vel quia tanta sapientia fuisse in jure constituendo putanda est, quanta fuit in his tantis opibus imperii comparandis.

Percipietis etiam illam ex cognitione juris latinitatem, & voluptatem, quod, quantum præsiterint nostri majores prudentia cæteris gentibus, tum facillime intelligetis, si cum illorum Lycurgo (84), & Dracone (85), & Solone (86) nostras leges conferre volueritis. Incredibile est enim, quam sit omne jus civile, præter hoc nostrum, inconditum, ac pene ridiculum: de quo multa soleo in sermonibus quotidianis dicere, cum hominum nostrorum prudentiam cæteris hominibus, & maxime Græcis, antepono. His ego de causis dixeram, Scævola, iis, qui perfecti oratores esse vellent, juris civilis cognitionem esse necessariam.

XLV. Jam vero ipsa per se quantum afferat iis, qui ei præsent honoris, gratiæ, dignitatis, quis ignorat? læque, ut apud Græcos infirmi homines, mercedula adducti ministros se præbent in judiciis, oratoribus, ii, apud illos *πρωματικοί* (87) vocantur: sic in nostra civitate contra amplissimus quisque, & clarissimus vir, ut ille, qui

pro-

(84) *Lycurgo*) De quo supra c. 13. *Idem*.

(85) *Dracone*) Draco primus Atheniensium legislator, cuius severiores leges sanguine, non atrimento, scriptas, draconis, non hominis; esse dicebant: tanta scilicet fuit illarum immanitas, ut levia pariter, & gravia delicta capitali pœnâ animadvertent; nec minus addicerent mortem eum, qui otii convictus esset, quam qui parricidium admisisset. Cum in theatrum aliquando prodisset, coniectis in eum undique stragulis & vestimentis suffocatus est. Floruit, ut tradit lib. 1. Strom. Clemens Alexandrinus, xxxix. Olymp. anno 1. quo leges tulit. Eum perhibent tribus versuum millibus vitæ præcepta tradidisse. *Idem*.

(86) *Solone*) V. notas superiores in c. 13. *Idem*.

(87) *Πρωματικοί*) *Πρωμα* est negotium, actio: illi caudici apud Græcos velut agebant, instruebantque causas, quas oratores pronuntiarent: tela subministrabant, quæ ab oratoribus torquerentur. *Idem*.

propter hanc juris civilis scientiam sic appellatus a summo poeta est,

Egredie cordatus homo, catus Ælii' Sextus
(88),

multique præterea, qui, cum ingenio sibi auctore dignitatem (89) reperissent, perfecerunt, ut in respondendo jurē, auctoritate plus etiam, quam ipso ingenio, valerent.

Senecturi veto celebrandæ & ornandæ quod honestius potest esse perfugium, quam juris interpretatio? Equidem mihi hoc subsidium jam inde ab adolescentia comparavi, non solum ad causarum usum forensem, sed etiam ad decus atque ordinem senectutis, ut, cum me vires (quod ferè jam tempus adventat) deficere crepissent, ab solitudine domum meam vindicarem. Quid est enim præclarus, quam honoribus & reipublicæ muneribus perfundum senem posse suo jurē dicere idem? quod apud Ennium dicat ille Pythius Apollo (90), se esse eum, unde sibi non populi & reges, ac omnes sui cives consilium expèrant;

Suarum rerum incerti? quos ego meâ opè ex

Incertis certos, compotesque consili

Dimitte, ut nō res temere trahent turbidas (91).

F 4

Est

(88) *Ælii' Sextus*) De quo in Bruto. Catus idem est, quod cantus. *Æliu'* scriptum est pro *Ælius*; in versu enim s. veteres ad libitum tollebant. *Idem*.

(89) *Cum ingenio sibi auctore dignitatem &c.*) Vix Ciceronianum videtur dicere, *ingento auctore aliquid facere*. De personis sapius, nullibi verò (opinor) Noster de rebus quasi auctoribus loquitur. Fortasse igitur delenda est vox *auctore*, utpote quæ ex voce *auctoritate* in sequenti linea huc ab inscientibus libralis adducta videtur. *Reverti*.

(90) *Pythius Apollo*) Delphis colebatur. Pythius autem dicebatur, ut volunt, a serpente Pythonē, quem interemit; *Odysseus Metamorph. l. Ad Apollinis oraculum reges ubique, ac Populi consuebant*: sic ad prudentem & peritum jurisconsultum cives sui responsa, & velut oracula, petituri conveniunt. *Præst.*

(91) *Suarum rerum*; &c. Versus tres jambici ex tragicis quadam Enniana. *Idem*.

Est enim, sine dubio domus jurisconsulti, totius oraculum civitatis. Testis est hujusce Q. Mucii janua, & vestibulum (92), quod in ejus infirmissima valetudine, affectaque (93) jam ætate, maxima quotidie frequentia civium, ac summorum hominum splendore celebratur.

XLVI. Jam vero illa non longam orationem desiderant, quamobrem existimem publica quoque jura, quæ sunt propria civitatis, atque imperii, tum monumenta rerum gestarum, & vetustatis exempla, oratori nota esse debere. Nam ut in rerum privatarum causis, atque judiciis depromenda sæpe oratio est ex jure civili, & idcirco, ut antediximus, oratori juris civilis scientia necessaria est: sic in causis publicis judiciorum, concionum, senatus (94), omnis hæc & antiquitatis memoria, & publici juris auctoritas, & regendæ reipublicæ ratio ac scientia, tanquam aliqua materies, iis oratoribus, qui versantur in republica, subjecta esse debent. Non enim causidicum nescio quem, neque proclamatorem, aut rabulam (95) hoc sermone nostro conquirimus, sed eum virum, qui primum sit ejus artis antistes, cujus cum ipsa natura magnam homini facultatem daret, tamen esse deus putaretur; ut & ipsum, quod erat hominis proprium, non partum per nos, sed divinitus ad nos delatum

vide-

(92) *Janua, & vestibulum*) Janua primus est ingressus in interiora domus: vestibulum spatium est januam inter & viam relictum, ut qui ædium dominum venissent, salutatum, neque in ipsis essent ædibus, neque in via starent. Vide Gellium lib. xvi. c. 5. Idem.

(93) *Affectaque*) *Affecta*, sicuti M. Cicero, & veterum elegantissimi locuti sunt, ea proprie dicebantur, quæ non ad finem ipsum, sed proxima finem, progressa deductave erant. Gellius lib. 13. cap. 16. Idem.

(94) *Judiciorum, concionum, senatus*) Judicia exercentur in foro: conciones fiunt ad populum e rostris: senatus habetur in curia. Idem.

(95) *Rabulam*) Eum, quem insana dicendi, seu quæstus potius disendo faciendi rabies agitat, qui, quod ratione non potest, oratione & clamore obtinere contendit. Idem.

videretur: deinde qui possit non tam caduceo (96), quam nomine oratoris ornatus, incolumis vel inter hostium tela versari: tum qui scelus, fraudemque nocentis possit dicendo subijcere odio civium, supplicioque constringere: idemque ingenij præsidio, innocentiam judiciorum pœna liberare: idemque languentem, labentemque populum aut ad decus excitare, aut ab errore deducere, aut inflammare in improbos, aut incitatum in bonos, mitigare: qui denique, quemeumque in animis hominum motum res & causa postulet, eum dicendo vel excitare possit, vel sedare.

Hanc vim si quis existimat, aut ab iis, qui de dicendi ratione scripserunt, expositam esse, aut a me posse exponi tam brevi, vehementer errat: neque solum inscientiam meam, sed ne rerum quidem magnitudinem perspicit. Equidem vobis, quoniam ita voluistis, fontes, unde hauriretis, atque itinera ipsa ita putavi esse demonstranda, non ut ipse dux essem, (quod & infinitum est, & non necessarium) sed ut commonstrarem tantum viam, & ut fieri solet, digitum ad fontes intenderem (1).

LXVII. Mihi vero, inquit Mucius, satis superque abs te videtur istorum studiis, si modo sunt studiosi, esse factum. Nam, ut Socratem illum solitum ajunt dicere, perfectum sibi opus esse, si quis satis esset concitatus cohortatione sua ad studium cognoscendæ, percipiendæque virtutis: quibus enim

(96) *Caduceus*. Caduceus erat virga, quam sectales gerebant, cum ad hostes Romanorum mitterentur, seu belli, seu pacis causa; quamque præ se ferentes, sacri & ideo non violandi putabantur. *Pædrius*. Qui virgam illam, insignem pacis, gestabant, erant jure gentium ubique tuti & incolumes. Hæc est porro hujus loci sententia: Orator non tam oratoris persona, quam orationis auctoritate tutus sit. *Præstus*.

(1) *Digitum ad fontes intenderem*. Id est, ostenderem discendi cupidis, unde parari posset eloquentia. Metaphora ducta est ab iis, qui sitientibus fontes præmonstrant, quibus sitim compescant. *Præst.*

enim id persuasum esset, ut nihil mallent se esse, quam bonos viros, iis reliquam facilem esse doctrinam: sic ego intelligo, si in hac quæ patescit oratione sua Crassus, intrare volueritis, facillime vos ad ea, quæ cupitis, perventuros ab hoc aditu, januaque patefacta.

Nobis vero, inquit Sulpicius, ista sunt pergrata perque iucunda: sed pauca etiam requirimus, in primisque ea, quæ valde breviter à te, Crasse, de ipsa arte percursa sunt, cum illa te & non contemnere, & didicisse constetere. Ea si paulo latius dixeris, expleris omnem expectationem diuturni desiderii nostri. Nam nunc, quibus studendum rebus esset, accepimus, quod ipsum est tamen magnum; sed vias earum rerum, rationemque cupimus cognoscere.

Quid si, inquit Crassus, quoniam ego, quo facilius vos apud me tenerem, vestræ potius obsecutus sum voluntati, quam aut consuetudini aut naturæ meæ, petitis ab Antonio, ut ea, quæ continet, neque adhuc protulit, ex quibus unum libellum sibi excidisse jamdudum questus est, explicet nobis, & illa dicendi mysteria enuntiet? Ut videtur inquit Sulpicius. Nam Antonio dicente, etiam quid tu intelligas, sentiemus. Peto igitur, inquit Crassus, à te, quoniam id nobis, Antoni, hominibus id ætatis, oneris ab horum adolescentium studiis imponitur, ut exponas, quid iis de rebus, quas a te queri vides, sentias.

XLVIII. Deprehensum equidem me, inquit Antonius, plane video, atque sentio, non solum quod ea requiruntur à me, quorum sum ignarus atque insolens, sed quia, quod in causis valde fugere soleo, ne tibi, Crasse, succedam, id me nunc isti vitare non sinunt. Verum hoc ingrediar ad ea, quæ vultis, audacius, quod idem mihi spero usu esse venturum in hac disputatione, quod

in dicendo solet, ut nulla expectetur ornata oratio, Neque enim sum de arte dicturus, quam nunquam didici, sed de mea consuetudine; ipsaque illa, quæ in commentarium meum retuli, sunt ejusmodi, non aliqua mihi doctrina tradita, sed in rerum usu causisque tractata: quæ si vobis, hominibus eruditissimis, non probabuntur, vestram iniquitatem accusatote, qui ex me ea quæsieritis, quæ ego nescirem: meam facilitatem laudatote, cum vobis non meo judicio, sed vestro studio indutus non gravate respondero.

Tum Crassus, Perge modo, inquit, Antoni, Nullum est enim periculum, ne quid tu eloquare, nisi ita prudenter, ut neminem nostrum prænitescat ad hunc te sermonem impulisse. Ego vero inquit, pergam: & id faciam, quod in principio fieri (2) in omnibus disputationibus oportere censeo, ut, quid illud sit, de quo disputetur, explanetur; ne vagari & errare cogatur oratio; si ii, qui inter se dissenserint, non idem esse illud, de quo agitur, intelligent. Nam, si forte quaereretur, quæ esset ars imperatoris, constituendum putarem principio quis esset imperator: qui cum esset constitutus administrator quidam belli gerendi, tum adjungeremus de exercitu, de castris, de agminibus, de signorum collocationibus, de oppidorum oppugnationibus, de commæatu, de insidiis faciendis, atque vitandis, de reliquis rebus, quæ essent propriæ belli administrandi: quarum qui essent animo & scientia compotes, eos esse imperatores dicerem; utrerque exemplis Africanorum (3), & Ma-

(2) *Quod in principio fieri, &c.* Desumpta est ex Phædro Platonis hæc sententia: Πᾶσι πάντως ὁ νόμος, &c. In omni re, & fili, &c. Idem.

(3) *Africanorum* Africani duo fuere; alter P. Cornelius Scipio Africanus Major, consul factus anno U. C. DCLIX. bellum in Africam transtulit, ubi Asdrubale Carthaginensi, & Syphace Numidæ rege iterum debellatis, illustre consecutus est. Africanus co-

& Maximorum (4) : Epaminondam (5), atque Annibalem, atque ejus generis homines nominarem. Sin autem quæreremus, quis esset is, qui ad rempublicam moderandam usum, & scientiam, & studium suum contulisset, definirem hoc modo: Qui, quibus rebus utilitas reipub. pararetur, augeteturque, teneret, iisque uteretur; hunc reipublicæ rectorem, & consilii publici auctorem esse habendum, prædicaremque P. Lentulum (6), principem illum, & Tib. Gracchum patrem, & Q. Metellum, & P. Africanum, & C. Lælium, & innumerabiles alios cum ex nostra civitate, tum ex cæteris. Sin autem quæreretur, quoniam jurisconsultus vere nominaretur; eum dicerem, qui legum, & consuetudinis ejus, qua privati in civitate uterentur, & ad respondendum, & ad agendum, & ad cavendum, peritus esset; & ex eo genere Sex. Ælium (7), M. Manilium, P. Mucium nominarem.

XLIX.

gnomentum. Accusatus de accepta ab Antiocho pecunia ad pacis leges ferendas, adversariorum invidia cessit. & Linternum in Campaniam se recepit, ibique obiit anno U. C. DXXXI. ante Christum cxxxiii. *Livius, Plutarchus, &c.* Alter P. Scipio Æmilianus Africanus Minor, Carthaginem invisam Romano nominis funditus sustulit, ut narrat Paternulus, fecitque sua virtutis monumentum, quod fuerat avi ejus clementiæ. Numantiam item excisam equavit solo. Nec quisquam ullius gentis hominum aut eum clariore urbium excidio nomen suum perpetuè commendavit memoria.... Post duos consulatus, duosque triumphos, mane in lectulo repertus est mortuus, ita ut quædam elisarum sanctum in cervice reperirentur notæ, anno U. C. Dcxxxv. ante Christum cxxxix. *Idem.*

(4) *Maximorum*) Cujus nominis fuere complures arte militari celeberrimi, quibus omnibus antecelluisse videtur Q. Fabius Maximus, qui Annibalem Romæ immiuentem cunctando fregit, remque Romanam restituit. *Polyb. Liv. &c. Idem.*

(5) *Epaminondam*) Qui Thebanorum dux maximam Lacedæmonis cladem attulit ad Leuctra, quæ Bœotiz urbs est, eo- rum duce Cleombroto occiso: anno I. Olympiadis cii. ante Christum ccclxxii. suis imperium peperit. *Diodorus, &c. Idem.*

(6) *P. Lentulum*) De quo, ut & de cæteris, qui hic laudantur, differendi locus erit in Bruto. *Idem.*

(7) *Sex. Ælium*) Vide Ciceronem in Bruto, ubi & de M. Manilio & de Mucio agitur. *Idem.*

XLIX. Atque, ut jam ad leviora artium studia veniam, si musicus, si grammaticus, si poeta quæ-
ratur, possim similiter explicare, quid eorum quis-
que profiteatur, & quo non amplius ab quoque sit
postulandum. Philosophi denique ipsius, qui de
sua vi, ac sapientia unus omnia pene proficitur,
est tamen quædam descriptio: ut is, qui studeat
omnium rerum divinarum, atque humanarum vim,
naturam, causasque nosse, & omnem bene viven-
di rationem tenere, & persequi, nomine hoc ap-
pelletur.

Oratorem autem, quoniam de eo quærimus,
equidem non facio eundem, quem Crassus; qui
mihi visus est omnem omnium rerum, atque ar-
tium scientiam comprehendere uno oratoris officio,
ac nomine: atque eum puto esse, qui & verbis ad
audiendum jucundis, & sententiis ad probandum
accommodatis uti possit in causis forensibus, atque
communibus. Hunc ego appello oratorem, eumque
esse præterea instructum voce, & actione, & lepo-
re quodam volo.

Crassus vero mihi noster visus est oratoris facul-
tatem non illius artis terminis, sed ingenii sui fi-
nibus, immensis pene, describere. Nam & civita-
tum regendarum oratori gubernacula sententia sua
tradidit: in quo per mihi mirum visum est, Scæ-
vola, te hoc illi concedere, cum sæpissime tibi se-
natus breviter impoliteque dicenti maximis sit de
rebus assensus. M. vero Scarus, quem non longe
ruri apud se esse audio, vir regendæ reipublicæ
scientissimus, si audierit, hanc auctoritatem gravi-
tatis & consilii sui vindicari (8) a te, Crasse,
quod eam oratoris propriam esse dicas; jam, cre-
do, huc veniat, & hanc loquacitatem nostram
vul-

(8) *Vindicari*) Vindicari, auctore Festo, appellantur res, de
quibus controversia est: vindicare vero dicitur ille qui rem, de
qua controversia est, suam esse dicit. *Idem*.

vultu ipso, aspectuque conterreat: qui quanquam est in dicendo minime contemnendus, prudentia tamen rerum magnarum magis, quam dicendi arte, nititur.

Neque vero, si quis (9) utrumque potest, aut ille consilii publici auctor, ac senator bonus, ob eam ipsam causam orator est; aut hic disertus, atque eloquens, si est idem in procuratione civitatis egregius, illam scientiam dicendi copia est consecutus. Multum inter se distant istæ facultates, longeque sunt diversæ, atque sejunctæ; neque eadem ratione ac via M. Cato, P. Africanus, Q. Metellus, C. Lælius, qui omnes eloquentes fuerunt, orationem suam, & reipublicæ dignitatem exornabant.

L. Neque enim est interdictum aut a rerum natura, aut a lege aliqua, atque more, ut singulis hominibus ne amplius, quam singulas artes, nosse liceat. Quare non, etli eloquentissimus Athenis Pericles (10), idemque in ea civitate plurimos annos princeps consilii publici fuit, idcirco ejusdem hominis, atque artis utraque facultas existimanda est; nec, si P. Crassus idem fuit eloquens, & juris peritus, ob eam causam idest in facultate dicendi juris civilis scientia.

Nam si quisque, ut in aliqua arte & facultate excellens, aliam quoque artem sibi assumpserit, is perficiet, ut quod præterea sciet, id ejus, in quo excelles, pars quædam esse videatur: licet
ista

(9) *Neque vero, si quis*) Facile fieri potest, ut idem sit & senator bonus, & eximius orator: verum dotes illæ diversæ sunt: neque enim sequitur, ut, qui bonus est senator, is sit orator illustris, & qui illustris orator, sit senator bonus. Sed ita distinguuntur illæ facultates, ut in diversis hominibus separatæ sæpe reperiantur. *Idem.*

(10) *Pericles*) De quo Tullius in Bruto, ut de P. Crasso, & cæteris oratoribus, qui passim hic laudantur. In nostris in Brutum notis ea congestimus, quæ ad illustrium oratorum notitiam pertinetant, *Idem.*

istâ ratione dicamus, pila (11), bene & duodecim scriptis ludere (12), proprium esse juris civilis, quoniam utrumque eorum P. Mucius optime fecerit; eademque ratione dicantur, & quos *φύσις* (13) Græci nominant, iidem poetæ, quoniam Empedocles (14) physicus egregium poema fecerit. At hoc ne philosophi quidem ipsi, qui omnia, sicut propria, sua esse, atque a se possideri volunt, dicere audent, geometriam aut musicam philosophi esse, quia Platonem omnes in illis artibus præstantissimum fuisse fateantur.

Ac, si jam placet omnes artes oratori subjungere, tolerabilius est sic potius dicere, ut, quoniam dicendi facultas non debeat esse jejuna atque nuda, sed aspersa, atque distincta multarum rerum jucunda quadam varietate, sit boni oratoris multa auribus accepisse, multa vidisse, multa animo & cogitatione, multa etiam legendo percurrisse: neque ea, ut sua, possedisse, sed, ut aliena, libasse. Fateor enim, calidum quendam hunc, & nulla in re tironem, ac rudem, nec peregrinum, atque hospitem in agendo esse debere.

LI. Neque vero istis tragœdiis tuis (15), quibus uti philosophi maxime solent, Crasse, perturbor, quod ita dixisti, neminem posse eorum mentes, qui audirent, aut inflammare dicendo, aut in-

(11) *Pila*) Vide notas in lib. 3. de Oratore c. 15.

(12) *Duodecim scriptis ludere*) Vide Victorium, Var. Lect. lib. 5. cap. 13. & 50.

(13) *Φύσις*) *Φύσις natura*: *φύσις*, qui res naturales, earum causas, & effecta indagant. *Præf.*

(14) *Empedocles*) Philosophus, idemque poeta Agrigentinus. Eum tradunt, ut absumpto corpore crederetur immortalis, in ardentem *Ætææ* montis voraginem sese dedisse præcipitem, ejectis autem ferreis crepidis rem fuisse deprehensam. Ita Hippoborus apud Laertium, qui neque hoc, neque alia de ejus morte commenta approbat. Id constat, eum floruisse Olympiade lxxxiv. annis ante Christum cccxlv. *Lucretius lib. 1. Horatius in Artē, &c. Idem.*

(15) *Istis tragœdiis tuis*) Tragœdias in nugis acere dicuntur, qui rem parvam clamitando, ut fieri solet a tragœdiarum æstotibus, magnam faciunt. *Idem.*

inflammatas restinguere, cum eo maxime vis oratoris magnitudoque cernatur, nisi qui rerum omnium naturam, mores hominum, ac rationes penitus perspexerit: in quo philosophia sit oratori necessario percipienda: quo in studio hominum quoque ingeniosissimorum otiosissimorumque totas ætates videmus esse contritas: quorum ego copiam, magnitudinemque cognitionis, atque artis non modo non contemno, sed etiam vehementer admiror: nobis tamen, qui in hoc populo foroque versamur, satis est ea de moribus hominum & scire, & dicere; quæ non abhorrent ab hominum moribus.

Quis enim unquam orator magnus, & gravis, cum iratum adversario iudicem facere vellet, hæsitavit ob eam causam, quod nesciret quid esset iracundia, fervorne mentis (16), an cupiditas puniendi doloris (17)? Quis, cum cæteros animorum motus aut iudicibus, aut populo dicendo miscere, atque agitare vellet, ea dixit, quæ a philosophis dici solent? qui partim omnino motus negant (18) in animis ullos esse debere, quique eos in iudicem mentibus concitent, scelus eos ajunt nefarium facere; partim, qui tolerabiliores

VO-

(16) *Fervorne mentis*) Sic iracundia describitur ab Aristotele per causam materialem: est, inquit, fervor sanguinis circa cor, propter ulciscendi doloris cupiditatem. Melius idem Aristoteles lib. 11. Rhetor. cap. 2. Ἐστὶν δ' ὄργη ὁρεῖς μετὰ λύπης τιμωρίας φανεραιῆς διὰ φανερμένων ἐλιγωρίαν εἰς αὐτὸν ἢ εἰς αὐτὴν καὶ μὴ προσήκοντος. Ira est cum dolore coniuncta cupiditas ulciscendi sperata, propter apparentem contemptum, quo quis vel se, vel e suis aliquem immerito affectum putat. Tullius sic. 1v. libro Tusculan. quæst. Ira est libido puniendi ejus, qui læsisse videatur injuria. Idem.

(17) *Cupiditas puniendi doloris*) Id est, ulciscendi doloris, quem aliorum injuriæ nobis fecerunt. Simili modo locutus est Cicero in Orat. pro Milone: Fecit iratus, fecit inimicus, fecit ultor injuriæ, punitor doloris sui. Pearceius.

(18) *Omnino motus negant*) Stoici negant motus in animis ullos esse debere: Peripatetici mediocres admittunt. Vide Tullium lib. 3. Tuscul. quæst. Præst.

volunt esse, & ad veritatem vitæ propius accedere, permediocres, ac potius leves motus debere esse dicunt.

Orator autem omnia hæc, quæ putantur in communi vitæ consuetudine mala, ac molesta, & fugienda, multo majora & acerbiora verbis facit: itemque ea, quæ vulgo expetenda atque optabilia videntur, dicendo amplificat atque ornat: neque vult ita sapiens inter stultos videri, uti, qui audiant, aut illum ineptum, aut Græculum (19) putent, aut, etiam si valde probent (20) ingenium oratoris, sapientiam admirentur, se esse stultos moleste ferant: sed ita peragrat per animos hominum, ita sensus mentesque pertractat, ut non desideret philosophorum descriptiones, neque exquirat oratione, summum illud bonum (21) in animo-ne sit, an in corpore; virtute, an voluptate definiatur; an hæc inter se jungi copularique possint; an vero, ut quibusdam visum, nihil certum sciri, nihil plane cognosci, & percipi possit: quæ rerum fateor magnam, multiplicemque esse

De Orat. G. di:

(19) *Ineptum & Græculum*) Ita legendum cenfeo: & ita in Tusc. Disp. lib. 1. c. 35. habemus, *ineptum sane negotium & Græcul.* Pearcius.

(20) *Etiamsi valde probent*) Licet auditores maxime probent ingenium oratoris, ab eo tamen solent alienari, cum orator plus æquo suam eruditionem venditat. Qui ingenium & doctrinam aperte prædicat, auditori videtur exprobrare inopiam ingeni & scientiæ, quod valde offendit animos: nemo enim, ut ut sit hebes & ignarus, videri tamen, aut putari amat. Præst.

(21) *Summum illud bonum.*) Discrepantes philosophorum de summo bono sententias egregie & breviter Cicero collegit Tusculan. quæst. lib. v. *Sunt autem hæc de finibus, ut opinor, recte defensasque sententias: primum simplices quatuor: nihil bonum, nisi honestum; ut Stoici: nihil bonum, nisi voluptatem, ut Epicurus: nihil bonum, nisi vacuitatem, ut Hieronymus: nihil bonum, nisi natura primis bonis aut omnibus, aut maximis frui, ut Carneades contra Stoicos disseribat. Hæc simplicia: illa mixta: tria genera bonorum; maxima, animi; secunda, corporis; externa totia, ut Peripatetici, nec multo veteres Academici fecerunt. Voluptatem cum honestate Diomachus, & Coluthus copulavit. Indolentiam autem honestati Peripateticus Diogenes adiunxit. Idem.*

disciplinam, & multas, copiosas, variasque rationes. Sed aliud quiddam, longe aliud, Crasse, quaerimus: acuto homine nobis opus est, & natura, usuque callido, qui sagaciter peruestiget, quid sui cives, iique homines, quibus aliquid dicendo persuadere velit, cogitent, sentiant, opinentur, expectent.

LII. Teneat oportet venas (22) cujusque generis, ætatis, ordinis; & eorum, apud quos aliquid aget, aut erit acturus, mentes, sensusque degustet. Philosophorum autem libros reservet sibi ad hujuscemodi Tusculani requiem atque otium, ne, si quando ei dicendum erit de justitia & fide, mutetur a Platone; qui, cum hæc exprimenda verbis arbitraretur, novam quandam finxit in libris civitatem: usque eo illa, quæ dicenda de justitia putabat, a vitæ consuetudine, & a civitatum moribus abhorrebant.

Quod si ea probarentur (23) in populis, atque in civitatibus, quis tibi, Crasse, concessisset, clarissimo viro, & amplissimo principi civitatis, ut illa diceres in maxima concione tuorum civium, quæ dixisti? *Eripite nos (24) ex miseriis, eripite nos ex faucibus eorum, quorum crudelitas nostro sanguine non potest expleri: nolite sinere nos cuiquam servire, nisi vobis universis, quibus & possumus & debemus.* Omitto miseras, in quibus, ut

(22) *Venas* Metaphora ducta a venis aquarum, & metallorum quas investigant ii, qui metalla, aut aquas sub terrâ lateentes explorant. *Idem.*

(23) *Quod si ea probarentur* Si philosophiæ placita libenter audiret populus, nunquam orationem tuam, Crasse, populus Romanus probavisset: ea quippe abhorrebat a documentis philosophorum, qui negant hominem probum & sapientem servire cuiquam posse, &c. *Idem.*

(24) *Eripite nos* Verba sunt de prompta ex oratione quadam, quam Crassus paulo ante ad populum habuerat; quæ vehementer conquerebatur de equitibus Romanis, qui cum iudicia impotentius & iniquius exercebant, tum vero senatum vehementer vexabant. Crassus igitur, qui senatorum partes & causam tuebatur, ita alloquebatur populum. *Eripite nos, &c. Idem.*

illi ajunt, vir fortis esse non potest: omitto *saucos*, ex quibus te eripi vis, ne judicio iniquo exorbeatur sanguis tuus; quod sapienti negant accidere posse. *Servire* vero non modo te, sed universum senatum, cujus tum causam agebas, ausus es dicere? Potestne virtus, Crasse, *servire* (25), illis auctoribus, quorum tu praecepta oratoris facultate complecteris? quæ & semper (26), & sola libera est, quæque, etiamsi corpora capta sint armis, aut contracta vinculis, tamen suum jus atque omnium rerum impositam libertatem tenere debeat. Quæ vero addidisti, non modo senatum *servire posse* populo, sed etiam *debere*, quis hoc philosophus tam mollis, tam languidus, tam enervatus, tam omnia ad voluptatem corporis, doloremque referens, probare posset? Senatum *servire* populo, cui populus ipse moderandi & regendi sui potestatem, quasi quasdam habenas, tradidisset?

III. Itaque hæc, cum a te divinitus & ego dicta arbitrarer, P. Rutilius Rufus (27), homo doctus, & philosophiæ deditus, non modo parum commode, sed etiam turpiter & flagitiose dicta esse dicebat. Idem Q. Sergium Galbam (28), quem

G 2 ho-

(25) *Servire*) Plerique omiserunt signum distinctionis post hoc verbum. Atqui sensum pervertere omissio illa potest, & parum cautos inducere, ut putent, *illis auctoribus* esse tertium casum, quem ducat verbum *servire*, cum sextus sit casus, isque, ut Grammatici loquuntur, absolutus. Est enim hic sensus: Illi, Crasse, philosophi, quorum tu praecepta ad oratoris facultatem pertinere censes, an auctores sunt tibi, dicunt, pronuntiant, posse fieri ut virtus *serviat*, & non sit libera? *Olivetus*.

(26) *Quæ & semper*) Videndum Ciceronis paradoxum, cujus hæc est inscriptio: *Omnes sapientes liberi, omnes stulti servi*. Præstus.

(27) *P. Rutilius Rufus*) De quo in Bruto, cap. 30. *Idem*.

(28) *Serg. Galbam*) Q. Sergius Galba Hispanam provinciam, post exactam Romæ præturam, obtinuit. Is, Lusitanis ad xl. milia contra interpositam fidem partim interfecit, partim venditis, accusatus, ejus nomen, deferente L. Scribonio, tribundo plebis, perorante contra illum Catone, cum invidia & odio populi premeretur, & poenas videretur daturus, C. Sulpicii Galli, propinqui sui, viri populo acceptissimi, nuper demortui, filium ado-

hominem probe nosse, & commeminisse (29) se
 agebat, pergraviter reprehendere solebat, quod is,
 L. Scribonio quæstionem in eum ferente, populi
 misericordiam concitasset, cum M. Caro, Galbæ
 gravis atque acer inimicus, aspere apud populum
 Romanum & vehementer esset locutus: quam ora-
 tionem in Originibus (30) suis exposuit ipse. Re-
 prehendebat igitur Galbam Rutilius, quod is C.
 Sulpicii Galli, propinqui sui, Q. pupillum filium
 ipse pene in humeros suos extulisset, qui patris
 clarissimi recordatione & memoria fletum populo
 moveret, & duos filios suos parvos tutelæ populi
 commendasset, ac se, tanquam in procinctu (31)
 testamentum faceret, sine libra atque tabulis (32)

po-

adolescentem in medium protulit, cum duobus filiis suis, quos
 populi tutelæ fletus, & quasi moriturus commendavit. C. Sulpicii
 Galli recordatio, pupilli orbitas, ac puerorum aspectus ita popu-
 lum ab odio ad misericordiam traduxerunt, ut iudicio ac periculo
 Galba liberatus fuerit, anno U. C. Dcv. ante Christum Cxlix.
Livius lib. 49. Valer. Maxim. lib. viii. cap. 1. De Galba plura
apud Tullium in Bruto c. 21. Idem.

(29) *Commeminisse*) Erat enim tum adolescens Rutilius, cum
 Galba floretet. *Idem.*

(30) *Originibus*) Liber hic fuit M. Catonis, cujus inscriptio
 hæc erat, *Origines*; quia in eo libro agebat de originibus ur-
 bium, & populorum Italiæ. Vide Ciceronem in Bruto. *Idem.*

(31) *Tanquam in procinctu*) Milites Romani pugnam com-
 missuri, tribus pluribusve commissis audientibus, heredem
 nominare solebant, ut, si caderent in prælio, testamento condito
 morerentur; hoc est *in procinctu testamentum facere*. Vide Gel-
 lium, 15. 27. Quint. Inst. Or. l. 12. c. 9. occurrit *in procinctu*
stare, & Ovidius de Ponto lib. 1. ep. 8. ait,

Hæc in procinctu carmina facta puta,
 id est, sine multa meditatione, & quasi ex tempore facta. *Petr-*
cus.

(32) *Sine libra, atque tabulis*) Aliud erat testamenti genus
 per familiæ emancipationem, quo paterfamilias Imaginaria ven-
 ditione jus omne suum, ac bona transferebat in alium. Is porro
 ritus erat: Quinque testibus, ac libripende præsentibus, futurus
 heres Imaginaril pretii nomine nummum æneum dabat patrifamili-
 as, ac solemnem verborum formulam pronunciabat: *Hujus ego*
familiam, quæ mihi emptæ est hoc ære, anaque libra, jure Qui-
ritium, meam esse ajo. Deinde ære percutiens libram, illud æs
 dabat patrifamilias, qui tum hereditatis adeundæ ius emptori
 concedebat. Is autem, qui emebat, vocabatur emptor familiæ:
 itaque testamenta in tabulis scribebantur. Tertium testamenti ge-

BUS



populum Romanum tutorem instituere dixisset illo-
rum orbitati. Itaque cum & invidia, & odio po-
puli tum Galba premeretur, his quoque eum tra-
gœdiis liberatum ferebat; quod item apud Cato-
nem scriptum esse video, *nisi pueris & lacrimis*
usus esset, pœnas eum daturum fuisse. Hæc Ruti-
lius valde vituperabat, & huic humilitati dicebat
vel exilium (33) fuisse vel mortem anteponendam.
Neque vero hoc solum dixit, sed ipse & sensit, &
fecit. Nam cum esset ille vir exemplum, ut scitis,
innocentiæ; cumque illo nemo neque integrior es-
set in civitate, neque sanctior; non modo supplex
(34) iudicibus esse noluit, sed ne ornatus qui-
dem, aut * liberius causam dici suam, quam sim-
plex oratio veritatis ferebat. Paulum huic Cottæ
tribuit partium (35), disertissimo adolescenti, so-
coris suæ filio. Dixit item causam illam quadam
parte Q. Mucius, more suo, nullo apparatu,
pure & dilucide.

Quod si tu tunc, Crasse, dixisses, qui sub-
sidium oratori ex illis disputationibus, quibus philo-
sophi utuntur, ad dicendi copiam, petendum esse
paulo ante dicebas; &, si tibi pro P. Rutilio non
philosophorum more, sed tuo licuisset dicere: quam-

G 3

vis

nus calatis comitiis in populi concione fiebat. Consule Gellium,
lib. xv. cap. 27. *Prusteus.*

(33) *Dicebat vel exilium*) Nempe homo Stoicus, qui affe-
ctus omnes ex hominum animis sublato vellet, ac servilem hunc
agendi modum a sapientis dignitate, & libertate vehementer ab-
horrere censebat. *Idem.*

(34) *Non modo supplex*) P. Rutilius Rufus orator, juriscon-
sultus, philosophus, & historicus, quæstor in Asia anno U. C.
Dcxxxiii. ante Christum Cxxi. cum a publicanorum injuriis
Asianos defenderet, in invidiam & odium equestriis ordinis, qui
tum iudicia exercebant, quo ex ordine publicani legebantur, vo-
catus est. Accusatus repetundarum, damnatus, & in exilium mis-
sus est. Vide Brutum. *Idem.*

* *Liberius*) Man. *uberius.*

(35) *Tribuit partium*) Oratores & patroni alii erant prima-
rum partium, qui principem causæ locum, ac defensionis, habe-
bant, qui primi dicebant, vel de rebus præcipuis; alii secunda-
rum, alii tertiæ, &c. *Prust.*

vis scelerati illi fuissent, sicuti fuerunt, pestiferi cives (36), supplicioque digni, tamen omnem eorum importunitatem ex inimicis mentibus evellisset vis orationis tuæ. Nunc talis vir amissus est, dum causa ita dicitur, ut si (37) in illa commentitia Platonis civitate res ageretur. Nemo ingemuit, nemo inclamavit patronorum, nihil cuiquam doluit, nemo est questus, nemo rempublicam implovavit, nemo supplicavit. Quid multa? pedem nemo (38) in illo iudicio supposuit; credo, ne Stoicis renunciaretur.

LIV. Imitatus est homo Romanus & consularis veterem illum Socratem, qui, cum omnium sapientissimus esset, sanctissimeque vixisset, ita in iudicio capitis pro se ipse dixit, ut non supplex, aut reus, sed magister, aut dominus videretur esse iudicium. Quin etiam, cum ei scriptam orationem (39) disertissimus orator Lyfias attulisset, quam, si ei videretur, edisceret, ut ea pro se in iudicio uteretur, non invitus legit, & commode scriptam esse dixit: sed, inquit, ut, si mihi calceos Sicyonios (40) attulisses, non uterer, quamvis essent habiles, & apti ad pedem, quia non essent viriles; sic illam orationem disertam sibi &

ora-

(36) *Pestiferi cives*) Equites Romani, qui in gratiam publicanorum Rutilium damnaverant. *Idem*,

(37) *Ita dicitur, ut si*) Non dicitur ornatus, ac liberius quam simplex ratio veritatis ferat; nullis excitatis affectibus, nulla quaesita commiseratione, &c. id quod fieri Plato volebat in sua illa ficta rep. quam administrandam tradidit philosophis, exarminata omni elegantia dicendi, & copia, *Idem*,

(38) *Pedem nemo*) Valet pedis suppositio, ut Cicero monet, in contentuibus aut incipiendis, aut finiendis. Si fuerit crebrior, inepti hominis est, ut docet Fabius. *Idem*,

(39) *Scriptam orationem*) Vetitum olim Athenis fuit, ne quis ad suam defensionem oratorem adhiberet, Igitur Lyfias orator tum optimus scribebat orationes, quas eloquentiae rudes, quia pro se ipsi dicere jubebantur, ediscerent, ac pronantarent. Ea causa fuit, cur scriptam orationem obtulerit Socrati. *Idem*.

(40) *Sicyonios*) Sicyon urbs Peloponnesi, in Graecia, Corinthum inter & Athenas, hic olim muliebres calcei elegantissimi conficiebantur. *Idem*,

oratoriam videri, fortem & virilem non videri. Ergo ille quoque damnatus est; neque solum primis sententiis, quibus tantum statuebant iudices, damna- rent an absolverent, sed etiam illis, quas iterum (41) legibus ferre debebant. Erat enim Athenis, reo damnato, si fraus capitalis non esset, quasi poenae aestimatio (42). Ex sententia, cum iudicibus daretur, interrogabatur reus, quam quasi aestimationem commervisse se maxime confiteretur: quod cum interrogatus Socrates esset (43), respondit, sese meruisse (44), ut amplissimis honoribus & praemiis decoraretur, & ut ei victus quotidianus in Prytaneo (45) publice praeberetur; qui honos apud Graecos maximus haberetur. Cujus responso sic iudices exarserunt, ut capitis hominem innocentissimum condemnarent. Qui quidem si absolutus esset, (quod mehercule etiam si nihil ad nos pertinet, tamen propter ejus

G 4 in-

(41) *Quas iterum, &c.*) Quibus de poena statuerent, & aestimarent quam gravis deberet esse. Id autem fiebat, cum fraus capitalis non erat, seu cum crimen capite plectendum non erat. Alioquin gravioribus delictis erat poena capitis legibus constituta. Bis igitur sententiam ferebant iudices, semel cum damnabant reum; iterum, cum poenam constituiebant. *Idem.*

(42) *Quasi poenae aestimatio*) Lamb. delet istud *poenae*, recte quidem: haec enim *aestimatio* non fuit *poenae* sed *fraudis*, id est, criminis, de quo reus damnatus esset. Sic paulo infra legimus, *quam quasi aestimationem* &c. nulla *poenae* mentione facta. Apud Romanos *aestimare litens* (de quo Cicero saepius loquitur) significavit, computare quantum pecuniae is, qui in privatis iudiciis causa cecidisset, adversario solvere deberet: cum vero apud Athenienses reus damnaretur de publico quodam crimine, non capitali, iudicibus aliquando licuit, vice *poenae* (ut vocant) corporalis, multam illi irrogare. Hoc Cicero vocat *quasi aestimationem*. Pearcius.

(43) *Interrogatus Socrates esset*) Hinc colligitur iudicibus id primo propositum fuisse, ut Socrates non capitis reus multa aliqua tantum efficeretur. Et vero narrat Laertius, sic interrogatum Socratem respondisse, se drachmas viginti quinque soluturum; tum multanti- bus autem iudicibus, dixisse, se dignum qui in Prytaneo aleretur. *Prust.*

(44) *Sese meruisse*) Hoc desumptum ex Platone in apologia Socratis. *Idem.*

(45) *Prytaneo*) Locus Athenis, ubi publico sumptu alebatur ille, qui de rep. optime meriti esset. *Idem.*

ingenii magnitudinem vellem) quonam modo istos philosophos ferre possemus, qui nunc, cum ille damnatus est nullam aliam obculpam, nisi propter dicendi inscitiam (46), tamen a se oportere dicunt peti præcepta dicendi? Quibuscum ego non pugno, utrum sit melius, aut verius: tantum dico, & aliud illud esse atque hoc, & hoc sine illo summum esse posse.

LV. Nam quod jus civile, Crasse, tam vehementer amplexus es, video quid egeris: tum, cum dicebas, videbam. Primum Scævola te dedidisti, quem omnes amare meritissimo pro ejus eximia suavitate debemus: cujus artem cum indotatam esse, atque incommutatam, & incomptam videres, verborum eam dote locupletasti, & ornasti. Deinde quod in ea tu plus operæ, laborisque consumpseras, cum ejus studii tibi & hortator, & magister (47) esset domi, veritus es, nisi istam artem oratione exaggerasses, ne operam perdidisses. Sed ego ne cum ista quidem arte pugno. Sit sane tanta, quantam tu illam esse vis: etenim sine controversia & magna est, & late patet, & ad multos pertinet, & summo in honore semper fuit, & clarissimi cives ei studio etiam hodie præsent: sed vide, Crasse, ne, dum novo & alieno ornatu velis ornare juris civilis scientiam, suo quoque eam concesso & tradito spolies, atque denudes. Nam, si ita diceres, qui jurisconsultus es-

set,

(46) *Propter dicendi inscitiam*) In dicendo tantum valuit Socrates, ut, quemadmodum in apologia ipse sibi ab adversariis obiectum testatur, deteriorem causam oratione meliorem efficeret, & in libris sequentibus dicitur *rebus omnibus, omnium judicio, quatenusque se in partem dedisset, facile princeps*. Imo ipse, teste Antonio paulo supra, ita pro se dixit, ut non supplex, aut reus, sed magister, aut dominus videretur esse judicium. Conciliandus igitur secum ipse Antonius hoc modo. Nosuit mentes judicium Socrates permovere, quia id nefas putavit: artem vero, quam ut illicitam non attigit, dictus est nescivisse. *Idem*.

(47) *Hortator, & magister*) Vel Scævola Crassi socer, vel L. Cælius Antipater, cujus Cicero meminit in Bruto. *Idem*.

fer, esse eum oratorem; itemque qui esset orator, juris eundem esse consultum; præclaras duas artes constitueres, atque inter se pares, & ejusdem socias dignitatis. Nunc vero jurisconsultum sine hac eloquentia, de qua quærimus, fateris esse posse, fuisseque plurimos: oratorem negas, nisi illam scientiam assumpserit, esse posse. Ita & tibi jurisconsultus ipse per se nihil, nisi legulejus (48) quidam cautus & acutus, præco actionum (49), cantor formularum (50), auceps syllabarum (51). Sed quia sæpe utitur orator subsidio juris in causis, idcirco istam juris scientiam eloquentiæ, tanquam ancillulam pedissequamque, adjunxisti.

LVI. Quod vero impudentiam admiratus es eorum patronorum, qui aut, cum parva nescirent, magna profiterentur, aut ea, quæ maxima essent in jure civili, tractare auderent in causis, cum ea nescirent, nunquamque didicissent; utriusque rei facilis est, & prompta defensio. Nam neque illud est mirandum, qui, quibus verbis coemptio fiat (52), nesciat; eundem ejus mulieris, quæ coemptionem fecerit, causam posse defendere. Nec si

par-

(48) *Legulejus*) Is est, qui legum apices, minutasque formulas juris callet, & sequitur. *Idem*.

(49) *Præco actionum*) Qui denuntiat imperitis juris, quando agi lege, necne possit; quo genere actionis suum quisque jus persequatur: qui sic interest actionibus & litibus, ut præco actionibus ac venditionibus, *Strebæus*. *Idem*.

(50) *Cantor formularum*) Qui juris formulas recitat. Formule autem sunt concepta verba, quibus vel patroni, vel iudices utuntur in foro: quæ semper eandem formam retinent, & ex iis informantur litēs, ideo formulæ appellantur: interdum etiam dicuntur carmina. *Præst.*

(51) *Auceps syllabarum*) Qui syllabas & interpunctiones omnes, puta legis alicujus, testamenti, &c. expendit, ac, velut auceps aviculas, observat, & persequitur. *Idem*.

(52) *Quibus verbis coemptio fit*) Coemptio fuit formula quedam matrimonii contrahendi, qua mulier (teste Varrone) alicui unum, tanquam emendi causa, marito dare solebat; verbisque quibusdam solemnibus uti, quibus coemptionem faceret. *Pearcius*.

parvi navigii, & magni eadem est in gubernando scientia; idcirco qui, quibus verbis herctum cieri (53) oporteat, nesciat, idem herciscundæ familiæ causam agere non possit. Nam, quod maximas centumvirales causas in jure positas protulisti: quæ tandem earum causa fuit, quæ ab homine eloquenti, juris imperito, non ornatissime potuerit dici? quibus quidem in causis omnibus, sicut in ipsa M. Curii, quæ abs te nuper est dicta, & in C. Hostilii Mancini controversia, atque in eo puero, qui ex altera natus erat uxore, non remisso nuntio superiori, fuit inter peritissimos homines summa de jure dissensio.

Quæro igitur, quid adjuverit oratorem in his causis juris scientia, cum hic jurisconsultus superior fuerit discessurus, qui esset non suo artificio, sed alieno, hoc est, non juris scientia, sed eloquentia, sustentatus. Equidem hoc sæpe audiui, cum ædilitatem P. Crassus peteret, eumque major natu, etiam consularis, Ser. Galba affectaretur, quod Crassi filiam C. filio suo despondisset, accessisse ad Crassum consulendi causa quendam rusticum: qui cum Crassum seduxisset, atque ad tum retulisset, responsumque ab eo verum magis, quam ad suam rem accommodatum abstulisset; ut eum tristem Galba vidit, nomine appellavit, quæsitque, qua de re ad Crassum retulisset: ex quo ut audivit, commotumque ut vidit hominem, Suspenso, inquit, animo, & occupato Crassum tibi respondisse video. Deinde ipsum Crassum manu prehendit, &, Heus tu, inquit, quid tibi in mentem venit ita respondere? Tum ille fidenter, homo peritissimus, confirmare, ita se rem habere,

(53) *Herctum* (vulgo *erctum*) *cieri*) *Ercisci*, sive *hercisci*, verbum vetus, significat dividere: *herciscundæ* familiæ iudicium illud est, quod fit in rei, vel pecuniæ hereditariæ, divisione. *Erctum*, ut ait Donatus citatus a Servio in 3. *Æneid.* hereditatem significat, & *erctum* divisionem. *Prostheus*.

bere, ut respondisset; nec dubium esse posse. Galba autem alludens varie & copiose, multas similitudines afferre, multrique pro æquitate contra jus (54) dicere: atque illum, cum differendo par esse non posset, (quanquam fuit Crassus in numero disertorum, sed par Galbæ nullo modo) ad auctores confugisse, & id, quod ipse diceret, & in P. Mucii fratris sui libris, & in Sex. Ælii commentariis scriptum protulisse; ac tamen concessisse, Galbæ disputationem sibi probabilem & prope veram videri.

LVII. Attamen quæ causæ sunt ejusmodi, ut de earum jure dubium esse non possit, omnino in judicium vocari non solent. Num quis eo testamento, quod paterfamilias ante fecit, quam ei filius natus est, hereditatem perit? nemo: quia constat; agnascendo rumpi testamentum (55). Ergo in hoc genere juris judicia nulla sunt. Licet igitur impune oratori omnem hanc partem juris in controversiis (56) ignorare, quæ pars sine dubio multo maxima est. In eo autem jure, quod ambigitur inter peritissimos, non est difficile oratori, ejus pariter, quamcumque defendat, auctorem aliquem in-

(54) *Pro æquitate contra jus*.) Æquitatis nomine intelligitur *clementia*, benignitas, qua lex scripta mitigatur, ratione habita rerum, personarum, ac temporum: jus autem, ut hic sumitur, est exacta & severa legis ad verbum interpretatio. *Idem*.

(55) *Agnascendo rumpi testamentum*.) Si paterfamilias ante fecit testamentum, quam natus ei sit filius, irritum est nato filio, & amittit jus omne ad hereditatem is, qui illo testamento heres fuerat institutus: filius enim nascendo, quia inter agnatos prior est, ac potior, jus omne ad hereditatem sibi vindicat. Agnasci dicitur, qui nascitur cum aliis, qui ex eadem stirpe per viros deinceps ducta nati & sanguine conjuncti sunt. *Idem*.

(56) *Juris in controversiis*.) Lambinus legit *juris inconroversi*, eumque omnes deinde editiones secutæ sunt; sed libens eam lectionem revoco, quæ in omnibus Mss. & vet. cod. invenitur. Sensus est: *Oratori licet impune & sine damno in controversiis, id est, causis, ignorare omnem hanc partem juris, scilicet de qua dubium esse non possit, & in qua judicia nulla sunt.* Pearcius.

invenire: a quo cum amentatas hastas (57) acceperit, ipse eas oratoris lacertis, viribusque torquebit. Nisi vero (bona venia hujus optimi viri dixerim Scævola) tu libellis, aut præceptis soceri tui causam M. Curii defendisti. Nonne arripuisti patrocinium æquitatis, & defensionem testamentorum, ac voluntatis mortuorum? Ac mea quidem sententia, (frequens enim te audiui, atque affui) multo majorem partem sententiarum sale tuo, & lepore, & politissimis facetiis pellexisti, cum & illud nimium acumen illuderes, & admirarere ingenium Scævola, qui excogitasset, nasci prius oportere, quam emori: cumque multa colligeres & ex legibus, & ex senatusconsultis, & ex vita, ac sermone communi, non modo acute, sed etiam ridicule ac facete; ubi si verba, non rem sequeremur, confici nihil posset. Itaque hilaritatis plenum iudicium, ac lætitiæ fuit: in quo quid tibi juris civilis exercitatio profuerit, non intelligo; dicendi vis egregia, summa festivitate, & venustate conjuncta profuit.

Ipse ille Mucius paterni juris defensor, & quasi patrimonii propugnator sui, quid in illa causa, cum contra te diceret, attulit, quod de jure civili depromptum videretur? quam legem recitavit? quid patefecit dicendo, quod fuisset imperitis occultius? Nempe ejus omnis oratio versata est in eo, ut scriptum plurimum valere oportere defenderet. At in hoc genere pueri apud magistros exercentur omnes, cum in ejusmodi causis alias scriptum (58), alias æquitatem defendere docentur.

Et

(57) *Amentatas hastas*) Amentum loram est quoddam mædix hastæ alligatum, in quod inseritur vibrantis manus, ne vacillet, utque certius & expeditius hastam impellat. Vocabulo ad artem oratoriam translato, amentatas hastas recte dixeris argumenta ab altero cogitata, quæ verbis tuis exornata sint. *Præst.*

(58) *Alias scriptum*) Quid dicendum pro scripto adversus sententiam; pro sententia adversus scriptum, fuisse cum in libris Herennianis, tam II. de Inventionem explicatum. *Idem.*

Et credo in illa militis causa (59), si tu aut heredem, aut militem defendisses, ad Hostilianas actiones (60), non ad tuam vim & oratoriam facultatem contulisses. Tu vero, vel si testamentum defenderes, sic ageres, ut omne omnium testamentorum jus in eo iudicio possum videretur: vel si causam ageres militis, patrem ejus, ut soles, dicendo a mortuis excitasses (61), statuisset ante oculos; complexus esset filium, fletusque eum centumviris commendasset: lapides mehercule omnes flere ac lamentari coegisset; ut totum illud, *Usi lingua nuncupasset* (62), non in XII. tabulis, quas tu omnibus bibliothecis anteponis, sed in magistri carmine (63) scriptum videretur.

LVIII.

(59) *In illa militis causa*. De qua dictum superius. Pater filium, qui erat in exercitu, obisse falso audivit; alium instituit heredem: rediit miles: egit lege in paternam hereditatem. *Idem*.

(60) *Hostilianas actiones*. Quis Hostilius iste sit ambiguitur. Pomponius inter jurisperitos non recensuit. Actiones Hostilianas interpretantur nonnulli præscriptas Hostilia lege, quæ anno U. C. DLXXXIII. lata est de furtis: ut furti agere liceret eorum nomine, qui apud hostes essent, &c. *Idem*.

(61) *A mortuis excitasses*. Figuram hanc rhetores vocant prosopopœiam, quasi personæ fictæ inductionem, v. g. cum homo demortuus excitatur velut a mortuis, ac loqui fingitur. *Idem*.

(62) *Usi lingua nuncupasset*. Legunt alii *nuncupassit*, hoc est, nuncupavisset. Hæc erant concepta verba duodecim tabularum: *Usi lingua nuncupasset, ita jussit*: Cuius formulæ & carminis ea sententia est, in dicendo jure ac statuendo habendam esse verborum & scripti rationem, & ita judicandum, verbi gratia, de pactione, stipulatione, venditione, uti ea pactio & venditio verbis concepta fuerit, seu uti lingua vendentium & contrahentium nuncupaverit, seu pronuntiaverit. *Idem*.

(63) *In magistri carmine*. Carmen magistri interpretor, tabellam, quam magister proponebat, & qua perscribebat se alicujus bona venditum. Ejus enim olim, qui multis debebat, latitabatque, neque defendebatur, creditores prætorem adibant, apud quem querebantur, bonorumque possessionem petebant: quam & prætor dabat, atque in diem certam ea possidebant. Quæ cum venerat, prætorum rursus adibant, petebantque sibi ut liceret unum e suo numero deligere, qui bonorum venditioni præset, qui *magister* dicebatur: is in compitis celebribus, & frequentibus urbis locis tabulam proponebat, se debitoris bona venditum, his verbis: *Titius debitor noster incidit in causam venditionis bonorum: nos creditores ejus bona vendemus: quæ volet emptor accedat*. Hanc, ut opinor, proscriptionem Cicero hic appellat *magistri carmen*. Turpe. Advers. XXIII. 34.

LVIII. Nam quod inertiam accusas adolescentium, qui istam *artem primum facillimam non ediscant; quæ quàm sit facilis, illi viderint, qui ejus artis arrogancia, quasi difficillima sit, ita subnixi ambulant: deinde etiam tu ipse videris, qui eam artem facilem esse dicis, quam concedis adhuc artem omnino non esse, sed aliquando, si quis aliam artem didicerit, ut hanc artem efficere possit, tum esse illam artem futuram. Deinde, quod sit plena delectationis; in qua tibi remittunt omnes istam voluptatem, & ea se carere patiuntur, nec quisquam est eorum, qui, si jam sit ediscendum sibi aliquid, non Teucorum Pacuvii (64) malit, quam Manilianas (65) venalium vendendorum leges ediscere. Tum autem, quod amore patriæ censes nos nostrorum majorum inventa nosse debere; non vides, veteres leges aut ipsas sua vetustate consenuisse, aut novis legibus esse sublatas? Quod vero viros bonos jure civili fieri putas, quia legibus & præmia proposita sint virtutibus & supplicia vitiis; equidem putabam; virtutem hominibus (si modo tradi ratione (66) possit,) instituendo & persuadendo, non minis, & vi (67), ac metu tradi. Nam ipsum quidem illud, etiam sine cognitione juris, quam sit bellum cavere malum, scire possumus.

De

* *Artem primum*) Lamb. *artem facillimam non ediscant: quam sit facilis; primum illi viderint,*

(64.) *Teucrum Pacuvii*) Teucer tragedia fuit scripta a Pacuvio poeta. Idem.

(65.) *Manilianas*) Scriptas a Manilio jurisconsulto, de quo Tullius in Bruto. Idem.

(66.) *Si modo tradi ratione*) Magna olim inter Philosophos questio, an essent virtutes a natura insitæ. Socrates in Memnone apud Platonem ait, non parari industria, sed divinitus dari: censet Galenus corporis constitutioni mores hominum esse consentaneos: rectius Peripatetici docent, animis inesse virtutum semina, quæ pro cuiusque studio fructus ferre possint. Idem.

(67.) *Non minis, & vi*) Scilicet ut ait Horat.

Oderunt peccare boni virtutis amore:

Oderunt peccare mali formidine, pæne. Idem.

De me autem ipso, cui uni tu concedis, ut si-
ne ulla juris scientia tamen causis satisfacere pos-
sim, tibi hoc, Crasse, respondeo, neque me un-
quam jus civile didicisse, neque tamen in iis cau-
sis, quas in jure possem defendere, unquam istam
scientiam desiderasse. Aliud est enim esse artifi-
cem cujusdam generis atque artis, aliud in com-
muni vita & vulgari hominum consuetudine nec
hebetem, nec rudem. Cui nostrum non licet fun-
dos nostros obire, aut res rusticas vel fructus cau-
sa, vel delectationis, invisere? tamen nemo tam
sine oculis, tam sine mente vivit, ut, quid sit
sementis (68) ac messis, quid arborum putatio
ac vitium, quo tempore anni, aut quo modo ex
fiant, omnino nesciat. Num igitur, si cui suadus
inspiciendus, aut si mandandum aliquid procurato-
ri de agricultura, aut imperandum villico sit,
Magonis (69) Carthaginensis sunt libri perdiscen-
di? an hac communi intelligentia contenti esse
possumus? Cur ergo non iidem in jure civili,
præsertim cum in causis, & negotiis, & in fo-
ro conteramur, satis instructi esse possimus ad hoc
duntaxat, ne in nostra patria peregrini atque ad-
venæ esse videamur?

Ac si jam sit causa aliqua ad nos delata obscu-
rior, difficile, credo, sit cum hoc Scævola com-
municare; quanquam ipsi omnia, quorum nego-
tium est, consulta ad nos, & exquisita deferunt.
An vero si de re ipsa, si de finibus, cum in rem
præsentem non venimus, si de tabulis (70), &
præ-

(68) *Sementis*) Differt a semine: est enim ipsa seminandi
actio. Sementem facere, est seminare; Messis est satorum matie-
ra perceptio. *Idem*.

(69) *Magonis*) Mago Carthaginitis scripsit Punico li-
bros octo & viginti de re rustica, quos ex senatusconsulto Cas-
sius Dionysius Uticensis convertit. *Varro lib. 1. de re rustica*
cap. 1. & Columella, qui eundem rusticationis parentem appellat.
Idem.

(70) *De tabulis*) Tabulæ sunt chartæ, scriptæ, instrument-

præscriptionibus (71) controversia est, contortas res, & sæpe difficiles necessario perdiscimus: si leges nobis, aut si hominum peritorum responsa cognoscenda sunt, veremur ne ea, si ab adolescentia juri civili minus studuerimus, non queamus cognoscere?

LIX. Nihilne igitur prodest oratori juris civilis scientia? Non possum negare prodesse ullam scientiam, ei præsertim, cujus eloquentia copia rerum debeat esse ornata: sed multa, & magna, & difficilia sunt ea, quæ sunt oratori necessaria; ut ejus industriam in plura studia (72) distrahere nolim.

Quis neget opus esse oratori in hoc oratorio motu, statuque, Roscii gestum, & venustatem? tamen nemo suaserit studiosis dicendi adolescentibus

ta litis: & quidem hic privatæ tabulæ intelliguntur; publicæ enim tabulæ sunt libri, & literæ, quæ publicam memoriâ continent.

(71) *Præscriptionibus*. Præscriptio, hoc loco, (nam alio sæpe sensu nunc ista vox usurpatur) idem significat quod exceptio, seu exclusio. Exceptio est appositâ quâdam clausura, quæ vel prohibet, ne quis agat, hoc est, litem intendant, vel conditionem apponit, qua conditione vis & significatio legis actionem permittentis, certis limitibus circumscribitur. *Præscriptus*. Vulgo *præscriptionibus*, quæ vix significantur. *Senatusconsulta*, in quibus Senatorum nomina præscribebantur: sed vox istius significationis huic loco minime convenit: veram lectionem *perscriptio-nibus* protulit Lambinus; secutus auctoritatem duorum Mss. quibus consentiunt Mss. Bod. Nov. Wag. Norf. Cant. Mead. & editio Veneta. Nomen *perscriptio-nis* (inquit Lambinus) locum habet in nominibus, tabulis, & rationibus. Lib. 4. Ep. ad Att. ep. ultima: *Hæc passio, non verbis, sed nominibus, & perscriptio-nibus, multorum tabulis cum esse falsa diceretur, a Memmio prolata est.* Or. pro Roscio Comædo: *Nam quemadmodum turpe est, scribere, quod non debeat; sic improbum est non referre, quod debeat: æque enim tabulæ condemnantur ejus, qui non retulit; & ejus, qui falsum perscripsit.* Vides, Lector, *perscribere* idem significare, ac in tabulis accepti & expensi scriptione res notare; earum vero notationes, *perscriptiones* dicebantur. *Pearcius.*

(72) *In plura studia*. Tam multa sunt, tamque difficilia, quæ sunt oratori necessaria, ut nolim eum iis omnibus omnino cognoscendis operam dare, ne tot rebus cognoscendis distractus non satis habeat otii ad artem suam plane percipiendam. *Pruss.*

bus in gestu dicendo histriionum more elaborare. Quid est oratori tam necessarium, quam vox? tamen me auctore nemo dicendi studiosus, Græcorum more, & tragædorum voci serviet, qui & annos complures sedentes declamitant, & quotidie, antequam pronuntient, vocem cubantes sensim excitant, eandemque, cum egerunt, sedentes ab acutissimo sono usque ad gravissimum sonum recipiunt, & quasi quodammodo colligunt. Hoc nos si facere velimus, ante condemnentur ii, quorum causas receperimus, quam toties, quoties præscribitur, Pæanem (73), aut Munionem (74) citarimus.

Dē Orat.

H

Quod

(73) *Pæanem*) Pæan hymnus in honorem Apollinis, qui re bene gesta canebatur. Virgil. vi. *Æneid.*

Latumque choro Pæana cānentes.

Apollo dicebatur Pæan vel ἀπὸ τοῦ παῖον, a feriendo, quod radiis feriat, vel ἀπὸ τοῦ παύειν τὰς ἀνίας, a sedandis molestiis. Idem.

(74) *Aut Munionem*) Petrus Victorius, cuius ego diligentia & doctrina plurimum meritissime defero, refert, etsi aliena fide, quibusdam in libris reperiri, *munchionem*: ego in veteri reperi, *muniorem*: quæ utraque scriptura, etsi depravata est, tamen ad conjecturam movendam fortasse non inutilis est. Ego igitur ex iis vestigiis legendum cenleo, *minuritionem*. Existima enim Ciceronem verba Græca convertere voluisse; παύειν & μινυρίζειν, ut *pæan* sit cantio (nam pro pede hic non censuam accipi) quæ clara, exultanti, contentique voce citatur, id est, canitur: *minurizio*, cantio quæ tenui, leniore, remissioneque. Proinde *minuritiones* interpretatur Pompeius, *minorum aviūm cantus*. Apud Aristophanem μινυρίζειν canere est. Ἀθήνηϊς ἰχθυόεντες, μινυρίζοντες μέλη, & apud Plutarchum, ποιηταὶ δὲ καὶ λυρικοὶς μινυρίζουσιν, ἐπὶ ᾧ καὶ χρῆσθαι παίζοντας. *Turneb. in Jocos Cic.* Videas ejus *Advers.* I. 12. Putant nonnulli hic legendum, *Pæanem*, aut *Nomium*. Nonnium autem genus cantionis seu carminis fuisse docet Athenæus, lib. xiv. *Gruter.* Lego, *Nomionem*. Alter erat hic hymnus eidem Apollini sacer, qui olim ad Amphrysūm greges Admeti paverat: ποιμὸς pastor est; unde *Nomion* quasi pastoricius. Legunt alii hoc loco *Munionem*, nec quid sit explicant: divinant alii *Munchionem*, & interpretantur hymnum Dianæ, quam Athenienses olim Munchiam appellabant: alii *minuritionem* conjiciunt, ut sit cantio, quæ leni, & remissione voce edatur. Hymnos ejusmodi, sive Pæanem, sive *Nomionem*, idoneis numeris ac modis comparatos habebant Græculi, qui vocem declamandi causa fingeant; eos citabant sæpius, & exercitationis causa cantabant. *Præstus.*

Quod si in gestu, qui multum oratorem adjuvat, & in voce, quæ una maxime eloquentiam vel commendat, vel sustinet, elaborare nobis non licet; ac tantum in utroque assequi possumus, quantum, in hac acie quotidiani muneris, spatii nobis datur: quanto minus est ad juris civilis perdiscendi occupationem descendendum? Quod & summatim percipi sine doctrina potest, & hanc habet ab illis rebus dissimilitudinem, quod vox & gestus subito sumi, & aliunde arripi non potest; juris utilitas ad quamque causam, quamvis repente vel a peritis, vel de libris depromi potest.

Itaque illi disertissimi homines ministros habent in causis juris peritos, (cum ipsi sint * imperitissimi) & qui, ut abs te paulo ante dictum est, *pragmatici* vocantur. In quo (75) nostri omnino melius multo, quod clarissimorum hominum auctoritate leges, & jura recta esse voluerunt. Sed tamen non fugisset hoc Græcos homines, si ita necesse esse arbitrati essent, oratorem ipsum erudire in jure civili, non ei pragmaticum adiutorem dare.

LX. Nam quod dicis *senectutem a solitudine vindicari juris civilis scientia*, fortasse etiam pecuniæ magnitudine. Sed nos non quid nobis utile, verum quid oratori necessarium sit, quærimus. Quanquam, quoniam multa ad oratoris similitudinem ab uno artifice sumimus, solet idem Roscius (76) dicere, se, quo plus sibi ætatis accide-

* *Imperitissimi*. Vide Man. Grut. *peritissimi*.

(75) In quo, &c.) Consultius faciunt Romani Græcis: illi enim jurisperitos volunt esse homines amplissimos, & clarissimos, cum apud Græcos fere sint homines despiciatissimi, qui adducti mercedula se oratoribus administratos præbent. *Præst.*

(76) *Solet idem Roscius*) Probare contendit oratorem juris civilis imperitum, quanquam sit senex, non ideo deferendum, & solitudine laboraturum esse. Causas enim ager orator senex, sed remissius tamen, & lenius; ut Roscius jam senior agebat fabulas moderatius, & minori contentione. *Idem.*

deret, eo tardiores tibicinis (77) modos, & can-
tus remissiores esse facturum. Quod si ille, adstri-
ctus (78) certa quadam numerorum moderatio-
ne, & pedum, tamen aliquid ad requiem senectu-
tis excogitat (79); quanto facilius nos non la-
zare modos, sed totos mutare possumus? Neque
enim hoc te, Crasse, fallit, quam multa sint, &
quam varia genera dicendi; quod haud sciam, an
tu primus ostenderis, qui jamdiu multo dicis re-
missius, & lenius, quam solebas: neque minus hæc
tamen tua gravissimi sermonis lenitas, quam illa
summa vis & contentio probatur: multique orato-
res fuerunt, ut illum Scipionem audimus, & Læ-
lium, qui omnia sermone conficerent paulo inten-
tore, nunquam, ut Servius Galba, lateribus aut
clamore contenderent.

Quod si jam hoc facere non poteris, aut noles:
vereris, ne tua domus, talis & vir, & civis, si a
litigiosis hominibus non colatur, a cæteris deseratur?
Equidem tantum absum ab ista sententia, ut non
modo non arbitrer subsidium senectutis, in eorum,
qui consultum veniant, multitudine esse ponen-
dum, sed tanquam portum aliquem, expectem
istam, quam tu times, solitudinem. Subsidium
enim bellissimum existimo esse senectuti otium.

Reliqua vero etiam si adjuvant, (historiam di-
co, & prudentiam juris publici, & antiquitatis
iter, & exemplorum copiam) si quando opus
erit, a viro optimo, & istis rebus instructissimo,
familiari meo, Longino mutuabor. Neque repu-

H 2

gna-

(77) *Tardiores tibicinis*) Solebant histriones, cum dice-
rent, vel agerent, adhibere tibicinem, ad cujus modos, vocem
gestumque accommodarent. Itaque Roscius dicebat se, cum se-
nior foret, ac proinde lentius caneret, ac remissius ageret, adhi-
biturum quoque tibicinem lentiozem, qui modos tardiores face-
ret. *Idem*.

(78) *Ille, adstrictus*) Versus enim, qui recitatur ab astro-
re comædiæ, certis pedibus ac numeris adstricti sunt. *Idem*.

(79) *Excogitat*) Nempe ut remissiozem tibicinem sibi appo-
nat, ne senilis vox laboret. *Idem*.

gnabo, quo minus (id quod modo hortatus es) omnia legant, omnia audiant, in omni recto studio, atque humanitate versentur : sed mehercule non ita multum spatii mihi videtur, si modo ea facere, & persequi volent, quæ a te, Crasse, præcepta sunt, qui mihi prope etiam nimis duras leges imponere visus es huic ætati, sed tamen ad id, quod cupiunt, adipiscendum prope necessarias. Nam & subitæ ad propositas causas exercitationes, & accuratæ & meditatæ commentationes, ac stylus ille tuus, quem tu vere dixisti *perfectorem dicendi esse ac magistrum*, multi sudoris est ; & illa orationis suæ cum scriptis alienis comparatio, & de alieno scripto subita vel laudandi, vel vituperandi, vel comprobandi, vel refellendi causa, disputatio, non mediocris contentionis est, vel ad memoriam, vel ad imitandum.

LXI. Illud vero fuit horribile, quod mehercule vereor ne maiorem vim ad deterrendum habuerit, quam ad cohortandum. Voluisti enim in suo genere unumquemque nostrum quasi quendam esse Roscium : dixistique, non tam ea, quæ recta essent, probari, quam quæ prava sunt, fastidiis adhærescere : quod ego non tam fastidiose in nobis, quam in histrionibus, spectari puto. Itaque nos raucos sæpe attentissime audiri video ; tenent enim res ipsa, atque causa : at Æsopum (80), si paulum irrauserit, explodi. A quibus enim mihi præter voluptatem aurium quæritur, in iis offenditur, simul atque imminuitur aliquid de voluptate. In eloquentia autem multa sunt quæ teneant : quæ si omnia summa non sunt, (& pleraque tamen magna

(80) Æsopum) Histrionem longe celeberrimum, cuius filius, furiolæ luxuriæ juvenis, cantu commendabiles aviculas, immanibus emptas pretiis, in cœna pro ficedulis apponere, acetoque liquatos magnæ summæ uniones potionibus aspergere solitus erat. *Valer. Max. lib. ix. cap. 1. Plinius lib. x. Idem,*

gna sunt,) necesse est, ea ipsa, quæ sunt, mirabilia videri.

Ergo, ut ad primum illud revertar, sit orator nobis is; qui, ut Crassus descripsit, accommodata ad persuadendum possit dicere. Is autem concludatur in ea, quæ sunt in usu civitatum vulgari, ac forensi: remotisque cæteris studiis, quamvis ea sint ampla, atque præclara, in hoc uno opere, ut ita dicam, noctes & dies urgeatur: imiteturque illum, cui sine dubio summa vis dicendi conceditur, Atheniensem Demosthenem (81); in quo tantum studium fuisse tantusque labor dicitur, ut primum impedimenta naturæ diligentia industriaque superarit: cumque ita balbus esset, ut ejus ipsius artis, cui studeret, primam literam non posset dicere, perfecit meditando, ut nemo planius eo locutus putaretur. Deinde cum spiritus ejus esset angustior, tantum continenda anima in dicendo est affecutus, ut una continuatione verborum (82) (id quod ejus scripta declarant) binæ ei contentiones vocis, & remissiones continerentur. Quietiam (ut memoriæ proditum est) conjectis in os calculis, summa voce versus multos uno spiritu pronuntiare consuebat; neque is consistens in loco, sed inambulans, atque ascensu ingrediens arduo.

Hisce ego cohortationibus, Crasse, ad studium, & ad laborem incitandos juvenes vehementer assentior: cætera, quæ collegisti ex variis, & diversis studiis, & artibus, tametsi ipse es omnia con-

H 3 se-

(81) *Demosthenem*) De quo plura in Bruto. *Idem*.

(82) *Una continuatione verborum*) Periodum videtur intelligere, cujus verba omnia continua, partes omnes aptæ ex sese invicem, & colligatæ sunt. Demosthenes igitur in una eademque Periodo bis vocem contendebat, bis remittebat: contendebat in prioribus periodi membris, remittebat in posterioribus, idque uno spiritu, & perpetua pronuntiatione faciebat: unde illum oportuit etiam amplo, & prolixo spiritu, cujus tamen spiritus antea erat angustior. *Idem*.

secutus, tamen ab oratoris proprio officio atque munere sejuncta esse arbitror.

LXII. Hæc cum Antonius dixisset, sane dubitare visus est Sulpicius, & Cotta, utrius oratio propius ad veritatem videretur accedere.

Tum Crassus, Operarium (83) nobis quendam, Antoni, oratorem facis, atque haud scio, an aliter sentias, & utare tua illa mirifica ad refellendum consuetudine, qua tibi nemo unquam præstitit: cujus quidem ipsius facultatis exercitatio oratorum propria est, sed jam in philosophorum consuetudine versatur, maximeque eorum, qui de omni re proposita in utramque partem solent copiosissime dicere. Verum ego non solum arbitrabar, his præsertim audientibus, a me informari oportere, qualis esse posset is, qui habitaret in subselliis, neque quidquam amplius afferret, quam quod causarum necessitas postularet: sed majus quiddam videbam, cum censebam, oratorem, præsertim in nostra republica, nullius ornamenti expertem esse oportere. Tu autem, quoniam exiguis quibusdam finibus totum oratoris munus circumdedisti, hoc facilius nobis expones ea, quæ abs te de officiis, præceptisque oratoris quæsitæ sunt: sed, opinor, secundum hunc diem. Satis enim multa a nobis hodie dicta sunt. Nunc & Scævola (84), quoniam in Tusculanum ire con-

sti-

(83) *Operarium*) Operarius est is qui opus manu facit. Operarium oratorem vocat, qui ad laborem & operam tenuem abjectus sit, uti mercenarius, qui mercedula adductus improbo & humili labore occupetur. *Idem.*

(84) *Nunc & Scævola*) Cur in his dialogis non perstet Scævola, causam affert ipse Tullius lib. iv. ad Atticum epist. 16.
 „ Quod in iis libris, quos laudas, personam desideras Scævola;
 „ non eam temere dimovi: sed feci idem, quod in πολιτείᾳ
 „ deus ille noster Plato, cum in Piræum Socrates venisset ad
 „ Cephalum locupletem, & festivum senem: quoad primus ille
 „ sermo haberetur, adest in disputando senex; deinde cum ipse
 „ quoque commodissime locutus esset, ad rem divinam dicit se vel-
 „ le discedere: neque postea revertitur. Credo Platonem vix pu-

„ tasse

stituit, paulum requiescet, dum se calor frangat :
& nos ipsi, quoniam id temporis est, valetudini
demus operam.

Placuit sic omnibus. Tum Scævola, Sane, in-
quit, vellem non constituisssem, in Tusculanum
(85) me hodie venturum esse, Lælio: libenter au-
direm Antonium: &, cum exurgeret, simul arri-
dens, Neque enim, inquit, tam mihi molestus
fuit, quod jus nostrum civile pervellit, quam ju-
cundus, quod se id nescire confessus est.

„ tæsse satis consonum fore, si hominem id ætatis in tam longo
„ sermone diutius retinuisset. Multo ego satius hoc mihi cavendum
„ putavi in Scævola; qui & ætate & valetudine erat ea, qua me-
„ ministi, & iis honoribus, ut vix satis decorum videretur, eum
„ plures dies esse in Crassi Tusculano: & erat primi libri ser-
„ mo non alienus a Scævolæ studiis. Reliqui libri *τεχνολογίας*
„ habent, ut scis. Huic jocularioris disputationi senem illum, ut
„ noras, interesse nolui. *Idem.*

(85) *In Tusculanum*) Aliam quandam agri Tusculani par-
tem intelligit, ab ea disjungtam in qua erant. *Idem.*



M. T. C I C E R O N I S
D E
O R A T O R E,
A D Q. F R A T R E M,
L I B E R S E C U N D U S.



MAGNA nobis pueris, Quinte frater, si memoria tenes, opinio fuit, L. Crassum non plus attigisse doctrinæ, quam quantum prima illa puerili institutione potuisset: M. autem Antonium omnino omnis eruditionis expertem, atque ignarum fuisse: erantque multi, qui, quanquam non ita se rem habere arbitrarentur, tamen, quo facilius nos incensos studio dicendi a doctrina detererent, libenter id, quod dixi, de illis oratoribus prædicarent; ut, si homines non eruditi summam essent prudentiam atque incredibilem eloquentiam consecuti, inanis omnis noster esse labor, & stultum in nobis erudiendis patris nostri (1), optimi

(1) *Patris nostri* M. Tullius Ciceronis pater, stirpe Tullia antiquissima ortus, cum esset infirma valetudine, in Arpinati villa fere ætatem egit in literis. *Cicero lib. II. de Legibus*. Eum ex regio Volscorum genere editum in Eusebii Chronico legitur. Contra sulloniam fecisse, & vitibus oleisque colendis dedisse operam, tradit Q. Calenus in oratione maledica apud Dionem lib. xlvj. Cum alibi scribit Cicero se novum hominem, sine ulla majorum commendatione, tum oratione II. contra Rullum: *Mihi quidem apud vos de meis majoribus dicendi facultas non datur; non quod non tales fuerint, quales nos illorum sanguine creatos disci-*

mi ac prudentissimi viri, studium videretur. Quos tum, ut pueri, refutare domesticis testibus, patre, & C. Aculeone propinquo nostro, & L. Cicerone patruo, solebamus; quod de Crasso pater, & Aculeo, quocum erat nostra matertera (2), quem Crassus dilexit ex omnibus plurimum, & patruus, qui cum Antonio in Ciliciam (3) profectus una decesserat (4), multa nobis de ejus studio doctrinaque sæpe narravit: cumque nos cum consobrinis (5) nostris, Aculeonis filiis, & ea disceremus, quæ Crasso placerent, & ab his doctoribus, quibus ille uteretur, erudiremur, etiam illud sæpe intelleximus (cum essemus ejusmodi, quod vel pueri sentire poteramus) illum & Græce sic loqui, nullam ut nosse aliam linguam videretur, & doctoribus nostris ea ponere in percontando, eaque ipsum omni in sermone tractare, ut nihil esse ei novum, nihil inauditum videretur. De Antonio vero, quanquam sæpe ex humanissimo homine, patruo nostro, acceperamus, quemadmodum ille vel Athenis, vel Rhodi se doctissimorum hominum sermonibus dedisset; tamen ipse adolescentulus, quantum illius ineuntis ætatis meæ (6) patiebatur pudor, multa ex eo sæpe quæsi. Non erit profecto tibi, quod scribo, hoc

no-

disciplinisque institutos videri, sed quod laude populari, atque honoris vestri luce caruerunt. Præst.

(2) *Quocum erat nostra matertera*) Qui matris nostræ sororem habebat in matrimonio. *Idem.*

(3) *Cum Antonio in Ciliciam, &c.*) Vide notas in lib. 1. de Orat. ad c. 18. *Idem.*

(4) *Decesserat*) Id est, itineri se commiserat; non autem, ut quidam interpretantur, mortuus fuerat. Cicero enim ille patruus, in patriam redux, narrabat, quemadmodum Antonius Athenis & Rhodi se doctissimorum hominum sermonibus dedisset. *Idem.*

(5) *Consobrinis*) Consobrini sunt proprie qui ex duabus sororibus nascuntur, quasi consororini. *Cajus.* Qui vero ex duobus fratribus geniti sunt, proprie patruales vocantur. *Præst.*

(6) *Quantum . . . ætatis meæ, &c.*) Adolescentium enim est tacere plurimum, & audire: non præterve loqui, non interrogare perperam. *Idem.*

novum, (nam jam tum ex me audiebas) mihi illum ex multis, variisque sermonibus, nullius rei, quæ quidem esset in his artibus, de quibus aliquid existimare possem, rudem aut ignarum esse visum. Sed fuit hoc in utroque eorum, ut Crassus non tam existimari vellet non didicisse, quam illa despicere, & nostrorum hominum in omni genere prudentiam Græcis (7) anteferre: Antonius autem probabiliorẽ hoc populo (8) orationem fore censebat suam, si omnino didicisse nunquam putaretur: atque ita se uterque graviorẽ fore, si alter contemnere, alter ne nosse quidem Græcos videretur. Quorum consilium quale fuerit, nihil sane ad hoc tempus. Illud autem est hujus institutæ scriptionis ac temporis, neminem eloquentia, non modo sine dicendi doctrina, sed ne sine omni quidem sapientia, florere unquam & præstare potuisse.

II. Etenim cæteræ fere artes se ipsæ per se tuentur singulæ: bene dicere autem, quod est scire, & perite, & ornate dicere, non habet definitam aliquam regionem, cujus terminis septa teneatur (9). Omnia, quæcumque in hominum di-

(7) *Græcis*) Quorum eruditio, aut potius loquacitas jam a Romanis contemnebatur. *Idem.*

(8) *Probabiliorem hoc populo*) Ut se habet vulgata lectio, vox *hoc* eodem sensu, quo *ea* ponitur adverbialiter: sed utraq; semper comparativis præponuntur, ut sæpe apud Ciceronem habes *hoc facilius*, *hoc magis*, *hoc inferiores* &c. Adde etiam, quod *hoc* semper habet vel præcedentem, vel sequentem particulam *quod*, vel *quia*, sed in hoc loco vox *hoc* postponitur comparativo, & non aliam habet particulam, quam *si*, insequentem. Facili igitur mutatione locum sic licet restituere: *Antonius autem probabiliorẽ huic populo orationem fore censebat suam*, *si*, &c. huic populo, id est, populo Romano. Nota hæc est, & vulgata Ciceronis locutio. Sic l. 1. c. 51. *qui in hoc populo forasque versamur*. Omnem autem dubitationem, opinor, eximet l. 2. c. 36. ubi suæ dissimulationis rationem reddens Antonius dicit: *semper ego existimaui jucundiorẽ & probabiliorẽ huic populo orationem fore*, &c. *Pearcius.*

(9) *Bene dicere autem* *cujus terminis septa teneatur*) Lambinus legit *septum*, quod verissimum puto. *Dicere* enim est modus infinitivus substantivæ acceptus, & neutrius generis. Immo

disceptationem cadere possunt, bene sunt ei dicenda, qui hoc se posse profitetur; aut eloquentiæ nomen relinquendum est. Quare equidem & in nostra civitate, & in ipsa Græcia, quæ semper hæc summa duxit, multos & ingeniis, & magna laude dicendi sine summa rerum omnium scientia fuisse fautor: talem vero existere eloquentiam, qualis fuerit in Crasso, & Antonio, non cognitis rebus omnibus, quæ ad tantam prudentiam pertinerent, tantamque dicendi copiam, quanta in illis fuit, non potuisse confirmo.

Quo etiam feci libentius, ut cum sermonem, quem illi quondam inter se de his rebus habuissent, mandarem literis; vel ut illa opinio, quæ semper fuisset, tolleretur, alterum non doctissimum, alterum plane indoctum fuisse: vel ut ea, quæ existimarem a summis oratoribus de eloquentia divinitus esse dicta, custodirem literis, si ullo modo assequi, complectique potuissem: vel mehercule etiam ut laudem eorum jam prope senescentem, quantum ego possem, ab oblivione hominum, atque a silentio vindicarem. Nam si ex scriptis cognosci ipsi suis potuissent, minus hoc forrasse mihi esse putassem laborandum. Sed cum alter non multum (10), (quod quidem extaret,) & idipsum adolescens; alter nihil admodum (11) scripti reliquisset: deberi hoc a me tantis hominum ingeniis putavi, ut, cum etiam nunc vivam illo-

mo quod neutrius est generis; vox igitur *septa* feminini generis ferri non potest. *Pearcius*. Si vera lectio est, *septa*; *ars* intelligitur, ex illis antecedentibus: *Etenim cætera fere artes*. Anonymus.

(10) *Alter non multum*) Pauca exstabant Crassi scripta, aliquot partes orationis pro Licinia virgine; oratio de colonia Narbonensi deducenda; oratio pro lege Servilia; & pauca nonnulla. *Prust.*

(11) *Alter nihil admodum*) Ait nihil omnino oratorium reliquisset Antonium, cujus tamen supererat libellus de ratione dicendi; de quo in Bruto c. 44. *Idem*.

illorum memoriam teneremus, hanc immortalem redderem, si possem.

Quod hoc etiam spe (12) aggredior majore ad probandum, quia non de Servii Galbæ (13), aut C. Carbonis eloquentia scribo aliquid, in quo liceat mihi fingere, si quid velim, nullius memoria jam refellente: sed edo hæc iis cognoscenda, qui eos ipsos, de quibus loquor, sæpe audierunt; ut duos summos viros, iis qui neutrum illorum viderint, eorum, quibus ambo illi oratores cogniti sint, vivorum & præsentium memoria teste, commendemus.

III. Nec vero te, carissime frater, atque optime, rhetoricis nunc quibusdam libris, quos tu agrestes putas, insequor ut erudiam. Quid enim tua potest oratione aut subtilius, aut ornatius esse? Sed quoniam sive judicio, ut soles dicere; sive, ut ille pater eloquentiæ de se Isocrates (14) scripsit ipse, pudore, a dicendo, & timiditate ingenua quadam refugisti; sive, ut ipse joculari soles, unum putasti satis esse non modo in una familia rhetorem, sed pene in tota civitate: non tamen arbitror tibi hos libros in eo fore genere, quod merito propter eorum, qui de dicendi ratione disputarunt, jejunitatem bonarum artium possit illudi. Nihil enim mihi quidem videtur in Crassi, & Antonii sermone esse præteritum, quod quisquam summis ingeniis, acerrimis studiis, optima doctrina, maximo usu cognosci, ac percipi potuisse arbitraretur: quod tu facillime poteris judicare, qui prudentiam, rationemque dicendi per te ipsum;

usum

(12) *Quod hoc etiam spe*) Fore ut probem doctissimos fuisse Crassum & Antonium; contra quam putabatur, hoc spero facilius, quod etiamnum vivant ii, qui Crassum & Antonium viderunt, & audierunt, qui possint me refellere, si quid fingam. *Idem.*

(13) *De Servii Galbæ*) De quo, & C. Carbone, dicitur in Bruto. *Idem.*

(14) *Isocrates*) De quo in Bruto: *Idem.*

usum autem per nos percipere voluisti. Sed quocitius hoc, quod suscepimus, non mediocre munus conficere possimus, omissa nostra adhortatione, ad eorum, quos proposuimus, sermonem, disputationemque veniamus.

Postero igitur die, quam illa erant acta, hora fere secunda (15), cum etiam tum in lecto Crassus esset, & apud eum Sulpicius sederet, Antonius autem inambulare cum Cotta in porticu, repente eo Q. Catulus senex cum C. Julio fratre (16) venit: quod ubi audivit, commotus Crassus (17) surrexit; omnesque admirati, majorem aliquam esse causam eorum adventus suspicati sunt. Qui cum inter se, ut ipsorum usus ferebat, amicissime consultassent, Quid vos tandem? Crassus; num quidnam, inquit, novi? Nihil sane, inquit Catulus. Etenim vides esse ludos (18). Sed vel tu nos ineptos licet, inquit, vel molestos putes. Cum ad me in Tusculanum, inquit, heri vesperi venisset Cæsar de Tusculano suo, dixit mihi, a se Scævolam hic euntem esse conveni-
tum, ex quo mira quædam se audisse dicebat: te, quem ego toties omni ratione tentans ad disputandum elicere non potuissem, permulta de eloquentia cum Antonio disseruisse, & tanquam in schola prope ad Græcorum consuetudinem disputasse. Ita frater exoravit meipsum, non quidem a studio audiendi nimis abhorrentem, sed mehercule verentem tamen, ne molesti vobis intervenire-

mus,

(15) *Hora fere secunda*) Secunda scilicet post solis ortum. Apud Romanos enim prima hora diei erat ea, qua sol oriebatur; duodecima & ultima, qua occidebat. *Idem.*

(16) *Q. Catulus cum C. Julio fratre*) Quorum, ut & aliorum, quorum hic obiter sit mentio, characterem describit Cicero in Bruto. *Idem.*

(17) *Commotus Crassus*) Veritus nimirum, ut causa gravior aliqua eos repente, ac prima luce venire compulisset: & vero tum in rep. vehementer turbabatur ob senatorum & equitum dissensionem, de qua meminit initio libri superioris c. 3. *Idem.*

(18) *Ludos*) Romanos, de quibus libro superiore. *Idem.*

mus, ut huc secum venirem. Scævola enim ita dicere aiebat, bonam partem sermonis in hunc diem esse dilataam. Hoc si tu cupidius factum existimas, Cæsari attribues: si familiarius, utrique nostrum. Nos quidem, nisi forte molesti intervenimus, venisse delectat.

IV. Tum Crassus, Equidem, quæcumque causa vos hunc attulisset, lætarer, cum apud me viderem homines mihi carissimos, & amicissimos: sed tamen vere dicam; quævis malletm fuisset, quam ista, quam dicis. Ego enim, (ut, quemadmodum sentio, loquar,) nunquam mihi minus, quam hesternò die, placui: magis adeo id facilitate, quam alia ulla culpa mea contigit; qui, dum, obsequor adolescentibus, me senem esse sum oblitus: fecique id, quod ne adolescens quidem feceram, ut iis de rebus, quæ doctrina aliqua continerentur, disputarem. Sed hoc tamen cecidit mihi peropportune, quod, transactis jam meis partibus, ad Antonium audiendum venistis.

Tum Cæsar, Equidem, inquit, Crasse, ita sum cupidus te in illa longiore ac perpetua disputatione audiendi, ut, si id mihi minus contingat, vel hoc sim quotidiano tuo sermone contentus. Itaque experiar equidem illud, ut ne Sulpicius, familiaris meus, aut Cotta, plus quam ego apud te valere videantur, & te exorabo profecto, ut mihi quoque & Catulo tuæ suavitatis aliquid impertrias. Sin tibi id minus licebit, non te orgebo, neque committam, ut, dum vereare ne tu sis ineptus, me esse iudices.

Tum ille, Ego mehercule, inquit, Cæsar, ex omnibus Latinis verbis hujus verbi vim vel maximam semper putavi. Quem enim nos ineptum vocamus, is mihi videtur ab hoc nomen habere ductum, quod non sit aptus: idque in sermonis nostri consuetudine perlate pater. Nam qui aut,

tem-

tempus quid postulet, non videt; aut plura loquitur; aut se ostentat; aut eorum, quibuscum est, vel dignitatis, vel commodi rationem non habet; aut denique in aliquo genere, aut inconcinuus, aut multus est; is *ineptus* esse dicitur. Hoc vitio cumulata est eruditissima illa Græcorum natio. Itaque quod vim hujus mali Græci non vident, ne nomen quidem ei vitio imposuerunt: ut enim quæras omnia, quomodo Græci *ineptum* appellent, non reperies (19). Omnium autem ineptiarum, quæ sunt innumerabiles, haud scio, an ulla sit major; quam, ut illi solent, quocumque in loco, quoscumque inter homines visum est, de rebus aut difficillimis, aut non necessariis argutissime disputare. Hoc nos ab istis adolescentibus facere, inviti & recusantes, heri coacti sumus.

V. Tum Carulus, Ne Græci quidem, inquit, Crasse, qui in civitatibus suis clari, & magni fuerunt, sicuti tu es, nosque omnes in nostra republica volumus esse, horum Græcorum (20), qui se inculcant auribus nostris, similes fuerunt: nec tamen in otio sermones hujusmodi, disputationesque fugiebant. Ac si tibi videntur, qui temporis, qui loci, qui hominum rationem non habent, inepti, sicut debent videri; nam tandem aut locus hic non idoneus videtur, in quo porticus hæc ipsa, ubi inambulamus, & palæstra (21),

& tot

(19) *Non reperies*) Et vero frustra sunt qui totam huius verbi vim expressisse putant vocabulis ἀνάμμος, ἀπειράκωτος, σιωπῆς, ἀπρεπῆς, &c. minus aberrat ἀνεπιτέδειος, est enim ἐπιτέδειος, idoneus, commodus, cui si jungatur a privativum, idem fere significabit quod apud Latinos *ineptus*. Idem.

(20) *Horum Græcorum*) Græci permulti Romæ philosophiam, & bonas artes docebant; sed, quia plerique ex iis omnes erant ostentatores, argutuli & inepti, fere contemnebantur. Idem.

(21) *Palæstra*) Locus est parens & apertus ad exercitationes corporis, cursum, luctationem, &c. idoneus. Interdum philosophi, maxime in Græcia, in ejusmodi locis adolescentes docebant, ac disputationes habebant. Palæstra idem fere significat quod gymnasium, ἀπὸ τῆς πάλης, a luctatione, dicitur palæstra. Consule notas in superiorem librum c. 16. Idem.

& tot locis sessiones, gymnasiorum, & græcarum disputationum memoriam quodam modo commovent? aut importunum tempus in tanto otio, quod & raro datur, & nunc peroptato nobis datum est? aut homines ab hoc genere disputationis alieni, qui omnes hi sumus, ut sine his studiis vitam nullam esse ducamus?

Omnia ista, inquit Crassus, ego alio modo interpretor, qui primum palæstram, & sedes, & porticus, etiam ipsos, Catule, Græcos, exercitationis & delectationis causa, non disputationis invenisse arbitror. Nam & seculis multis ante gymnasia inventa sunt, quam in his philosophi garrire cœperunt; & hoc ipso tempore, cum omnia gymnasia philosophi teneant, tamen eorum auditores discum audire (22); quam philosophum, malunt: qui simul ut increpuit, in media oratione de maximis rebus & gravissimis disputantem philosophum omnes unktionis causa (23) relinquunt. Ita levissimam delectationem gravissimæ, ut ipsi ferunt, utilitati anteponunt. Otium autem quod dicis esse, assentior: verum otii fructus est, non contentio animi, sed relaxatio.

VI. Sæpe ex focero meo audiui, cum is diceret, focerum suum Lælium semper fere cum Scipione solitum rusticari, eosque incredibiliter repue-
rascere esse solitos, cum rus ex urbe, tanquam e vinculis, evolavissent. Non audeo dicere de talibus viris, sed tamen ita solent narrare, Scævola,

con-

(22) *Discum audire*) Discus est moles ferri, vel plumbi, vel etiam lapidis, quam juvenes certatim ultra metam aliquam, & finem constitutum, alius alio longius, projicere conabantur. Quod ludi genus eleganter descripsit Homerus Odyss. lib. viii. Discum, quam philosophum audire malle, non sine proverbii specie dicitur de eo, qui ad ineptas voluptates propensior est, quam ad utilia. *Idem.*

(23) *Unktionis causa*) Non quidem ut discum jaculentur, sed ut ea certamina obeant, in quibus uncti oleo corpora exercent. *Idem.*

conchas eos, & umbilicos (24) ad Cajetam (25) & ad Laurentum (26) legere consueſſe, & ad omnem animi remiſſionem ludumque deſcendere. Sic enim ſe res habet : ut, quemadmodum volucres videmus procreationis atque utilitatis ſuæ cauſa fingere & conſtruere nidos; eaſdem autem, cum aliquid effecerint, levandi laboris ſui cauſa, paſſim ac libere ſolutas opere volitare : ſic noſtri animi forenſibus negotiis, atque urbano opere deſeſſi, geſtiunt, ac volitare cupiunt, vacui cura ac labore. Itaque illud, quod ego in cauſa Cūriana (27) Scævola dixi, non dixi ſecus ac ſentiebam. Nam ſi, inquam, Scævola, nullum erit teſtamentum recte factum, niſi quod tu ſcripſeris, omnes ad te cives cum tabulis veniemus; omnium teſtamenta tu ſcribes unus. Quid igitur? inquam: quando ages negotium publicum? quando amicorum? quando tuum? quando denique nihil ages? Tum illud addidi: Mihi enim liber eſſe non videtur, qui non aliquando nihil agit. In qua permaneo, Catule, ſententia; meque, cum huc veni, hoc ipſum nihil agere, & plane deſſare, delectat.

Nam, quod addidiſti tertium, vos eos eſſe; qui vitam inſuavem ſine his ſtudiis putaretis, id me non modo non hortatur ad diſputandum, ſed etiam deterret. Nam ut C. Lucilius, homo doctus, & perurbanus, dicere ſolebat, ea, quæ ſcriberet,

De Orat.

I

ne-

(24) *Umbilicos*) Id eſt, lapillos umbilicorum inſtar habentes. Quod noſter hic vocat *conchas & umbilicos*. Val. Maximus lib. 1. c. 8. vocat *conchulas & calculos*. Pearcius. *Concha* eſt piſcium teſta, quales vacuæ ſunt multæ in litore maris. *Umbilicus* eſt lapillus rotundus, in umbilici humani morem factus: *Præſt.*

(25) *Cajetam*) Caieta eſt portus Italiæ in Campania non procul a Neapoli. Hodie *Gajette*. Idem.

(26) *Laurentum*) Sic legendum potius quam *Lucrinum*, cum editiones optimæ, tum Valerius Maximus lib. viii. cap. 8. ſuaſet. Eſt autem Laurentum urbs Latii ad mare Tyrrhenum, quæ hodie dicitur *S. Laurentii*. Idem.

(27) *In cauſa Cūriana*) In oratione quam habui pro Curio, cujus cauſa expoſita eſt libro ſuperiore, cap. 39. Idem.

neque ab indoctissimis, neque ab doctissimis legi velle; quod alteri nihil intelligerent, alteri plus fortasse, * quam ipse; quo etiam scripsit, *Persium* (28) *non curō legere*: (hic enim fuit, ut noramus, omnium fere nostrorum hominum doctissimus:) *Lalium Decimum volo* (29), (quem cognovimus virum bonum, & non illiteratum, sed nihil ad *Persium*;) sic ego, si jam mihi disputandum sit de his nostris studiis, nolim equidem apud rusticos, sed multo minus apud vos. Malo enim non intelligi orationem meam, quam reprehendi.

VII. Tum Cæsar, Equidem, inquit, Catule, jam mihi videor navasse operam, quod huc venerim. Nam hac ipsa recusatio disputationis, disputatio quædam fuit mihi quidem perjucunda. Sed cur impedimus Antonium, cujus audio esse partes, ut de tota eloquentia differat, quemque jamdudum Cotta & Sulpicius expectant?

Ego vero, inquit Crassus, neque Antonium verbum facere patiar, & ipse obmutescam, nisi prius a vobis impetraro. Quidnam? inquit Catulus. Ut hic sitis hodie. Tum, cum ille dubitaret,

* *Quam ipse*) Lamb. *quam ipse de se intelligi vellet*; quo (28) *Persium*) Persius hic, de quo Lucilius loquitur, non est poeta ejusdem nominis, qui sub Nerone floruit, sed orator doctus, qui scripsit Gracchi tempore: de quo Cicero mentionem facit in Bruto, quem consule, cap. 26. *Idem*.

(29) *Lalium Decimum volo*) Nescio, consulto-ne, an errore in vulgaris editionibus comma post *Lalium* ponatur. Tam manifestum vero vitium non passus sum diutius Ciceroni adærescere. Quippe Cicero singulos singulis opponit, Decimum Persio, additque relativum *quem* non *quos*. Omnes veteres editiones omittunt istud comma: in quo delendo nihil dubii est. Restat tamen alius nodus: nusquam enim *Decimus* cognomen est. Sed præclare ad hanc rem facit, quod Cl. Spanhemius in suo tractatu de Romanarum observavit, nempe sæpissime prænomen postponi nomini gentis; sic in Dionysio Halicarn. habes Πίους Ἀδελφός, & Γέλκτος Γράκος, l. 2. Antiq. Romanarum. Apud Dionem quoque, ipsumque Ciceronem vir idem doctissimus observavit parilem ordinis mutationem. Porro Onuphr. Panvinus in libro de Nom. Roman. dicit se legisse *Manlium Cnæum*. Ergo *Lalium Decimum* idem valet, ac *Decimus Lalium*. Pearcius.

ret, quod ad fratrem promiserat, Ego, inquit Julius, pro utroque respondeo: sic faciemus: atque ista quidem conditione, vel ut verbum nullum faceres, me teneres.

Hic Catulus arrisit: & simul, Præcisa, inquit, mihi quidem dubitatio est, quoniam neque domi imperaram; & hic, apud quem eram fururus, sine mea sententia tam facile promisit. Tum omnes oculos in Antonium coniecerunt: & ille, Audite vero, audite, inquit. Hominem enim audietis de schola (30), atque a magistro, & Græcis literis eruditum: & eo quidem loquar confidentius, quod Catulus auditor accessit; cui non solum nos Latini sermonis, sed etiam Græci ipsi solent suæ linguæ subtilitatem elegantiamque concedere. Sed tamen, quoniam hoc totum, quidquid est, sive artificium, sive studium dicendi, nisi accessit os (31), nullum potest esse; docebo vos, discipuli, id, quod ipse non didici, quid de omni genere dicendi sentiam.

Hic posteaquam arriserunt, Res mihi videtur esse, inquit, facultate præclara, arte mediocris. Ars enim (32) earum rerum est, quæ sciuntur. Oratoris autem actio opinionibus, non scientia continetur. Nam & apud eos dicimus, qui ne-

I 2 sci-

(30) *De schola*) Ironice dictum, ut & quæ consequuntur. Audietis hominem, qui magistris nunquam operam dedit. *Præst.*

(31) *Nisi accessit os*) Os in hoc loco confidentiam, audaciam & impudentiam quandam significat. Oportet, inquit, me pene esse impudentem, qui velim docere quod ipse nunquam didicerim: sed quoniam oratores audaciam hanc in laude ponunt, æque orator esse bonus quisquam potest, nisi sit idem ore duriori, & paulo confidentior, aggrediar sane ad dicendum, quid sentiam de eloquentia. *Idem.*

(32) *Ars enim*) Eloquentiam non esse proprie artem sic probat Antonius. Ars, inquit, certissimis ac verissimis nititur principiis, & versatur in iis rebus, quas certa scientia percipere possumus: eloquentia autem versatur in causis in utramque partem probabilibus, & in iis rebus, in quibus quid certum, quid verum sit, deprehendi nullatenus potest. Nam contrarias causas tractant oratores, & alias aliud de iisdem rebus iidem sentiunt. Non igitur proprie ars eloquentia. *Idem.*

sciunt; & ea dicimus, quæ nescimus ipsi. Itaque & illi alias aliud iisdem de rebus & sentiunt, & judicant, & nos contrarias sæpe causas dicimus: non modo ut Crassus contra me dicat aliquando, aut ego contra Crassum, cum alterutri necesse sit falsum dicere, sed etiam ut uterque nostrum eadem de re alias aliud defendat, cum plus uno verum esse non possit. Ut igitur in ejusmodi re, quæ mendacio nixa sit, quæ sæpe ad scientiam non perveniat, quæ opiniones hominum & sæpe errores aucupetur, ita dicam, si causam putatis esse, cur audiatis.

VIII. Nos vero, & valde quidem, Catulus inquit, putamus; atque eo magis, quod nulla mihi ostentatione videris esse usus. Exorsus es enim non gloriose; magisque, ut tu putas, a veritate (33), quam a nescio qua dignitate. Ut igitur de ipso genere (34) sum confessus, inquit Antonius, artem esse non maximam: sic illud affirmo, præcepta posse quædam dari peracuta ad pertractandos animos hominum, & ad excipiendas eorum voluntates (35). Hujus rei scientiam si quis velit magnam quandam artem esse dicere, nos repugnabo. Etenim cum plerique temere ac nulla ratione causas in foro dicant; nonnulli autem propter exercitationem, aut propter consuetudinem aliquam callidius id faciant; non est dubium, quin, si quis

(33) *Magis, ut tu putas, a veritate*) Antonius professus erat initio minimum artis eloquentiam habere. Juxta hanc suam opinionem, quam veram existimat, utitur exordio simplici, & quod ab artis suco alienum est. *Idem.*

(34) *De ipso genere*) Genus eloquentiæ est ars, vel facultas, vel scientia: est enim id illi commune cum artibus aliis & disciplinis. Negabat autem Antonius vel scientiam esse, vel artem. *Idem.*

(35) *Ad excipiendas eorum voluntates*) Fortasse, *ad exci-
tandas*. Muret. Lambini MS. habuit *captandas*; sed cave quid
mutes; illa enim vox idem valet ac hæc; ut in Horatii epist.
lib. I. ep. 1. v. 78.

*Pomus viduus venantur avaras,
Excipiuntque senes, quos in vivaria mittant.* Pearcius.

si quis animadverterit (36), quid sit quare alii melius quam alii dicant, id possit notare. Ergo id qui toto in genere fecerit, is si non plane artem, at quasi artem quandam invenerit.

Atque utinam, ut mihi illa videre videor in foro atque in causis, ita nunc, quemadmodum ea reperirentur, possim vobis exponere! Sed de me videro: nunc hoc propono, quod mihi persuasi, quamvis ars non sit, tamen nihil esse perfecto oratore præclarius. Nam, ut usum dicendi omitram, qui in omni pacata & libera civitate dominatur, tanta oblectatio est in ipsa facultate dicendi, ut nihil hominum aut auribus aut mentibus jucundius percipi possit. Qui enim cantus moderatæ orationis pronuntiatione dulcior inveniri potest? quod carmen artificiosa verborum conclusione aptius? qui actor in imitanda, quam orator in suscipienda veritate jucundior? Quid autem subtilius, quam acutæ, crebræque sententiæ? quid admirabilius, quam res splendore illustrata verborum? quid plenius, quam omni rerum genere cumulata oratio? Neque enim ulla non propria oratoris est res, quæ quidem ornate dici graviterque debeat.

IX. Hujus est in dando consilio de maximis rebus cum dignitate explicata sententia: ejusdem & languentis populi incitatio, & effrenati moderatio. Eadem facultate & fraus hominum ad perniciem, & integritas ad salutem vocatur. Quis cohortari ad virtutem ardentius, quis a vitiis acrius revocare, quis vituperare improbos asperius, quis laudare bonos ornatus, quis cupiditatem vehementius frangerere accusando potest? quis mœrorem levare mitius consolando?

Historia vero testis temporum, lux veritatis, vita memoriæ, magistra vitæ, nuntia vetustatis, qua

I 3

voce

(36) *Si quis animadverterit*) Hæc omnia desumpta sunt ex Aristotelis Rhetor. lib. 1. *Præf.*

voce alia, nisi oratoris, immortalitati commendatur? Nam si qua est ars alia, quæ verborum, aut faciendorum, aut deligendorum scientiam profiteatur: aut si quisquam dicitur, nisi orator, formare orationem, eamque variare, & distinguere quasi quibusdam verborum sententiarumque insignibus: aut si via ulla, nisi ab hac una arte, traditur, aut argumentorum, aut sententiarum, aut denique descriptionis atque ordinis: fateamur aut hoc, quod hæc ars profiteatur, alienum esse, aut ei cum aliqua alia arte esse commune.

Sed, si in hac una est ea ratio atque doctrina: non, si qui aliarum artium bene locuti sunt, eo minus id est hujus unius proprium. Sed, ut orator de iis rebus, quæ cæterarum artium sunt, si modo eas cognorit, (ut heri Crassus dicebat) optime potest dicere: sic cæterarum artium homines ornatus illa sua dicunt, si quid ab hac arte didicerunt. Neque enim si de rusticis rebus agricola quispiam, aut etiam, id quod multi, medicus de morbis, aut de pingendo pictor aliquis diserte dixerit, aut scripserit, idcirco illius artis putanda sit eloquentia: in qua quia vis magna est in hominum ingeniis, eo multi etiam sine doctrina aliquid omnium generum atque artium consequuntur: sed, quod cujusque sit proprium, etsi ex eo judicari potest, cum videris quid quæque doceant, tamen hoc certius nihil esse potest, quam quod omnes artes aliæ sine eloquentia suum munus præstare possunt, orator sine ea nomen suum obtinere non potest: ut cæteri, si disertis sint, aliquid ab hoc habeant; hic nisi domesticis se instruxerit copiis, aliunde dicendi copiam petere non possit.

X. Tum Catulus, Etsi, inquit, Antoni, minime impediendus est interpellatione iste cursus orationis tuæ, pati tamen, mihi quæ ignoscas. Non enim possum, quin exclamem, ut ait ille in

Tri-

Trinummo (37): ita mihi vim oratoris cum exprimere subtiliter visus es, tum laudare copiosissime; quod quidem eloquentem vel optime facere oportet, ut eloquentiam laudet. Debet enim ad eam laudandam, ipsam illam adhibere, quam laudat. Sed perge porro: tibi enim assentior, vestrum esse hoc totum, diserte dicere, idque si quis in alia arte faciat, eum assumpto aliunde uti bono, non proprio, nec suo.

At Crassus, Nox te, inquit, nobis, Antoni, expolivit, hominemque reddidit: nam hesterno sermone unius cujusdam operis, ut ait Cæcilius (38), remigem aliquem, aut bajulum, nobis oratorem descripseras, inopem quendam humanitatis, atque inurbanum.

Tum Antonius, Heri enim, inquit, hoc mihi proposueram, ut, si te refellissem, hos a te discipulos abducerem: nunc, Catulo audiente, & Cæsare, videor debere non tam pugnare tecum, quam, quid ipse sentiam, dicere. Sequitur igitur, quoniam nobis est hic, de quo loquimur, in foro, atque in oculis civium constituendus, ut videamus, quid ei negotii demus, cuique eum muneri veli-

I 4 mus

(37) *Ut ait ille in Trinummo*) Ut ait servus in comædia Plauti, quæ Trinummus inscribitur, Actu III. Scena II. Stasimus servus ad verba Lystelis adolescentis hunc in modum exclamat:

Non enim possum quin exclamem:

Euge! euge! Lyseles, wôh!

Pacile palmam habes, hic victus: vicit tua comædia. Idem.

(38) *Cæcilius*) Nazione Infuber Gallus, professione comicus poeta. Quod servus fuisset, servile nomen habuit *Stasius*, ut notat Gellius lib. iv. cap. 20. Vixit Romæ, & comædiæ princeps habitus est ætate sua. Eum licet dicat Cicero malum Latinitatis auctorem, tamen ei primas inter comicos tribuit Volcatius Sedigitus, quod refert Gellius lib. xv. cap. 24. Ipse Tullius lib. de opt. gen. Orat. cap. 1. videtur ipsi primum inter comicos locum dare. Sane apud Nonium in verbo *poscere* Varro principatum in argumentis Cæcilio dedit. In *argumentis Cæcilius poscit palmam*, in *ædæ Terentius*, in *sermonibus Plautus*. Clauit Cæcilius anno U. C. DLXXVII. ante Christum CLXXV. Idem. De illo plura Vossius.

mus esse præpositum. Nam Crassus heri, cum vos, Catule & Cæsar, non adessetis, posuit breviter in artis distributione idem, quod Græci plerique posuerunt: neque sane quid ipse sentiret, sed quid ab illis diceretur, ostendit: duo prima genera questionum esse, in quibus eloquentia versaretur, unum infinitum, alterum certum.

Infinitum mihi videbatur id dicere, in quo aliquid generatim quæreretur, hoc modo: Expetenda ne esset eloquentia: expetendi ne honores. Certum autem, in quo quid in personis, & in constituta re, & definita quæreretur: cuiusmodi sunt, quæ in foro, atque in civium causis, disceptationibusque versantur. Ea mihi videntur (39) aut in lite ordinanda, aut in consilio dando esse posita. Nam illud tertium, quod & a Crasso tactum est, &, ut audio, ille ipse Aristoteles, qui hæc maxime illustravit, adjunxit, etiamsi opus est, tamen minus est necessarium.

Quidnam? inquit Catulus, an laudationes? id enim video poni genus tertium.

XI. Ita, inquit Antonius, & in eo quidem genere scio & me, & omnes, qui affuerunt, delectatos esse vehementer, cum abs te est Popilia, mater vestra, laudata; cui primum mulieri (40)

hunc

(39.) *Ea mihi videntur.* Antonius quæstiones, siue materiam oratori propositam revocat ad liberationes, & ad judicia, quia hæc plerumque ab eo tractantur: & si quando versetur in exornativo genere, vel ad defensionem, vel ad suasionem, laudatio, vituperatio ad accusationem aut dissuasionem referri facile potest: v. g. in oratione pro Lege Manilia in laudes Pompeii Tullius excurret, ut suadeat eum deligendum imperatorem contra Mitridatem: secunda Philippica invehitur in Antonium, ut tanquam hostis reip. condemnatur, quod spectat genus judiciale. *Idem.*

(40.) *Cui primum mulieri* Popilia si matronarum prima publice post mortem laudata est, erravit Plutarchus in vita Camilli, qui diu ante Popiliam funebris orationis honorem matronis concessum refert, propterea quod ornamenta sua ad persolvendum Apollini vorum contulissent: nisi forte tanto post id senatusconsultum tempore nulla sit laudata, quod vix credibile est. *Syebeus.* Præst.

hunc honorem in nostra civitate tributum puto : sed non omnia , quæcumque loquitur , mihi videntur ad artem & ad præcepta esse revocanda . Ex his enim fontibus , unde omnia ornate dicendi præcepta sumuntur , licebit etiam laudationem ornare , neque illa elementa desiderare , quæ ut nemo tradat , quis est , qui nesciat , quæ sint in homine laudanda ? Positis enim iis rebus , quas Crassus in illius orationis suæ , quam contra collegam (41) censor habuit , principio dixit , *Quæ natura , aut fortuna darentur hominibus , in iis rebus se vinci , posse animo æquo pati ; quæ ipsi sibi homines parare possent , in iis rebus se pati vinci . non posse :* qui laudabit quempiam , intelliget , exponenda sibi (a) esse fortunæ bona . Ea sunt , generis , pecuniæ , propinquorum , amicorum , opum , valetudinis , formæ , virium , ingenii , cæterarumque rerum , quæ sunt aut corporis , aut extraneæ : si habuerit bene his usum : si non habuerit , (b) sapienter caruisse ; si amiserit , moderate tulisse . Deinde quid sapienter is , quem laudet , quid liberaliter , quid fortiter , quid iuste , quid magnifice , quid pie , quid grate , quid humaniter , quid denique cum aliqua virtute aut fecerit , aut tolerit . Hæc , & quæ sint ejus generis , facile videbit , qui . volet laudare quempiam : & qui vituperare , contraria .

Cur igitur dubitas , inquit Catulus , facere hoc tertium genus , quoniam inest in ratione rerum non enim , si est facilius , eo de numero quoque est excerptum .

Quia nolo , inquit , omnia , quæ cadunt aliquan-

(41) *Contra Collegam*) Cn. Domitium Ahenobarbum , Neronis imperatoris avum , de quo dicebatur non esse mirandum , quod barbam haberet ahenam , cui os ferreum , & cor plumbeum esset . Censor fuit anno U. C. DCLXII. Cum L. Crasso graves exercuit inimicitias . Vide Plinium lib. xvii. cap. 1. & Valerium Maximum lib. ix. cap. 1. *Idem* .

(a) *Esse*) Lamb. *esse naturæ & fortunæ* .

(b) *Sapienter*) Lamb. *patienter* .

quando in oratorem, quamvis exigua sint, ea sic tractare, quasi nihil possit dici sine præceptis suis. Nam & testimonium sæpe dicendum est, ac nonnunquam etiam accuratius, ut mihi necesse fuit in Sex. Titium (42), seditiosum civem, & turbulentum: explicavi in eo testimonio dicendo, omnia consilia consulatus mei, quibus illi tribuno plebis pro republica restitissim; quæque ab eo contra rempublicam facta arbitrarer, exposui. Diu retentus sum, multa audivi, multa respondi. Num igitur placet, cum de eloquentia præcipias, aliquid etiam de testimoniis dicendis, quasi in arte tradere? Nihil sane, inquit Catulus, necesse est.

XII. Quid si (quod sæpe summis viris accidit) mandata sint exponenda (43), aut in senatu ab imperatore, aut ad imperatorem, aut ad regem, aut ad populum aliquem a senatu? num quia genere orationis in huiusmodi causis accuratiores est utendum, idcirco pars etiam hæc causarum numeranda videtur, aut propriis præceptis instruenda? Minime vero, inquit Catulus: non enim deerit homini diserto in ejusmodi rebus facultas, ex cæteris rebus & causis comparata.

Ergo item, inquit, illa, quæ sæpe diserte agenda sunt, & quæ ego paulo ante (cum eloquentiam laudarem) dixi oratoris esse, neque habent suum locum ullum in divisione partium, neque certum præceptorum genus, & agenda sunt non minus diserte, quam quæ in lite dicuntur, objurgatio, cohortatio, consolatio: quorum nihil est, quod non summa dicendi ornamenta desideret: sed

(42) *Sex. Titium*) Hic tribunus plebis fuit anno U. C. DCLV. Cum agraria lege lata plebem sibi vellet demereri, consullem Antonium, qui hic loquitur acrem habuit adversarium. *Julius Obsequens*. Præst.

(43) *Mandata sint exponenda*) Ut sit in legationibus, in quibus obeundis plurimum ingenii & eloquentiæ requiritur. *Idem*.

sed ex artificio res istæ præcepta non quærunt. Plane, inquit Catulus, assentior.

Age vero, inquit Antonius, qualis oratoris, & quanti hominis in dicendo putas esse historiam scribere? Si, ut Græci scripserunt, summi, inquit Catulus: si, ut nostri, nihil opus est oratore. Satis est non esse mendacem. Atqui, ne nostros contemnas, inquit Antonius, Græci ipsi sic initio scriptarunt, ut noster Cato (44), ut Pictor (45), ut Piso (46). Erat enim historia nihil aliud, nisi annalium confectio (47): cujus rei, memoriarque publicæ retinendæ causa, ab initio rerum Romanarum usque ad P. Mucium (48), pontificem maximum, res omnes singulorum annorum mandabat literis pontifex maximus, afferebatque in album, & proponebat tabulam domi, potestas
ut

(44) *Ut noster Cato*) De quo Cicero fuse in Bruto. *Idem.*

(45) *Ut Pictor*) Fabii, clarissima gens, teste Plinio lib. xxxv. cap. 4. Pictorum nomen ex eo traxerunt, quod princeps ejus cognominis ipse ædem Salutis pinxit anno U. C. Ccccl. ante Christum Ccciv. Ex Fabiis Pictoribus alius ædem Salutis pinxit, alius consulatum gessit cum Ogulnio, alius jurisconsultus, alius de quo jam agimus, historicus fuit, si Livio credimus, *scriptorum antiquissimus*, cui prænomen erat Quintus, ut ex Apiano recte colligit Vossius. In Romanos plus æquo propensus, in describendo bello Punico Carthaginensium gloriam sæpe detexit. In quo reprehenditur a Polybio. Floruit anno U. C. Dxxx. ante Christum Ccxxxiv. *Idem.*

(46) *Piso*) L. Piso *vir tanta virtute atque integritate fuit*, teste Tullio, *ut etiam illis optimis temporibus, cum hominem invenire nequam neminem posses, solus tamen frugi nominaretur.* Consul fuit anno Dcxxi. ante Christum Cxxxiii. Orationes reliquit, & annales, ut quidem refert Cicero, sane exiliter scriptos, quos tamen simplicissima fuisse suavitate Gellius tradit lib. xi. cap. 14. *Idem.*

(47) *Annalium confectio*) Sempronius Asellio apud Gellium lib. v. cap. 18. hoc statuit annales inter & historiam discrimen, quod annales tantummodo quid factum, quoque anno gestum sit aliquid exponant; historia vero non modo quid factum sit demonstrat, verum etiam & rerum causas, & hominum consilia explicet. *Idem.*

(48) *P. Mucium*) Non eum, quo præceptore usus est in jure civili Cicero, nam is est Q. Mucius & ipse pontifex maximus, sed hujus patrem P. Mucium, qui consul fuit anno U. C. Dcxxi. ante Christum Cxxxiii. *Idem.*

ut esset populo cognoscendi, ii qui etiam nunc Annales maximi nominantur. Hanc similitudinem scribendi multi secuti sunt, qui sine ullis ornamentis monumenta solum temporum, hominum, locorum, gestarumque rerum reliquerunt. Itaque qualis apud Græcos Pherecydes (49), Hellanicus (50), Acusilas (51) fuit, aliique permulti; talis noster Cato, & Pictor, & Piso, qui neque tenent quibus rebus ornetur oratio, (modo enim huc ista sunt importata) &, dum intelligatur quid dicant, unam dicendi laudem putant esse, brevitatem. Paululum se erexit, & addidit historiæ: majorem sonum vocis vir optimus, Crassi familiaris, Antipater (52). Cæteri non exornatores rerum, sed tantummodo narratores fuerunt.

XIII. Est, inquit Catulus, ut dicis. Sed ille ipse Cælius neque distinxit historiam varietate locorum (53), neque verborum collocatione, &

tra-

(49) *Pherecydes*) Atheniensis historicus, alius a Pherecyde Syrio antiquiore, Physico, & theologo, historiam primus oratione numeris soluta scripsit, Darii, Hystaspis filii, temporibus, adeoque floruit circa Olympiad. lxxviii. Eusebium & Suidam, qui duos agnoscunt Pherecydas historicos, graviter errare observavit Scaliger, & recte probat Vossius lib. iv. de historicis Græcis cap. 4. *Idem*.

(50) *Hellanicus*) Hellanici duo sunt. Alter Mitylenæus, sive Lesbicus, scripsit de antiquissimis gentium principibus, & alia quamplurima. Herodotum annis duodecim præcessit, ut ex Pamphilo refert Gellius lib. xv. cap. xxiii. adeoque natus est anno 1. Olympiadis lxxi. nec nisi octoginta quinque post annis obiit, ut testatur Lucianus in Macrobiis. Alter Milesius fuit. De utroque suo more Vossius erudite differit. *Idem*.

(51) *Acusilas*) Argivus historicus: quæ vineta numeris oratione Hesiodus, eadem soluta scripsit; aut potius hujus carmina pedestrem in sermonem transulit, & tanquam sua edidit, ut docet Clemens Alexandrinus lib. vi. Stromatum. Paulo ante Persarum in Græcos expeditionem, hoc est, Olympiade circiter lxxi. vixisse tradit Josephus lib. 1. contra Appionem. *Idem*.

(52) *Antipater*) L. Cælius Antipater belli Punici historiam edidit, ut ait Tullius in Oratore, & L. Crassi, qui in his dialogis primas tenet, magister fuit, ut idem refert in Bruto, quem consulit ad c. 22. & 26. *Idem*.

(53) *Varietate locorum*) Id est, regionum: & ita Cicero in cap. sequenti, cum de Historiæ legibus sermo est, dicit, *Rerum ratio*

tractu orationis leni & æquabili perpolivit illud opus ; sed ut homo neque doctus , neque maxime aptus ad dicendum , sicut potuit , dolavit : vicit tamen , ut dicis , superiores .

Minime mirum , inquit Antonius , si ista res adhuc nostra lingua illustrata non est . Nemo enim studet eloquentiæ nostrorum hominum , nisi ut in causis atque in foro eluceat : apud Græcos autem eloquentissimi homines , remoti a causis forensibus , cum ad cæteras res illustres , tum ad scribendam historiam maxime se applicaverunt . Namque & Herodotum (54) illum , qui princeps genus hoc ornavit , in causis nihil omnino versatum esse accepimus : atqui tanta est eloquentia , ut me quidem , quantum ego Græce scripta intelligere possum , magnopere delectet . Et post illum Thucydides (55) omnes dicendi artificio , mea sententia , facile vicit : qui ita creber est rerum frequentia , ut verborum prope numerum sententiarum numero consequatur ; ita porro verbis aptus , & pressus , ut nescias , utrum res oratione , an verba sententiis illustrentur . Atqui ne hunc quidem , quanquam est in republica versatus , ex numero accepimus eorum , qui causas dictitarunt : & hos libros tum scripsisse dicitur , cum a republica remotus , atque , id quod optimo cuique Athenis accidere solitum est ,
in

ratio ordinem temporum desiderat , regionum descriptionem . Perarcus .

(54) *Herodotum*) Herodotus patria Halicarnassens , ut ipse testatur , Thurius deinde appellatus , quod , ut ait Strabo , socium se deducendæ in Thurios coloniæ præbuisse , Historiæ pater , floruit Olympiade lxxxiv. annis ante Christum cccxlv. *Præf.*

(55) *Thucydides*) Is fuit Olori filius , qui ad bellum Peloponnesiacum scribendum excitatus est , cum Herodotum libros suos recitantem audisset . Claruit Olympiade lxxxvii. annis ante Christum cccxxx. *Densus* , inquit Quintilianus lib. x. cap. 1. *& brevis , & semper instans sibi Thucydides ; dulcis , & candidus , & fusus Herodotus : ille concitatus , hic remissis affectibus melior : ille concionibus , hic sermonibus : ille vi , hic voluptate .* Eum tamen interdum tam obscurum esse , ut vix intelligatur , Cicero factetur in Bruto . *Idem .*

in exilium pulsus esset. Hunc consecutus est Syracusius Philistus (56), qui cum Dionysii tyranni familiarissimus esset, otium suum consumpsit in historia scribenda, maximeque Thucydidem est, sicut mihi videtur, imitatus. Postea vero, quasi ex clarissima rhetoris officina (57), duo præstantes ingenio, Theopompus (58), & Ephorus (59), ab Isocrate magistro impulsî, se ad historiam contulerunt: causas omnino nunquam attigerunt.

XIV. Denique etiam a philosophia profectus princeps Xenophon (60), Socraticus ille; post
ab

(56) *Philistus*) Patria Syracusius, *pene pusillus Thucydides* a Cicerone lib. II. epist. 12. ad Q. fratrem appellatus: quia, ut notat Fabius lib. x. cap. 1. erat *imitator Thucydidis, & ut multo infirmior, ita aliquatenus lucidior*. Obiit Olympiade cvi. annis ante Christum ccclvi. Cum pro Dionysio juniore in prælio navali pugnaret, victus violentas sibi manus attulit, ut narrat Diodorus Siculus. *Idem*.

(57) *Quasi ex clarissima Rhetoris officina*) Mf. Harl. 1. hunc ordinem verborum servat, *ex clarissima quasi Rhetoris officina*. Bene: cum enim vox *quasi* ad vim solius vocis *officina* levandam usurpetur, longe ab ea abesse non debet. Sic Cicero de Leg. lib. 1. c. 13. *Philosophi quasi officinas instruxerunt sapientiæ*: & in Bruto c. 8. *Domus Isocratis*, quasi ludus quidam *arq̃ue officina dicendi* &c. *Peavcius*.

(58) *Theopompus*) Chius, clarissimus, Dionysio Halicarnasæo teste, omnium Isocratis discipulorum. Auctor est Suidas eum historiarum Herodoti epitomen scripsisse. Refert Joëphus, Theopompum, cum vellet ex sacris codicibus quædam in suas historias transferre, mente turbatum fuisse; cumque in somno didicisset id accidisse, quod evulgare divina tentasset, ab incepto destitisse, pristinquæ sanitati esse restitutum. Vixit annis ante Christum circiter Ccclx. *Prust*.

(59) *Ephorus*) Patria Cumæus, quem dicit Seneca sæpe decipi, sæpe decipere. Memoriam prodidit Diodorus Siculus, eum res a Græcis & Barbaris ab Heraclidarum redivit pene per Decem annos gestas, & in triginta volumina distributas scripsisse. Discipulus Isocratis fuit, ac floruit Olympiade cix. annis ante Christum Cccxlv. *Idem*.

(60) *Xenophon*) Atheniensis, Socratis primum auditor, tum dux in bello, præclare factis ita summi imperatoris famam adeptus est, ut privatis subinde studiis eloquentiæ palmam multis præripuerit. Refert Suidas datum ei nomen Atticæ Musæ, vel apud Atticæ, quod, ut ait Tullius, ejus oratio sit melle dulcior. Maxime floruit, teste Laertio, Olympiadis Xciv. anno iv. nempe ante Christum Cccci. Nonagenario major apud Corinthum obiit, anno 1. Olympiadis cv. ante Christum Ccclx. *Idem*.

ab Aristotele Callisthenes (61), comes Alexandri, scripsit historiam : & hic quidem rhetorico pene more : ille autem superior leniore quodam sono est usus, & qui illum impetum oratoris non habeat : vehemens fortasse minus, sed aliquanto tamen est, ut mihi quidem videtur, dulcior. Minimus natu horum omnium Timæus (62), quantum autem judicare possum, longe eruditissimus, & rerum copia & sententiarum varietate abundantissimus, & ipsa compositione verborum non impositus, magnam eloquentiam ad scribendum attulit, sed nullum usum forensem.

Hæc cum ille dixisset, Quid est, inquit, Catule, Cæsar? ubi sunt, qui Antonium Græce negant scire? quot historicos nominavit? quam scienter? quam proprie de unoquoque dixit? Id mehercule, inquit Catulus, admirans, illud jam mirari desino, quod multo magis ante mirabar, hunc, cum hæc nesciret, in dicendo posse tantum. Atqui, Catule, inquit Antonius, non ego utilitatem aliquam ad dicendum aucupans, horum libros, & nonnullos alios, sed delectationis causa, cum est otium, legere soleo. * Quid ergo est? fatebor

ali-

(61) *Callisthenes*) Olynthius, Aristotelis non modo discipulus, verum etiam confobrinus, ut narrat Laertius, tantæ fuit arrogantiae, ut scripta sua factis Alexandri Magni superiora esse prædicaret. Odiosus Alexandro, quod divinos ipsi decerni honores dissuassisset, minimeque aulæ & assentantium accommodatus ingenio, initæ in caput regis conjurationis falso suspectus, ante tortus interiit Olympiade cxi. *Curtius*, lib. viii. *Idem*.

(62) *Timæus*) Tauromenii in Sicilia natus, trecentis circiter ante Christum annis floruit, regnante Agathocle : cui ob indictum exilium, ulciscendi studio fuit præter modum infensus, adeo ut in huius principis rebus nullam, auctore Suida, fidem mereatur. Varia fuit de ipso veterum sententia : hic eximie laudatur a Cicerone. Eum alii censent nullo delectu quilibet in suas historias infarsisse, Hefychiusque & Suidas eum γρασυλλέτριον, animum collectricem, appellatum fuisse referunt. Longinus libro πρὸς τὴν ὕλην Timæum dicit sæpe frigidum, & ad puerilia delabi. Ait Diodorus Siculus propter intempestivas reprehensiones nuncupatum esse ἐπιτίματον, id est reprehensorem. Annos xvi, vixit, teste Luciano in Macrobiis. *Idem*.

* *Quid ergo*) Lamb. *Quid ergo? Est, fateor, aliquid, tamen:*

aliquid tamen : ut , cum in sole ambulem , etiamſi aliam ob cauſam ambulem , fieri natura tamen , ut colorer : ſic , cum iſtos libros ad Miſenum (63) (nam Romæ vix licet) ſtudioſius legerim , ſentio orationem meam illorum cantu quaſi colorari . Sed ne latius hoc vobis patere videatur , hæc duntaxat in Græcis intelligo , quæ ipſi , qui ſcripſerunt , voluerunt a vulgo intelligi . In philoſophos veſtros ſi quando incidi , deceptus indicibus librorum , quod ſunt fere inſcripti de rebus notis & illuſtribus , de virtute , de juſtitia , de honeſtate , de voluptate , verbum prorſus nullum intelligo : ita ſunt anguſti & concisus diſputationibus illigati . Poetas omnino , quaſi aliena quadam lingua (64) locutos , non conor attingere . Cum his me (ut dixi) oblecto , qui res geſtas , aut qui orationes ſcripſerunt ſuas , aut qui ita loquuntur , ut videantur voluiſſe eſſe nobis , qui non ſumus eruditiffimi , familiares . Sed illuc redeo .

XV. Videriſne , quantum munus ſit oratoris hiſtoria ? haud ſcio , an ſtumine orationis , & varietate maximum . Neque tamen eam reperio uſquam ſeparatim inſtructam rhetorum præceptis . Si ſunt enim ante oculos (65) . Nam quis neſcit , primam eſſe hiſtoriæ legem (66) , ne
quid

(63) *Miſenum*) Miſenus , mons Campaniæ : oppidum vocant Joſephus & Oroſius : a Miſeno qui Æneam in Italiam ſecutus erat , nomen accepit . *Virgilius Æneid.* lib. vi. *Præſt.*

(64) *Quaſi aliena quadam lingua*) Poetarum enim ſermo ab oratione numeris ſoluta remotior eſt ; maxime Græcorum , quia dialectos ſuas amant , verbis inuſitatis gaudent , &c. *Idem* .

(65) *Si ſunt enim ante oculos*) Neſcio an rectius legi debeat : *iſta ſunt* . Nam quo referes illud *ſita* ? Conjecturam confirmat , quod mox dicit : *Hæc ſcilicet fundamenta nota ſunt omnibus* . Mur.

(66) *Primam eſſe hiſtoriæ legem*) Perſtringit hic hiſtoriæ leges , quarum prima eſt veritas , quæ vel viſu , vel ex multorum ſimili relatione exploratur . Adverſus hanc legem graviter peccarunt Herodotus , Theopompus , & alij præcipue Græci , quorum in hiſtoriis plerumque reperitur ſimilis poetica licentia . Ut nemo miretur Juvenalem ſcripſiſſe Satyra 1.

quid falsi dicere audeat ; deinde ne quid * veri non audeat (67) ; ne qua suspicio gratiæ sit in scribendo ; ne qua simultatis ? Hæc scilicet fundamenta nota sunt omnibus .

Ipsa autem exædificatio posita est in rebus & verbis . Rerum ratio ordinem temporum (68) desiderat , regionum descriptiones : vult etiam , quoniam in rebus magnis (69) , memoriaque dignis consilia primum , deinde acta , postea eventus expectantur , & de consiliis significari quid scriptor probet , & in rebus gestis declarari non solum quid actum , aut dictum sit , sed etiam quomodo : & cum de eventu dicatur , ut causæ explicentur omnes , vel casus , vel sapientiæ , vel temeritatis : hominumque ipsorum non solum res gestæ , sed etiam , qui fama ac nomine excellent , de cuiusque vita , atque natura .

Verborum autem ratio , & genus orationis , *De Orat.* K sum

--- *Es quidquid Græcia mendax
Audet in historia . Præst.*

* *Veri*) *Visit. Man. Græc. vere.*

(67) *Ne quid veri non audeat*) Veritati dicendi libertatem adjungat historiam ; ab omni affectu liber nec inimicorum virtutes , nec amicorum vitia supprimat ; quod in Thucydide , ac Polybio probatur . Id eleganter in libello de scribenda historia exponit Lucianus . *Talis igitur mihi sit historicus ; metus expers , muneribus incorruptus , liber . In dicendo libertatis , & veritatis amicus : & , ut Comicus ille ait , ficus ficus , ligonem ligonem appelles : non odio , neque amicitia quicquam tribuens , non parcens , aut miserecens aut erubescens , aut exorabilis : æquus iudex , benevolus omnibus , eo usque ut ne alteri tribuas plus quam par est : hospes in litris ac peregrinus , sui juris , nullius imperio subditus , non quid huic vel illi placitum sit cogitans , sed quid actum sit exponens . Præst.*

(68) *Ordinem temporum*) Historiæ peritus scriptor & chronologiam adjungat , qua res suis consignentur temporibus , & geographiam , qua describatur , qua quidque regione gestum sit . *Idem .*

(69) *In rebus magnis*) Vix quicquam in historico vitiosius est , quam si rebus maximis leviter tactis minuta quæque persequatur , non aliter , inquit Lucianus , ac si quis Jovis Olympici majestatem nec videat , nec laudet , neque ignavis explicet : sed subsellii reſtitutionem , & crepidæ concinnitatem admiretur , & studiosius exponat . *Idem .*

sum atque tractum, & cum lenitate quadam, æquabili profluens, sine hac judiciali asperitate, & sine sententiarum forensium aculeis persequendum est. Harum tot, tantarumque rerum, videtisne nulla esse præcepta, quæ in artibus rhetorum reperiantur? In eodem silentio multa alia oratorum officia jacuerunt, cohortationes, consolationes, præcepta, admonita, quæ tractanda sunt omnia disertissime: sed locum suum in illis artibus, quæ traditæ sunt, habent nullum.

Atque in hoc genere illa quoque est infinita silva, quod oratori plerique (ut etiam Crassus ostendit) duo genera ad dicendum dederunt. Unum, de certa definitaque causa, quales sunt, quæ in litibus, quæ in deliberationibus versantur: addat, si quis volet, etiam laudationes. Alterum, quod appellant omnes fere scriptores, explicat nemo, infinitam generis sine tempore, & sine persona, quæstionem. Hoc quid, & quantum sit, cum dicunt, intelligere mihi non videntur. Si enim est oratoris (70), quæcumque res infinite posita sit, de ea posse dicere, dicendum erit ei, quanta sit solis magnitudo, quæ forma terræ: de mathematicis, de musicis rebus non poterit, quin dicat, hoc onere suscepto, recusare. Denique ei, qui proficitur esse suum, non solum de iis controversiis, quæ temporibus, & personis notæ sunt (71), hoc

(70) *Si enim est oratoris, &c.* In infinita causa versari non posse oratorem, probat inductione plurimarum artium, quæ infinitas continent quæstiones ab usu oratorio remotissimas. Astrologia solis magnitudinem, geometria terræ figuram investigat, aliud alia artes inquirunt; quorum pleraque oratorie, hoc est, fuse & ornate tractari non possunt. *Idem.*

(71) *Quæ temporibus & personis notæ sunt.* Inusitatum hanc esse locutionem arbitratus est Lambinus, & legit *notatæ*; quod vehementer probat. Sic enim olim edidit Manurius, & sic Cicero in lib. 1. de Or. c. 31. distinguit infinitam quæstionem a finita, quia illa non designatur temporibus ac personis. Sic in Part. Orat. *Aliterum infinitum, nullis neque personis, neque temporibus notatum.* Et ibi: *Ita disceptationes ea, quæ in iis contro-*

hoc est, de omnibus forensibus, sed etiam de generum infinitis quæstionibus dicere; nullum potest esse genus orationis quod sit exceptum.

XVI. Sed si illam quoque partem quæstionum oratori volumus adungere vagam, & liberam, & late patentem, ut de rebus bonis aut malis, expetendis aut fugiendis, honestis aut turpibus, utilibus aut inutilibus, de virtute, de justitia, de continentia, de prudentia, de magnitudine animi, de liberalitate, de pietate, de amicitia, de fide, de officio, de cæteris virtutibus, contrariisque vitiis, dicendum oratori putemus: itemque de republica, de imperio, de re militari, de disciplina civitatis, de hominum moribus: assumamus eam quoque partem, sed ita, ut sit circumscripta modicis regionibus.

Equidem omnia, quæ pertinent ad usum civium, morem hominum, quæ versantur in consuetudine vitæ, in ratione reipublicæ, in hac societate civili, in sensu hominum communi, in natura, in moribus, comprehendenda esse oratori puto: si minus, ut separatim de his rebus philosophorum more respondeat, at certe ut in causa prudenter possit intexere: hisce autem ipsis de rebus ut ita loquatur, ut ii, qui jura, qui leges, qui civitates constituerunt, locuti sunt, simpliciter & splendide, sine ulla serie disputationum, & sine jejuna concertatione verborum.

Hoc loco, ne qua sit admiratio, si tot, tantarumque rerum nulla a me præcepta ponentur, sic statuo. Ut in cæteris artibus, cum tradita sunt cujusque artis difficillima, reliqua, quia aut facilio-
ra, aut similia sint, tradi non necesse esse: ut in pictura, qui hominis speciem pingere perdidicerit, posse eum cujusvis vel formæ, vel ætatis, etiam si

K. 2

non

non didicerit, pingere: neque esse periculum, qui leonem aut taurum pingat egregie, ne idem in multis aliis quadrupedibus facere non possit: neque enim est omnino ars ulla, in qua omnia, quæ illa arte effici possunt, a doctore tradantur; sed qui primarum & certarum rerum genera ipsa didicerant, reliqua non incommode persequuntur: similiter arbitror, in hac sive ratione, sive exercitatione dicendi, qui illam vim adeptus sit, ut eorum mentes, qui aut de republica, aut de ipsius rebus, aut de iis, contra quos, aut pro quibus dicat, cum aliqua statuendi potestate audiant, ad suum arbitrium movere possit, hunc de toto illo genere reliquarum orationum non plus quæsiturum esse quid dicat, quam Polycletum (72). illum, cum Herculem (73) fingeat, quemadmodum pellem, aut hydram fingeret, etiamsi hæc nunquam separatim facere didicisset.

XVII. Tum Catulus: Præclare mihi videris, Antoni, posuisse ante oculos, quid discere oporteret eum, qui orator esset futurus; quid, etiamsi non didicisset (74), ex eo, quod didicisset, assumeret. Deduxisti enim totum hominem in duo solum genera causarum; cætera innumerabilia exer-

(72) *Polycletum*) Sicyonium Statuarium insignem, celeberrimum Olympiade Lxxxvii. annis ante Christum plus minus Cccxxx. Præst.

(73) *Herculem*) Jovis ex Alcmena filium, qui post purgatum monstris orbem, deorum in numerum, ut fingunt poete, a Jove relatus est; inter alia fortitudinis portenta non postrema sunt illa duo, quæ hic obiter indicantur; horrendum leonem in Nemea sylva occidit, detractamque pellem gestavit pro insigni: hydram colubris & capitibus pullulantem ferro & face in Lerna palude oppressit. Cum anno ætatis Lii. ut scribit Eusebius, morbo pestilenti afflatus, sese in rogam ardentem doloris impatiens immisisset, magnum dedit Poetarum fabulis argumentum. Ejus mortem referunt ad annum ante Christum Mccxxxvii. Idem.

(74) *Quid, etiamsi non didicisset*) Lambinum secutus sum, elegantiorque cenfeo orationem fore, si sic eam interpungas, *Quid etiam, si non didicisset, ex eo, quod didicisset, assumeret.* Vulgo *Quid, etiamsi* &c. Pearcius.

exercitationi, & similitudini reliquisti. Sed videto, ne in istis duobus generibus hydra tibi sit & pellis: Hercules autem, & alia opera majora; ne in illis rebus, quas prætermittis, relinquantur. Non enim mihi minus operis videtur de universis generibus rerum, quam de singulorum causis, ac multo etiam majus de natura deorum, quam de hominum litibus dicere.

Non est ita, inquit Antonius. Dicam enim tibi, Catule, non tam doctus, quam (id quod est majus) expertus, Omnium cæterarum rerum oratio, mihi crede, ludus est homini non hebeti, neque inexercitato, neque communium literarum, & politioris humanitatis experti. In causarum contentionibus magnum est quoddam opus, atque haud sciam an de humanis operibus longe maximum: in quibus vis oratoris plerumque ab imperiti exitu & victoria judicatur: ubi adest armatus adversarius, qui sit & feriendus & repellendus: ubi sæpe, qui rei dominus futurus est, alienus atque iratus, aut etiam amicus adversario, & inimicus tibi est: cum aut docendus is est, aut deducendus, aut reprimendus, aut incitandus, aut omni ratione ad tempus, ad causam oratione moderandus: in quo sæpe benevolentia ad odium, odium autem ad benevolentiam deducendum est: qui tanquam machinatione (75) aliqua, tum ad severitatem, tum ad remissionem animi, tum ad tristitiam, tum ad lætitiā est contorquendus. Omnium sententiarum gravitate, omnium verborum ponderibus est utendum. Accedat oportet actio varia, vehemens, plena animi, plena spiritus, plena doloris, plena veritatis (76). In his operibus

K 3

si quis

(75) *Machinatione*) Ut tormentis machinisque bellicis quatiuntur muri, capiuntur arces: sic affectibus commotis animi expugnantur. *Præst.*

(76) *Plena veritatis*) Id est, plena iis affectibus, quos non
præ

Quis (77) illam artem comprehenderit, ut, tanquam Phidias (78), Minervæ (79) signum efficere possit; non sane, quemadmodum in clypeo idem ille artifex (80) minora illa opera facere discat, laborabit.

XVIII. Tum Catulus: Quo ista majora, ac mirabilia fecisti, eo me major expectatio tenet, quibusnam rationibus, quibusve præceptis ea tanta vis comparetur: non quo mea quidem jam intersit, (neque enim ætas id mea desiderat, & aliud quoddam genus dicendi nos secuti sumus, qui nunquam sententias de manibus iudicum vi quadam orationis extorsimus, ac potius placatis eorum animis, tantum quantum ipsi patiebantur, accepimus) sed tamen ista tua, nullum ad usum meum, tantum cognoscendi studio adductus, requiro. Nec mi-

præ se fert, sed revera habet Orator. Quintil. Inst. Or. lib. 6. c. 2. Histronum affectus falsos vocat, Oratorum, veros; additque, nec agamus (sc. nos Oratores) rem quasi alienam, sed assumamus illum dolorem. Vide etiam quæ de eadem re loquitur Noster in huius libri c. 45, 46, 47. *Pearcius*.

(77) Si quis, &c.) Huius loci sententia est: Quemadmodum artifex, si quod est præcipuum ac difficillimum possit efficere, & statuum veluti ponere, de statuarum ornamentis, ac levioribus operibus non laborabit: ita orator, si, quod in arte sua maximum est, affectus fuerit, reliqua facile comprehendet. *Præst.*

(78) Phidias) Celebris eboræ sculpendo statuarius, præter Jovem Olympium, quem nemo æmulatur, inquit Plinius lib. xxxiv. cap. 8. fecit & ex ebone Minervam: Floruit Olympiade Lxxxviii. ante Christum annis CDXLVIII. *Idem*.

(79) Minervæ) Sive Palladis, quæ artium Dea Græce dicitur Ἀθηνᾶ. *Idem*.

(80) Quemadmodum in clypeo idem ille artifex) Metuo, ut sit hic locus integer. Per voces idem ille artifex significatur Phidias: num igitur hoc dicit Antonius, neminem sculptorem laboraturum esse, quemadmodum Phidias discat facere ista opera minora? Nihil minus: sed quemadmodum ipse discat. Emendandum igitur locum hoc modo censeo. Non sane, quemadmodum in clypeo, ut idem ille artifex, minora illa opera facere discat, laborabit. Indoctis librariis: voce ut & quemadmodum idem significare forsitan videbantur. Nunc vero posterior sententia priori bene respondet. Sensus autem est: Si quis possit efficere signum Minervæ, ut effecit Phidias, facile discet minora illa opera, quæ in clypeo erant, facere, ut idem Phidias facile didicit. *Pearcius*.

mihi opus est Græco aliquo doctore, qui mihi per-
vulgata præcepta decanter, cum ipse nunquam fo-
rum, nunquam ullum iudicium aspexerit; ut Pe-
ripateticus ille dicitur Phormio (81); cum An-
nibal Carthagine expulsus Ephesum (82) ad An-
tiochum (83) venisset exul; proque eo, quod
ejus nomen erat magna apud omnes gloria, invitatus
esset ab hospitibus suis, ut eum, quem dixi,
si veller, audiret; cumque se non nolle dixisset;
locutus esse dicitur homo copiosus aliquot horas
de imperatoris officio, & de omni re militari.
Tum, cum cæteri, qui illum audierant, vehemen-
ter essent delectati, quærebant ab Annibale,
quidnam ipse de illo philosopho judicaret. Hic
Poenus non optime Græce, sed tamen libere res-
pondisse fertur, multos se deliros senes sæpè vidisse:
sed qui magis, quam Phormio, deliraret, vi-
disse neminem. Neque meherculè injuria: quid
enim aut arrogantius, aut loquacius fieri potuit,
quam Annibali, qui tot annos de imperio cum po-
pulo Romano omnium gentium victore certasset,
Græcum hominem, qui nunquam hostem, nunquam
castra vidisset, nunquam denique minimam partem
ullius publici muneris attigisset, præcepta de re mi-
litari dare? Hoc mihi facere omnes isti, qui de ar-
te dicendi præcipiunt, videntur. Quod enim ipsi
experti non sunt, id docent cæteros. Sed hoc mi-
nus fortasse errant, quod non te, ut Annibalem,
sed pueros, aut adolescentulos docere conantur.

K 4 XIX.

(81) *Phormio*) Peripateticus ille philosophus, qui se deriden-
dum obtulit Annibali, vixit Olymp. cxlv. annis ante Christum cc.
Præst.

(82) *Ephesum*) Quæ urbs est Joniæ in Asia minore: etiam-
num appellatur *Ephese*. *Idem.*

(83) *Antiochum*) Syriæ regem, qui motus ab Annibale,
Romanis bellum intulit anno U. C. Dlxii. ante Christum cxlii.
ac triennio post a L. Cornelio Scipione consule, ejusque fratre
legato P. Cornelio Scipione Africano ingenti strage profligatus,
pacem iniquis conditionibus redemit. *Livius, &c. Idem.*

XIX. Erras, Catule, inquit Antonius. Nam egomet in multos jam Phormiones incidi. Quis enim est istorum Græcorum, qui quenquam nostrum quidquam intelligere arbitretur? Ac mihi quidem non ita molesti sunt; facile omnes perperior & perfero. Nam aut aliquid afferunt, quod mihi non displiceat: aut efficiunt, ut me non didicisse minus poeniteat. Dimitto autem eos non tam contumeliose, quam philosophum illum Anibal, & eo fortasse plus habeo etiam negotii: sed tamen est eorum doctrina, quantum ego iudicare possum, perridicula. Dividunt enim totam rem in duas partes, in causæ controversiam, & in quæstionis. *Causam* appellant, rem positam * in disceptatione rerum & controversia: *quæstionem* autem, rem positam in infinita dubitatione. De causa præcepta dant: de altera parte dicendi mirum silentium est. Denique faciunt quasi membra eloquentiæ, invenire quid dicas, inventa disponere, deinde ornare verbis, post memoriæ mandare, tum ad extremum agere, ac pronuntiare: rem sane non reconditam. Quis enim hoc non sua sponte viderit, neminem posse apte dicere, nisi & quid diceret, & quibus verbis, & quo ordine diceret, haberet, & ea meminisset? Atque hæc ego non reprehendo: sed ante oculos posita esse dico, ut eas item quatuor (84); quinque, sexve partes, vel etiam septem, (quoniam aliter ab aliis digeruntur) in quas est ab his omnis oratio distributa. Jubent enim exordiri ita, ut eum, qui audiat benevolum nobis faciamus, & docilem, & attentum. Deinde rem narrare, ita ut verisimilis narratio sit, ut aperta, ut bre-

* In discept.) Lamb. in disceptatione finita rerum controversarum.

(84) Eas item quatuor) Orationem distribuunt nonnulli quatuor in partes, exordium, narrationem, confirmationem, & perorationem. Confirmationi subiungunt alii refutationem. Sunt & qui partitionem, & qui digressionem adjungant. Præst.

brevis. Post autem dividere causam, aut proponere: nostra confirmare argumentis, ac rationibus: deinde contraria refutare. Tum autem alii conclusionem orationis, & quasi perorationem collocant: alii jubent, antequam peroreretur, ornandi, aut augendi causa, digredi: deinde concludere, ac perorare. Ne hæc quidem reprehendo: sunt enim concinne distributa: sed tamen, id quod necesse fuit hominibus expertibus veritatis, non perite. Quæ enim præcepta principiorum, & narrationum esse voluerunt, ea in totis orationibus sunt conservanda. Nam & ego mihi (85) benevolum judicem facilius facere possum in cursu orationis; quam cum omnia sunt inaudita: docilem autem, non cum polliceor me demonstraturum, sed: tum, cum doceo & explano: attentum vero (86), crebro tota actione excitandis mentibus judicum, non prima denuntiatione efficere possumus.

Jam vero narrationem quod jubent verisimilem esse, & apertam, & brevem, recte nos admonent. Quod hæc narrationis magis putant esse propria, quam totius orationis, valde mihi videntur errare (87): omninoque in hoc omnis est error, quod existimant, artificium esse hoc quoddam non dissimile cæterorum; cujusmodi de ipso jure civili hesterno die Crassus componi posse dicebat: ut genera rerum primum exponerentur, in quo vitium est,

(85) *Nam & ego mihi, &c.*) Aberrat hic Antonius: et si enim judicis benevolentiam tota oratione debet orator aucupari, præcipue eam sibi conciliet in exordiis necesse est, cum vel auditor præjudicatis in gratiam adversariorum opinionibus laborat, vel nondum bene erga nos videtur animatus. *Idem.*

(86) *Attentum vero*) Imo tradunt nonnulli malæ causæ multum prodesse, si parum intelligatur: adeoque satius tum esse auditorem reddere non attentum, quam attentum. Falluntur: ineptit enim orator, qui ab oratione sua auditorem avertit: sapit autem, qui ab accurata rationum infirmarum consideratione avocet. *Idem.*

(87) *Mihi videntur errare*) Tota hæc Antonii ratiocinatio egregie refellitur a Cæsare hujus libri c. 80. &c. *Idem.*

est, si genus ullum prætermittatur: deinde singulorum generum partes, in quo & deesse aliquam partem, & superare, mendosum est: tum verborum omnium definitiones, in quibus neque abesse quidquam decet, neque redundare.

Erud. mi:

XX. Sed hoc si in jure civili, si etiam in parvis aut mediocribus rebus doctiores assequi possunt; non idem sentio tanta hac in re, tamque immensa posse fieri. Sin autem qui arbitrantur, deducendi sunt ad eos, qui hæc docent; omnia jam explicata & perpolita assequentur. Sunt enim innumerabiles de his rebus libri, neque abdit, neque obscuri. Sed videant quid velint, ad ludendumne, an ad pugnandum arma sint sumpturi. Aliud enim pugna, & aeries: aliud ludus, campusque noster (88) desiderat. Attamen ars ipsa ludicra armorum, & gladiator, & militi prodest aliquid: sed animus acer, & præsens, & acutus idem atque versutus invictos viros efficit, non difficilius arte conjuncta.

Quare ego tibi oratorem sic jam instituam, si potuero, ut, quid efficere possit, ante perspiciam. Sit enim mihi tinctus literis (89), audierit aliquid, legerit, ista ipsa præcepta acceperit: tentabo quid eum deceat, quid voce (90), quid viribus, quid spiritu, quid lingua efficere possit. Si intelligam posse ad summos pervenire: non solum hortabor, ut elaboret, sed etiam si vir quoque mihi bonus videbitur, obsecrabo. Tantum ego in excellente oratore, & eodem viro bono, pono esse ornamenti universæ civitati, Sin videbitur, cum omnia

sum-

(88) *Campusque noster*) Ad campum Martium spectat, in quo ludicra belli simulacra in armis exercebant. *Idem*.

(89) *Tinctus literis*) Contra Budæum isthæc explicat P. Victorius; Var. Lect. x. 17. *Græc.*

(90) *Quid voce*) Oratori enim ad agendum opus est canora voce, firmis lateribus, spiritu libero, & expedita lingua. *Præst.*

summa fecerit (1), tamen ad mediocres oratores esse venturus: permittam ipsi (2), quid velit; molestus magnopere non ero. Sin plane abhorrebit, & erit absurdus: ut se contineat (3), aut ad aliud studium transferat, admonebo. Nam neque is, qui optime potest, deserendus ullo modo est a cohortatione nostra; neque is, qui aliquid potest, deterrendus: quod alterum, divinitatis mihi cujusdam videtur: alterum, vel non facere quod non optime possis, vel facere quod non pessime facias, humanitatis: tertium vero illud, clamare contra quam deceat, & quam possit, hominis est, ut tu, Catule, de quodam declamatore dixisti, stultitiæ suæ (4) quam plurimos testes domestico præconio colligentis. De hoc igitur, qui erit talis, ut cohortandus adjuvandusque sit, ita loquamur, ut ei tradamus ea duntaxat, quæ nos usus docuit, ut nobis ducibus veniat eo; quo sine dace ipsi pervenimus, quoniam meliora docere non possumus.

XXI. Atque, ut a familiari nostro exordiar, hunc ego; Catule, Sulpicium; cum primum in cau-

(1) *Cum omnia summe feceris &c.*) Ut se habet vulgata le-
xio *summa*, ni fallor; Cicero aliud dicit, ac dicere vult. *Omnia summa facere*; est, esse perfectum in iis rebus, quas quis aggreditur. Sed patet ex verbis sequentibus, *tamen ad mediocres &c.* non hoc Ciceronem velle. Lege igitur cum Mss. Cant. Wag. Har. & Joan. *cum omnia summe feceris*, id est, cum omnia tentaverit obnixæ, & manibus (ut ajunt) pedibusque. Fieri vero potest, ut, aliquis totis viribus conetur, nihil tamen proficiat. Passim apud Ciceronem occurrunt, *summe sollicitare, summe contendere &c.* *Pepercus.*

(2) *Permittam ipsi*) Scilicet tolerabilis est in arte oratoria mediocritas: ut ait Horatius in Arte:

----- *consultus juris & Actor*

Causarum mediocris, abest virtute disertæ

Messalæ; nec scit quantum Cassellius Aulus:

Sed tamen in pretio est. Prust.

(3) *Ut se contineat*) Quippe, ut idem canit,

Tu nihil invita dices, faciesve Minerva. Idem.

(4) *Stultitiæ suæ*) Sensus est: Orator absurdus, & ab eloquentia penitus abhorrens, quasi privatus præco, sua voce, tanquam tuba, multos testes suæ stultitiæ convocat. *Idem.*

causa parvula adolescentulum audiui, voce, & forma, & motu corporis, & reliquis rebus aptum ad hoc munus, de quo quærimus: oratione autem celeri & concitata, (quod erat ingenii) & verbis effervescentibus, & paulo nimium redundantibus, (quod erat ætatis) non sum aspernatus. Volo enim (5) se efferat in adolescente fecunditas. Nam facilius, sicut in vitibus, revocantur ea, quæ sese nimium profuderunt, quam, si nihil valet materies, nova sarmenta cultura excitantur; ita volo esse in adolescente, unde aliquid amputem: non enim potest in eo esse succus diuturnus, quod nimis celeriter est maturitatem assecutum. Vidi statim indolem, neque dimisi tempus, & eum sum cohortatus, ut forum sibi ludum putaret esse ad discendum: magistrum autem, quem vellet, eligeret: me quidem si audiret, L. Crassum. Quod iste arripuit, & ita sese facturum confirmavit, atque etiam addidit, gratiæ scilicet causâ, me quoque sibi magistrum futurum. Vix annus intercesserat ab hoc sermone cohortationis meæ, cum iste accusavit C. Norbanum (6), defendente me. Non est credibile, quid interesse mihi sit visum in-

(5) *Volo enim, &c.* Quam sententiam egregie Fabius lib. II. cap. 4. *Audeat, inquit, hæc ætas plura, & invenias, & inven-
eis gaudeat; sint licet ista non facis interim sicca & severa.
Facile remedium est ubertatis: sterilia nullo labore vincuntur.
Illa mihi in pueris natura minimum spei dabit, in qua ingeni-
um judicio præsumitur. Materiam esse primum volo vel abundan-
tiorẽ, atque ultra quam oporteat fusam. Multum inde deco-
quent anni, multum ratio limabit, aliquid velut usu ipso de-
teretur, sit modo unde excidi possis, & quod exsculpi. Erit au-
tem, si non ab initio tenuem nimium laminam duxerimus, &
quam celatura altior rumpas. Idem.*

(6) *C. Norbanum.* Anno U. C. Dclx. ante Christum xlv. C. Norbanus, quod tribunus plebis Q. Servillum Cæpionem a Cimbris victum seditiosis concionibus ultra modum vexasset, reus majestatis a P. Sulpicio Rufo juvene peractus est. Hominis nocentissimi causam suscepit M. Antonius ejus olim quæstor, & tum eloquentia sua, tum etiam equitum favore obtinuit. De hoc judicio pluribus infra c. 44. disserit Antonius Sulpicium alloquens. *Idem.*

inter eum, qui tum erat, & qui anno ante fuerat. Omnino in illud genus eum Crassi magnificum, atque præclarum natura ipsa ducebat: sed ea non satis proficere potuisset, nisi eodem, studio atque imitatione, intendisset, atque ita dicere consueffet; ut tota mente Crassum atque omni animo intueretur.

XXII. Ergo hoc sit præceptis meis, ut demonstremus, quem imitetur (7), atque ita, ut, quæ maxime excellent in eo quem imitatur, ea diligentissime persequatur. Tum accedat exercitatio, qua illum, quem ante delegerit, imitando effingat, atque ita exprimat, non ut multos imitatores sæpe cognovi, qui aut ea, quæ facilia sunt, aut etiam illa, quæ insignia, ac pene vitiosa, consecretantur imitando. Nihil est facilius, quam amictum imitari alicujus, aut statum, aut motum. Si vero etiam vitiose aliquid est, id sumere, & in eo vitiosum esse, non magnum est: ut ille, qui nunc etiam, amissa voce, furit in republica Fusius (8), nervos in dicendo C. Fimbriæ, quos tamen habuit ille, non assequitur; oris pravitatem, & verborum latitudinem imitatur. Sed tamen ille nec deligere scivit, cujus potissimum similis esset, & in eo ipso, quem delegerat, imitari etiam vitia voluit.

Qui autem ita faciet, ut oportet, primum vigilet

(7) *Quem imitetur*) Necessè est, inquit Fabius lib. x. c. II. aut similes, aut dissimiles bonis simus: similem raro naturæ præstat, frequenter imitatio. Prudenter idem paulo post monet, in hoc imitationis onere suscipiendo suas cuique vires esse consulendas. Nam quedam sunt inimitabilia, quibus aut infirmæ naturæ non sufficiat, aut diversitas repugnet. Nec cui tenuè ingenium erit, sola velit fortia & abrupta: cui forte quidem, sed indomitum, amore subtilitatis & vim suam perdat, & elegantiam, quam cupit, non assequatur. Idem.

(8) *Fusius*) De Fusio & Fimbria agitur in Bruto. Fusium autem hic furere dicit Antonius ad nomen ejus respiciens; Furius enim & Fusius, quemadmodum Valerius & Valesius, commutantur, ut observat Quintilianus lib. 1. cap. 4. Idem.

gilet necesse est in deligendo: deinde, quem probavit, in eo, quæ maxime excellent, ea diligentissime persequatur. Quid enim causæ censeatis esse, cur ætates extulerint singulæ singula prope genera dicendi? quod non tam facile in nostris oratoribus possumus judicare, quia scripta, ex quibus iudicium fieri posset, non multa sane reliquerunt, quam in Græcis: ex quorum scriptis, cuiusque ætatis quæ dicendi ratio, voluntasque fuerit, intelligi potest.

Antiquissimi fere sunt, quorum quidem scripta consent, Pericles, atque Alcibiades (9), & eadem ætate Thucydides; subtiles, acuti, breves; sententiis magis, quam verbis abundantes. Non potuisset accidere, ut unum esset omnium genus, nisi aliquem sibi proponerent ad imitandum. Consecuti sunt hos Critias, Theramenes, Lysias. Multa Lysias scripta sunt, nulla Critias, de Theramene audivimus. Omnes etiam tum retinebant illum Periclis succum, sed erant paulo uberiore filo. Ecce tibi exortus est Isocrates, magister istorum omnium, cujus e ludo, tanquam ex equo Trojano (10), meri principes (11) exierunt; sed eorum partim in pompa, partim in acie illustres esse voluerunt.

XXIII. Itaque & illi, Theopompi, Ephori, Philisti, Naucrata (12), multique alii naturis differunt: voluntate autem similes sunt inter sese, & ma-

(9) *Pericles, atque Alcibiades, &c.* Non semel jam monuimus de oratoribus tum Græcis, tum Latinis, qui passim hic laudantur, consulendum esse Brutum, quo in libro Tullius oratores omnes, quorum extat memoria, recenset. *Idem.*

(10) *Ex equo Trojano* Poetarum fabulis notum est, a principibus Græcis in ingentem equum ligneum inclusis Trojam post decennium fuisse captam & incensam. *Virg. 11. Æneid. Idem.*

(11) *Meri principes* Ita legitur apud Nonium in *Merum*, idque interpretatur hoc loco sincerum. In multis editionibus habetur *innumeri principes*. *Idem.*

(12) *Naucrata* Naucraten Isocratis discipulum fuisse tradit Quintilianus lib. III. cap. 6. *Idem.*

& magistri (13) : & ii, qui se ad causas contulerunt, ut Demosthenes, Hyperides, Lycurgus, Æschines, Dinarchus, alique complures, etsi inter se pares non fuerunt, tamen sunt omnes in eodem veritatis imitandæ genere versati, quorum quamdiu mansit imitatio, tamdiu genus illud dicendi, studiumque vixit.

Posteaquam, extinctis his, omnis earum memoria sensim obscurata est & evanuit; alia quædam dicendi molliora, ac remissiora genera viguerunt. Inde Demochares, quem ajunt sororis filium fuisse Demosthenis; tum Phalereus ille Demetrius, omnium istorum, mea sententia, politissimus, alique eorum similes extiterunt. Quæ si volumus usque ad hoc tempus persequi, intelligemus, ut hodie Alabandensem (14) illum Meneclem, & ejus fratrem Hieroclem (15), quos ego audivi, tota imitatur Asia: sic semper fuisse aliquem, cujus se similes plerique esse vellent.

Hanc igitur similitudinem qui imitatione assequi volet, tum exercitationibus crebris atque magnis, tum scribendo maxime persequatur. Quod si hic noster Sulpicius faceret, multo ejus oratio esset pressior: in qua nunc interdum, ut in herbis rustici solent dicere, in summa ubertate inest luxu-

(13) *Similes sunt & inter sese, & magistri*) Gruterus obnixè nimis contendit pro vulgata lectione, & *inter sese magistri*: sed, quid velit *inter sese magistri*, nescio. Auctoritate igitur Mss. Cant. Norf. Bod. Bal. Nov. Waq. necnon omnium veterum editionum sic locum refinxit, *voluntate autem similes sunt & inter sese, & magistri*. Hoc sensu: Omnes illi discipuli Isocratis idem scribendi genus secuti sunt: omnesque Isocratis, magistri sui, in scribendo similes sunt. Sequitur ergo quod hoc exemplo probare voluit Antonius, eos omnes aliquem, nempe Isocratem, sibi imitandum proposuisse. *Pearcius*.

(14) *Alabandensem*) Oriundum ex Alabanda, quæ urbs est Asiæ minoris in Caria. *Prust.*

(15) *Meneclem, & ... Hieroclem*) Illustrissimos Asiæ oratores, quos cum audierit Antonius, ipseque Tullius puer, ut tradit in Bruto c. 8. floruisse oportet circa annum U. C. DCLX. ante Christum CIV. *Idem*.

luxuries (16) quædam , quæ stylo depascenda est.

Hic Sulpicius: Me quidem , inquit , recte mones , idque mihi gratum est : sed ne te quidem , Antoni , multum scriptitasse arbitror . Tum ille: Quasi vero , inquit , non ea præcipiam aliis , quæ mihi ipsi desunt . Sed tamen (17) ne tabulas quidem conficere (18) existimor : verum & in hoc , ex re familiari mea , & in illo , ex eo , quod dico , quantum id cumque est , quid faciam , judicari potest .

Atque esse tamen multos videmus , qui neminem imitentur , & suapte natura , quod velint , sine cujusquam similitudine consequantur : quod & in vobis animadverti recte potest , Cæsar , & Cotta , quorum alter inusitatum quidem nostris oratoribus leporem quendam , & salem ; alter acutissimum , & subtilissimum dicendi genus est consecutus . Neque vero * vester æqualis Curio , patre , mea sententia , vel eloquentissimo temporibus illis , quemquam mihi magnopere videtur imitari : qui tamen verborum gravitate , & elegantia , & copia , suam quandam expressit quasi formam , figuramque dicendi ; quod ego maxime potui judicare

(16) *Inest luxuries*) At Cicero lib. de claris oratoribus ait , hujus Sulpicii stylum esse pressum ac concisum . Nempe orationem adolescentis redundantem ac dissipatam subinde coercuerat ætas maturior . *Idem* .

(17) *Sed tamen &c.*) Hæc est Antonii sententia . Non tamen sum in scribendo tam negligens , quam dicis . Quemadmodum enim existimor non conficere tabulas , quas tamen a me confici satis probat res mea familiaris recte administrata : sic scribendi exercitationem penitus a me non omitti , satis declarat hæc mea , quantulumcumque est , dicendi facultas & copia , quam videlicet nunquam , nisi crebro multumque scribendo , affectus essem . *Præstetur* .

(18) *Ne tabulas quidem conficere*) Veteres Romani tabulas rei familiaris suæ conficere solebant : qui eas non conficerent , suarum rerum negligentiores putabantur . De tabulis domesticis Romanorum vide Testim. Asconii in Lex. Hoffmanni Tom. 4 *Pearycius* .

* *Vester*) Lamb. *noſter* .

care in ea causa, quam ille contra me apud centumviros (19) pro fratribus Cossis (20) dixit. In qua nihil illi defuit, quod non modo copiosus, sed etiam sapiens orator habere deberet.

XXIV. Verum, ut aliquando ad causas deducamus illum, quem constituimus, & eas quidem, in quibus plusculum negotii est, judiciorum, atque litium, (riferit aliquis fortasse hoc præceptum: est enim non tam acutum, quam necessarium, magisque monitoris non fatui, quam eruditi magistri) hoc ei primum præcipientus, quascumque causas erit acturus, ut eas diligenter, penitusque cognoscat. Hoc in ludo non præcipitur: faciles enim causæ ad pueros deferuntur. Lex peregrinum vetat in murum ascendere: ascendit: hostes repulit: accusatur: nihil est negotii, hujusmodi causam cognoscere. Recte igitur nihil de causa discenda præcipiant. Hæc est enim in ludo causarum fere formula. At vero in foro, tabulæ, testimonia, pacta, conventa (21), stipulationes, cognationes, affinitates, decreta, responsa, vita denique eorum, qui in causa versantur, tota cognoscenda est: quarum rerum negligentia plerasque causas, & maxime privatas (sunt enim multo sæpe obscuriores) videmus amitti. Ita nonnulli, dum operam suam multam existimari volunt, ut toto foro volitare, & a causa ad causam ire videantur, causas dicunt incognitas. In

De Orat.

L

quo

(19) *Centumviros*) Vide notas in librum superiorem cap. 38. *Pruß.*

(20) *Pro fratribus Cossis*) An qui genus ducebant ab illustribus illis Corneliis Maluginensibus Cossis, qui magistratus amplissimos gessere? *Idem.*

(21) *Pacta, conventa*) Lambinus & in hoc loco, & nonnullis aliis similibus comma delevit, & sic legit, *pacta conventa*. Strebaeus etiam dicit doctissimos quosdam viros sic olim legisse. Nec aliter Ulpianus in libro juris gentium. *Solemus enim dicere pacta conventa inesse bonæ fidei judiciis.* Imo hodie inter *Pacta conventa*, nonnihil mutato tamen sensu, usitate dicuntur. *Pearcius.*

quo est illa quidem magna offensio, vel negligentia, susceptis rebus; vel perfidia, receptis: sed etiam illa major opinione, quod nemo potest de ea re, quam non novit, non turpissime dicere. Ita dum inertiae (22) vituperationem, quæ major est, contempunt, assequuntur etiam illam, quam magis ipsi fugiunt, tarditatis.

Equidem soleo dare operam, ut de sua quisque re me ipse doceat, & ut ne quis alius adsit, quo liberius loquatur; & agere adversarii causam, ut ille agat suam, &, quidquid de sua re cogitarit, in medium proferat. Itaque cum ille discessit, tres personas unus sustineo summa animi æquitate, meam, adversarii, judicis. Qui locus est talis, ut plus habeat adjumenti, quam incommodi, hunc judico esse dicendum: ubi plus mali, quam boni reperio, id totum abjudico, atque ejicio. Ita assequor, ut alio tempore cogitem, quid dicam, & alio dicam: quæ duo plerique ingenio freti, simul faciunt. Sed certe iidem illi melius aliquanto dicerent, si aliud sumendum sibi tempus ad cogitandum, aliud ad dicendum putarent. Cum rem penitus causamque cognovi, statim occurrit animo, quæ sit causa ambigui. Nihil est enim, quod inter homines ambigatur: sive ex crimine causa constet, ut facinoris: sive ex controversia, ut hereditatis: sive ex deliberatione, ut belli: sive ex persona, ut laudis: sive ex disputatione, ut de ratione vivendi: in quo non aut

Vim: Delib:
Frigidissime

quid factum sit, aut fiat, futurumve sit, quaeratur, aut quale sit, aut quid vocetur.

XXV. Ac nostræ fere causæ, quæ quidem sunt criminum, plerumque inficiatione defenduntur.

Nam

(22) *Inertia*) Locus hic Lambinumi & alios exercuit, cum non viderent, quomodo inertiae vituperatio posset dici major, quam tarditatis. *Inertia* nihil aliud designat, quam artis ignorantiam, quæ in oratore sane est vitium maximum. *Verb.*

Nam & de pecuniis repetundis, quæ maximæ sunt, neganda fere sunt omnia: & de ambitu (23) raro illud datur, ut possis liberalitatem ac benignitatem ab ambitu atque largitione sejungere. De licariis, de veneficiis, de peculatu, inficiari necesse est. Id est igitur genus primum causarum in judiciis, ex controversia facti. In deliberationibus (24) plerumque ex futuri, raro etiam ex instantis, aut facti.

Sæpe autem res non, sit, necne, sed qualis sit, quæritur: ut cum L. Opimii causam (25) defendebat apud populum, audiente me, C. Carbo consul, nihil de C. Gracchi nece negabat; sed id jure pro salute patriæ factum esse dicebat, ut eidem Carboni tribuno plebis alia tum mente rempublicam capeffenti P. Africanus de Tib. Graccho (26) interroganti responderat, jure cæsum videri. Jure autem omnia defenduntur, quæ sunt ejus generis, ut aut oportuerit, aut licuerit, aut necesse fuerit, aut imprudentia, aut casu facta esse videantur.

Jam quid vocetur, quæritur, cum, quo verbo quid appellandum sit, contenditur: ut mihi ipsi

L 2

cum.

(23) *De ambitu*) Difficile est, inquit Antonius, in causa de ambitu, quo quis ad magistratus obtinendos suffragia civium malis artibus quærit, ita reum defendere, ut fatearis largitionem quidem ab illo factam esse, verum non ad emenda suffragia populi, sed liberalitatis tantum ac benignitatis ergo. Quare præstat inficiatione uti, ac negare penitus ullam largitionem esse factam. *Præst.*

(24) *In deliberationibus*) Oriuntur etiam causæ ex controversia futuri, hoc est, in deliberationibus venit in controversiam id quod futurum est, raro id quod instat, & quod mox facientum est, nunquam id quod est jam factum. *Idem.*

(25) *L. Opimii causam*) Anno U. C. DCXXXIII. L. Opimius consul C. Gracchum in tertii tribunatus plebis petitione repulsum, ac vim parantem oppressit. Consulatu perfunctus, a P. Decio tribuno plebis accusatus est majestatis, quod cives indemnatos occidisset: verum a C. Carbone defensus, frequentibus suffragiis est absolutus. *Livii epitome &c. Idem.*

(26) *Tib. Graccho*) De quo consulendus Ciceronis Brutus. *Idem.*

cum hoc Sulpicio fuit in Norbani causa (27) summa contentio. Pleraque enim de iis, quæ ab isto objiciebantur, cum confiterer, tamen ab illo majestatem imminutam negabam: ex quo verbo lege Apuleja (28) tota illa causa pendebat.

Atque in hoc genere causarum nonnulli præcipiunt, ut verbum illud, quod causam facit, lucide breviterque uterque definiat. Quod mihi quidem perquam puerile videri solet. Alia est enim (29), cum inter doctos homines de iis ipsis rebus, quæ versantur in artibus, disputatur, verborum definitio: ut, cum quæritur, quid sit ars, quid sit lex, quid sit civitas. In quibus hoc præcipit ratio atque doctrina, ut vis ejus rei, quam definias, sic exprimatur, ut neque absit quidquam, neque superfit. Quod quidem in illa causa ne-

(27) *Norbani causa*) Anno U. C. DCLX. C. Norbanus, quod tribunus plebis Q. Servillum Cæpionem a Cimbris victum feditiõis concionibus ultra modum vexasset, reus majestatis a P. Sulpicio Rufo juvene peractus est. Hominis nocentissimi causam suscepit M. Antonius ejus olim quæstor, & tum eloquentia sua, tum etiam equitum favore obtinuit. De hoc judicio pluribus infra cap. 48. differit Antonius Sulpicium alloquens. *Idem*.

(28) *Lege Apuleja*) Anno U. C. DCLXI. ante Christum cxi. L. Apulejus Saturninus tribunus plebis legem de majestate tulit, ut conjicit Pighius, occasione motuum, qui Romæ concitati sunt, cum Cimbris superatis Alpibus ad Athesim fluvium Q. Caecilius proconsulis exercitum invaderent, & equites Romani, præfidiis suis pulsi, Urbem pavidi repeterent. Ex tam turpi fuga, & ipsa civium trepidatione, maxime videbatur imminuta pop. Rom. majestas. *Idem*.

(29) *Alia est enim, &c.*) Cum de aliqua re inter se disceptant eruditi, adeo accuratam adhibent definitionem, ut neque desit quicquam, neque superfit. V. gr. artem definiunt, ut Cicero lib. 1. de Orat. c. 10. *Quæ cognitis penisque perspectis, & in unum exitum spectantibus, & nunquam fallentibus rebus consinetur*. Legem dicent esse regulam morum, stabilem, ex superioris auctoritate consociationi hominum atque communitati ad ipsius bonum impositam: civitates appellabunt cœtus hominum jure sociatos. Verum in foro ad multitudinis captum fusius explicantur definitiones. Ejusmodi est Tullii lib. 11. de Legibus legis definitio. *Lex est justorum injustorumque distinctio, ad illam antiquissimam & verum omnium principem expressa naturam, ad quam leges hominum diriguntur, quæ supplicio improbos afficiunt, defendunt & tuentur bonos*. *Idem*.

neque Sulpicius fecit, neque ego facere conatus sum. Nam, quantum uterque nostrum potuit, omni copia dicendi dilatavit, quid esset majestatem minuere. Etenim definitio primum reprehensio verbo uno, aut addito, aut dempto, sæpe extorquetur e manibus: deinde genere ipso doctrinam redolet, exercitationemque pene puerilem: tum in sensum, & in mentem judicis intrare non potest. Ante enim præterlabitur, quam percepta est.

XXVI. Sed in eo genere, in quo, quale sit quid, ambigitur, existit etiam in scripti interpretatione sæpe contentio; in quo nulla potest esse, nisi ex ambiguo, controversia. Nam illud ipsum, cum scriptum a sententia discrepat, genus quoddam habet ambigui: quod tum explicatur, cum ea verba, quæ desunt, suggesta sunt: quibus additis defenditur, sententiam scripti perspicuam fuisse: & ex contrariis scriptis si quid ambigitur, non novum genus nascitur, sed superioris generis causa duplicatur. Itaque aut nunquam dijudicari poterit, aut ita dijudicabitur, ut referendis præteritis verbis, id scriptum, quodcumque defendimus, suppleatur. Ita fit, ut unum genus in iis causis, quæ propter scriptum ambiguntur, relinquatur, si est scriptum aliquid ambiguum.

Ambiguorum autem complura genera sunt, quæ mihi videntur it melius nosse, qui dialectici appellantur: hi autem nostri ignorare, qui non minus nosse debeant: tum illud est frequentissimum in omni consuetudine vel sermonis, vel scripti, cum idcirco aliquid ambigitur, quod aut verbum, aut verba sint prætermissa.

Iterum autem peccant, cum genus hoc causarum, quod in scripti interpretatione versatur, ab illis causis, in quibus, qualis quæque res sit, disceptatur, sejungunt. Nusquam enim tam quæritur,

quale sit genus ipsum rei, quam in scripto, quod
totum a facti controversia separatum est.

Ita tria sunt omnino genera, quæ in disceptationem & controversiam cadere possunt; Quid fiat, factum, futurumve sit, aut Quale sit, aut Quomodo nominetur. Nam & illud quidem, quod quidam Græci adjungunt, Rectene factum sit, totum in eo est, quod, Quale sit, quærimus.

XXVII. Sed jam ad institutum (30) revertar meum. Cum igitur , accepto causæ genere , & cognito , rem tractare cœpi , nihil prius constituo , quam quid sit illud , quo mihi referenda sit omnis illa oratio , quæ sit propria quæstionis & judicii : deinde illa duo diligentissime considero , quorum alterum commendationem habet nostram , aut eorum , quos defendimus ; alterum est accommodatum ad eorum animos , apud quos dicimus , ad id , quod volumus , commovendos. Ita ratio omnis dicendi tribus ad persuadendum rebus est nixa : ut probemus vera esse ea , quæ defendimus : ut conciliemus nobis eos , qui audiunt : ut animos eorum , ad quemcumque causa postulabit motum , vocemus.

Ad probandum autem duplex est oratori subiecta materies. Una rerum earum, quæ non exco-
gitantur ab oratore, sed in re positæ, ratione tra-
ctantur : ut tabulæ, testimonia (31), pacta,
conventa, quæstiones, leges, senatusconsulta, res
judicatæ, decreta, responsa, & reliqua, si quæ
sunt,

(30) *Ad institutum*) Redeo, inquit Antonius, ad id quod dicendum mihi proposui, nempe ut doceam vos, quid maxime in agendis causis spectare soleam. *Idem*.

(31) *Ut tabulae, testimonia, &c.*) Locos rhetorum extrinsecos quinque numerat Aristoteles, leges, testes, pacta, quaestiones, & iuramenta. Frustra hic augentur ab Antonio, cum tabulae, senatusconsulta, res iudicatae, & decreta ad leges, responsa autem ad testimonia referri possint. Verum de locis differendi proprius erit in Topicis locus. *Idem*.

sunt, quæ non reperiuntur ab oratore, sed ad oratorem a causa, atque a reis deferuntur. Altera est, quæ tota in disputatione, & argumentatione oratoris collocata est. Ita in superiore genere de tractandis argumentis, in hoc autem etiam de inveniendis cogitandum est. Atque isti quidem, qui docent, cum causas in plura genera secuerunt, singulis generibus argumentorum copiam suggerunt. Quod etsi ad instituendos adolescentulos magis aptum est, ut, simul ac posita sit causa, habeant quo se referant, unde statim expedita possint argumenta depromere; tamen & tardi ingenii est rivulos consectari, fontes rerum non videre: & jam ætatis est ususque nostri, a capite, quod velimus, arcessere, & , unde omnia manant, videre. Et primum genus illud earum rerum, quæ ad oratorem deferuntur, meditatum nobis in perpetuum ad omnem usum similium rerum esse debet. Nam pro tabulis & contra tabulas; pro testibus & contra testes; pro quæstionibus & contra quæstiones; & item de cæteris rebus ejusdem generis, vel separatim dicere solemus de genere universo, vel definite de singulis temporibus, hominibus, causis: quos quidem locos (vobis hoc, Cotta, & Sulpici, dico) multa commentatione, atque meditatione paratos atque expeditos habere debetis. Longum est enim nunc me explicare, qua ratione aut confirmare, aut infirmare testes, tabulas, quæstiones oporteat. Hæc sunt omnia ingenii vel mediocris, exercitationis autem maximæ: artem quidem, & præcepta duntaxat hætenus requirunt, ut certis dicendi luminibus ornentur.

Itemque illa, quæ sunt alterius generis, quæ tota ab oratore pariuntur, excogitationem non habent difficilem, explicationem magis illustrem perpolitamque desiderant. Itaque cum hæc duo nobis quærenda sint in causis; primum, quid; dein-



de, quomodo dicamus: alterum, quod totum arte tinctum videtur, tamen si artem requirit, tamen prudentiæ est pene mediocris, quid dicendum sit, videre: alterum est, in quo oratoris vis illa divina virtusque cernitur, ea, quæ dicenda sunt, ornate, copiose, varieque dicere.

Lucius XXVIII. Quare illam partem superiorem, quoniam semel ira vobis placuit, non recusabo, quominus perpoliam atque conficiam: quantum consequar, vos judicabitis: quibus ex locis ad eas tres res, quæ ad fidem faciendam solæ valent, ducatur oratio, ut & concilientur animi, & doceantur, & moveantur. Hæc sunt enim tria numero. Ea vero quemadmodum illustrentur: præsto est, qui omnes docere possit, qui hoc primus in nostros mores induxit, qui maxime auxit, qui solus effecit. Namque ego, Catule, (dicam enim non reverens assentandi suspensionem) neminem esse oratorem paulo illustriorem arbitror, neque Græcum, neque Latinum, quem ætas nostra tulerit, quem non & sæpe & diligenter audierim. Itaque, si quid est in me, quod jam sperare videor, quoniam quidem vos, his ingeniis hominem, tantum operæ mihi ad audiendum datis, ex eo est, quod nihil quisquam unquam me audiente egit orator, quod non in memoria mea penitus insederit. Atque ego is, qui sum, quantuscumque sum ad judicandum, omnibus auditis oratoribus, sine ulla dubitatione sic statuo & judico, neminem omnium tot, & tanta, quanta sint in Crasso, habuisse ornamenta dicendi. Quamobrem, si vos quoque hoc idem existimatis, non erit, ut opinor, iniqua partitiō, si, cum ego hunc oratorem, quem nunc fingō, ut institui, crearo, aluero, confirmaro; tradam eum Crasso, & vestiendum, & ornandum.

Tum Crassus: Tu vero, inquit, Antoni, perge, ut instituisti. Neque enim est boni, neque libe-

beralis parentis, quem procreavit, & eduxerit, eum non & vestire, & ornare; præsertim cum te locupletem esse negare non possis. Quod enim ornamentum, quæ vis, qui animus, quæ dignitas illi oratori defuit, qui in causa peroranda non dubitavit excitare reum consularem (32), & ejus diloricare tunicam, & judicibus cicatrices adversas (33) senis imperatoris ostendere? Qui idem, hoc accusantæ Sulpicio, cum hominem seditiosum furiosumque defenderet, non dubitavit seditiones ipsas ornare, ac demonstrare gravissimis verbis, multos sæpe impetus populi non injustos esse, quos præstare nemo possit: multas etiam e republica seditiones sæpe esse factas: ut cum reges essent exacti, ut cum tribunitia potestas esset constituta: illam Norbani seditionem, ex luctu civium, & ex Cæpionis odio, qui exercitum amiserat, neque reprimi potuisse, & jure esse conflantam. Potuit hic locus tam anceps, tam inauditus, tam lubricus, tam novus, sine quadam incredibili vi ac facultate dicendi tractari? Quid ego de Cn. Manlii (34), quid de Q. Regis commiseratione dicam (35)? quid de aliis innumerabilibus? in quibus hoc non maxime enituit, quod tibi omnes dant, acu-

(32) *Reum consularem*) M. Aquilius, qui post servile bellum in Sicilia confectum de repetundis pecuniis causam dixit. Cum judicem misericordiam implorare nollet, M. Antonius, qui pro eo perorabat, tunicam ab ejus pectore discidit, ut honestas cicatrices bello acceptas ostenderet. Quibus conspectis reus absolutus est. *Idem*.

(33) *Cicatrices adversas*) Quæ in pectore, vel alia parte anteriori, accipiebantur vulnera, dicebantur *adversa*, erantque gloriosa: ut contra *aversa* inhonesta, utpote in fuga, & tergo accepta. *Idem*.

(34) *Cn. Manlii*) A Cimbris Cn. Manlius & Q. Servilius Cæpio proconsules victi prælio, castrisque binis exuti sunt: octoginta millia militum occisa, calorumque lixarum quadraginta millia. *Livii epitome lib. lxxvii*. Ea clades incidit in annum U. C. DCXLIX. *Idem*.

(35) *Quid de Q. Regis commiseratione dicam?*) Antonius in causa Quinti Regis in commiserationem movit judices: de qua nihil alibi, quod meminerim, legi. Nomen est hic proprium.

acumen quoddam singulare; sed hæc ipsa, quæ nunc ad me delegare vis, ea semper in te eximia & præstantia fuerunt.

et. Muover XXIX. Tum Cætilus: Ego vero, inquit, in vobis hoc maxime admirari soleo, quod, cum inter vos in dicendo dissimillimi sitis, ita tamen uterque vestrum dicat, ut ei nihil neque a natura denegatum, neque a doctrina non delatum esse videatur. Quare, Crasse, neque tu tua suavitate nos privabis, ut, si quid ab Antonio aut prætermisum, aut relictum sit, non explices: neque, te Antoni, si quid non dixeris, existimabimus non potuisse potius, quam a Crasso dici maluisse.

Hic Crassus: Quin tu, inquit, Antoni, omittis ista, quæ proposuisti, quæ nemo horum desiderat: quibus ex locis ea, quæ dicenda sint in causis, reperiantur. Quæ quanquam abs te novo quodam modo, præclareque dicuntur, sunt tamen & re faciliora, & præceptis pervagata: illa deprome nobis, unde afferas quæ sapissime tractas, semperque divinitus.

Depromam equidem, inquit Antonius, & quo facilius id a te exigam, quod peto, nihil tibi a me postulanti recusabo. Meæ totius orationis, & istius ipsius in dicendo facultatis, quam modo Crassus in cælum verbis extulit, tres sunt rationes, ut ante dixi; una conciliandorum hominum, altera docendorum, tertia concitandorum. Harum trium partium prima lenitatem orationis, secunda acumen, tertia vim desiderat. Nam hoc necesse est, ut is, qui nobis causam adjudicaturus sit, aut inclinatione voluntatis propendeat in nos, aut defensionis argumentis adducatur, aut animi permotione cogatur. Sed quoniam illa pars, in qua
re-

primum Rex, nec officium comprehendit. Q. Martius Rex consul fuit cum M. Catone Nepote. Auctor est Gell. lib. xiii. cap. 18. & Plinius lib. 11. cap. 31. *Strebaus*.

serum ipsarum explicatio ac defensio posita est, videretur omnem hujus generis quasi doctrinam continere, de ea primum loquemur, & pauca dicemus. Pauca enim sunt, quæ usu jam tractata, & animo quasi habere notata videamur.

XXX. Ac tibi sapienter monenti, L. Crasse, libenter assentiemur, ut singularum causarum defensiones, quas solent magistri pueris tradere, relinquamus: aperiamus autem ea capita, unde omnis ad omnem & causam, & orationem disputatio ducitur. Neque enim, quoties verbum aliquod est scribendum nobis, totius ejus verbi literæ sunt cogitatione conquirendæ: nec quoties causa dicenda est, toties ad ejus causæ seposita argumenta revolvi nos oportet: sed habere certos locos, qui, ut literæ ad verbum scribendum, sic illi ad causam explicandam, statim occurrant.

Sed hi loci ei demum oratori prodesse possunt, qui est versatus in rebus, vel usu, quem ætas denique affert; vel auditione, & cogitatione, quæ studio & diligentia præcurrit ætatem. Nam si tu mihi quamvis eruditum hominem adduxeris, quamvis acrem & acutum in cogitando, quamvis ad pronuntiandum expeditum, si erit idem in consuetudine civitatis, in exemplis, in institutis, in moribus ac voluntatibus civium suorum hospes, non multum ei loci proderunt illi, ex quibus argumenta promuntur. Subactio (36) mihi ingenio opus est, ut agro non semel arato, sed novato & iterato, quo meliores scetus possit & grandiores edere. Subactio autem est usus, auditio, lectio, literæ.

Ac primum naturam causæ videat, quæ nunquam latet. Factumne sit, quærat; an, Quale sit,

(36) *Subactio*) Translatio ducta ab agricultura. Ut ager non semel aratus, sed iterum ac tertio proscissus potest meliores & grandiores fructus afferre: ita perdomitum & excultum ingenium & plura & meliora producit. *Præfatus*.

fit, an, Quod nomen habeat: quo perspecto, statim occurrit naturali quadam prudentia, non his subductionibus, quas isti docent, quid faciat causam, id est, quo sublato controversia stare non possit: deinde, quid veniat in iudicium, quod isti sic jubent querere: Interfecit Opimius (37) Gracchum. Quid facit causam? quod reipublicæ causa, cum ex senatusconsulto ad arma vocasset: hoc tolle, causa non erit. At id ipsum negat contra leges licuisse Decius. Veniet igitur in iudicium, Licueritne ex senatusconsulto, servandæ reipublicæ causa. Perspicua sunt hæc quidem, & in vulgari prudentia sita, sed illa querenda, quæ ab accusatore & defensore argumenta, ad id, quod in iudicium venit, spectantia, debeant afferri. ~. ~.

XXXI. Atque hic illud videndum est, in quo summus est error istorum magistrorum, ad quos liberos nostros mittimus, non quo hoc quidem ad dicendum magnopere pertineat, sed tamen ut videatis, quam sit genus hoc eorum, qui sibi eruditi videntur, hebes, atque impositum. Constituunt enim in partiendis orationum modis duo genera causarum. Unum appellant, in quo sine personis atque temporibus de universo genere queratur; alterum, * quod personis certis, & temporibus definiatur: ignari omnes controversias ad universi generis vim & naturam referri. Nam in ea ipsa causa, de qua ante dixi, nihil pertinet ad
ora-

(37) *Opimius*) Anno U. C. DCXXXIII. C. Gracchus sedisioso tribunatu aſſo, cum *Aventinum* armata quoque multitudine occupaviſſet, a L. *Opimio* conſule, ex ſenatusconſulto vocato ad arma populo, pulſus, interemptus eſt. Anno conſequenti, L. *Opimius* accuſatus apud populum a Q. *Decio* tribuno plebis, quod indemnatos cives in carcerem conjeciſſet, liberatus eſt. Epitome Livii lib. lxi. Idem.

* *Quod personis*) Lamb. quod propriis non inibus personarum, locorum, ac temporum diſtinctum eſt: in quo uno illi occupati ſunt. Superius vero illud, quod totum eſt in ratione generis poſitum, quaſi non neceſſarium ſit, nullis præceptis aperiant, ignari.

oratoris locos Opimii persona, nihil Decii. De ipso enim universo genere infinita quaestio est, num poena videatur esse afficiendus, qui civem ex senatusconsulto patriae conservandae causa interemerit, cum id per leges non liceret. Nulla denique est causa (38), in qua id, quod in iudicium venit, ex reorum personis, ac non ex generum ipsorum universa disputatione quaeratur. Quin etiam in iis ipsis, ubi de facto ambigitur, Ceperitne contra leges pecunias P. Decius (39), argumenta & criminum & defensionis revocentur oportet ad genus, & naturam universam: quod sumptuosus (40), de luxuria: quod alieni appetens, de avaritia: quod seditiosus, de turbulentis & malis civibus: quod a multis arguitur, de genere testium: contraque quae pro reo dicuntur, omnia necessario a tempore atque homine ad communes rerum & generum summas revolventur.

Atque haec forsitan homini, non omnia, quae sunt in natura rerum, celeriter animo comprehendenti, permulta videantur, quae veniant in iudicium tum, cum de facto quaeratur: sed tamen criminum est multitudo, non defensionum, aut locorum infinita.

XXXII. Quae vero, cum de facto non ambigitur, quaeruntur, qualia sint, ea si ex reis numeres, & innumerabilia sunt, & obscura: si ex re-

(38) *Nulla denique est causa*) Nulla est causa, inquit Antonius, in qua id quod in iudicium & controversiam vocatur, quaeri debeat ac peti ex ipsis reorum personis, sed omnia referri debent ad universum genus. Sic in hac ipsa, quae modo proposita est causa, ad oratoris locos nec Opimii nec Decii persona pertinet; non ex ipsis deducenda sunt argumenta, sed ex ipso facto, quod generatim spectatur. *Præst.*

(39) *P. Decius*) Non unus ex iis qui se pro patria devoverunt; fortasse is fuerit, qui quaestura functus est anno U. C. DCXXVIII. ante Christum cxxvi. *Idem.*

(40) *Quod sumptuosus*) Accusatur v. g. Decius, quod sumptus nimios fecerit? argumenta defensionis & accusationis petenda erunt e communi genere & loco, de luxuria: quod alienas opes appetiverit? de avaritia, &c. *Idem.*

rebus, valde & modica, & illustria. Nam si Mancini causam (41) in uno Mancino ponimus, quotiescumque is, quem paterpatratus dediderit, receptus non erit, toties causa nova nascetur. Sin illa controversia causam facit, Videaturne ei, quem paterpatratus dediderit, si is non sit receptus, postliminium esse: nihil ad artem dicendi, nec ad argumenta defensionis, Mancini nomen pertinet. Ac, si quid affert præterea hominis aut dignitas, aut indignitas, extra quæstionem est, & ea tamen ipsa oratio ad universi generis disputationem referatur necesse est. Hæc ego non eo consilio disputo, ut homines eruditos redarguam: quanquam reprehendendi sunt, qui in genere definiendo istas causas describunt in personis & in temporibus positas esse. Nam etsi incurrunt tempora & personæ, tamen intelligendum est, non ex iis, sed ex genere quæstionis pendere causas. Sed hoc nihil ad me. Nullum enim nobis certamen cum illis esse debet. Tantum satis est intelligi, ne hoc quidem (42) eos consecutos, quod in tanto otio, etiam sine hac forensi exercitatione efficere potuerunt, ut genera rerum discernere, eaque paulo subtilius explicarent. Verum hoc (ut dixi) nihil ad me. Illud ad me, ac multo etiam magis ad vos, Cotta noster, & Sulpici.

Quomodo nunc se istorum artes habent, pertimescenda est multitudo causarum: est enim infinita. Si in personis ponitur; quot homines, tot causæ. Sin ad generum universas quæstiones referuntur; ita modicæ & paucæ sunt, ut omnes eas,

(41) *Mancini causam*) Quam explicuimus lib. I. de Orat. c. 40. Eodem loco exponitur, quid sit paterpatratus. *Idem*.

(42) *Ne hoc quidem*) Causas, ut par est, agere non potuerunt sine exercitatione forensi: at certe recte dividere ac definire illas ipsas causas in otio suo potuerunt & debuerunt: in quo tamen ipso peccarunt. *Idem*.

cas , diligentes , & memores , & sobrii oratores percurfas animo , & prope decantatas habere debeant : nisi forte existimatis , a M. Curio causam didicisse L. Crassum ; & ea re multa attulisse (43) , quamobrem posthumo non nato Curium tamen heredem Coponii esse oporteret . Nihil ad copiam argumentorum , neque ad causæ vim ac naturam nomen Coponii , aut Curii , pertinuit . In genere erat universo rei negotique , non in tempore ac nominibus omnis quæstio , cum scriptum ita sit , *Si mihi filius gignitur , isque prius moritur , & cætera , tum ut mihi ille sit heres : Si natus filius non sit , videaturne is , qui filio mortuo institutus heres sit , heres esse* .

XXXIII. Perpetui juris , & universi generis quæstio non hominum nomina , sed rationem dicendi , & argumentorum fontes desiderat . In quo etiam isti nos jurisconsulti impediunt , a discendoque deterrent . Video enim in Catonis & Bruti (44) libris nominatim fere referri , quid alicui de

(43) *A M. Curio causam didicisse L. Crassum , & ea re multa attulisse &c.*) Verba *ea re* significant , ob eam causam , ob eam rem . Sic Cicero in l. 4. Tulcul. Disp. c. 38. *Ea reque suscipi , quod ita rectum esse videatur* . Sic etiam in epist. Bruti ad Atticum : *An hoc ipsum ea re facis , quod illi propter amplitudinem omnia jam , utroque deferenda putat ?* Sed verba istius significationis huic loco non conveniunt ; nulla enim ratio , aut causa significatur , cur Crassus multa attulit . MS. Bod. legit , & *ex re multa &c.* unde suspicor legendum , & *ex reo multa attulisse* . Sic in initio hujus capituli ; *ea , si ex reis numeres , innumerabilia sunt* . Sic in cap. præcedente : *Nulla denique est causa , in qua id , quod in judicium venit , ex reorum personis , ac non generum ipsorum disputatione quaratur* . Nempe Antonius voluit dicere , Crassum non ex ipsa persona Curii , neque ex reo argumenta deprompsisse ; sed omnia ab homine ad naturam universam quæstionis retulisse . *Pearcius* .

(44) *Catonis & Bruti*) M. Catonem , principem Porciæ familiæ , celebrem fuisse jurisconsultum , ejusque libros ætate sua existisse tradit Pomponius ff. lib. 1. tit. 2. de Origine juris . Ibidem fit Bruti mentio . *Post hos fuerunt P. Mucius , & Brutus , & Manilius , qui suadaverunt jus civile* . Ex his P. Mucius etiam decem libellos reliquit , Brutus septem , & exstant volumina scripta , Manilii monumenta : illi duo consulares fuerunt , Brutus prætorius , P. autem Mucius & pontifex maximus . *Præst.*

de jure viro aut mulieri responderint : credo , ut putaremus , in hominibus , non in re , consultationis aut dubitationis causam aliquam fuisse ; ut quod homines essent innumerabiles , debilitati a jure cognoscendo (45) , voluntatem discendi simul cum spe perdiscendi abjiceremus . Sed hæc Crassus aliquando nobis expediet , & exponet descripta generatim . Est enim , ne forte nescias , heri nobis ille hoc , Catule , pollicitus , se jus civile , quod nunc diffusum & dissipatum est , in certa genera coacturum , & ad artem facile redacturum . Et quidem , inquit Catulus , haudquaquam id est difficile Crasso , qui & quod disci potuit de jure , didicit ; & quod iis , qui eum docuerunt , defuit , ipse afferet ; ut , quæ sint in jure , vel (a) apte describere , vel ornate illustrare possit . Ergo ista , inquit Antonius , tum a Crasso discemus , cum se de turba , & a subselliis , in otium ut cogitat ,) (b) soliumque (46) contulerit .

Jam id quidem sæpe , inquit Catulus , ex eo audiui , cum diceret , sibi certum esse a judiciis causisque discedere : sed , ut ipsi soleo dicere , non licebit . Neque enim ipse auxilium suum sæpe a viris bonis frustra implorari patietur , neque id æquo animo feret civitas : quæ si voce L. Crassi carebit , ornamento quodam sese spoliata putabit .

(45) *Debilitati a jure cognoscendo*) Vox *debilitatus* , cum sine ablativo casu ponitur , significat nihil aliud , quam *fractus* , *imminutus* : sed huic loco parum convenit ista significatio . Antonius paulo supra dixerat ; *nos Jurisconsulti impediunt , a discendoque deterrent* : idemque dicere etiam in hoc loco voluit , loquendi tamen formula variata . Legendum igitur censco : *debilitati metu a jure cognoscendo &c.* Sic l. 1. c. 26. *simul ac me fræsum ac debilitatum metu viderit* . Imo Miss. Cant. & Wag. exhibent reliquias hujus lectionis , leguntque , *debilitati a me jure cognoscendo* . Pearceius .

(a) *Apte*) Viñt. Man. *acute*

(b) *Soliumque*) Viñt. Man. Lamb. *solitudinemque* .

(46) *Soliumque*) Id est , sella , vel lectulus domi positus : de quo Noster lib. 3. c. 33. *In solio sedentes &c.* Pearceius .

bit. Nam hercle, inquit Antonius, si hæc vere a Catulo dicta sunt, tibi mecum in eodem est pilstrino (47), Crasse, vivendum: & istam oscitantem & dormitantem sapientiam, Scævolarum (48) & cæterorum beatorum otio concedamus. Arrisit hic Crassus leniter, & Pertexe modo, inquit, Antoni, quod exorsus es. Me tamen ista oscitans sapientia, simul atque ad eam confugero, ad libertatem vindicabit.

XXXIV. Hujus quidem loci, quem modo sum exorsus, hic est finis, inquit Antonius: quoniam intelligitur, non in hominum innumerabilibus personis, neque in infinita temporum varietate, sed in generum causis atque naturis omnia sita esse, quæ in dubium vocarentur: genera autem esse definita non solum numero, sed etiam paucitate: ut eam materiem orationis, quæ cujusque esset generis, studiosi qui essent dicendi, omnibus locis descriptam, instructam, ornatamque comprehenderent, rebus dico, & sententiis. Ex vi sua verba parient, quæ semper satis ornata mihi quidem videri solent, si ejusmodi sunt, ut ea res ipsa peperisse videatur.

Ac, si verum quæritis, quod mihi quidem videatur, (nihil enim aliud affirmare possum, nisi sententiam, & opinionem meam) hoc instrumentum causarum & generum universorum in forum deferre debemus, neque, ut quæque res delata ad nos erit, tum denique scrutari locos, ex quibus argumenta eruamus: quæ quidem omnibus, qui ea mediocriter modo considerarint, studio adhibito & usu pertractata esse possunt: sed tamen animus referendus est ad ea capita, & ad illos,

De Orat.

M

quos

(47) *Pilstrino*) Hic ingentis ac molesti laboris plenum opus significat; ducta translatione ab exercitatione durissima, cui servi addicebantur. *Prust.*

(48) *Scævolarum*) Sic vocat jurisconsultos, inter quos celeberrimus erat Scævola. *Idem.*

quos sæpe jam appellavi, locos, ex quibus omnia ad omnem orationem inventa ducuntur. Atque hoc totum est sive artis animadversionis, sive consuetudinis, nosse regiones, intra quas venire debeas (49), ut pervertiges quod quæras. Ubi eum locum omnem (50) cogitatione sepseris, si modo usum rerum percallueris, nihil te effugiet, atque omne quod erit in re, occurret, atque incidet. ~.

ingegno XXXV. Et sic, cum ad inveniendum in dicendo tria sint; acumen, deinde ratio, quam licet (si volumus) appellemus artem, tertium diligentia: non possum equidem non ingenio primas concedere: sed tamen ipsum ingenium diligentia etiam ex tarditate incitat. Diligentia, inquam, cum omnibus in rebus, tum in causis defendendis plurimum valet. Hæc præcipue colenda est nobis; hæc semper adhibenda; hæc nihil est quod non assequatur. Causa ut penitus, quod initio dixi, nota sit, diligentia est: ut adversarium attente audiamus, atque ut ejus non solum sententias, sed etiam verba omnia excipiamus, vultus denique perspiciamus omnes, qui sensus animi plerumque indicant, diligentia est. Id tamen dissimulanter facere, ne sibi ille aliquid proficere videatur, prudentia est. Deinde ut in iis locis, quos proponam paulo post, pervolvatur animus, ut se penitus insinuet in causam, ut sit cura & cogitatione intentus, diligentia est: ut his rebus adhibeat, tanquam lumen aliquod, memoriam, ut vocem, ut vires: hæc magna sunt.

Inter ingenium quidem, & diligentiam per-

pau-

(49 *Intra quas venire debeas*) Manutius & Græterus, *intra quas venire*, ut sit translatio a venatione ducta. *Pearcius*.

(50 *Ubi eum locum omnem &c.*) Familiaris meus Johannes Walker pro *eum* reponit *enim*, & conjectura placet: in vulgata enim lectione nihil est, quod hanc sententiam priori connectat, nisi manifeste hic ratio redditur eorum, quæ jam præcesserant. *Idem*.

paululum loci reliquum est arti. Ars demonstrat tantum, ubi quæras, atque ubi sit illud, quod studeas invenire; reliqua sunt in cura, attentione animi, cogitatione, vigilantia, assiduitate, labore; complectar uno verbo, quo sæpe jam usi sumus, diligentia: qua una virtute omnes virtutes reliquæ continentur. Nam orationis quidem copia videmus ut abundant philosophi, qui, ut opinor, (sed tu hæc, Catule, melius) nulla dant præcepta dicendi, nec idcirco minus, quæcumque res proposita est, suscipiunt, de qua copiose & abundanter loquantur.

XXXVI. Tum Catulus, Est, inquit, ut dicis, Antoni, ut plerique philosophi nulla tradant præcepta dicendi, & habeant paratum tamen, quid de quaque re dicant. Sed Aristoteles is, quem maxime ego admiror, proposuit quosdam locos, ex quibus omnis argumentatio, non modo ad philosophorum disputationem, sed etiam ad hanc, quæ in causis utimur, inveniretur: a quo quidem homine jamdudum, Antoni, non aberrat oratio tua, sive tu similitudine illius divini ingenii in eadem incurris vestigia, sive etiam illa legisti, atque didicisti; quod quidem magis verisimile videtur. Plus enim te operæ Græcis dedisse rebus video, quam putaram.

Tum ille, Verum, inquit, ex me audies, Catule: semper existimavi, jucundiorē, & probabiliorē huic populo oratorem fore, qui primum quam minimam artificii alicujus, deinde nullam Græcarum rerum significationem daret. Atque ego idem existimavi, pecudis esse, non hominis, cum tantas res Græci susciperent, profiterentur, agerent, seseque & videndi res obscurissimas, & bene vivendi, & copiose dicendi rationem hominibus daturōs pollicerentur, non admoveere aurem, & si palam audire eos non auderes, ne minueres

Trilog:

apud tuos cives auctoritatem tuam, subauscultando tamen excipere voces eorum, & procul, quid narrent, attendere. Itaque feci, Catule, & istorum omnium summatim causas & genera ipsa gustavi.

Arte

XXXVII. Valde hercule, inquit Catulus, timide, tanquam ad aliquem libidinis scopulum (51), sic tuam mentem ad philosophiam appulisti: quam hæc civitas aspernata nunquam est. Nam & referta quondam Italia Pythagoreorum fuit, tum, cum erat in hac gente magna illa Græcia (52): ex quo etiam quidam Numam Pompilium, regem nostrum, fuisse Pythagoreum ferunt; qui annis permultis (53) ante fuit, quam ipse Pythagoras: quo etiam major vir habendus est, cum illam sapientiam constituendæ civitatis duobus prope seculis ante cognovit, quam eam Græci natam esse senserunt. Et certe non tulit ullos hæc civitas aut gloria clariores, aut auctoritate graviores, aut humanitate politiores, P. Africano, C. Lælio, L. Furio (54), qui secum eruditissimos homines ex Græcia palam semper habuerunt. Atque ego ex istis sæpe audiui, cum dicerent, pergratum Athenienses & sibi fecisse, & multis principibus civitatis, quod, cum ad senatum

(51) *Libidinis scopulum*) Connotat vel Circes, vel Sirenum scopulos poetarum fabulis celebres. *Præst.*

(52) *Magna illa Græcia*) Ad orientalem Italiæ plagam Bruttios inter & Salentinos pertinet ea regio, quam olim magnam Græciam dixere: nunc pars est Regni Neapolitani. *Idem.*

(53) *Qui annis permultis*) Numa Pompilius, secundus Romanorum rex, de quo diximus libro superiore in notis ad c. 9. regnum, quod tenuit annos quadraginta tres, auspiciatus est anno U. C. xl. Olymp. xvi. 3. ante Christum Dccxiv. Tarquinio Superbo rege, qui regnare coepit, ut refert Dionysius, anno iv. Olymp. Lxi. U. C. Ccxi. Pythagoras in Italiam venit, & quidem, si credimus Jamblico, circa Olymp. Lxx. annis circiter ab U. C. Ccxi. Ex quibus colligitur, quod hic tradit Catulus, Numam duobus prope sæculis prius vixisse quam Pythagoram, annis scilicet omnino centum octoginta duobus. *Idem.*

(54) *L. Furio*) De quo videndus Ciceronis Brutus. *Idem.*

tum legatos (55) de suis maximis rebus mitterent, tres illius ætatis nobilissimos philosophos misissent, Carneadem, & Critolaum, & Diogenem (56). Itaque eos, dum Romæ essent, & a se, & ab aliis frequenter auditos. Quos tu cum haberes auctores, Antoni, miror, cur philosophiæ, sicut Zethus (57) ille Pacuvianus, prope bellum indixeris.

Minime, inquit Antonius: ac sic decrevi philosophari (58) potius, ut Neoptolemus (59) apud

M 3

En-

(55) *Ad senatum legatos*) Carneades Academicus, Diogenes Stoicus, & Critolaus Peripateticus, celeberrimi ætatis suæ philosophi, ab Atheniensibus Romam ad senatum populumque Romanum legati sunt, ut postularent civitati remitteretur talentum fere quingentum multa, quam propter Oropi vastationem fecerat. Tempus hujus legationis Cicero Academ. Quæst. lib. IV. refert ad P. Scipionem & M. Marcellum Coss. qui anno Urbis DCCIX. ante Christum cv. tempus administrarunt. Gellius lib. XVII. temporibus belli Punici secundi; Pausanias in Achaicis an. U. C. DCIII. assignat. *Gellius lib. VII. cap. XIV.* De Carneade & Critolao diximus libro superiore c. 11. *Idem.*

(56) *Carneadem, & Critolaum, & Diogenem*) Legati Romam Athenis missi sunt, uti multam remitti civitati peterent quingentorum talentum, quam fecerat propter Oropi vastationem, Sicyoniis damnantibus, quibus illius causæ iudiciam a Senatu permissum fuerat. Legationis illius tempus mira auctorum dissensione traditur. Gellius, lib. XVII. cap. ult. sub bellum Punicum alterum illos advenisse refert; ac posteriore eorum adventu facit Ennium, quod ego falsum arbitror: si quidem obiit Ennius anno U. C. 585. At Cicero (in Lucullo cap. 45.) legationem illam assignat P. Scipioni & M. Marcello Coss. qui est annus 599. Verum Pausanias in Achaicis sub annum Urbis 603. illos advenisse significat. *Petavius, Rat. Temp. lib. IV. cap. 12.* Eodem anno Urbis 603. id evenisse putat Casaubonus in Synopsi ad Polyb.

(57) *Zethus*) Jovis ex Antiopa filius, frater Amphionis, cui in condendis Thebis operam commodavit. Eum, ut ab artibus aversum, Pacuvius in tragœdia invehentem in musicam inducit, quam Amphion tuetur. Consule lib. II. ad Heren. *Præst.*

(58) *Philosophari*) Censet Vossius verum illum Ennii fuisse trochaicum quadratum hujusmodi:

Philosophari mihi est necesse; ac paucis: nam omnino haud placet.

Idque colligit ex lib. II. Tusculanarum Quæstionum; ubi legitur: *Neoptolemus quidem apud Ennium philosophari sibi ait necesse esse, sed paucis: nam omnino haud placere.* Idem.

(59) *Neoptolemus*) Pyrrho, Achillis filio, Neoptolemi cogn-

Ennium, *paucis; nam omnino haud placet*. Sed tamen hæc est mea sententia, quam videbar exposuisse. Ego ista studia non improbo, moderata modo sint: opinionem istorum studiorum, & suspicionem artificii apud eos, qui res judicent, oratori adversariam esse arbitror: imminuit enim & oratoris auctoritatem, & orationis fidem.

U' inveniuntur

XXXVIII. Sed, ut eo revocetur, unde huc declinavit oratio; ex tribus istis clarissimis philosophis, quos Romam venisse dixisti, videsne Diogenem fuisse, qui diceret, artem se tradere bene differendi, & vera ac falsa dijudicandi, quam verbo Græco *διαλεκτική* (60) appellaret? In hac arte, si modo est hæc ars, nullum est præceptum quo modo verum inveniatur, sed tantum est quo modo judicetur. Nam & omne, quod eloquimur, sic, ut id aut esse dicamus, aut non esse; & si simpliciter dictum sit, suscipiunt dialectici, ut judicent verumne sit an falsum: & si conjuncte sit elatum, & adjuncta sint alia, judicent rectene adjuncta sint, & verane summa sit uniuscujusque rationis: & ad extremum ipsi se compungunt suis acuminibus, & multa quærendo, reperiunt non modo ea, quæ jam non possint ipsi dissolvere, sed etiam quibus ante exorsa, & potius detexta prope retexantur. Hic nos igitur Stoicus iste nihil adjuvat, quoniam quemadmodum inveniatur quid dicam, non docet: atque idem etiam impedit, quod & multa reperit, quæ neget ullo modo posse dissolvi; & genus sermonis affert non liquidum, non fuscum ac profluens, sed exile, aridum, concisum ac minutum: quod si quis probabit, ita probabit, ut oratori tamen aptum non esse fateatur. Hæc enim nostra oratio multitudinis est auri-

ri-
gnomen impositum, quod adolescentulus in bello Trojano militiæ tirocinium fecerit. *Idem*.

(60) *Διαλεκτική* Dialecticam ἀπὸ τῆς διαλέγεσθαι, a differendo nomen habet. *Idem*.

ribus accommodanda, ad oblectandos animos, ad impellendos, ad ea probanda, quæ non aurificis statera, sed quadam populari trutina examinantur.

Quare istam artem totam dimittamus, quæ in excogitandis argumentis muta nimium est, in iudicandis nimium loquax, Critolaum istum, quem simul cum Diogene venisse commemoras, puto plus huic studio nostro prodesse potuisse. Erat enim ab isto Aristotele, a cujus inventis tibi ego videor non longe aberrare. Atque inter hunc Aristotelem, cujus & illum legi librum, in quo exposuit dicendi artes omnium superiorum, & illos, in quibus ipse sua quædam de eadem arte dixit, & hos germanos hujus artis magistros, hoc mihi visum est interesse, quod ille eadem acie mentis, qua rerum omnium vim naturamque viderat, hæc quoque adspexit, quæ ad dicendi artem, quam ille despiciebat, pertinebant: illi autem, qui hoc solum colendum ducebant, habitabant in hac una ratione tractanda, non eadem prudentia, qua ille, sed usu in hoc uno genere, studioque majore. Carneadis vero vis incredibilis illa dicendi, & varietas, perquam esset optanda nobis: qui nullam unquam in illis suis disputationibus rem defendit, quam non probarit; nullam oppugnavit, quam non everterit. Sed hoc majus est quiddam, quam ab iis, qui hæc tradunt, & docent, postulandum sit.

XXXIX. Ego autem, si quem nunc plane rudem institui ad dicendum velim, his potius tradam assiduis uno opere eandem incudem (61) diem noctemque tundentibus, qui omnes tenuissimas particulas, atque omnia minima mansa, ut

M 4

nu-

(61) *Eandem incudem*) Proverbii genus est in eos, qui indefessa assiduitate eidem studio incumbunt, similes fabrorum, qui continuis ictibus incude percussa ferrum emolliunt. *Idem*.

nurtrices infantibus pueris, in os inferant. Sin sit is, qui & doctrina mihi liberaliter institutus, & aliquo jam imbutus usu, & [satis acri ingenio esse videatur: illuc eum rapiam, ubi non seclusa aliqua aquula teneatur, sed unde universum flumen * erumpat: qui illi sedes, & tanquam domicilia omnium argumentorum commonstret, & ea breviter illustret, verbisque definiat.

Quid enim est, in quo hæreat, qui viderit, omne, quod sumatur in oratione aut ad probandum, aut ad refellendum, aut ex sua sumi vi (62) atque natura, aut assumi foris? Ex sua vi, cum aut res, quæ sit tota, quærat, aut pars ejus, aut vocabulum quod habeat, aut quippiam, rem illam quod attingat. Extrinsecus autem, cum ea, quæ sunt foris, neque inhærent in rei natura, colliguntur. Si res tota quæritur, definitione universa vis explicanda est, sic: Si majestas est amplitudo ac dignitas civitatis, is eam minuit, qui exercitum hostibus populi Romani tradidit, non qui eum, qui id fecisset, populi Romani potestati tradidit. Sin pars; partitione, hoc modo: Aut senatui parendum de salute reipublicæ fuit; aut aliud consilium instituendum, aut sua sponte faciendum: aliud consilium, superbum; suum, arrogans; utendum igitur fuit consilio senatus. Sin ex vocabulo, ut Carbo. Si consul est, qui consulit patriæ, quid aliud fecit Opimius (63)? Sin ab eo, quod rem attingat, plures sunt argumentorum sedes ac loci: nam & conjuncta quæremus, & genera, & partes generibus subjectas, & similitudines, & dif-

fimi-

* Erumpat) Man. erumpat : ut illi.... commonstrem.... illustrem.... definiam.

(62) Aut ex sua sumi vi) Designat locos rhetorum intrinsecos & extrinsecos, de quibus cum & fusius & accuratius agat Cicero in Topicis, ideo omittimus notas omnes & exempla, quibus possunt illustrari. Præst.

(63) Opimius) De quo paulo superius diximus cap. 12. Idem.

similitudines , & contraria , & consequentia , & consentanea , & quasi præcurrentia , & repugnantia , & causas rerum vestigabimus , & ea , quæ ex causis orta sunt ; & majora , paria , minora quæremus.

XL. Ex conjunctis sic argumenta ducuntur : Si pietati summa tribuenda laus est , debetis moveri , cum Q. Metellum (64) tam piè lugere videatis. Ex genere autem : Si magistratus in populi Romani potestate esse debent , quid Norbanum (65) accusas , cujus tribunatus voluntati paruit civitatis ? Ex parte autem ea , quæ est subjecta generi : Si omnes , qui reipublicæ consulunt (66) , cari nobis esse debent , certe in primis imperatores , quorum consiliis , virtute , periculis , retinemus & nostram salutem , & imperii dignitatem . Ex similitudine autem : Si feræ partus suos diligunt , qua nos in liberos nostros indulgentia esse debemus ? At ex dissimilitudine : Si barbarorum est in diem vivere , nostra consilia sempiternum tempus spectare debent . Atque utroque in genere & similitudinis , & dissimilitudinis , exempla sunt ex aliorum factis , aut dictis , aut eventis , & fictæ narrationes sæpe ponendæ . Jam ex contrario : Si Gracchus nefarie , præclare Opimius . Ex consequentibus : Si & ferro interfectus ille , & tu inimicus ejus cum gladio cruento comprehensus es in illo ipso loco , & nemo præter te ibi visus est , & causa nemini , & tu semper audax : quid est ,

(64) Q. Metellum) Anno U. C. DCLVII. præturam obtinuit Q. Metellus , Pii cognomentum adeptus , quod ut ait scriptor de Viris illustribus , patrem Numidicum precibus ac lacrimis assiduus ab exilio revocasset . Qua singulari pietate facile ad summos honores aditum paravit . *Idem* .

(65) Norbanum) Consule notas superiores c. 21. *Idem* .

(66) Si omnes , qui Reipublicæ consulunt) Sensus est : Si illi , qui Remp. adjuvant consiliis , cari esse debent ; multo magis Imperatores illi , qui non solum consiliis , sed & aliis rebus , scilicet fortitudine & periculis subeundis , ejus salutem & dignitatem tuentur . *Pearsius* .

est, quod de facinore dubitare possimus? Ex consentaneis, & præcurrentibus, & repugnantibus, ut olim Crassus adolescens: Non si Opimium defendisti, Carbo, idcirco te isti bonum civem putabunt: simulasse te, & aliud quid quæsisse perspicuum est, quod Tib. Gracchi mortem sæpe in concionibus deplorasti, quod P. Africani necis socius fuisti, quod eam legem (67) in tribunatu tulisti, quod semper a bonis dissensisti. Ex causis autem rerum sic: Avaritiam si tollere vultis, mater ejus est tollenda, luxuries. Ex iis autem, quæ sunt orta de causis: Si ærarii copiis & ad belli adjumenta, & ad ornamenta pacis utimur, vestigalibus serviamus. Majora autem, & minora, & paria comparabimus, sic: Ex majore: Si bona existimatio divitiis præstat, & pecunia tantopere expetitur, quanto gloria magis est expetenda? Ex minore sic:

(68) *Hic, parvæ consuetudinis*

Causa, mortem hujus tam fere familiariter:

Quid, si ipse amasset? quid mihi huic faciet patri?

Ex pari sic: Est ejusdem (69), & eripere contra rempublicam, & largiri pecunias.

Foris autem assumuntur ea, quæ non sua vi, sed extranea sublevantur, ut hæc (70): Hoc verum

(67) *Quod eam legem*) Pighius ad annum Urbis DCXXXIV. ante hæc verba deesse nonnihil suspicatur, sicque ex varia manusccriptorum codicum lectione locum esse restituendum putat: *Quod P. Africani necis socius fuisti, quod C. Graccho dux & auctor repetendæ per seditiones tribunitiæ potestatis fuisti, quod eam legem &c. Prust.*

(68) *Hic, parvæ consuetudinis*) Terent. Andr. act. 1. sc. 1.

(69) *Est ejusdem*) Conferuntur hic inter se duo crimina; alterum repetundarum, quo quis alterius facultates contra jus invadit; alterum ambitus, quo suas opes aliquis largitur ad populi suffragia sibi demerenda. *Idem.*

(70) *Ut hæc*) Congerit hic tres locos extrinsecos: primum a testimoniis, cujus hoc affert exemplum; Hoc dicit Q. Lutatius,

rum est; dixit enim Q. Lutatius. Hoc falsum est; habita enim quæstio est. Hoc sequi necesse est; recito enim tabulas. De quo genere toto paulo ante dixi. Hæc, ut brevissime (71) dici potuerunt, ita a me dicta sunt.

XLI. Ut enim si aurum cui, quod esset multifariam defossum, commonstrare vellem, satis esse deberet, si signa & notas ostenderem locorum, quibus cognitis ille sibi ipse foderet, & id, quod vellet, parvulo labore, nullo errore inveniret: sic has ego argumentorum novi notas, quæ illa mihi quærenti demonstrant, ubi sint; reliqua cura & cogitatione eruuntur,

Quod autem argumentorum genus cuique causarum generi maxime conveniat, non est artis exquisitæ præscribere, sed est mediocris ingenii judicare. Neque enim nunc id agimus, ut artem aliquam dicendi explicemus, sed ut doctissimis hominibus usus nostri quasi quædam monita tradamus. His igitur locis in mente & cogitatione defixis, & in omni re ad dicendum posita excitatis, nihil erit, quod oratorem effugere possit, non modo in forensibus disceptationibus, sed omnino in ullo genere dicendi. Si vero assequetur, ut talis videatur, qualem se videri velit, & animos eorum ita afficiet, apud quos aget, ut eos, quocumque velit, vel trahere vel rapere possit; nihil profecto præterea ad dicendum requireret.

Jam illud videmus, nequaquam satis esse, reperire quid dicas, nisi id inventum tractare possis.

Tra-

tus, est igitur verum: Alterum a tormentis; Ad exprimendam veritatem tormentis subiectus est ille quem oportuit, nec simile quicquam indicavit, ergo falsum est: Tertium a tabulis; Rem ita esse patet ex tabulis, ergo id in dubium revocare nemini licet. *Idem.*

(71) *Brevissime*) Fusiores videlicet locorum explicationem meditabatur Cicero in libro Topicorum; quapropter ne sæpius eandem incudem tundat, hic tantum perstringit, quod alibi copiosius exponet. *Idem.*

*Qui tra-
hant arte
oratore*

Tractatio autem varia esse debet, ne aut cognoscat artem qui audiat; aut defatigetur similitudinis satietate. Proponi oportet, quid afferas: & id quare ita sit, ostendere: & ex iisdem illis locis interdum concludere: relinquere alias, alioque transire: sæpe non proponere, ac ratione ipsa afferenda, quid proponendum fuerit, declarare: si cui quid simile dicas, prius ut simile confirmes: deinde quod agitur, adjungas: puncta argumentorum plerumque ut oculus, ne quis ea numerare possit, ut re distinguantur, verbis confusa esse videantur.

XLII. Hæc ut & properans, & apud doctos, & semidoctus ipse percurro, ut aliquando ad illa majora veniamus. Nihil est enim in dicendo, Catule, majus, quam ut faveat oratori is, qui audiet, utque ipse sic moveatur, ut impetu quodam animi, & perturbatione magis, quam judicio aut consilio, regatur. Plura enim multo homines (72) judicant odio (73), aut amore, aut cupiditate (74), aut iracundia (75), aut dolore (76), aut læritia (77), aut spe (78), aut timore (79),
aut

(72) *Plura enim multo homines*) Recte Aristoteles lib. II. Rhetoric. observat, cum pro diversis animi motibus diversa sentiant ac faciant homines, aliudque mens tranquilla, aliud agitata suggerat, permagni interesse oratoris varias pro tempore auditorum in animis excitare perturbationes, adeoque ipsi tenendam esse artem movendorum affectuum, quibus concitatus auditor eo, quo voluerit orator impellere, facile feratur. *Idem.*

(73) *Odio*) Quod est abalienatio quædam animi perfecta, qua quis alterum & perditum velit, & perdat, si possit. *Idem.*

(74) *Cupiditate*) Quam Aristoteles lib. I. Rhetor. definit rei jucundæ appetitum. *Idem.*

(75) *Iracundia*) Consule notas in librum superiorem. *Idem.*

(76) *Dolore*) Quem Tullius lib. IV. Tuscul. Quæst. ait esse ægritudinem cruciantem. *Idem.*

(77) *Læritia*) Est, inquit ibidem Cicero, opinio recens boni præsentis, in quo efferri rectum esse videatur. *Idem.*

(78) *Spe*) Vide notas inferiores c. 52. *Idem.*

(79) *Timore*) Timor est ægritudo voluntatis respondens mentis ambiguitati, malum prope imminens, vixque declinabile intuentis. *Idem.*

aut errore , aut aliqua permotione mentis , quam veritate , aut præscripto , aut juris norma aliqua , aut iudicii formula , aut legibus . Quare , nisi quid vobis aliud placet , ad illa pergamus .

Paulum , inquit Catulus , etiam nunc deesse videtur iis rebus , Antoni , quas exposuisti , quod sit tibi ante explicandum , quam illuc proficiscare , quo te dicis intendere . Quidnam , inquit ? Qui ordo tibi placet , inquit Catulus , & quæ dispositio argumentorum , in qua tu mihi semper deus videri soles .

Vide quam sim in isto gene , inquit , Catule , deus . Non mehercule mihi , nisi admonito , venisset in mentem : ut possis existimare , me in ea in quibus nonnunquam aliquid efficere videor , usu solere in dicendo , vel casu potius incurrere . Ac res quidem ista , quam ego , quia non noram , sic tanquam ignotum hominem præteribam , tantum potest in dicendo , ut ad vincendum nulla plus possit . Sed tamen mihi videris ante tempus a me rationem ordinis , & disponendarum rerum requisisse . Nam si ego omnem vim oratoris in argumentis , & in re ipsa per se comprobanda posuissem , tempus esset jam de ordine argumentorum , & de collocatione aliquid dicere . Sed cum tria sint a me (80) proposita , de uno dictum ; cum de duobus reliquis dixero , tum erit denique de disponenda tota oratione quærendum .

XLIII. Valet igitur multum ad vincendum , probari mores (81) , instituta , & facta , & vitæ

tam

(80) *Tria sint a me*) Divisit Antonius inventionem in tres partes ; quarum prima doceat , altera conciliet , tertia moveat oratorem . De prima differuit ; cum alias explicuerit , de oratione disponenda sermonem instituet . *Idem* .

(81) *Probari mores*) Communis est hæc rhetorum omnium sententia , neminem oratorem esse posse , nisi qui probis moribus fuerit . Ut enim persuadeat , qui scopus est eloquentiæ , is esse debet hujus artis studiosus , cui fides habeatur in ea re , quæ certo sciri non potest , cujusmodi sunt causæ omnes , in quibus ver-

ver-

tam eorum, qui agent causas, & eorum, pro quibus: & item improbari adversariorum: animosque eorum, apud quos agitur, conciliari quam maxime ad benevolentiam cum erga oratorem, tum erga illum, pro quo dicit orator. Conciliantur autem animi dignitate hominis (82), rebus gestis, existimatione vitæ: quæ facilius ornari possunt, si modo sunt, quam fingi, si nulla sunt. Sed hæc adjuvant in oratore, lenitas vocis, vultus, pudoris significatio (83), verborum comitas: si quid persequare acrius (84), ut invitus, & coactus facere videare. Facilitatis, liberalitatis, mansuetudinis, pietatis, grati animi, non appetentis, non avidi, signa proferri perutile est: eaque omnia, quæ proborum, demissorum, non acri-

versatur orator. Sic autem sunt homines, ut quem noverint improbum, ei difficillime credant. Adi Aristotelem lib. 1. Rhet. cap. 1. & Quintilianum lib. xii. cap. 1. Idem.

(82) *Dignitate hominis*) Moribus suis captat iudicum benevolentiam Cicero oratione pro P. Sylla c. 1. *Quoniam ex huius incommodis magnam animo molestiam capio, tamen in ceteris malis facile patior oblatum mihi tempus, in quo boni viri lenitatem meam misericordiamque, notam omnibus quondam, nunc quasi intermissam agnoscerent: improbi ac perditii cives edomiti atque vitiis præcipitante reipublica vehementem me fuisse atque fortem; conservata mitem ac misericordem faterentur.* Idem.

(83) *Vultus pudoris significatio*) Ita legendum puto, delecto commate post vocem vultus: ut tam vultus, quam pudoris, sit genitivi casus, & regatur a voce significatio. Hæc loquendi formula sæpius apud Ciceronem occurrit: exemplo sit istud in initio Orat. in Pilonem, *Jamne sentis, quæ sit hominum querela frontis tuæ?* Pearceus.

(84) *Siquid persequare acrius*) Hujus oratorii præcepti egregium nobis exhibet exemplum Cicero Divinatione in Verrem: *Tuli graviter & acerbè, judices, in eum me locum adductum, ut aut eos homines spes falleret, qui opem a me atque auxilium petissent: aut ego, qui me ad defendendos homines ab ineunte adolescentia dedissem, tempore atque officio coactus ad accusandum traducerer...* Adductus sum, judices, officio, fide, misericordia, vultorum bonorum exemplo, veteri consuetudine institutoque majorum, ut onus hoc laboris atque officii non ex meo, sed ex meorum necessariorum tempore mihi suscipiendum putarem. Quo in negotio tamen illa me res, judices, consolatur, quod hæc, quæ videtur esse accusatio mea, non potius accusatio, quam defensio est existimanda. Defendo enim multos mortales, multas civitates, provinciam Siciliam totam. Præst.

acrium, non pertinacium, non litigiosorum, non acerborum sunt; valde benevolentiam conciliant, abalienantque ab iis, in quibus hæc non sunt. Itaque eadem sunt in adversarios ex contrario conferenda.

Sed genus hoc totum orationis in iis causis excelleret, in quibus minus potest inflammari animus iudicis acri & vehementi quadam incitatione. Non enim semper fortis oratio quæritur, sed sæpe placida, summissa, lenis, quæ maxime commendat reos. Reos autem appello non eos modo, qui arguuntur, sed omnes, quorum de re disceptatur: sic enim olim loquebantur. Horum igitur exprimere mores oratione, justos, integros, religiosos, timidos, perferentes injuriarum, mirum quiddam valeret: & hoc vel in principiis, vel in re narranda, vel in peroranda, tantam habet vim, si est suaviter, & cum sensu tractatum, ut sæpe plus, quam causa, valeat. Tantum autem efficitur sensu quodam, ac ratione dicendi, ut quasi mores oratoris (85) effingat oratio. Genere enim quodam sententiarum, & genere verborum, adhibita etiam actione leni, facilitatemque significanti, efficitur, ut probi, ut bene morati, ut boni viri esse videantur.

XLIV. Huic autem est illa dispar adjuncta ratio orationis, quæ alio quodam genere mentes iudicum permovet, impellitque, ut aut oderint, aut diligant, aut invideant, aut salvum velint, aut me-

(85) *Quasi mores oratoris*) Videtur hoc præceptum oratorium ex Aristotele depromptum lib. II. Rhetor. Ut similitudo morum, ita oratio, quæ moribus auditoris accommodata est, ejus conciliat benevolentiam. Operæ pretium est igitur ætatis cujusque indolem oratione exprimere. Quod idem ad poetæ commendationem requirit Horatius in Arte,

*Si plausoris egres aulæ manentis, & usque
Sessuri, donec cantor, Vos plaudite, dicat:
Ætatis cujusque notandi sunt tibi mores,
Mobilibusque decor naturis dandus, & annis. Idem.*

metuant, aut spernant (86), aut cupiant, aut abhorreant, aut latentur, aut mereant, aut misereantur, aut punire velint, aut ad hos motus adducantur, si qui finitimi sunt, & propinqui his ac talibus animi perturbationibus.

Atque illud optandum est oratori, ut aliquam permotionem animorum sua sponte ipsi afferant ad causam judices, ad id, quod utilitas oratoris ferret, accommodatam. Facilius est enim currentem (ut ajunt) incitare, quam commovere languentem. Sin id aut non erit, aut erit obscurius, sicut medico diligenti, priusquam conetur ægro adhibere medicinam, non solum morbus ejus, cui mederi volet, sed etiam consuetudo valentis, & natura corporis cognoscenda est: sic equidem cum aggredior ancipitem causam, & gravem ad animos judicum pertractandos, omni mente in ea cogitatione curaque versor, ut odoror quam sagacissime possim, quid sentiant (87), quid existiment, quid expectent, quid velint, quo deduci oratione facillime posse videantur. Si se dant, & ut ante dixi, sua sponte, quo impellimus, inclinant, atque propendent, accipio quod datur, & ad id, unde aliquis status ostenditur, vela do. Sin est integer, quietusque judex: plus est operis. Sunt enim omnia dicendo excitanda, nihil adjuvante natura. Sed tantam vim habet illa, quæ recte a bono poeta dicta est *flexanima, atque omnium regina verum*, oratio, ut non modo inclinantem erigere, aut stantem inclinare,

(86) *Aut metuant, aut spernant*) M. Bod. Mag. Norf. Pal. quart. quint. & octav. itemque Lambinus, Asc. & editiones Ven. & Mediol. alique exhibent, *sperant*. Recte sane, Lector: vides enim contrarias animi permotiones sibi invicem opponi, amorem odio, invidiam favori; contraria vero permotio *metui* est *spes*. Nec aliter Cicero eas opponit c. 42. hujus libri, *aut dolore, aut letitia, aut spe, aut timore*. *Peacius*.

(87) *Quid sentiant*) Idem tradit Aristoteles II. Rhetor. Præf.

nare, sed etiam aduersantem & repugnantem, ut imperator bonus ac fortis, capere possit.

XLV. Hæc sunt illa, quæ me ludens Crassus modo flagitabat, quæ a me divinitus tractari solere diceret, & in causa M. Aquilii, Cajiue Norbani, nonnullisque aliis, quasi præclare acta, laudaret. Quæ mehercule ego, Crasse, cum a te tractantur in causis, horrere soleo: tanta vis animi (88), tantus impetus, tantus dolor, oculis, vultu, gestu, digito denique (89) isto tuo significari solet: tantum est flumen gravissimorum optimorumque verborum, tam integræ sententiæ, tam veræ, tam novæ, tam sine pigmentis, fucoque puerili, ut mihi non solum tu incendere iudicem, sed ipse ardere videaris. Neque fieri potest (90), ut doleat is qui audit, ut oderit, ut invideat, ut pertimescat aliquid, ut ad fletum, misericordiamque deducatur: nisi omnes ii motus, quos orator adhibere vult iudici, in ipso oratore impressi esse, atque iniusti videbuntur. Quod si fictus aliquis dolor suscipiendus esset, & si in ejusmodi genere orationis nihil esset, nisi falsum, atque imitatione simulatum, major ars aliqua forsitan esset requirenda. Nunc ego quid tibi, Crasse, quid cæteris accidat, nescio: de me autem causa nulla est, cur apud homines prudentissimos, atque amicissimos, mentiar. Non mehercule unquam apud iudices, aut dolorem, aut misericordiam, aut invidiam, aut odium excitare di-

De Orat.

N

cen-

(88) *Tanta vis animi, &c.*) Non tanta dicendi vi Crassus valebat, quod ex libro de Clatis Oratoribus intelligitur: verum ejus eloquentiam hic exaggerat Antonius, quo plus auctoritatis his dialo- gis Cicero conciliet. *Idem.*

(89) *Digito denique*) Cum tres contracti digiti pollice premuntur, tum digitus ille, quo usum optime Crassus Cicero dicit, explicari solet. Is in exprobrando & indicando, unde ei nomen est, valet. Fabius, lib. xi. cap. 2. *Idem.*

(90) *Neque fieri potest*) Recte Horatius in Arte, *Ue videntibus arident, ita flentibus adsunt Humani vultus. Si vis me flere, dolendum est Primum ipsi sibi.* *Idem.*

*Soma' si
vano gli*

cendo volui ; quin ipse in commovendis iudicibus , iis ipsis sensibus , ad quos illos adducere vellem , permoverer . Neque enim facile est perficere , ut irascatur , cui tu velis , iudex , si tu ipse id lente ferre videare : neque ut oderit eum , quem tu velis , nisi teipsum flagrantem odio ante viderit : neque ad misericordiam adducetur ; nisi ei tu signa doloris tui , verbis , sententiis , voce , vultu , collacrimatione denique ostenderis . Ut enim nulla materies tam facilis ad exardescendum est , quæ , nisi admoto igni , ignem concipere possit : sic nulla mens est tam ad comprehendendam vim oratoris parata , quæ possit incendi , nisi inflammatus ipse ad eam , & ardens accesseris .

XLVI. Ac , ne forte hoc magnum ac mirabile esse videatur , hominem toties irasci , toties dolere , toties omni animi motu concitari , præsertim in rebus alienis ; magna vis est earum sententiarum , atque eorum locorum , quos agas tractesque dicendo , ut nihil opus sit simulatione & fallaciis . Ipsa enim natura orationis ejus , quæ suscipitur ad aliorum animos , permovendos , oratorem ipsum magis etiam , quam quenkum eorum , qui audiunt , permovet . Et ne hoc in causis , in judiciis , in amicorum periculis , in concursu hominum , in civitate , in foro accidere miremur , cum agitur non solum ingenii nostri exstimatio , (nam id esset levius : quanquam , cum professus sis , te id posse facere , quod pauci , ne id quidem negligendum est) sed alia sunt majora multo , fides , officium , diligentia , quibus rebus adducti , etiam cum alienissimos defendimus , tamen eos alienos , si ipsi viri boni volumus haberi , existimare non possumus . Sed , ut dixi , ne hoc in nobis mirum esse videatur , quid potest esse tam fictum , quam versus , quam scena , quam fabulæ ? tamen in hoc genere sæpe ipse vidi , cum ex persona mihi ardere oculi hominis .

histrionis viderentur spondalia (1) illa dicentis,
(2) *Segregare abs te ausus, aut sine illo Sa-*
lamina (3) *ingredi?*

Neque paternum aspectum es veritus?

Nunquam illud *aspectum* dicebat, quin mihi Te-
lamon iratus furere luctu filii videretur. Ut idem
inflexa ad miserabilem sonum voce,

Quem aetate exacta indigum

Liberum lacerasti, orbasti, exstinxisti; neque
fratris necis,

Neque gnati ejus parvi, qui tibi in tutelam
est traditus?

flens atque lugens dicere videbatur. Quae si ille
histrion, quotidie cum ageret, tamen recte agere
sine dolore non poterat; quid? Pacuvium putatis
in scribendo leni animo, ac remisso fuisse? Fieri
nullo modo potuit. Saepe enim audiui, poetam
bonum neminem (4) (id quod a Democrito
N 2 & Platon

(1) *Spondalia*) An legendum hic *Sophocles*, ut censet Au-
ratus, quod hi versus ex Sophoclis *Teucro* a Pacuvio e Graeco in
Latinum sermonem conversi? an *spondalia*, ut Turnebus? seu
potius, quemadmodum Salmassius & Vossius putant esse magis
secundum analogiam, *spondaulia*? *Σπονδαῖον* sunt tibicines,
enim tibia est. Atque hic *σπονδαῖον μέλος* versus
inter sacrificandum ad tibiam cani soliti, ne quid male omina-
tum audiretur. *Idem*.

(2) *Segregare*) Sic in *Teucro* tragedia Telamonem inducit
loquentem Pacuvius. Telamon rex Salaminis ad bellum Trojanum
filios miserat Ajacem & Teucrum, ut alter alterum tueretur.
Ut audivit Ajacem, ob negata Achillis arma, sibi manus inqu-
lisse, Teucrum, qui fratris necem ultus non fuerat, reversum
fecit. *Idem*.

(3) *Salamina*) Salamis insula prope Peloponnesum in sinu
Saronico: nunc, teste Sophiano, *Coluri* dicitur. *Idem*.

(4) *Poetam bonum neminem*) Sacro quodam afflatu furoris
scripi poetae dicuntur. Ovidius lib. III. de Arte:

Est deus in nobis, sunt & commercia caeli,
Sedibus aetherei spirans ille venit.
Idem longe ante tradidit Plato lib. III. de Legibus, sed clarius
& fufius in *Jone*: *Omnis*, inquit, *Epici poetae boni, non ex ar-*
te, sed divino afflatu correpi omnia haec praecitata dicunt poe-
tae. Ex *Lyrici* boni similiter, ut *Corybantes* non sana mente
saltem, sic *Lyrici* non sana mente pulchra illa carmina compo-
nunt, &c. *Idem*.

& Platone in scriptis relictum esse dicunt) sine inflammatione animorum existere posse, & sine quodam afflatu quasi furoris.

XLVII. Quare nolite existimare meipsum, qui non heroum veteres casus, fictosque luctus vellem imitari atque adumbrare dicendo; neque actor essem alienæ personæ, sed auctor meæ, cum mihi M. Aquilius in civitate retinendus esset, quæ in illa causa peroranda fecerim, sine magno dolore fecisse. Quem enim ego consulem fuisse, imperatorem ornatum a senatu, ovantem (5) in Capitolium ascendisse meminissem, hunc cum afflictum, debilitatum, incerentem, in summum discrimen adductum viderem, non prius sum conatus misericordiam aliis commovere, quam misericordia sum ipse captus. Sensi equidem tum magnopere moveri iudices, cum excitavi moestum ac sordidatum senem, & cum ista feci, quæ tu, Crasse, laudas, non arte, de qua quid loquar nescio, sed motu magno animi ac dolore, ut discinderem tunicam, ut cicatrices ostenderem: cum C. Marius moerorem orationis meæ præsens ac sedens multum lacrimis suis adjuvaret: cumque ego illum crebro appellans, collegam (6) ei suum commendarem, atque ipsum advocatum ad communem impera-

(5) *Ovantem*) Ovantes scribit Festus latantes esse ab eo clamore, quem victores milites geminata littera o emittunt. Rectius, ut mihi quidem videtur, Plutarchus ovationis nomen ab ove deducit; quod qui hoc minore triumpho decorarentur, ovem immolerent: cum taurum sacrificarent, quibus triumphus maior decernebatur. Porro quibus ovandi jus erat, primis reipub. Romanæ temporibus sine exercitu & legionibus pedites Urbem ingrediebantur, ut ex Dionysio Halicarnasseo & Plutarcho patet: subinde consuetudo invaluit, ut purpura vestiti, & sceptrum manu tenentes equo, veherentur, concinentibus tibiis, & turmis equitum præcedentibus. Triumphantes autem pila vel aurata veste, tubis clangentibus, senatu sub prætextis currum comitante, turmis equitum subsequenibus, curru quadriiugo ferebantur. *Idem*.

(6) *Collegam*) C. Marius quintum consul collegam habuit M. Aquilius anno U. C. DCCLXXXIII. ante Christum c. l. De M. Aquilii causa dictum superius c. 28. *Idem*.

peratorum fortunam defendendam invocarem. Non fuit hæc sine meis lacrimis, non sine dolore magno miseratio, omniumque deorum, & hominum, & civium, & sociorum imploratio. Quibus omnibus verbis, quæ a me tum sunt habita, si dolor abfuisset meus, non modo non miserabilis, sed etiam irridenda fuisset oratio mea.

Quamobrem hoc vos doceo, Sulpici, bonus ego videlicet atque eruditus magister, ut in dicendo irasci, ut dolere, ut flere possitis: quamquam te quidem quid hoc doceam, qui in accusando sodali, & quæstore meo, tantum incendium non ratione solum, sed multo etiam magis vi, & dolore, & ardore animi concitaras, ut ego ad id restringendum vix conarer accedere? Habueras enim tum omnia in causa (7) superiora: vim, fugam, lapidationem, crudelitatem tribuniciam, in Cæpionis gravi miserabilique casu, in iudicium vocabas: deinde principem & senatus, & civitatis, M. Æmilium lapide percussum esse constabat: vi pulsum ex templo L. Cottam (8), & T. Didium, cum intercedere vellent rogationi, nemo poterat negare.

XLVIII. Accedebat, ut hæc tu adolescens pro republica queri summa cum dignitate existimare: ego homo censorius (9) vix satis honeste viderer seditiosum civem, & in hominis consularis calamitate crudelem, posse defendere. Erant optimi cives iudices, bonorum virorum plenum forum, vix ut mihi tenuis quædam venia daretur excusationis, quod tamen eum defenderem, qui mihi

N 3 quæ-

(7) *In causa*) Norbani videlicet, de quo supra diximus cap. 21. *Idem*.

(8) *L. Cottam*) L. Aurelius Cotta & T. Didius fuere tribuni plebis anno U. C. Dclxx. ante Christum xcv. *Idem*.

(9) *Censorius*) Quatuor ante quam hanc Norbani causam tueretur annis, M. Antonius cum collega L. Flacco censura fungebatur, nimirum anno U. C. Dclvii. ante Christum xci. ut liquet ex Capitolinis fragmentis apud Pighium. *Idem*.

quaestor fuisset. Hic ego quid dicam me artem aliquam adhibuisse? quid fecerim, narrabo. Si placuerit, vos meam defensionem in aliquo artis loco reponetis.

Omniū seditionum (10) genera, vitia, pericula collegi, eamque orationem ex omni reipublicæ nostræ temporum varietate repetivi; conclusi- que ita, ut dicerem, etsi omnes molestæ semper seditiones fuissent, iustas tamen fuisse nonnullas & prope necessarias. Tum illa, quæ modo Crassus commemorabat, egi: neque reges ex hac civitate exigī, neque tribunos plebis creari, neque plebiscitis toties consularem potestatem minui, neque provocationem, patronam illam civitatis, ac vindicem libertatis, populo Romano dari sine nobilium dissensione potuisse; ac, si illæ seditiones salutī huic civitati fuissent, non continuo, si quis motus populi factus esset, id C. Norbano in nefario crimine; atque in fraude capitali esse ponendum. Quod si unquam populo Romano concessum esset, ut jure concitatus videretur: id quod docebam, sæpe esse concessum, nullam illa causam iustiorē fuisse. Tum omnem rationem traduxi, & converti in increpandam Cæpionis fugam; in deplorandum interitum exercitus. Sic & eorum dolorem, qui lugebant suos, oratione reficabam, & animos equitum Romanorum, apud quos tum iudices causa agebatur, ad Q. Cæpionis odium, a quo erant ipsi propter iudicia abalienati, renovabam, atque revocabam.

XLIX. Quod ubi sensi me in possessione iudicii, ac defensionis meæ constituisse, quod & populi benevolentiam mihi conciliaram, cuius jus etiam cum seditionis conjunctione defenderam, & iudicum animos totos vel calamitate civitatis, vel lu-

(10) *Omniū seditionum*) De quibus fuit Livius Decade prima. *Idem*.

luctu, ac desiderio propinquorum, vel odio proprio in Cæpionem ad causam nostram converteram: tunc admiscere huic generi orationis vehementi atque atroci genus illud alterum, de quo ante disputavi, lenitatis & mansuetudinis cœpi; me pro meo sodali, qui mihi in liberum loco (11) more majorum esse deberet; & pro mea omni fama prope, fortunisque decernere: nihil mihi ad existimationem turpius, nihil ad dolorem acerbius accidere posse, quam si is, qui sæpe alienissimis a me, sed meis tamen civibus, salutis existimarer fuisse, sodali meo auxilium ferre non potuissem.

Petebam a iudicibus, ut illud ætati meæ, ut honoribus, ut rebus gestis, si iusto, si pio dolore me esse affectum viderent, concederent: presertim si in aliis causis intellexissent, omnia me semper pro amicorum periculis, nihil unquam pro meipso deprecatum. Sic in illa omni defensione atque causa, quod esse in arte positum videbatur, ut de lege Apuleja (12) dicerem, ut, quid esset minuire majestatem, explicarem, perquam breviter perstrinxi, atque attingi. His duabus partibus orationis, quarum altera concitationem habet, altera commendationem, quæ minime præceptis artium sunt perpolitæ, omnis est a me illa causa tractata, ut & acerrimus in Cæpionis invidia renovanda, & in meis moribus erga meos necessarios declarandis mansuetissimus viderer. Ita, magis affectis animis iudicum, quam doctis, tua, Sulpici, est a nobis tum accusatio victa.

N 4

L. Hic

(11) *In liberum loco*) Quam arcta sit prætoris & quæstoris necessitudo, ostendit Tullius Divinatione in Q. Cæcilium. Sic a majoribus nostris accepimus, prætorem quæstori suo parentis loco esse oportere: nullam neque iustiorē, neque graviorē causam necessitudinis posse reperiri, quam conjunctionem sortis, quam provinciæ, quam officii, quam publicam muneris societatem. Idem.

(12) *De lege Apuleja*) Vide notas superiores cap. 25. Idem.

L. Hic Sulpicius, Vere hercule, inquit, Antoni, ista commemoras. Nam ego nihil unquam vidi, quod tam e manibus elaberetur, quam mihi tum est elapsa illa causa. Cum enim (quemadmodum dixisti) tibi ego non iudiciũ, sed incendium tradidissem; quod tuum principium, dii immortales fuit? qui timor? quæ dubitatio? quanta hæsitatio, tractusque verborum? Ut illud initio, quod tibi unum ad ignoscendum homines dabant, tenuisti, Te pro homine perneccessario, quæstore tuo, dicere. . . quam tibi primum munisti ad te audiendum viam. Ecce autem, cum te nihil aliud profecisse arbitrarer, nisi ut homines tibi, civem improbum defendenti ignoscendum propter necessitudinem arbitrarentur; serpere occulte cœpisti, nihildum aliis suspicantibus, me verò jam pertimescente, ut illam non Norbani seditionem, sed populi Romani iracundiam, neque eam injustam, sed meritam ac debitam fuisse defenderes. Deinde qui locus abs te prætermisus est in Cæpionem? Ut tu illa omnia odio, invidia, misericordia miscuisti? Neque hæc solam in defensione, sed etiam in Scauro (13), cæterisque meis testibus, quorum testimonia non refellendo, sed ad eundem impetum populi confugiendo, refutasti. Quæ cum abs te (14) modo commemorarentur, equidem nulla præcepta desiderabam. Istam enim ipsam demonstrationem defensionum tuarum abs te ipso commemoratam, doctrinam esse non mediocrem puto.

Atqui, si ita placer, inquit Antonius, trademus etiam, quæ nos sequi in dicendo, quæque ma-

(13) Scauro) Cæteris omissis Scaurum hic appellat, quippe cuius auctoritas major esset. *Idem.*

(14) Quæ cum abs te) Cum explicuisti nobis rationem quam adhibuisti in defensione Norbani, visus sum mihi carere posse præceptis omnibus artis oratoriae, & hoc uno exemplo contentus esse, quod imitarer. *Idem.*

maxime spectare solemus. Docuit enim jam nos longa vita ususque rerum maximarum, ut quibus rebus animi hominum moverentur, teneremus.

II. Equidem primum considerare soleo, postuletne causa. Nam neque parvis in rebus adhibendæ sunt hæ dicendi faces, neque ita animatis hominibus, ut nihil ad eorum mentes oratione flectendas proficere possimus: ne aut irrisione, aut odio digni putemur, si aut tragœdias (15) agamus in nugis, aut convellere adoriamur ea, quæ non possint commoveri. Nunc quoniam hæc fere maxime sunt in judicium animis, aut, quicumque illi erant, apud quos agemus, oratione molienda, amor, odium, iracundia, invidia, misericordia, spes, lætitia, timor, molestia; sentimus amorem conciliari (16), si id velle videre, quod sit utile ipsis (17), apud quos agas, defendere: si aut pro bonis (18) viris, aut certe pro iis, qui illis boni atque utiles sint, laborare. Namque hæc

(15) *Tragœdias*) Tragœdias in nugis agere per proverbium dicitur ille, qui, ut ait Terentius, magno conatu magnas nugas dicit, vel in re levi tumultum excitat. *Idem.*

(16) *Amorem conciliari*) Amoris sunt causæ, conjunctio, similitudo, & bonitas. Quapropter primo quidem amantur patria, parentes, liberi, consanguinei, affines, & foederati; deinde pares, qui sunt ejusdem ætatis, indolis & artis, nisi forte sibi incommodent, tum enim figulus figulo invidet: denique qui nos afficiunt beneficiis, & aliqua virtute excellunt. Consule Aristotelem lib. II. Rhetor. *Idem.*

(17) *Quod sit utile ipsis*) Sic Tullius lib. I. in Verrem: Itaque mihi videor magnam, & maxime agram, & prope depositam reip. partem suscepisse: neque in eo magis mee, quam vestre laudi existimationique servisse. Accessi enim ad invidiam judiciorum levandam, vituperationemque tollendam: ut cum hæc res pro voluntate pop. Rom. esset judicata, aliqua ex parte mea diligentia constituta auctoritas judiciorum videretur. *Idem.*

(18) *Pro bonis*) Hinc Fontejo conciliat amorem Cicero: Frugi igitur hominem, judices, frugi, inquam, & in omnibus vite partibus moderatum ac temperantem, plenum pudoris, plenum officii, plenum religionis videtis positum in vestra fide ac potestate: atque ita ut commissus sit fidei, permissus potestati. Videte igitur, utrum sit æquus, hominem honestissimum, virum fortissimum, civem optimum dedi inimicissimis atque immanissimis nationibus, an reddi amicis. *Idem.*

hæc res amorem magis conciliat, illa virtutis defensio caritatem: plusque proficit, si proponitur spes utilitatis futuræ, quam præteriti beneficii commemoratio. Enitendum est, ut ostendas, in ea re quam defendas, aut dignitatem inesse, aut utilitatem; eumque, cui concilies hunc amorem, significes nihil ad utilitatem suam (19) retulisse, ac nihil omnino fecisse causa sua. Invidetur (20) enim commodis hominum ipsorum; studiis autem eorum cæteris commodandi favetur. Videndumque hoc loco est, ne, quos ob benefacta diligere volumus, eorum laudem atque gloriam, cui maxime invideri solet, nimis efferre videamur. Atque iisdem his ex locis & odium (21) in alios struere discemus, & a nobis, ac nostris, dimovere. Eademque hæc genera tractanda sunt in iracundia (22) vel excitanda, vel sedanda. Nam si, quod
 ipsis,

(19) *Nihil ad utilitatem suam*) Quod præstat Tullius oratione pro Milone. *Me quidem, iudices, exanimant & interimunt hæc voces Milonis, quas audio assidue, & quibus intersum quotidie. Valeant, inquit, valeant cives mei: sint incolumes, sint florentes, sint beati: sit hæc urbs præclara, mihiq; patria carissima, quoquo modo merita de me erit: tranquilla rep. civis mei (quoniam mihi cum illis non licet) sine me ipsi, sed per me tamen perfruantur. Ego cedam, atque abibo. Idem.*

(20) *Invidetur*) Invidetur homini qui faciat aliquid utilitatis suæ causa; graviter enim ferimus gloriam aliorum & commoda: sed eidem favetur, si aliis commodare & servire studeat, quia utilitate nostra ducimur. *Idem.*

(21) *Odium*) Est abalienatio quædam animi perfecta, qua quis alterum perditum velit. Congestis & exaggeratis Clodii criminibus, in eum Cicero movet odium in Miloniana: *Occidi, occidi non Sp. Melium... non Tib. Gracchum... sed eam (auderet enim dicere, cum patriam periculo suo liberasset) cujus nefarium adulterium in pulvinaribus sanctissimis nobilissima femine comprehendere: eum, cujus supplicio senatus solemnes religiones expiandas sepe censuit: eum, quem cum sorore germana nefarium stuprum fecisse L. Lucullus juratus se, questionibus habitis, dixit comperisse: eum, qui civem, quem senatus, quem populus, quem omnes gentes, urbis, ac vite civium conservatorem judicabant, servorum armis exterminavit: eum, qui regna dedit, ademisse, orbem terrarum quibuscum voluit, parvis est: eum, qui &c. Idem.*

(22) *Iracundia*) De cujus natura diximus lib. 1. de Oratore c. 51. *Idem.*

ipsis, qui audiunt, perniciosum, aut inutile sit, id factum augeas, odium creatur: sin, quod aut in bonos viros (23), aut in eos, in quos quisque minime debuerit, aut in rempublicam, tum excitatur, si non tam acerbum odium, tamen aut invidiæ, aut odii non dissimilis offensio. Item timor (24) incutitur aut ex ipsorum periculis (25), aut ex communibus. Interior est ille proprius: sed hic quoque communis ad eandem similitudinem est perducendus.

III. Par, atque una ratio est spei (26), lætitiæ:

(23) *Sin, quod aut in bonos viros &c.*) Vitiosa certe est sententia, quam Lambinus sic corrigit: *Sin, quod aut bonis viris, aut iis quos quisque minime ledere debuerit, aut reipublica &c.* Sed alia, opinor, aggrediendum est via: istud factum, quod in prioris parte sententiæ, plane otiosum est, ex illo loco suspicor huc afferri debere. Lego igitur, *Nam si quod ipsis, qui audiunt, perniciosum aut inutile sit, id augeas, odium creatur: sin, quod aut in bonos viros factum, aut in eos &c.* Certe si vox factum in posteriori sententiæ parte in textum recipi non debet, subintelligi debet: ut factum in bonos viros idem sit ac contra bonos viros. Sic Noster de Amic. c. 12. *Quid in P. Scipionem effecerint, sine lacrimis non quo dicere.* Sic & Terent. Heaut. Act. 1. Sc. 1. *Ego, quod me in te sis facere dignum, invenero: & ibidem Sc. 2. Vereor, ne quid in illum iratus plus satis faxit pater.* Pearcius.

(24) *Timor*) Definitor ab Aristotele lib. II. Rhetor. *Timor est dolor ac perturbatio ex opinione impendentis mali, quod vel perniciem, vel molestiam offerre possit.* Præst.

(25) *Aut ex ipsorum periculis*) Cicero senatum propositis periculis metu deterret, ne legatos mittat ad Antonium Philippicæ xli. *Quod si est erratum P. C. spe falsa atque fallaci, redemus in viam. Optimus est portus panisenti mutatio consilii. Quid enim, per deos immortales, potest reip. prodesse nostra legatio? prodesse dico? quid si etiam obsutura est? obsutura? quid, si iam nocuit? an vos acerrimam illam & fortissimam pop. Rom. libertatis recuperandæ cupiditatem non imminutam ac debilitatam putatis legatione pacis audita? quid municipia censeis? quid colonias? quid cunctam Italiam? futuram eodem studio, quo contra commune incendium exarseras? An non putamus fore, ut eos panisenti professor esse, & præ se tulisse odium in Antonium, qui pecunias polliciti sunt, qui arma, qui se soros & animis & corporibus in salutem reip. contulerunt? Idem.*

(26) *Spei*) Cum metui spes opponatur, recte definiri potest, gaudium ex opinione impendentis boni, quod vel conservare, vel afferre voluptatem possit. Vossius. Spes excitatur proposita boni honestate & magnitudine, facilibusque & paratis ad illud assequendum prædiis; frangitur autem rei difficultate, ac malorum im-

titiae (27), molestiae (28): Sed haec sciam, an acerrimus longe sit omnium motus invidiae (29): nec

imminentium imagine. P. Scipio apud Livium lib. xxi. exposita victoriæ facilitate, suis spem movet, & ad prælium contra Carthaginienses inendum animos facit. *Erit in hoc certamine is vobis illisque animus, qui victoribus, & victis esse solet. Nec nunc illi, quia audent, sed quia necesse est, pugnaturi sunt. Nisi creditis, qui exercitu incolumi pugnam decretavere, eos, duabus partibus peditem equitumque in transitu Alpium amissis, qui penes plures perierint quam supersint, plus spei natos esse. At enim pauci quidem sunt, sed ingentes animis corporibusque, quorum robor ac vires vix sustinere vis ulla possit. Effigies, imo umbra hominum, fame, frigore, illuvie, squalore enecti, contusi ac debilitati inter saxa rupesque: ad hæc perusti artus, nive rigentes nervi, membra torrida gelu, quassata confractaque arma, claudi ac debiles equi. Cum hoc equite, cum hoc pedite pugnaturi estis: reliquias extremas hostium, non hostes habebitis.* Idem.

(27) *Letitiæ*) A Cicerone definitur iv. Tuscul. Quæst. Opinio recens boni præsentis, in quo effertur rectum esse videatur. Commovetur vel inperato bono, vel lata fortunæ commutatione. Sic Tullius ipso Catilinariæ secundæ exordio triumphat gaudio. Tandem aliquando, Quirites, L. Catilinam furem audacia, scelus anhelantem, pestem patriæ nefarie molientem, vobis atque huic urbi ferrum flammamque minitantem ex urbe vel eiecimus, vel emisimus; vel ipsum egredientem verbis persecuti sumus. Abiit, excessit, evasit, erupit. Nulla jam perniciæ a monstro illo atque prodigio manibus ipsis intra mania comparabitur. Idem.

(28) *Molestia*) Molestia, sive dolor acerbus, est mali præsentis sensus. Judicium in animis dolorem sic excitat Cicero pro Sextio: *Atque hic & tot civium squalor, hic luctus; hæc sordes susceptæ sunt propter unum me, quia me defenderunt, quia meum casum, luctumque doluerunt, quia me lugenti patriæ, flagrantis senatus, poscenti Italiæ, vobis omnibus orantibus reddiderunt. Quod tantum est in me scelus? quid tantopere deliqui illo die, cum ad vos indicia, literas, confessiones communis exitii deruli? cum parus vobis? At, si scelestum est amare patriam, peruli pernarum satis: eversa domus est, fortuna vexata, dissipati liberi, raptata conjux, frater optimus incredibili pietate, amore inauditio, maximo in squalore volutatus est ad pedes inimicissimorum: ego pulsus aris, focus, diis penatibus, distractus a meis, carui patriæ; quam (ut levissime dicam) certe texeram: peruli crudelitatem inimicorum, scelus infidelium, fraudem invidorum.* Idem.

(29) *Motus invidiæ*) Invidiam Aristoteles lib. II. Rhetor. cap. 10. sic definit. *Invidia est dolor quidam ob prosperitatem, quæ apparet in bonis, de quibus dictum est, erga similes; idque non ut benefis invidenti, sed propter illos, quibus invidetur.* Cicero lib. iv. Tusculan. Quæst. *Invidentiam, inquit, esse dicunt agritudinem susceptam propter alterius res secundas, quæ nihil nocent invidenti.* Invidiæ causa princeps est cupiditas excellendi, qua

nec minus virium opus sit in ea comprimenda, quam in excitanda. Invident autem homines maxime paribus, aut inferioribus, cum se relictos sentiunt, illos autem dolent evolasse. Sed etiam superioribus invidetur sæpe vehementer, & eo magis, si intolerantius se jactant, & æquabilitatem communis juris, præstantia dignitatis, aut fortunæ suæ transeunt: quæ si inflammanda sunt, maxime dicendum est, non esse virtute parta (30); deinde etiam vitiis, atque peccatis. Tum si erunt honestiora atque graviora, tamen non esse tanti ulla merita, quanta insolentia hominis (31), quantumque fastidium. Ad sedandum autem, magno illa labore (32), magnis periculis esse par-

ta,

qua quis tantum sibi detrahi putat, quantum alteri adjicitur.

Idem.

(30) Non esse virtute parta) Cicero pro Roscio Amerino Chrysogonum in invidiam vocat ob divitias male partas. Si hac indigna suspitione careat, animo equo se carere suis omnibus commodis dicit. Rogat oratque te, Chrysogone, si nihil de patris fortunis amplissimis in suam rem convertit: si nulla in re te fraudavit: si tibi optima fide sua omnia concessit, adnumeravit, appendit: si vestitum, quo ipse tectus erat, annulumque digito suum tibi tradidit: si ex omnibus rebus seipsum nudum, neque præterea quidquam excepit: ut tibi per te liceat innocenti amicorum opibus vitam in egestate degere. Prædia mea tu possides, ego aliena misericordia vivo: concedo, & quod animus æquus est, & quia necesse est. Mea domus tibi patet, mihi clausa est: sero. Familia mea maxima useris, ego servum habeo nullum: patior, & ferendum puto. Quid vis amplius? Idem.

(31) Insolentia hominis) Hinc facit invidiam M. Posthumio tribuno militum L. Decius tribunus plebis apud Livium lib. IV. Audis, Quirites, sicut servis, malum minantem militibus: tamen hæc bellua dignior vobis tanto honore videbitur, quam quæ vos urbe agrisque donatos in colonias mittunt; qui sedem senatui vestræ prospiciunt: qui pro vestris commodis adversus tam crudeliter superbosque adversarios depugnant. Incipite deinde mirari cur pauci jam vestram suscipiant causam. Idem.

(32) Magno illa labore) Sic apud Livium lib. VI. invidiam sedat M. Manilius Capitolinus Cornelio Cosso dictatori respondens. Offendit te, A. Corneli, vosque P. C. circumfusa turbaliteri meo. Quin eam deducitis a me singulis vestris beneficiis? intercedendo, eximendo de nervo cives vestros, prohibendo judicatos additosque duci, ex eo quod affluit opibus vestris, sustinendo necessitates aliorum? Sed quid ego vos de vestro impendatis hortor?

for-

ta, nec ad suum commodum (33), sed ad aliorum esse collata; seseque, si quam gloriam peperisse videatur, tametsi ea non sit iniqua merces periculi, tamen ea non delectari, totamque abjicere, atque deponere: omninoque perficiendum est, (quoniam plerique sunt invidi, maximeque est hoc commune vitium & perpetuum: invidetur autem præstanti florentique fortunæ) ut hæc opinio minuatur, & illa excellens opinione fortuna cum laboribus (34) & miseriis permixta esse videatur.

Jam misericordia movetur, si is, qui audit, adduci potest, ut illa, quæ de altero deplorentur, ad suas res revocet, quas aut tulerit acerbæ, aut timeat: aut intuens alium, crebro ad seipsum

rever-

forsem aliquam ferre, de capite deducite quod usuris pernumeratum est; jam nihilo meæ turba quam ullius conspectior eris. At enim quid ita solus ego civium curam ago? Nihil magis quod respondeam habeo, quam si quæras quid ita solus Capitolium arcemque servaverim. Et tum universis quàm potui opera tuli, & nunc singulis feram. Idem.

(33) Nec ad suum commodum. Ex hoc capite motam in se invidiam comprimit Tullius oratione pro Sylla: Ego tantis a me beneficiis in rep. positis, si nullum aliud mihi præmium a senatu populoque Romano, nisi honestum orium postulare, quis non concederet? sibi haberent honores, sibi imperia, sibi provincias, sibi triumphos; sibi alia præclara laudis insignia: mihi liceret ejus urbis, quam servavisssem, consuetu, tranquillo animo & quieto frui. Quid si hoc non postulo? si ille labor meus pristinus, si sollicitudo, si officia, si opera, si vigiliæ deserviunt amicis, præsto sunt omnibus? si neque amici in foro requirunt studium meum, neque respub. in curia? si me non modo rerum gestarum vacatio, sed neque honoris, neque ætatis excusatio vendicas a labore? si voluntas mea, si industria, si domus, si animus, si aures parent omnibus? si mihi ne ad ea quidem, quæ pro salute omnium gesti, recordanda & cogitanda quidquam relinquitur temporis? tamen hoc regnum appellabitur? cujus vicarius qui velis esse, inveniri nemo potest. Idem.

(34) Cum laboribus. Eadem pro Sylla Oratione paulo post sic idem Tullius. Quid si illis meis prædiis forto invider, & si tibi ea regia videntur, quod omnes boni omnium generum atque ordinum suam salutem cum mea conjungunt; consolare te, quod omnium mentes improborum mihi uni maxime sunt insensæ & adverse, qui me non solum idcirco oderunt, quod eorum conatus impios & furorem consceleratum repressi: sed etiam magis, quod nihil jam se simile me vivo congrui posse arbitrantur. Idem.

revertatur. Ita cum singuli casus humanarum miseriarum graviter accipiuntur, si dicuntur dolentes, tum afflicta & prostrata virtus maxime luctuosa est: &, ut illa altera pars orationis, quæ probitatis commendatione boni viri debet speciem tueri, lenis (ut sæpe jam dixi) atque summissa; sic hæc, quæ suscipitur ab oratore ad commutandos animos atque omni ratione flectendos, intenta, ac vehemens esse debet.

LIII. Sed est quædam in his duobus generibus, quorum alterum lenè, alterum vehemens esse volumus, difficilis ad distinguendum similitudo. Nam ex illa lenitate, qua conciliamur iis, qui audiunt, ad hanc vim acerrimam, qua eosdem excitamus, influat oportet aliquid; & ex hac vi nonnunquam animi aliquid * infundendum est illi lenitati: neque est ulla temperatior oratio, quam illa, in qua asperitas contentionis, oratoris ipsius humanitate conditur; remissio autem lenitatis quadam gravitate & contentione firmatur.

In utroque autem genere dicendi, & illo, in quo vis atque contentio quæritur, & hoc, quod ad vitam & mores accommodatur, & principia tarda sunt, & exitus tamen spissi & producti esse debent. Nam neque affiliendum statim est ad illud genus orationis, (abest enim totum a causa; & homines prius ipsum illud, quod proprium sui iudicii est, audire desiderant) nec cum in eam rationem ingressus sis, celeriter discedendum est. Non enim, sicut argumentum, simul atque positum est, arripitur, alterumque, & tertium poscitur: ita misericordiam, aut invidiam, aut iracundiam, simul atque intuleris, possis commovere. Argumentum enim ratio ipsa confirmat, quæ simul atque emissa est, adhærescit. Illud autem genus

* *Infundendum*) Viñt. Man. *inbuendum*: Græc. *inflamman-*
dum.

mus orationis non cognitionem iudicis, sed magis perturbationem requirit, quam consequi, nisi multa, & varia, & copiosa oratione, & simili contentione actionis, nemo potest. Quare qui aut breviter, aut summis dicunt, docere iudicem possunt, commovere non possunt, in quo sunt omnia.

Jam illud perspicuum est, omnium rerum in contrarias partes facultatem ex iisdem suppeditari locis. Sed argumento resistendum (35) est, aut iis, quæ comprobandi (36) ejus causa sumuntur, reprehendendis, aut demonstrando, id, quod concludere illi velint, non effici ex propositis, nec esse consequens (37); aut, si ita non refellas, afferendum est in contrariam partem (38), quod sit aut gravius, aut æque grave. Illa autem, quæ aut conciliationis causa leniter, aut permotionis vehementer aguntur, contrariis commotionibus inferen-

(35) *Argumento resistendum*) Refutationis regulas breviter sic colligit Julius Severianus. *Proposito eo quod adversarius dixerit, respondebimus duobus modis, aut esse id, aut non ideo nos vinci debere.* Prima ratione utitur Cicero pro Roscio Amerino, cum eum penitus negat parricidii reum; altera utitur pro Milone, a quo non negat occisum Clodium, sed jure occisum contendit, quod non alio modo vim repellere posset Milo. Prust.

(36) *Iis, quæ comprobandi*) Ita sub initium Milonianæ: *Negant insuavi lucem esse fas ei, qui a se hominem occisum esse fateatur. In qua tandem urbe hoc homines stultissimi disputant? nempe in ea, quæ primum judicium de capite vidit M. Horatii forsissimi viri, qui nondum libera civitate pop. Rom. comitiis liberatus est, cum sua manu sororem interfecit, esse faceret, &c. Idem.*

(37) *Nec esse consequens*) Quod in urbem non veniret Roscius filius, inde eum invisum fuisse patri Erucio colligebat. Hoc minime cohære Cicero ostendit oratione pro Roscio Amerino. Idem.

(38) *In contrariam partem*) Cum facinus negari potest, idem in adversarium, si licet, retorquendum est. Tullius Tiberonem Ligarii accusatorem, quod etiam arma contra Cæsarem tulisset, exagitat. *Quid enim tuus ille, Tubero, distrius in acie Pharsalica gladius agebat? cuius latus mucro ille penebat? quis sensus erat armorum tuorum? quæ tua mens? oculi? manus? ardor animi? quid cupiebas? quid optabas?* Idem.

ferenda sunt (39), ut odio benevolentia, ut misericordia invidia tollatur.

LIV. Suavis autem est, & vehementer sæpe utilis jocus, & facetiæ: quæ, etiam si alia omnia tradi arte possunt, naturæ sunt propria certe, neque ullam artem desiderant: in quibus tu longè aliis, mea sententia, Cæsar, excellis: quo magis mihi etiam testis esse potes; aut nullam esse artem salis (40), aut, si qua est, eam nos tu potissimum docebis.

Ego vero, inquit Cæsar, omni de re facetius puto posse ab homine non inurbano, quam de ipsis facetiis, disputari. Itaque cum quosdam Græcos

De Orat.

O

cos

(39) *Contrariis commotionibus inferenda sunt*) Verbum inferre semper apud Ciceronem opponitur illi verbo, quod magis huic loco convenit, *distuere*, five *propulsare*. Invito igitur, ut opinor, sensu hæc lectio retinetur. Volt enim Cicero significare affectus omnes contrariis affectibus tollendos, amovendos, frangendos, imminuendos esse. Placet igitur conjectura Johannis Walker, qui censet Ciceronem sic scripsisse, *contrariis commotionibus infirmata sunt*. Nempe verbum tollatur satis non docet, quid velit Cicero. Sic etiam in Oratore: *Cumque animos in prima aggressionem occupaveris*, infirmabit, *excludetque contraria*. Sed & has duas voces sæpe Cicero conjungit. L. b. 2. de Nat. Deor. *Quæ vos, Academici*, infirmatis & tollitis. Lib. 4. Acad. Quæst. *Hoc cum infirmat tollitque Philo*. Livius, lib. xxxiv. in Catonis oratione: *Ut unam tollendo legem, ceteras infirmetis*. Sed digna interim notatu est lectio, quam servant Mss Joan. Nov. Mead. Harl. duo & Bal. *contrariis commotionibus efferenda sunt*. Si vox *efferenda* significat *vincenda*, *superanda*, &c. omnino retineri debet. Videtur autem hoc significare in Tusc. Disp. l. 4. c. 29.

Quod non natura humana patiendi efferat. Calepinus in Lex. dicit *efferre* significare, *vincere*, *superare*, *quasi extra ferre*: & ad eam significationem istius vocis probandam hunc locum sic citat; *contrariis commotionibus efferenda sunt*. Unde constat in veteribus libris, quibus usus est Calepinus, *efferenda*, extitisse. Carolus etiam Steph. invenit *efferenda* in suis veteribus libris. *Pearcius*.

(40) *Nullam esse artem salis*) Quorsum igitur, inquiet aliquis, hic de jocandi ratione præcepta traduntur? Nodum hunc solvit Quintil. lib. vi. cap. 3. *Hoc quidquid est, ut non ausim dicere carere omnino arte; quia nonnullam observationem habet, suntque ad id pertinentia & a Græcis & a Latinis composita præcepta: ita plane affirmo præcipue positum esse in natura & occasione*. Præst.

cos inscriptos libros esse vidissem de ridiculis (41), nonnullam in spem veneram, posse me aliquid ex istis discere. Inveni autem ridicula, & falsa multa Græcorum: nam & Siculi (42) in eo genere, & Rhodii, & Byzantii (43), & præter cæteros, Attici (44) excellunt: sed qui ejus rei rationem quandam conati sunt, artemque tradere, sic insulsi extiterunt, ut nihil aliud eorum, nisi ipsa insulsi-ritas, rideatur. Quare mihi quidem nullo videtur modo doctrina ista res posse tradi. Etenim cum duo genera sint facetiarum, alterum æquabiliter in omni sermone fufum, alterum peracutum & breve: illa a veteribus superior, *cavillatio*, hæc altera, *dicacitas* nominata est. Leve nomen habet utraque res: quippe leve enim est totum hoc, rifum movere.

Verumtamen (ut dicis, Antoni) multum in caufis perfæpe lepore, & facetiis profici vidi. Sed cum in illo genere perpetuæ festivitatis ars non defideretur, (natura enim fingit homines, & creât imitatores & narratores facetos, & vultu adjuvante, & voce, & ipfo genere sermonis) tum vero in hoc altero dicacitatis, quid habet ars loci, cum ante illud facere dictum emiffum hæere debeat, quam cogitari potuiffe videatur? Quid enim hic meus frater ab arte adjuvari potuit, cum
a Phi-

(41) *De ridiculis*) Tradit Laetius Theophrastum scripiffe librum περὶ γελοῖα, *de ridiculo*. Idem.

(42) *Siculi*) Incolæ Siciliæ, quæ in mari mediterraneo infula ab extrema verfus orientem Italiæ parte peranguffo freto fejungitur. Dicta præterea eft Sicania, & Trinacria, aut Triquetra, a figura, auctore Plinio. Nunc appellatur *la Sicile*. De Rhodiis dictum alibi. Idem.

(43) *Byzantii*) Byzantium nobiliffima Thraciæ civitas ad Bofphorum Thracium fita, cui totius orbis fpoliis locupletatæ nomen fuum impofuit Conftantinus Magnus anno poft Chriftum Cccxxx. ex quo dicta eft Conftantinopolis. Ab anno Mcccliii. fubjecta eft Turcis, a quibus *Stamboul* appellatur. Idem.

(44) *Attici*) Attica Achajæ regio notiffima, cujus caput Athenæ. Idem.

a Philippo interrogatus, quid latraret (45); *Furem se videre* respondit? Quid in omni oratione Crassus, vel apud centumviros (46) contra Scævola, vel contra accusatorem Brutum, cum pro Cn. Planco diceret? Nam id, quod tu mihi tribuis, Antoni, Crasso est, omnium sententia, concedendum. Non enim fere quisquam reperietor, præter hunc, in utroque genere leporis excellens, & illo, quod in perpetuitate sermonis; & hoc, quod in celeritate, atque dicto est. Nam hæc perpetua contra Scævola Curiana defensio tota redundavit hilaritate quadam & joco; dicta illa brevia non habuit. Parcebat enim adversarii dignitati, in quo ipso servabat suam; quod est hominibus facietis & dicacibus difficillimum, habere hominum rationem & temporum, & ea quæ occurrant, cum falsissime dici possint, tenere. Itaque nonnulli ridiculi homines hoc ipsum non insulse interpretantur. Dicere enim ajunt Ennium *flamam a sapiente facilius ore in ardente opprimi, quam bona dicta teneat* (47): hæc scilicet

O 2

bo-

(45) *A Philippo interrogatus quid latraret*) Depeculatorem Philippum fuisse Catulus notavit, & ærarii furem: solent autem canes noctu fures allatrare. Sic Cato privatorum furtorum fures dixit *in nervo ætatem agere*: fures publicos, id est depeculatores, *in auro atque purpura*. Cato etiam Uticensis apud Sallustium fures ærarii appellat. Aut certe furem & spoliatorem provincialium: non enim hic censeam alia Philippo furta objici. *Turnebus*.

(46) *Vel apud centumviros*) De causa illa, quam pro Curio secundo herede contra Scævola Coponiorum defensorem Crassus peroravit, diximus lib. 1. de Orat. c. 39. *Præst.*

(47) *Quam bona dicta teneat*) Versus est trochaicus integer, & hemistichium. Itaque legi debet, *a sapienti*, ut versus constet. Citatur hæc Enniæ sententia Symmacho in epistolis: quam Socratica potius est; nam Socratis verbum istud refertur: *Σωκράτης ἔλεγεν, ὅτι πᾶσι ἀντὶς διαπύρον ἀνθρώπων ἐπὶ τῆς γλώττης κατέσχει, λόγον ἀπορρίπτει*, id est, *Socrates dicebat, facilius homines ardentem carbonem in lingua retenturos, quam quod arcano commissum sit*. Os autem si ardeat, id est, in ore si sit flamma, qui nolit uri & lædi, os non occludat, sed quam maxime hiante flammam expuat. Ennius autem bona dicta, sen-

bona dicta, quæ falsa sint: nam ea dicta appellantur proprio jam nomine.

LV. Sed ut in Scævola continuit ea Crassus, atque illo altero genere, in quo nulli aculei contumeliarum inerant, causam illam disputationemque lussit (48): sic in Bruto, quem oderat, & quem dignum contumelia judicabat, utroque genere pugnavit. Quam multa de balneis, quas nuper ille vendiderat; quam multa de amisso patrimonio dixit? Atque illa breviter, cum ille diceret, *se sine causa sudare: Minime mirum*, inquit, *modo enim existi de balneis* (49). Innumerabilia hujusmodi fuerunt, sed non minus jucunda illa perpetua.

sententias intellexerat, quas sapiens tenere se non potest, quin loquatur. At homines faceti idem de dicacibus usurpare solebant, & aliter versum interpretari. Ab eadem mente Ennius docta dicta appellavit: *Haud doctis dictis certantes, sed maledictis*. Et Catullus, xl. 15. *Pauca nunciate mee puella non bona dicta*, cum scripsit, maledicta significavit. Sunt etiam alia significatione dicta, dicacitates, & verba falsa. Plautus, Cap. III. 1. 23. *Dico unum ridiculum dictum de dictis melioribus. Qui* (Gronov. *Quibus*.) *solebam menstruales epulas ante adipiscier*. In quem sensum versum Ennianum faceti homines, ut dixi, accipiebant. *Turnebus*.

(48) *Lussit* Galli sic dicerent, *tourna en plaisanterie*.

(49) *Minime mirum*, inquit, *modo enim existi de balneis*. Ni fallor, non modo non jocus, sed ne sensus in hac lectione inveniri potest. Brutus dixerat, *se sine causa sudare*: respondit autem Crassus, non esse mirum illum sine causa sudare; modo enim exierat e balneis. Voces *minime mirum* non solum ad sudare, sed etiam ad sine causa referri debent, si vulgaræ lectioni hæreamus. Solebant tamen, qui e balneis exierant, sudare, & aqua disfluere. Vides igitur, Lector, in hac vulgata lectione Crassum negare, Brutum habere causam sudandi; & tamen causam, cur sudet Brutus, afferre. Quis ferre possit hæc tam secum pugnantia? Mss. Joan. & Harl. 1. omittunt voces *mirum*, & inquit: tunc statim sic locum emendavi, *Atque illa breviter; cum ille diceret, se sine causa sudare: Minime, inquit; modo enim existi de balneis*. Clara nunc exhibetur sententia. Brutus dixerat, *se sine causa sudare*, id est, in impugnanda Planci contra Crassum causa nimis vehementer agere, cum sine sudore accusari Plancus & vinci Crassus potuerit. *Minime*, inquit Crassus, *non sudas sine causa; modo enim existi* &c. Jocus est in ancipiti significatione verbi *existi*, quod significat, & vendere balnea, & e balneis lotum egredi. Voces *minime*, & *mirum*, adeo simili literarum ductu scribuntur, ut festinantes librarii facile possint errare. *Pearcius*.

petua. Cum enim Brutus duos lectores excitasset (50), & alteri de colonia Narbonensi (51) Crassi orationem legendam dedisset, alteri de lege Servilia; & cum contraria inter sese de republica capita contulisset; noster hic facetissime tres patris Bruti de jure civili libellos tribus legendos dedit. Ex libro primo, FORTE EVENIT, UT IN PRIVERNATI (52) ESSEMUS. *Brute testificatur pater se tibi Privernatem fundum reliquisse.* Deinde ex libro secundo, IN ALBANO (53) ERAMUS EGO ET MARCUS FILIUS. *Sapiens videlicet homo cum primis nostræ civitatis, norat hunc gurgitem; metuebat, ne, cum is nihil haberet, nihil esse ei relictum putaretur.* Tum ex libro tertio, in quo finem scribendi fecit, (tot enim, ut audiavi Scævola dicere, sunt veri Bruti libri) IN TIBURTI (54) FORTE ASSEDIMUS EGO ET MARCUS FILIUS. *Ubi sunt ii fundi, Brute, quos tibi pater publicis commentariis consignatos reliquit? Quod nisi puberens (55) te, inquit, jam haberet, quartum librum composuisset, & se etiam in balneis lotum cum filio, scriptum reliquisset.*

O 3 Quis

(50) Cum Brutus duos lectores excitasset) Hujus rei pro Cluentio Cicero meminit, cap. 51. De colonia Narbonensi, in Bruto, cap. 43.

(51) De colonia Narbonensi) In provincia Narbonensi celebris est civitas Narbo Martius, *Narbonne*, ubi colonia pop. Rom. fuit. Cum legem, quæ adversus illam coloniam ferebatur, dissuaderet Crassus, multis senatum, ejus legis auctoritatem, exagitavit. Rursus cum idem Crassus diceret pro Servilia lege, qua judicia ab equitibus ad senatum transferebantur, summis in cælum laudibus senatum extollebat. *Præf.*

(52) In Privernati) In villa ad Privernum Latii urbem, quæ nunc appellatur *Piperno*. Idem.

(53) In Albano) Villa ad Albam longam Latii urbem, quæ, si Leandro credimus, nunc dicitur *Savullo*. Idem.

(54) In Tiburti) Alia item villa ad Tibur., quæ urbs in Latino vocatur hodie *Tivoli*. Idem.

(55) Puberens) Patri cum pubere in balneis lavari non licebat, nec focero cum genero. Cicero de Off. l. 35. *Nostræ quidem more cum parentibus puberes filii, cum soceris generi non lavantur.* Turneb.

Quis est igitur, qui non fateatur, hoc lepore, atque his facetiis non minus refutatum esse Brutum, quam illis tragœdiis, quas egit idem, cum casu in eadem causa funere efferretur anus Junia (56)? Pro dii immortales, quæ fuit illa, quanta vis? quam inexpectata? quam repentina? cum, coniectis oculis, gestu omni imminente, summa gravitate & celeritate verborum: *Brute; quid sedes? quid illam anum patri nuntiare vis tuo? quid illis omnibus, quorum imagines duci vides (57)? quid maioribus tuis? quid L. Bruto, qui hunc populum dominatu regio liberavit? quid te facere? cui rei, cui gloria, cui virtuti studere? Patrimonione*

(56) *Junia*) Popilia omnium prima Romæ in funere laudationem meruit, cum ante honoratis tantum viris ea tribueretur. Ac Ciceroni displicet, lib. 11. de Legibus, c. 24. laudatio mulierum, cum legem tantum de viris hanc sanciat: *Honoratorum, inquit, virorum laudes in concione memorantur*. Quamquam Plutarchus jam inde usque a Camilli ætate honestis matronis eam fuisse dicit tributam, ob-collatum ornamentorum suorum aurum in Apollinis crateram: cum Livius tamen scribat, tantum eis concessum, ut sacrorum & ludorum causa pilentis carpentisque uterentur. Paulo post Popiliam, idem honos est tributus Junie, quæ ex Brutorum erat familia. Ducebantur autem in forum funera laudationis causa: quod quomodo fieret, ex Polybio subji-cere placet: Ὅτιν γὰρ μεταλλάξαι τις παρ' αὐτοῖς τῶν ἐπιτά-φῳ ἀνδρῶν, &c. Id est: „Cum apud eos illustres vir aliquis ex hac migravit vita, in funera cum reliquo ornatu in forum fertur, ad rostra quæ vocantur, interdum stans ante omnium oculos, raro recubans. Circumfusa autem populi corona, in rostra ascendit filius, si quem puberem reliquit, qui forte ad sit, sin minus propinquus aliquis, & de mortui virtutibus dis sit, rebusque quas is prospere gesserit. Eo deinde sepulto, ju stisque factis, mortui imaginem in illustrissimo domus loco ponunt, in cellula lignea conditam. Imago autem persona est ad similitudinem egregie expressa, & forma, & lineamentis. Has imagines & in publicis serijs aperiunt, ornantque magnifice; & cum ex familia clarus aliquis moritur, in funus pro ducunt. Idem.

(57) *Quorum imagines duci vides*) Apud majores in atrijs hæc imaginea erant quæ spectarentur, non signa externorum artificum, nec ara & marmora: expressi cera vultus singulis disponebantur armariis, ut essent imagines quæ comitarentur gentilitia funera, semperque defuncto aliquo, totus aderat familie ejus, qui unquam fuerat, populus. Plinius lib. xxxv. cap. 2. Præst.

augendo? at id non est nobilitatis (58). Sed fac esse, nihil superest; libidines totum dissipaverunt. An juri civili? est paternum: sed dicet, te, cum ades venderes, ne in rutis quidem & caesis solum tibi paternum (59) recepisse. An rei militari? qui nunquam castra videris. An eloquentiae? quae nulla est in te: &, quidquid est vocis ac linguae, omne in istum turpissimum calumniae questum (60) contulisti. Tu lucem aspicere audes? tu hos intueri? tu in foro, tu in urbe, tu in civium esse conspectu? tu illam mortuam, tu imagines ipsas non perhorrescis? quibus non modo imitandis, sed ne collocandis quidem tibi ullum locum reliquisti.

LVI. Sed haec tragica, atque divina: faceta autem & urbana, innumerabilia ex una concione meministis. Nec enim concio major unquam fuit, nec apud populum gravior oratio, quam hujus con-

O 4

tra

(58) *At id non est nobilitatis*) Non Romanis modo, verum etiam Graecis visum est ignobile faciendi questus studium. Scribit Aristoteles Politicorum lib. III. cap. 5. apud Thebanos lege cautum fuisse, ne quis ad honores reip. promoveretur, nisi decem annos a mercatura desistisset. Consule, si vacat, eundem Aristotelem, lib. I. cap. 11. Cicero lib. I. Officior. *Illiciales*, inquit, *sordidi questus mercenariorum omnium, quorum opera, non quorum artes emuntur. Est enim in illis ipsa merces auctoramentum servitutis.* Et paulo post: *Mercatura, autem si penus est, sordida putanda est, sin magna & copiosa, multa undique apportans, multisque sine vanitate impertiens, non est admodum vituperanda.* Hoc mercaturae genus salvo dignitatis iure nonnullos equites Romanos exercuisse patet ex ultima Verrina: *Clamabat ille miser se civem esse Romanum, municipem Cosanum, meruisse se cum L. Pretio, splendidissimo equite Romano, qui Panormi negotiaretur, ex qua haec Verres scire possat, Idem.*

(59) *Solum tibi paternum*) In excipiendis rutis & caesis, quae in mancipatione praediorum excipi solent, non retinuisse selam patris, in qua ille ius respondere solebat. Hic enim recipere est excipere. Cicero, lib. I. de legibus, cap. 3. *Presertim sum non recusarem, quominus more patrio sedens, in solo consulenti-bus responderem.* Ita qui solum vendiderit, ius non respondebit. Turnebus:

(60) *Calumniae questum*) Qui huic studio serviebant, dicebantur quadruplatores, quod ex damnatorum, quos derulerant, bonis, quarta pars ipsis cederet, infame omnino & odiosum hominum genus. *Prust.*

tra collegam (16) in censura nuper, neque lepore & festivitate conditior. Quare tibi, Antoni, utrumque assentior, & multum facetias in dicendo prodesse sapes, & eas arte nullo modo posse tradi: & illud quidem admiror, te nobis in eo genere tribuisse tantum, & non hujus rei quoque palmam, ut cæterarum, Crasso detulisse.

Tum Antonius, Ego vero ita fecissem, inquit, nisi interdum in hoc Crasso paulum inviderem. Nam esse quamvis facerum atque iustum, non nimis est per seipsum invidendum: sed, cum omnium sis venustissimus & urbanissimus, omnium gravissimum & severissimum & esse, & videri, quod isti congruit uni, id mihi vix ferendum videbatur.

Hic cum arrisisset ipse Crassus, Attamen, inquit Antonius, cum artem esse facietiarum, Juli, negares, aperuisti quiddam, quod præciendum videretur. Haberi enim dixisti rationem oportere hominum, rei, temporis, ne quid locus de gravitate decerperet; quod quidem in primis a Crasso observari solet. Sed hoc præceptum prætermittendum est facietiarum, cum his nihil opus sit: nos autem quomodo utamur, cum opus sit, quærimus; ut in adversariam, & maxime, si ejus stultitia poterit agitari, in ressem stultum, cupidum, levem, si facile homines auditori videbuntur.

Omnino probabiliora sunt, quæ laceffiti dicimus, quam quæ priores: nam & ingenti celeritas major est, quæ apparet in respondendo, & humanitatis est responsio. Videmur enim quieturi fuisse, nisi essemus laceffiti: ut in ista ipsa concione nihil fere dictum est ab hoc, quod quidem facietius dictum videretur, quod non provocatus responderit. Erat autem tanta gravitas in Domitio, tanta auctoritas, ut, quod esset ab eo objectum,

lepo-

lepore magis elevandum, quam contentione frangendum videtur.

LVII. Tum Sulpicius, Quid igitur? inquit, patiemur, Cæsarem, qui quanquam Crasso facetias concedit, tamen multo in eo studio magis ipse elaborat, non explicare totum nobis genus hoc jocandi, quale sit, & unde ducatur; præsertim cum tantam vim & utilitatem salis & urbanitatis esse * fateatur? Quid si, inquit Julius, assentior Antonio, dicenti nullam esse artem salis?

Hic cum Sulpicius reticisset, Quasi vero, inquit Crassus, horum ipsorum, de quibus Antonius tamdiu loquitur, ars ulla sit. Observatio quædam est, ut ipse dixit, earum rerum, quæ in dicendo valent: quæ si eloquentes facere possit, quis esset non eloquens? Quis enim hæc, vel non facile, vel certe aliquo modo posset ediscere? Sed ego in his præceptis hanc vim, & hanc utilitatem esse arbitrator, non ut ad reperiendum, quid dicamus, arte ducamur, sed ut ea, quæ natura, quæ studio, quæ exercitatione consequimur, aut recta esse confidamus, aut parva intelligamus, cum, quo referenda sint, didicerimus. Quare, Cæsar, ego quoque a te hoc peto, ut, si tibi videtur, disputes de hoc toto jocandi genere, quid sentias; ne qua forte dicendi pars, quoniam ita voluistis, in hoc tali cœtu, atque in tam accurato sermone præterita esse videatur.

Ego vero, inquit ille, quoniam collectam (62)

a con-

* *Fateatur*) Visi. Man. Græc. *fateamur*?

(62) *Collectam*) Græci *συμβολή* appellant, id quod confertur in cœnam a convivis; quo verbo Plautus utitur, cum scribit jocans: *Parata sunt scapulis meis symbole*. Sic collativum prandium dicunt Latini, quod Græci *ἔρπον*; & collativum ventrem eleganti translatione dixit Plautus. Vocant etiam Græci *ἔρπον* & *συμβολή*, pecuniam quæ exigitur a convivis. Proinde in Terentio, Andr. I. 1. 61, *Quid Pamphilus? canavis, symbolam dedit*, legendum cenfeo, non ut vulgo, *symbolum*. *Collectrix* etiam apud Plautum est, quæ religionis causa stipem colligit: *Præsantrici, collectrici, ariola, atque haruspice*. Turnebus.

a conviva, Crasse, exigis, non committam, ut, si defugerim, tibi causam aliquam dem recusandi. Quanquam soleo sepe mirari eorum impudentiam, qui agunt in scena gestum, spectante Roscio (63). Qui enim sese commovere potest, cujus ille vitia non videat? Sic ego nunc, Crasso audiente, primum loquar de facetiis, & docebo *sus* (ut ajunt) (64) oratorem eum, quem cum Catulus nuper audisset, *fanum* (65) *alios* ajebat *esse oportere*. Tum ille, Jocabatur, inquit, Catulus, præsertim cum ita dicat ipse, ut ambrosia alendus (66) esse videatur. Verum te, Cæsar, audiamus, ut ad Antonii reliqua redeamus. Et Antonius, Perpauca quidem mihi restant, inquit: sed tamen defessus jam labore, atque itinere disputationis, requiescam in Cæsaris sermone, quasi in aliquo peropportuno diversorio.

LVIII. Atqui, inquit Julius, non nimis liberale hospitium meum dices: nam te in viam, simul ac perpaululum gustaris (67),
ex-

(63) *Roscio*) De quo supra dictum est non semel. *Pruff.*

(64) *Sus* (*ut ajunt*)) Respicit ad tritum illud Latinorum proverbium, *sus Minervam*, subaudi, docet; iis accommodari solitum, qui indocti eos docere velint, a quibus ipsi potius docendi sint. Minervæ jus in omnes disciplinas liberales esse tradunt poetæ; sue non aliud animal sordidius est & stolidius. *Idem.*

(65) *Fanum*) Significavit alios videri Crasso comparatos pecudes esse, proinde sæno pascendos; Crassum autem divinum plane hominem, ut ambrosia pascendus sit, qui cibus est deorum. *Turnebus.*

(66) *Ambrosia alendus*) Proverbi specie insulsi oratores sæno victitare dicebantur a Catulo, quem ipsum censet hic Crassus alendum ambrosia, qui cibus est deorum, quasi esset ille cum ipsis diis eloquentia comparandus, cum stolidi brutorum ad ordinem abjici debeant. *Pruff.*

(67) *Gustaris*) Gustus cum alia significat, tum interdum id quod venditores gustandi & explorandi causa dant emptoribus vini, quod *γούμα* dicitur a Græcis: ut cum quid ostenditur, specimen a Latinis, a Græcis *δειγμα* vocatur; a quo per translationem dixit Seneca, *Dedit enim nobis gustum, ad quem respondetis*. A qua etiam translatione illud Ciceronis profectum est,

Et

extrudam (68) & ejiciam . Ac , ne diutius vos demorer , de omni isto genere quid sentiam , per breviter exponam . De risu quinque sunt , quæ quarantur : unum , quid sit : alterum , unde sit : tertium , sitne oratoris velle risum movere : quartum , quatenus : quintum , quæ sint genera ridiculi .

Atque illud primum , quid sit ipse risus (69) , quo pacto concitetur (70) , ubi sit , quomodo existat , atque ita repente erumpat , ut cum cupientes tenere nequeamus , & quomodo simul lateat , os , venas , vultum , oculos occupet , viderit Democritus (71) : neque enim ad hunc sermonem hoc pertinet ; & , si pertineret , nescire me tamen id non puderet , quod ne ipsi quidem illi scirent , qui pollicerentur .

Locus autem , & regio quasi ridiculi (72) (nam id

Et degustabis genus exercitationum mearum . Significat enim Parradoxa gestum Bruto fore earum exercitationum , quibus uti solet . Est & gustus interdum primus prandii missus . Martialis , (XI. 32. 4.) *Gustu protinus has edes in ipso , Has prima feret , alterave cæna .* Sed & gustare multo minus est , quam vel jentare , vel prandere ; quo sane hic modo intelligendum est . *Tur-nebus .*

(68) *Extrudam*) Hac allegoria breviter acturum se de jocis ac salibus proficitur . *Præst.*

(69) *Quid sit ipse risus*) Sic definiri potest : Risus est vehementior quidam animi ex re jucunda motus , ad exprimendum conceptum intus gaudium , quo thoracis & oris muscoli impetu quodam agitantur . *Idem .*

(70) *Quo pacto concitetur*) Nimirum cum nobis occurrit res admodum jucunda , lætitia perfunditur animus , cor sese dilatat , magnaue sanguinis effervescentis & vitalium spirituum fit diffusio , ad quam musculorum thoracis ac præsertim diaphragmatis motus sequitur ; agitato diaphragmate , quæ membrana est præcordia disjungens a visceribus , extenduntur simul muscoli , qui a lateribus buccæ sunt , tumque fit oris ille gestus , quem risum appellamus . *Idem .*

(71) *Democritus*) Non modo quia res naturales scrutatus est , verum etiam quia in risum sæpiissime effundi solebat . De Democrito vide notas in librum 1. de Oratore c. 24. *Idem .*

(72) *Regio quasi ridiculi*) *Ridiculum* , inquit Aristoteles lib. de Poetica cap. 5. *est vitium ac turpitudo , quæ nec dolorem nec perniciem offert ; exempli gratia , facies ridicula est turpis & distorta sine dolore .* *Idem .*

id proxime quaritur) turpitudine , & deformitate quadam continetur . Hæc enim ridentur vel sola , vel maxime , quæ notant & designant turpitudinem aliquam non turpiter .

Est autem , ut ad illud tertium veniam , est plate oratoris movere risum ; vel quod ipsa hilaritas benevolentiam conciliat ei , per quem excitata est : vel quod admirantur omnes acumen uno sæpe in verbo positum , maxime respondentis , nonnunquam etiam laceffentis : vel quod frangit adversarium , quod impedit , quod elevat , quod deterret , quod refutat : vel quod ipsum oratorem , politum esse hominem significat , quod eruditum , quod urbanum : maximeque quod tristitiam , ac severitatem mitigat & relaxat , odiosasque res sæpe (73) ; quas argumentis dilui non facile est , joco , risuque dissolvit .

Quatenus (74) autem sint ridicula tractanda oratori , perquam diligenter videndum est : id quod in quarto loco querendi posueramus . Nam nec insignis improbitas (75) & scelere juncta , nec rursus miseria insignis agitata ridetur . Facinorosos enim majore quadam vi , quam ridiculi , vulnerari volunt : miseros illudi nolunt , nisi si se forte jactant .

(73) *Odiosasque res sæpe*) Missum opportune ridiculum iram sæpius frangit . Documento sunt juvenes Tarentini , qui multa de Pyrrho rege securius inter cænam lotuti , cum rationem facti reposcereutur , & neque negari res , neque defendi posset , risu sunt & opportuno joco elapsi . Namque unus ex his : Imo , inquit , nisi lagena defecisset , occidissemus te . Eaque urbanitas tota est invidia criminis dissoluta . Quintilian. lib. vi. c. 3. Idem .

(74) *Quatenus*) Recte Horatius :

*Est modus in rebus , sunt cersi denique fines ,
Quos ultra citraque nequit consistere rectum .*

Cum cæteris in rebus , tum in jocis ac salibus maxime adhibendus est modus . Ridicula enim , & quæ specie prima sensus nostros acerrime commovent , ita se habent , ut iis celerrime fastidium adharescat . Idem .

(75) *Nec insignis improbitas*) Cur insignis improbitas ac miseria jocis non sit exagitanda , patet ex definitione ridiculi superius allata . Idem .

stant. Parcendum (76) est autem maxime caritati hominum, ne temere in eos dicas, qui diliguntur.

LIX. Hæc igitur adhibenda est primum in jocando moderatio. Itaque ea facillime luduntur; quæ neque odio magno, neque misericordia maxima digna sunt. Quamobrem materies omnis ridiculorum est in istis vitiis, quæ sunt in vita hominum neque carorum, neque calamitosorum, neque eorum, qui ob facinus ad supplicium rapiendi videntur; eaque belle agitata ridentur.

Est etiam deformitatis, & corporis vitiorum factis bella materies ad jocandum. Sed quærimus idem, quod in cæteris rebus maxime quærendum est, quatenus. In quo non modo illud præcipitur, ne quid insulse (77) ; sed etiam, si quid perridicule (78) possis. Vitandum est oratori utrumque, ne aut scurrilis jocus sit, aut mimicus. Quæ cujuscumque sint, facilius jam intelligemus, cum ad ipsa ridiculorum genera venerimus.

Duo enim sunt genera facetiarum, quorum alterum re tractatur, alterum dicto. Re, si quando quid, tanquam aliqua fabella, narratur: ut olim tu, Crasse, in Memmium (79), comedisse eum lacertum (80) Largii, cum esset cum eo

Tar-

(76) *Parcendum*) Scite Fabius lib. vi. cap. 3. *Longe absie proposuim illud, Potius amicum, quam dictum perdidit.* Idem.

(77) *Ne quid insulse*) Oratori minime convenit distortus vultus gestusque, quæ in mimis videri solent. Dicacitas etiam scurrilis & scenica huic personæ alienissima est. Obscuritas vero non a verbis tantum abesse debet, sed etiam a significatione. Fabius ibidem. Idem.

(78) *Perridicula*) Temere undique ducta occasione ridendi. Idem.

(79) *Memmium*) C. Memmius, de quo Tullius in Bruto, orator asper & contentiosus morum acerbitate huic Crassi joco locum dedit. Idem.

(80) *Lacertum*) Lacertus significat id quod est ab humero ad cubitum, brachium autem id quod a cubito ad manum pertinet. Ovid. Metam. lib. 1.

----- *laudas digitosque, manusque,*

Brachiaque, & nudos media plus parte lacertos. Idem.

Tarracinæ (81) de amicula rixatus. Salsa tota, ac tamen a teipso ficta, narratio. Addidisti clasulam, tota Tarracina tum omnibus in parietibus inscriptas fuisse literas, tria LLL, duo MM. Cum quæreres id quid esset, senem tibi quendam oppidanum dixisse, *Lacerat Lacertum* (82) *Largii Mordax Memmius*. Perspicitis, hoc genus quam sit facetum, quam elegans, quam oratorium, siue habeas vere, quod narrare possis, quod tamen est mendaciunculis aspergendum, siue fingas. Est autem hæc hujus generis virtus, ut ita facta demonstrares, ut mores ejus, de quo narres, ut sermo, ut vultus omnes exprimantur, ut iis, qui audiunt, tum geri illa fierique videantur.

In re est item ridiculum, quod ex quadam depravata imitatione sumi solet: ut idem Crassus, *Per tuam nobilitatem* (83), *per vestram familiam*. Quid aliud fuit, in quo oñcio rideret, nisi illa

(81) *Tarracine*) Quæ Latinis est Tarracina, linguæ Volscorum Anxur appellatur, ut tradit Plinius: Latini odipidum: est: & etiamnum antiquum nomen retinet, *Tarracini*, Idem.

(82) *Lacerat Lacertum*) Hunc versum Crassus orator usque adeo vulgo jactatum ait, ut Tarracinæ passim in omnibus parietibus inscriptus viseretur. Fabula, unde natum est adagium, sic habet. Memmius quidam Romanus cum ageret Tarraciniæ, mulierculam quandam deperibat, sed non citra rivalem. Cum hoc igitur cum aliquando rixa incidisset, eo iracundiæ provectus est Memmius, ut Largii (nam id rivali nomen) brachium mordicus arriperet. Ea res posteaquam in popularem abiit jocum, faceti quidam & φιλόγλωσσοι senarium hunc in omnibus ejus parietibus quinque literis notarunt, depictis tribus LLL, & duobus MM: videlicet ut advenis percotandi ministrarent occasionem. Ita que cum M. Crassus Tarracinam aliquando venisset, admiratus novum literarum ænigma, senem quemdam oppidanum percontatus est, quidnam sibi vellent ejusmodi literæ. Atque is, exposita fabula, versiculum explicuit.

Lacerat Lacertum Largii Mordax Memmius.

Tametsi Cæsar, qui hæc loquitur apud Ciceronem, existimat narrationem hanc totam in Memmium adversarium dedita opera conscriptam fuisse. *Erasmus*, Adag. Chil. I. Cent. ix.

(83) *Per tuam nobilitatem*) Verba desumpta ex alicujus adversarii, an Cn. Domitii? oratione, quæ ludicra imitatione Crassus traducit. *Pruss.*

illa vultus & vocis imitatio? *Per tuas statuas vero cum dixit, & extento brachio paululum etiam de gestu addidit, vehementius risimus. Ex hoc genere est illa Rosciana imitatio senis:*

Tibi ego, Antipho (84), has fero, inquit: senium est, cum audio. Atque ita est totum hoc ipso genere ridiculum, ut cautissime tractandum sit. Mimorum (85) est enim ethologorum, si nimia est imitatio, sicut obscenitas (86). Orator surripiat oportet imitationem, ut is, qui audiat, cogitet plura, quam videat: præstet idem ingenuitatem, & ruborem suum, verborum turpitudine, & rerum obscenitate vitanda.

LX. Ergo hæc duo genera sunt ejus ridiculi, quod in re positum est, quæ sunt propria perpetuarum facetiarum, in quibus describuntur hominum mores, & ita effinguntur, ut aut, re narra-
ta

(84) *Tibi ego, Antipho*) Videntur hæc verba fuisse senis cuiusdam arbores ferentis, filioque suo dicentis, se non tam diu videturum esse, ut eas arbores maturitatem suam assecutas videat: juvenem illum, & vigentem olim ex illis fructus percepturum. Tum quod addit, *Sentum est, cum audio*, hoc vult: ita perfecta est illa Rosciana senis tussientis, & stratta voce, ac tremula utentis imitatio, ut non histrionem imitantem senem, sed Senectutem ipsam videat audire. *Pearcius.*

(85) *Mimorum*) Sic eos appellat, qui mores & affectus personarum exprimunt: nec *mimos* tantum dixit, ut hoc libro postea, & in Antonium fecit, & alii scriptores vocant, sed *ethologos* addidit, ne ambigue loqueretur, ac fabula significari videretur, quam *Mimum* Græci, Latini *Planipedem* vocant, quales erant *Mimi* Publii & Laberii. Quanquam Cicero pro *Calio mimum* huiusmodi, fabulam, id est, comœdiam appellare non vult: *Mimi ergo, inquit, est jam exitus, non fabula.* Pantomimorum hæc non meminit. Exorti enim postea sunt imperante Augusto: erantque saltatores, qui gestu historias & fabulas ita exprimebant, ut sub oculos subjicerent: ad quam saltationem respexit Horatius, cum scripsit:

Passorem saltaret uti cyclops rogabat.

Et Juvénalis, Sat. VI. 63.

Chironomon Ledam molli saltante Retyllo. Turnebus.

(86) *Si nimia est imitatio, sicut obscenitas*) Videtur oratio hiulca. Quæ tamen verba desiderentur, non facile dixerim. Vellem ita legi: *Si nimia est imitatio. Si eris obscenitas, orator, &c. Muretus.*

ta aliqua, quales sunt, intelligantur : aut imitatione (*a*) brevi injecta, in aliquo insigni ad irridendum vitio reperiantur.

In dicto autem ridiculum est id, quod verbi, aut sententiæ quodam acumine movetur : sed ut illo superiore genere vel narrationis, vel imitationis, vitanda est mimorum ethologorum similitudo; sic in hoc scurrilis oratori dicacitas magnopere fugienda est. Qui igitur distinguemus a Crasso, a Catulo, a cæteris familiarem (*b*) vestrum, Granium (87), aut Vargulam, amicum meum? Non mehercule in mentem mihi quidem venit : sunt enim dicaces : Granio quidem nemo dicacior. Hoc, opinor; primum, ne, quotiescumque potuerit dictum dici, necesse habeamus dicere.

Pusillus testis (88) processit. *Licet*, inquit, *rogare*, Philippus? Tum quæsitior properans, *Modo breviter*. Hic ille, *Non accusabis; perpusillum rogabo*. Ridicule. Sed sedebat iudex L. Aurifer, brevior etiam, quam ipse testis : omnis est risus in iudicem conversus : visum est totum scurrile iudicium. Ergo hæc, quæ cadere possunt in quos nolis, quamvis sint bella, sunt tamen ipso genere scurrilia.

Ut iste, qui se vult dicacem, & mehercule est,
Ap-

(*a*) *Brevi*) Lamb. *breviter*.

(*b*) *Vestrum*) Lamb. *nostrum*.

(87) *Granium*) Præconem, cujus multa dicta versibus erat complexus Lucilius. *Conjicere in versus dictum præconis volebam Granii*, apud Gellium, (IV. 17.) Vide Orat. pro Plancio, (cap. 14.) Turnebus.

(88.) *Pusillus testis*) Esto, inquit, hoc exemplum nimis dicacitatis & scurrilis ridiculi. In quadam accusatione processerat pusillus testis. Philippus patronus petiit, ut sibi liceret nunc illum testem interrogare. Prætor, sive quis alius moderator iudicii & accusationis qui cito cuperet rem confici, annuit, modo paucis verbis hominem interrogaret. Hic Philippus caudidicus : nihil erit quod me accuses, interrogabo perpusillum. Perpusillum intelligebat Philippus de illo teste parvo & nano, cujus exiguam staturam carpebat hoc dicto; & tamen videbatur quæsitiori respondere, ac dicere se perparum ac breviter interrogaturum. *Præst.*

Appius, sed nonnunquam in hoc vitium scurrile delabitur. *Cænabo*, inquit, *apud te*, huic lusco, familiari meo, C. Sextio; *uni enim locum esse video* (89). Est hoc scurrile, & quod sine causa laccessivit: & tamen id dixit, quod in omnes luscis conveniret. Ea, quia meditata putantur esse, minus ridentur. Illud egregium Sextii, & ex tempore: *Manus lava* (90), inquit, & *cæna*.

Temporis igitur ratio, & ipsius dicacitatis moderatio, & temperantia, & raritas dictorum distinguet oratorem a scurra: &, quod nos cum causa dicimus, non ut ridiculi videamur, sed ut proficiamus aliquid; illi totum diem, & sine causa. Quid enim est Vargula affectus, cum eum candidatus (1) A. Sempronius (2) cum Marco suo fratre complexus esset; *Puer abige muscas* (3)? Risum quaesivit, qui est, mea sententia, vel tenuissimus ingenii

De Orat.

P

nii

(89) *Uni enim locum esse video*) Jocus est sumptus ex communi illorum temporum consuetudine loquendi, qua aliquot convivis vocatis, ei quem præterea invitatum vellent, locum superesse dicebant. Plautus in Stichis, *Ædepol tibi etiam, opinor, uni locum conspicor, ubi accubes*. Id scurriliter ad vitium oculi convertit Appius. *Turnebus*.

(90) *Manus lava*) Appius irridens C. Sextium, qui altero oculo captus erat, ait, *Cænabo apud te, est enim uni locus*: ita carpebat hominis vitium, cujus in vultu erat locus uni oculo; quasi in ejus triclinio & convivio uni fuisset homini locus vacuus. Respondit Sextius subtili ac subito joco: *Cænabis enimvero apud me, sed prius manus lava*: quo dicto, hominis impuritatem notabat. *Præst.*

(1) *Candidatus*) Qui ad magistratum aliquem aspirabat, sic dicebatur a toga candida, quam per id tempus ad integritatem significandam solebat induere. *Idem*.

(2) *A. Sempronius*) Hic ambibat magistratum, & eos prensabat, quibus erat jus suffragii: erat illi comes M. frater; ad Vargulam ventum est, quem cum Sempronius amice salutaret, amplectereturque officii causa, itemque Marcus Sempronii frater; coepit Vargula servulum inclamare, ut muscas abigeret; eo dicto carpebat petitores & candidatos, qui perinde ac muscæ molesti levessetque essent. *Idem*.

(3) *Puer abige muscas*) Propinqui & amici, qui gratiosi erant aut clari, deducere solebant candidatos, qui prensatum ibant, ut petito & gratiam & auctoritatem majorem haberet. Igitur cum A. Sempronius Longus cum fratre Vargulam esset complexus, Vargula scurriliter lusit, jubens abige muscas. *Turnebus*.

nii fructus. Tempus igitur dicendi prudentia & gravitate moderabimur: quarum utinam artem aliquam haberemus! sed domina natura est.

LXI. Nunc exponamus genera ipsa summatim, quæ risum maxime moveant. Hæc igitur sit prima partitio; quod facete dicatur, id alias in re habere (4), alias in verbo facetias: maxime autem homines delectari, si quando risus conjuncte re verboque moveatur. Sed hoc mementote, quoscumque locos attingam, unde ridicula ducantur, ex iisdem locis fere etiam graves sententias posse duci. Tantum interest, quod gravitas honestis in rebus severe, jocus in turpiculis & quasi deformibus ponitur: velut in iisdem verbis & laudare frugi servum possumus, &, si est nequam, jocari. Ridiculum est illud Neronianum (5) vetus in furace servo, *Solum esse, cui domi nihil nec obsignatum, nec*

(4) *Alias in re habere*) Qui consistit in re jocus ejusmodi est, ut idem mutatis verbis maneat. Exemplum habes lib. 1v. in Verrem: *Itaque, judices, hi, qui hospites ad ea, quæ visenda sunt ducere solent, & unumquidque ostendere, quos illi mystagogos vocant, conversam jam habent demonstrationem suam. Nam ut ante demonstrabant, quid ubique esset: ita nunc, quid undique ablatum sit ostendunt.* Ridiculum in dicto perit, si voces commutentur. Tale est illud Ciceronis in Verrem lib. 1v. *Numquam tam male est Siculis, quin aliquid facere & commode dicant: velut in hac re agebant, in labores Herculis non minus hunc immanissimum Verrem, quam illum aprum Erymanthium referri oportere.* Tolle nomen Verris, quod Latine porcum non castratum significat, dicto perit omnis gratia. Elegantissimum autem illud est, quod re simul & dicto risum movet; cujusmodi est illud Ciceronis a Plinio, Plutarcho in Apophth. & Quinctiliano relat. Hortensius orator accepta mercedis loco a Verre sphinge argentea, cum Ciceroni obscurius aliquid locuto dixisset se ignarum ænigmatum solvendorum: Atqui sphinx, inquit, apud te est. *Præst.*

(5) *Neronianum*) Illius, ut reor, Neronis, qui res adversus Annibalem gessit; estque exemplum hoc, ut pleraque hujus loci prisca, sumptum ex libro Apophthegmatum Catonis. Dictum autem hoc & de furace accipi potest, ut a Nerone usurpatum fuerat, qui omnia resignet & recludat: & de servo frugi, cujus fidei omnia herus committat, cui nihil annulo obsignet, cui nihil claudat fera. In quodam libro scripto legitur *Nevianum*, ut a Nevio poeta sumptum, quod fortasse verius. *Turnebus.*

nec oclusum: quod idem in bono servo dici solet; sed hoc iisdem etiam verbis.

Ex iisdem autem locis omnia nascuntur. Nam quod Sp. Carvilio (6) graviter claudicanti ex vulnere ob rempublicam accepto, & ob eam causam verecundanti in publicum prodire, mater dixit, *Quin prodis, mi Spuri, ut quotiescumque gradum facies, toties tibi tuarum virtutum veniat in mentem?* præclarum & grave est. Quod Calvino (7) Glaucia claudicanti, *Ubi est vetus illud* (8)? *num claudicat? at hic claudicat* (9): hoc ridiculum est; & utrumque ex eo, quod in clau-

P 2

di-

(6) *Sp. Carvilio*) Puto hunc esse qui primus apud Romanos uxorem dimisit. Vir fuit illustris, qui ex equestri loco natus ad summam pervenit dignitatem, ut Paternulus scribit. Consul autem fuit cum Fabio Maximo. Auctor Cicero de Senectute. *Idem.*

(7) *Calvino*) C. Sextius Calvinus, ut ait Cicero in Bruto, ingenio & sermone eleganti, sed valitudine incommoda fuit, etsi cum emiserant dolores pedum, non deerat in causis. Is igitur ex podagra plerumque claudicabat. *Idem.*

(8) *Ubi est vetus illud*) Verba sunt Glauciae. Ubi (inquit Glaucia, cum videret Calvinum claudicantem) est vetus illud proverbium, quo utebantur olim, ut hominem aliquem esse constantem significarent, cum dicerent hæc verba, *num claudicat?* num ille instar arundinis vacillat & fluctuat, modo hoc, modo illud sequitur? certe hoc proverbium, inquebat Glaucia, non cadit in Calvinum, nam profecto claudicat, *at hic claudicat.* Hoc est, homo inconstans, dubiæ, & incertæ fidei. Ita Glaucia vitium corporis ad vitium animi significandum ridicule transferebat. *Præsteus.*

(9) *Num claudicat? at hic claudicat*) Sunt qui scribant hoc modo: *at hic clodiat.* Et sic interpretantur: Calvinus etsi claudicat pede, non tamen tam claudicat, quam Clodiat, id est Clodius faver. Istorum sententiæ non habeo fidem, quia Cicero confert exempla duo, quæ non sic sunt ex immutatione literæ, ut ea quæ sequuntur. Præterea immutant codices sine ratione. Ad hæc, quando fingitur Cæsar hæc tractavisse, cumque vixit Glaucia homo impurus, ut ait Cicero in Orat. pro Rabirio Posthumo, nullus erat Clodius, cui deserte esset fovere. Nondum ceperat Rempublicam P. Clodius, quem Milo interemit. Ego igitur sic interpretor. Glaucia impurus homo cum videret Calvinum pede claudicantem, recordatus est antiqui proverbii, quo veteres utebantur in hominem errantem, vel dubiæ fidei. Quærebant enim: *Num claudicat?* hoc est constatne sibi, an potius errat, aut variat? Ex translatione verbi & ambiguitate objecit homini mentis errorem, vel dubiam fidem. *Sereb.*

dicatione animadverti potuit, est ductum. *Quid hoc Nævio* (10) *ignavius?* severe Scipio. At in male olentem (11), *Video me a te circumveniri* (12), subridicule Philippus. At utrumque genus continet verbi ad literam immutati similitudo.

Ex ambiguo dicta, vel argutissima putantur, sed non semper in joco, sæpe etiam in gravitate versantur. Africano illi majori, coronam sibi in convivio ad caput accommodanti, cum ea sæpius rumperetur, P. Licinius Varus (13), *Noli mirari*, inquit, *si non convenit; caput enim magnum* (14) *est*: laudabile & honestum. At ex

eo-

(10) *Nævio*) Dictum est Africani, ut opinor, Superioris in Nævium, a quo fuerat accusatus, quod præda bello Antiochi capta ærarium fraudasset: alii tamen a Petilio accusatum fuisse scribunt. Locus annominationem habet. Nominatur a Livio oratio P. Africani in M. Nævium, in qua, ut opinor, hoc dixerat. *Turneb.*

(11) *At in male olentem*) Dictum est ridiculum Philippi faceti oratoris. Hunc adibat aliquis, cujus halitus erat gravis & male olens; exclamavit Philippus enecari se tam gravi odore, neque tam se conveniri, quam circumveniri, hoc est, opprimi, & per nomen speciemque colloquii præfocari ab isto male olente, cujus anima esset instar veneni peltiferi. *Præst.*

(12) *Video me a te circumveniri*) Cæsar dicit, hæc duo Scipionis & Philippi dicta *verbi ad literam immutati similitudine contineri*. In joco Scipionis verba *Nævius* & *ignavius* idem prope sonant, eademque fere sunt verborum literæ. In hoc vero Philippi, cui verbo simile est verbum *circumveniri*? Prorsus nescio: locus igitur non erit, nisi cum vulgatis nonnullis editionibus, & cum Lamb. & Steph. legamus, *Video me a te non conveniri*, sed *circumveniri*. Memento, lector, hoc in male olentem quendam dictum esse. Sensus autem est: Cum gravis est tibi halitus, quoties mihi occurris, non videris mihi *convenire*, sed insidias mihi parare, & mali aliquid mihi inferre velle. *Pearcius.*

(13) *P. Licinius Varus*) Qui multis magistratibus egregie functus, prætor urbanam jurisdictionem obtinuit anno U. C. DCLVI. ante Christum CXCVII. *Præst.*

(14) *Caput magnum*) Ambiguum est, nam significatur & magnitudo partis, & amplitudo hominis. Publius autem iste Licinius Varus bello secundo Punico ædilis cum Veturio fuit, ut Livius scribit. Postea etiam præturam eodem bello adeptus est, in qua tulit ad populum, ut ludi Apollinares in statum diem in perpetuum voverentur. *Turnebus.*

eodem genere est: *Calvus satis est* (15), quod dicit parum. Ne multa: nullum genus est joci, quo non ex eodem severa & gravia sumantur.

Atque hoc etiam animadvertendum, non esse omnia ridicula faceta. Quid enim potest esse tam ridiculum, quam Sannio (16) est? Sed ore, vultu (17); imitandis moribus, voce, denique corpore ridetur ipso. Salsum hunc possum dicere, atque ita, non ut ejusmodi oratorem esse velim, sed ut mimum.

P 3

LXII.

(15) *Calvus satis est*) Hic *Calvum* esse nomen proprium non censeam, sed appellativum. Jocus ex eo est, vel quod veteres calvos fallaces censebant, vel quod calvi mimi, ut Nonius ait, omnibus erant frustratui: unde *calvus*, quod est frustror, decipio. *Satis est* igitur quod dicit parum, est ambiguum. Id est enim quod parum loquitur, vel quod parum orator est. Nam dicere parum pro oratorem non esse, dicere solebant. Cicero in Bruto: Nam T. Aufidius qui vixit ad summam senectutem, volebat similis esse horum, eratque & bonus vir, & innocens, sed dicebat parum. Qui de Licinio Calvo oratore & poeta intelligunt, peccant ignoratione temporis. Si quis tamen, *Calvum*, nomen proprium, quod verum non puto, censeat, eandem servare poterit ambiguitatem. Satis est quod parum loquatur, & parum sit eloquens, ne nos fallat verbis, homo præsertim ineptus & molester. Idem.

(16) *Sannio*) Sanna, inquit vetus Persii Interpres, dicitur os distortum cum vultu: quod facimus cum alios irridemus: unde *Sanniones* dicti sunt, qui non rectum vultum habent. Hic tamen doctissimus Budæus animadvertit, mimorum quoddam genus significari. Verum, ut reor, sanna, & sannio ab homine stulto & inepto Sanna originem sumpsere, qui tam fatuus fuit, ut Cratinus Comicus sannam pro stulto usurpaverit, quemadmodum relatum est ab Eustathio: quo etiam auctore deduci potest utrumque a Sannis populis Asiæ, quos consuetudo Græcorum erat ejus ætate Tzanos vocare, qui moribus erant barbaris & incultis, ac proinde insulsis & incitis. Afferet & aliam originem a verbo *σαίνειν*. Idem.

(17) *Ore, vultu*) Os pro facie sumitur, vultus pro certo quodam oris habitu & conformatione, quæ animi motuum index est. *Oculi*, inquit Tullius lib. 1. de Legibus, nimis arguti, quemadmodum animo affecti simus, loquuntur, & iis qui appellatur vultus, qui nullo in animante esse præter hominem potest, indicat mores: cujus vim Græci norunt, nomen omnino non habens. Vultum tamen animalibus ac feris attribuit Virgilius lib. vii. *Æneid.* v. 20.

Setigerique suæ, atque in præsepibus uris

Sævis, ac formæ magnorum ululare luporum,

Quos hominum ex facie dei sæva potentibus herbis

Induerat Circe in vultus ac terga ferarum. Præst.

LXII. Quare primum genus hoc, quod risum vel maxime mover, non est nostrum, morosum (18), superstitiosum, suspiciosum, gloriosum, stultum. Naturæ ridentur ipsæ, quas personas agitare solemus, non sustinere. Alterum genus est imitatione admodum ridiculum, sed nobis tantum licet furtim, si quando, & cursim: aliter enim minime est liberale. Tertium, oris depravatio, non digna nobis. Quartum, obscœnitas, non solum non foro digna, sed vix convivio liberorum. Detractis igitur tot rebus ex hoc oratorio * loco, facetiæ reliquæ sunt, quæ aut in re, ut ante divisi, positæ videntur esse, aut in verbo. Nam quod, quibuscumque verbis dixeris, facetum tamen est, re continetur: quod mutatis verbis salem amittit, in verbis habet leporem omnem.

Ambigua (19) sunt in primis acuta, atque in verbo posita, non in re; sed non sæpe magnum risum movent: magisque ut belle & literate dicta laudantur: ut in illum Titium, qui cum studiose pila luderet, & idem signa sacra noctu frangere putaretur, gregalesque eum, cum in campum non venisset (20), requirerent, excusavit Vespas

Te.

(18) *Primum genus hoc..... non est nostrum, morosum, &c.* Hæc sunt Sannionum ridicula. Sustinent enim personas eorum, qui mores duos sequuntur & agrestes, qualis est Demeas apud Terentium: qui nimia religione, & vano Deorum metu laborant, cuiusmodi fere sunt mulierculæ: qui nihil non suspicantur, ut senes: qui gloriam avide captant, ut Thraso Terentianus: qui stulti sunt, ut Phædria. Huiusmodi personas non sustinebit Orator, sed agitabit. Sustinere, est agere & imitari: agitare vero, faceto aliquo dicto, aut lepida narratione perstringere. *Svebeus.*

* *Loco*) Lamb. *joco.*

(19) *Ambigua*) Quo in genere elegans est illud Ciceronis: Cum obijceres Miloni accusator in argumentum facturum Clodio insidiarum, quod Bovillas ante horam nonam divertisset, ut expectares dum Clodius a sua villa exiret, & identidem interrogares, quo tempore Clodius occisus esset, respondit, Sero. Quintil. lib. vi. c. 3. Ambiguum illud sero, vel vespertinum tempus, vel tarde perinde significat. *Prust.*

(20) *Cum in campum non venisset*) In campo Martio juvenis Romana cum aliis ludis, tum pila se exercebat, cuius

Qu-

Terentius, quod eum *brachium fregisse* (21) diceret. Ut illud Africani, quod est apud Lucilium:

Quid? Decius, Nuculam (22) an confixum vis facere? inquit.

Ut tuus amicus, Crasse, Granius, *non esse sextantis* (23). Et, si quæritis, is, qui appellatur dicax, hoc genere maxime excellit: sed risus movent alia majores. Ambiguum per seipsum probatur id quidem, ut ante dixi, vel maxime: ingenio

P 4

niosi

studiosus erat Titius. Frangere autem brachium ambigue dixit Vespæ Terentius, vel suum, vel signi sacri. Apparet istum Titium quadam religionis opinione imbutum fuisse, qua simulacra damnabat; aut certe non satis pium fuisse, qui signa sacra frangeret. Vespæ proprium nomen non est meo iudicio, sed appellativum, significatque vespillonem. Pompejus, *Vespæ dicuntur, qui funerandis corporibus officium gerunt*, non a minutis illis volucris, sed quia vespertino tempore eos efferunt, qui funebri pompa duci propter inopiam nequeunt. Itaque, ut reor, hic dicitur *vespæ* Terentius, ut in Miloniana *pops* Licinius, id est sacrificulus. Si cui tamen Vespæ proprium nomen esse videatur, non vehementer contra pugnabo. Tantum quid sentiam, testificor. *Turnebus.*

(21) *Brachium fregisse*) An sibi? an alicui signo sacro? *Præst.*

(22) *Quid? Decius, Nuculam, &c.*) Africani disterium, quidam interpretati voluerunt, & ad obscœnitatem turpitudinemque retulerunt. Satius esse duxerunt, effutire nugas aniles, quam se nescire, quod nescirent, confiteri: quasi vero turpe sit ignorare, quod non culpa tua, sed temporum injuria ignores. Si Lucilii Satyræ extarent, non esset difficile rem videre, quam Cicero tanquam notam attigit, non explicavit. Perierunt vel casu, vel majorum negligentia. Quid facias? unde sumas notionem? divinabisne, & incerta pro certis habebis? Tantine tibi est versiculus maxime ridiculus, ut propter illum impudentiam tuam atque temeritatem vendites? Non placet mihi temere augurari: & si placeret, non referrem ad obscœnitatem, quia nec obscœne loqueretur Africanus, nec obscœna inter faceta collocaret Cicero. *Sprebeus.*

(23) *Non esse sextantis*) Jocus est ex ambiguo. Dicitur enim non esse sextantis, quod pluris est, id est, quod est magni pretii: & non esse sextantis etiam dicitur, quod minoris est, id est, quod nullius prope pretii. Nam non putem diduci & distrahi verbum debere, ut sextantis dicatur, quo fere modo interpretantur. Sic illusit hominem nihili Granius, cum eum laudare videretur. Pretium enim in hominibus dicebant orta consuetudine ab emptione servorum. *Turnebus.*

niosi (24) enim videtur, vim verbi in aliud, atque ceteri accipiant, posse ducere: sed admirationem magis, quam risum movet, nisi si quando incidit in aliud genus ridiculi.

LXIII. Quæ genera percurram equidem: sed scitis esse notissimum ridiculi genus, cum aliud expectamus, aliud dicitur (25). Hic nobismetipsis noster error risum movet. Quod si admixtum est etiam ambiguum, fit falsius: ut apud Nævium (26) videtur esse misericors ille, qui iudicatum duci (27) videns, percontatur ita,

Quanti additus? mille nummum (28).

Si addidisset tantummodo, *Ducas licet*; esset illud genus ridiculi præter expectationem: sed quia addidit,

Nihil

(24) *Ingeniosi*) Tale est illud Ciceronis. Cum aliquando Crassus dixisset, neminem gentis suæ Romæ ultra sexagesimum annum perduxisse vitam, negaretque rem postea, & miraretur quomodo dixisset: Sciebas, inquit Cicero, populum Romanum auditurum libenter, adeoque hanc ab illo gratiam inire voluisti. *Plutarchus in Cicerone*. Præst.

(25) *Aliud expectamus, aliud dicitur*) Cujusmodi fuit asperior ille Ciceronis in M. Crassum iocus. Cum pro rostris M. Crassum secundæ concione ornasset laudibus, eundemque rursus, paucis interpositis diebus, contumeliose perstrinxisset; ubi ille dixit, Nonne me ex isto loco aliquanto ante laudasti? Etiam, inquit, exercendæ orationis causa commentans, vile argumentum tractavi. *Plutarchus in Cicerone*. Idem.

(26) *Nævium*) Cn. Nævius natione Campanus, professione poeta comicus, anno post Romam conditam quingentesimo undevicesimo fabulas apud populum dedit. Eum M. Varro, ut Gellius refert lib. xviii. cap. 21. scribit stipendia fecisse bello Punico primo, idque ipsum Nævium dicere. Exul Uticæ decessit Olympiade cxliv. Coss. uti tradit Tullius in Bruto, Cethego & Tudiciano, anno U. C. DL. ante Christum ccv. *Eusebius in Chronico*. Epigramma ejus sepulchro impositum refert Gellius lib. 1. cap. 24. *Idem*.

(27) *Judicatum duci*) Id est, condemnatum. Plautus, *Mile cubandum est: judicatum me uxor abducit domum*: & apud Gellium, *Æris confessi & debiti judicatis triginta dies sunt dati*. Sententia est: qui damnatum pecuniæ duci videt a creditore. *Idem*.

(28) *Quanti additus?*) Versus est trochaicus catalecticus. *Quanti additus? Mille nummum. Nihil addo, ducas licet*. Ille qui rogabat, videbatur judicatum soluta summa aut promissa vindex liberaturus. Præter expectationem igitur, *ducas licet*, creditori

Nihil addo, ducas licet :

addito ambiguo, altero genere ridiculi, fuit, ut mihi quidem videretur, falsissimus. Hoc tum est venustissimum, cum in altercatione arripitur ab adversario verbum, & ex eo, ut a Catulo in Philippum (30), in eum ipsum aliquid, qui laceflivit, infligitur. Sed cum plura sint ambigui genera, de quibus est doctrina quædam subtilior, attendere & aucupari verba oportebit : in quo, ut ea, quæ sint frigidiora, vitemus, (etenim cavendum est, ne arcessitum dictum putetur) permulta tamen acute dicemus.

Alterum genus est, quod habet parvam (31) verbi immutationem, quod in litera positum, Græci vocant παρανομασίαν, ut *Nobiliorem* (32),
mo-

tori dixit, significans se illi nullam facere moram. Addidit etiam ambiguum, cum dixit, *Nihil addo*, quod est, Nihil præterea rogo. Tantum enim scire volebam, quanti esset addictus, nec peto ut a prætoris pluris addicatur mea causa. Nihil enim mihi debet, nec quicquam addo summæ. *Idem*. Nummus five sesterius nummus, quod vocabulum vel unico, vel geminato scribi veterum monumentis liquet, quarta pars denarii Romani, decem denariis nostratibus æstimatur, ut Budæo visum, ut recentioribus, æsse uno & semis, vel etiam duobus nostratibus. Mille nummum conficit quadraginta tres libras & quindecim asses Francicos, vel septuaginta quinque: aut etiam centum libras. Quæ summa ut florente opibus repub. tenuis erat, ita ante Nævii tempora nonnullius momenti videbatur. *Præst.*

(30) *A Catulo in Philippum*) Vide superiores notas ad c. 54. *Præst.*

(31) *Habet parvam, &c.*) Paronomasiam adhibuit Tullius 111. Philip. *En cur magister ejus Antonii ex oratore arator factus sit*. Adhibuere qui Antiochum cognomento Εἰπερχῶν, hoc est, *illustrem* appellarunt, Εἰπερχῶν, *furiosum*: & qui Tiberium Claudium Neronem, quod largius biberet merum calda temperatum, vocarunt Biberium Caldium Meronem. *Idem*.

(32) *Nobiliorem*) Fulvium *Nobiliorem*. (eum accusaverat Cato, eique ut probum objecerat, quod poetas in provinciam duxisset.) *Mobiliorem* Cato appellavit, ejus levitatem notans, quod maximum apud Romanos crimen erat, studiosos gravitatis & constantiæ. *Turnebus*. M. Fulvius Nobilior clarissimis reip. magistratibus egregie functus, proconsul de Ætoliis triumphavit anno U. C. Dlxvii. ante Christum Clxxxvii. *Præst.*

mobilior Cato: aut ut idem, cum cuidam dixisset, *Eamus deambulatum* (33): & ille, *Quid opus fuit De?* Immo vero, inquit, *quid opus fuit te?* aut ejusdem responsio illa, *Si tu & adversus, & aversus* (34) *impudicus es.*

Etiam interpretatio nominis (35) habet acumen, cum ad ridiculum convertas, quamobrem ita quis vocetur; ut ego nuper, Nummium (36) divisorem, ut Neoptolemum ad Trojam, sic illum in campo Martio (37) nomen invenisse.

LXIV. Atque hæc omnia verbo continentur. Sæpe etiam versus facete interponitur, vel ut est, vel paululum immutatus, aut aliqua pars versus, ut

(33) *Deambulatum*) Reprehendebat, quod male effet Latine locutus, cum *ambulasum* dicere debuisset. Plerumque tamen composita idem quod simplicia significant, ut *deambulare* pro *ambulare* Cato dixerat Latine. *Turnebus.*

(34) *Es adversus, & aversus*) Objicit obscœnitatem oris, cum *adversum* dicit, & muliebria, cum *aversum*: ne quis scotatorem aut adulterum cogitet, quos Latini non vocant impudicos. Nam impudicitia est in patiendi. Simile quiddam Arcefilæ refertur in hominem castum illum quidem & integrum, voce tamen infracta, & capillo composito, & oculis illecebrofis, Nihil interesse quibus membris homines cinædi sint posterioribus, an prioribus. *Turneb.* Nec te moveat obscœnitas indigna liberali joco. Non enim jocabatur Cato, cum diceret hæc. In verbis, quæ cadunt jucunde, non in re, hoc dictum facetum est. *Sirebaeus.*

(35) *Interpretatio nominis*) Multa Cicero in Verrem, sed ut ab aliis dicta: modo futurum ut omnia verteret, cum diceretur Verres: modo Herculi, quem expilaverat, molestiorem apud Erymanthio fuit: modo malum sacerdotem, qui tam nequam Verrem reliquisset, quia Sacerdoti Verres successerat. Fabius lib. VI. c. 3. *Præst.*

(36) *Ego nuper, Nummium*) Lepide jocatus est Cæsar in Nummium divisorem: (erant autem divisores, qui ad emerenda populi suffragia pecuniam inter tribus viritum candidatorum nomine dividebant, quos Plautus Curiarum magistros vocat). Quemadmodum Pyrrhus, inquiebat Cæsar, ad Trojam Neoptolemus est appellatus quod juvenis ad bellum venisset: ita in campo Martio nomen invenit Nummius, a nummis scilicet, quos ibi tribus dividebat. *Idem.*

(37) *Illum in campo Martio*) Romæ forum in campo Martio habebatur, ubi tabulæ nummulariorum erant, & ubi Divisores nummum seu pecuniam populo dividebant: a nummo igitur *Nummius* hic nomen suum traxisse jocosè dicitur. *Pærcius.*

ut Staius Scauro (38) stomachanti; ex quo sunt nonnulli , qui tuam legem de civitate (39) natam, Crasse, dicant:

*St, tacete (40), quid hoc clamoris? quibus
nec mater, nec pater,*

*Tanta confidentia eslis? auferte istam enim
superbiam.*

Nam in Cælio sane etiam ad causam utile fuit tuum illud, Antoni, cum ille a se pecuniam profectam diceret testis, & haberet filium delicatior-
rem: abeunte jam illo,

*Sentin' senem (41) esse tactum triginta
mi-*

(38) *Ut Staius Scauro*) Gellius IV. 20. *Cæcilius quoque ille comædiarum poeta inclitus, servus fuit, & propterea nomen habuit Staius.* Is forte, aut potius alius ejusdem nominis libertinus, Scauro stomachanti, paupertatem patris objecerat, qui, quamvis patricius, & nobilis, carbonariam tamen exercuisset. Ex eo natam ferunt legem Liciniam & Mutiam, de regundis civibus, quæ bellum Italicum magna ex parte concitavit, quod quæ vix liber esset & civis, aut ne civis quidem, tam superbe principem senatus appellasset. Huic usurpationi non admodum dissimilis est *παρρησία*, cum verum paulum immutamus, aut ad versus Poetæ nobilis similitudinem verum condimus, ut ad imitationem versuum Homeri Hegemon Thasius poema totum (unde parodus poeta appellatus est) & Matron apud Athenarum, lib. 4. *Turnebus.*

(39) *Tuam legem de civitate*) L. Licinius Crassus, & Q. Mucius Scævola consules anno U. C. DCLIX. legem de civitate Liciniam Muciam tulere, ut Cicero testatur oratione pro C. Cornelio, reipub. non modo inutilem, sed etiam perniciosam. Pighius hæc ejus præcipua fuisse capita colligit, uti quæreretur in eos, qui non cives se pro civibus gererent. Præterea, ut in civitates suas redirent etiam Romæ nati, muneribusque civium fusi, quorum majores juris Italici civitate Romana propter virtutem donati non fuissent. *Præst.*

(40) *St, tacete*) St, vocula usitata apud comicos poetas, qua fletorium indicitur. *Idem.*

(41) *Sentin' senem*) Antonius orator censor factus de ambitu causam dixit, accusatus a M. Duronio. Cælius, cujus filius erat intemperantior in libidines, (eum enim hic delicatum vocat) pecuniam quandam a se profectam dicebat, qua corrupta essent ab Antonio suffragia: dixit Antonio ab adolescente in meretriculas insumptam emuncto patre, ut in comædiis adolescentes facere solent. *Tangere* enim hic fallere & circumvenire est. Plautus, *Quia amare cernis, tangere hominem vult bolo.* Sic ferire dicebant, ut Terentius: *Ferietur alio munere Geta.*

M. æt.

minis (42)?

In hoc genus conjiciuntur proverbia (43) : ut illud Scipionis , cum Asellus omnes provincias stipendia merentem se peragrasse gloriaretur , *Agas asellum* , & cætera . Quare ea quoque quoniam mutatis verbis non possunt retinere eandem venustatem , non in re , sed in verbis posita ducantur .

Est etiam in verbo positum non insulsum genus , ex eo , cum ad verbum , non ad sententiam rem accipere videre : ex quo uno genere totus est Tutor , mimus (44) vetus , oppido ridiculus . Sed ab eo a mimis ; tantum genus hujus ridiculi insigni aliqua , & nota re notari volo . Est autem ex hoc genere illud , quod tu , Crasse , nuper ei , qui te rogasset , num tibi molestus (45) esset futurus , si ad te bene ante lucem venisset : *Tu vero* , inquisi-

mo-

M. autem Antonius & L. Flaccus censores hunc Duronium postea senatu moverunt , quod legem de coercendis conviviorum sumptuum latam Trib. plebis abrogaverat . *Turnebus* .

(42) *Minis*) Mina sive mna Attica centum drachmis Atticis constabat : ad nostrates calculos revocata conficit libras septemdecim & quindecim asses . Quapropter triginta minæ valebunt libras Francicas quingentas viginti quinque . Bis tanto plus est talentum Atticum , quod sexaginta minas continet , adeoque efficit libras nostrates 1050 . Sunt qui plus minam æstiment . *Pruss* .

(43) *Proverbia*) Proverbium est , *Agas asellum* , si bovem agere non queas , quod tum de Claudio Asello , quocum gerebat inimicitias , usurpavit Scipio . Græce sic effertur , *αὐτὸς μὲν δούλιος βῶν , ἄλλως γ' ἔστι βῶν* , quo monemur , ut si bubulci esse non possimus , nec queamus vel plaustrum vel aratrum agere , asinari simus saltem . Significavit ab imperatoribus eum inopia meliorum ductum fuisse , nec tam ductum militem ab imperatore , quam asinum ab agasone actum esse . Nonnulli hic ; *Asaso asellum* , legunt eodem sensu , quod ab asinariis potius quam ab imperatoribus ductus sit : sed nisi fallor , proverbium quod protuli , verisimum sensum aperit . *Turnebus* .

(44) *Tutor* , *mimus*) Titulus est fabulæ mimicæ . *Idem* .

(45) *Num tibi molestus*) Quanquam sermo in interrogatione est , tamen apparet a Cicerone scriptum fuisse *Non* , alioqui non esset locus joco : dicebantque *non* in interrogatione etiam , ut in negatione . Quod autem percontator dixerat interrogando , quasi insidiando dictum accepit Crassus , verba , non sententiam secutus . *Idem* .

molestus non eris. Jubebis igitur te, inquit, susci-
sari? & tu, Certe negaras te molestum futurum.
 Ex eodem hoc vetus illud est, quod ajunt Malu-
 ginensem (46) illum M. Scipionem, cum ex
 centuria (47) sua renunciaret Acidinum (48) con-
 sulem, præcoque dixisset, *Dic de L. Manlio* (49):
Virum bonum, inquit, egregiumque civem esse arbi-
tror. Ridicule etiam illud L. Porcius Nasicæ cen-
 sori Catoni, cum ille, *Ex animi tui sententia tu*
uxorem habes (50)? *Non hercule, inquit, ex animi*
mei

(46) *Maluginensem*) M. Cornelius Scipio Maluginensis quæ-
 stor fuit anno U. C. DLXXI. & prætor anno DLXXVI. *Præst.*

(47) *Centuria*) Quum ab omni sexu & ætate fertur suffra-
 gium, comitia dicuntur centuriata, quod populus per centurias
 divisus ferret suffragia. *Asconius. Idem.*

(48) *Acidinum*) Qui renunciatus fuit consul anno U. C.
 DLXXV. ante Christum CLXXI. *Idem.*

(49) *De L. Manlio*) Comitiiis centuriatis consules & præ-
 tores creabantur. Consul autem factus est L. Manlius Acidinus cum
 Q. Fulvio Flacco, anno ab U. C. DLXXIV. quanquam alii et-
 iam forte Acidini ante consulatum sunt adepti, de quibus jocus
 forte accipi possit. In comitiis autem rogatores dicebantur consu-
 les; qui comitia habebant; sed & illi qui in centuria aliqua suf-
 fragia rogabant & renunciabant consuli comitia habenti interro-
 pante præcone, ut tum Scipio Maluginensis in sua centuria fuit.
 Meminit etiam Livius M. Cornelii Maluginensis lib. IV. qui con-
 sul fuit cum L. Papirio Crasso, multis ante hujus ætatem secu-
 lis, si de eo Manlio quem dixi, jocum interpreteris. Ac vo-
 ce tum suffragia, non tabella ferebantur, nondum latis legibus
 tabellariis. Rogatores autem renunciatores centuriarum fuisse, ita
 docet Cicero lib. II. de Div. *Quos cum Tib. Gracchus propter*
mortem repentinam ejus qui in prerogativa referenda subito con-
cideret, in senatum introduxisset, non justum rogatorem comi-
tiorum fuisse dixerunt. Primum vide ne in eum dixerint, qui
rogator centuriæ fuisset. Is enim erat mortuus. Sed & consul re-
 nunciabat, ut Cicero Murenam se renunciassse dixit. Præco etiam
 populo renunciabat quem centuria quæque relata & renunciata a
 rogatoribus consuli consulem faceret. Cum ergo Maluginensis a
 præcone rogaretur, ut de candidato L. Manlio diceret, quid ipsius
 centuria censuisset, ille tanquam non de renunciatione interroga-
 tus esset, sed de Manlii moribus, respondit, *Virum bonum &*
egregium civem esse reor. Quod eo festivius est, quia non tan-
 tum de hominum moribus, sed & de candidatibus ea verba vulgo
 usurpare solebant. *Turnebus.*

(50) *Ex animi tui sententia tu uxorem habes*) Interpun-
 ctione mutata recte jocus hunc sic explicat Lipsius. Censores,
 cum lustrum conderent, diligenter cavebant, ne quis civis sine
 uxore

mei sententia. Hæc aut frigida sunt, aut tum sal-
sa, cum aliud est expectatum. Natura enim nos
(ut ante dixi) noster delectat error : ex quo
cum quasi decepti sumus expectatione, ridemus.

LXV. In verbis etiam illa sunt, quæ aut ex
immutata oratione (51) ducuntur, aut ex unius
verbi translatione, aut ex inversione verborum.
Ex immutatione : ut olim Rufca (52) cum le-
gem ferret Annalem, dissuasor M. Servilius, *Dio*
mihî, inquit, M. Pinari, num, si contra te dixe-
ro, mihî male dicturus es, ut cæteris fecisti? Ut
sementem feceris, ita metes, inquit. Ex transla-
tione autem : ut, cum Scipio ille major (53)
Corinthiis statuum pollicentibus eo loco, ubi alio-
rum essent imperatorum, *turmales* (54) dixit *dis-*
pli-

uxore esset. Cicero de Legibus censorum officia describens, *cali-*
bas, inquit, *esse prohibente*. Stabant porro in exigendo iureju-
rando hæc verba præmittere : *Ex animi tui sententia* : id est,
responde ad id quod rogabo, ita ut sentis : ac deinde addebant,
Tu' equum habes? aut, *tu uxorem habes?* Quod idem in omni
juramento servatum auctor Cicero in Academicis. Hinc facilis
huius loci interpretatio. Cum enim censor Cato in lustris conden-
do a nescio quo Nasica solemnibus verbis de more petisset, *Ex*
animi tui sententia dic videlicet, *tu uxorem habes?* Ille intem-
pestive dicax, & in alium sensum verba censoris detorqueus res-
pondit, *non hercle ex animi mei sententia*. Quasi censor non ro-
gasset utrum uxorem haberet, sed utrum morigeram & bonam,
& ex animi sui sententia haberet. Quis iste fuerit L. Nasica in-
certum : censorem autem cui id contigit fuisse M. Catonem illum
censorium Lipsius existimat. *Præst.*

(51) *Immutata oratione*) Sic allegoriam convertit, quæ non
in verbo, sed oratione posita est. Lib. 111. de Oratore, traductio-
nem & immutationem vocat, quam Græci *ὑπαλλογῶν* appellant.
Hæc immutatio orationis, *permutatio* ad Herennium dicitur. *Tur-*
mebus.

(52) *Olim Rufca*) Legem Annalem M. Pinarius Rufca tu-
lit, cum esset Tribunus plebis anno U. C. DCXXIII. *Ernest.*

(53) *Scipio ille major*) Africani cognomentum consecutus
est, Asdrubale Carthaginensi & Siphace Numidiæ rege iterum de-
bellatis. Accusatus de capta ab Antiocho pecunia ad pacis leges
ferendas, adversariorum invidiæ cessit, & Linternum in Campaniam
se transtulit, ibique obiit anno U. C. DXXX. ante Christum
CXXXIV. *Livius, Plutarchus, &c. Præst.*

(54) *Turmales*) Statuæ turmales proprie dicuntur, & trans-
late.

plicere. Invertuntur autem verba: ut Crassus apud M. Perpernam judicem pro Aculeone cum diceret, aderat contra Aculeonem Gratidiano L. Helvius Lamia (55), deformis, ut nollis, qui cum interpellaret odiose: *Audiamus*, inquit, *pulchellum puerum*, Crassus. Cum esset arrisum, *Non potui mihi*, inquit Lamia, *formam ipse fingere: ingenium, potui*. Tum hic, *Audiamus*, inquit, *disertum*. Multo etiam arrisum est vehementius.

Sunt etiam illa venusta, ut in gravibus sententiis, sic in facetiis. Dixi enim dudum, materiam aliam esse joci, aliam severitatis: gravium autem, & jocorum, unam esse rationem. Ornant igitur in primis orationem verba relata contrarie: quod idem genus sæpe est etiam facetum: ut Servius ille Galba (56), cum iudices L. Scribonio (57) tribuno plebis ferret familiares suos, & dixisset Libo, *Quando tandem, Galba, de triclinio tuo*
exi-

late. Proprie dictæ sunt statuz equestres: nam turmæ sunt equitum, non peditum. Improprie, & translatitie dicuntur gregales, & in turba collocatæ, cujusmodi non expetebat Scipio. *Strebeus*.

(55) *L. Helvius Lamia*) Pighius ad annum U. C. Dcxxxiv. legendum putat *L. Ælius Lamia*; neque enim in Helyia, sed in Ælia gente reperiri familiam Lamiarum. *Pruss*.

(56) *Ser. ille Galba*) Galba in L. Scribonium Libonem iudices elegit, qui sibi essent ob consuetudinem comestationum familiares, quod cum videret Libo, quandonam, inquit, o Galba, desines eligere iudices compotiores tuos? cum tu, respondit Galba, modum impones tuis adulteriis. Hæc verba *de triclinio tuo, de cubiculo alieno* sibi repugnant. *Idem*.

(57) *L. Scribonio*) Magnas inter se similitudines & odia exeruerunt Galba orator & Scribonius Libo, adeo ut tribunus tandem Libo in eum rogationem ferret privilegii similem, quod Lustranorum magnam manum perfidiose interemisset, tribuniciam actioni Catone subscribente, qua de re in Bruto scribitur. In quadam igitur altercatione, ac forte in concione, Galba de Libone conquerens, in eum invehens, postremo iudices ferebat: quod solent homines facere in magna causæ fiducia adversarium provocantes, cum aut iudicem ei ferunt, aut ab eo petunt. Ferebat autem, id est, offerebat, & dabat ei Galba familiares suos, quibuscum esset epulari solitus. *Suum & alienum* contrarie relata sunt. Cubiculum alienum dicit obijciens ei adulteris. *Turnebus*.

exibis? Cum tu, inquit, de cubiculo alieno. A quo genere ne illud quidem plurimum distat, quod Glaucia Metello, Villam in Tiburte (58) habes, chortem in Palatio (59).

LXVI. Ac verborum quidem genera quæ essent faceta, dixisse me puto. Rerum plura sunt, ea-que magis (ut dixi ante) ridentur, in quibus est narratio: res sane difficilis. Exprimenda enim sunt,

(58) *Villam in Tiburte*) Villæ Tiburtinæ in maximo erant pretio, adeo ut doleat Catullus suum fundum Sabinum potius, quam Tiburtem, dici:

O funde noster, seu Sabine, seu Tiburs:

Nam te esse Tiburtem autumat, quibus non est

Cordi Catullum ladere: at quævis cordi est

Quovis Sabinum pignore esse contendunt.

Illic villam habebat magnificentissimam & elegantissimam, ideoque invidiosam Metellus. Ergo Glaucia vir-improbissimus objicit illi invidiose villam Tiburtinam, ut & infra Cæsar: *Ego vero, inquam, a porta exquilina video villam tuam.* Idem Metellus in Palatio habitabat, ubi, ut ex oratione pro Cælio intelligi potest, Metellorum domus fuit: cumque *chors* villæ sit, non domus, in qua *impluvium* dicitur potius, illum dicit chortem habere in Palatio, ei objiciens crimen affectati regni. Chortem enim hominum intelligit. Palatio autem occupato Romam fere habere potuisset in potestate. Itaque periculosus temporibus ei præsidium imponebatur. Cicero in Catilinam: (l. 1.) *Nihil te noleturum præsidium Palatii.* In Metellum aut Numidicum istud dictum est, qui exulare maluit quam in Saturnini leges jurare. Glaucia Saturnini factionem sequebatur. *Idem.*

(59) *Chortem in Palatio*) Cn. Apulejus Saturninus, Tribunus plebis seditiosus ac turbulentus, cum legem agrariam per vim tulisset, Metello Numidico, eo quod in eam minime jurasset, diem dixit. Qui cum a bonis civibus defenderetur, ne causa malorum certaminum esset, in voluntarium exilium Rhodum profectus est. Hæc ex Floro, lib. 111, cap. 16. Qui defendebant Metellum, & vim parabant, conveniebant in Palatium, Consulesque vocabant adversus Saturninum, & Glauciam, Praetorem, socium ejusdem furoris. Quamobrem Glaucia homo dicax, & tum infestus Metello, *Villam, inquit, in Tiburte habes, chortem in Palatio.* *Chortem* dixit ut cohortem, pro multitudine eorum qui conveniebant in unum, quo Metellum tuerentur. Est autem *chors*, spatium intra villæ maceriem. Varro *de Rust.* Chortem barbari *curiam* vocant. A chorte dicta est *cohors*, quæ est decima pars legionis, & aliquando incerta multitudo. Usus Glaucia translatione. Transtulit enim chortem villicam ad significandum hominum cohortem, ut sit sensus: Qui villas habent, in illis habent chortes, in quibus aves & pecudes alunt. Tu vero villam in agro habes, chortem Romæ in Palatio. *Sinebæus.*

sunt, & ponenda ante oculos ea, quæ videantur & verisimilia, quod est proprium narrationis; & quæ sint, quod ridiculi proprium est, subterpia: cujus exemplum, ut brevissimum, sit sane illud, quod ante posui (60), Crassi de Memmio. Et ad hoc genus adscribamus etiam narrationes apologorum (61).

Trahitur etiam aliquid ex historia, ut, cum Sex. Titius (62) se Cassandram (63) esse diceret, *Multos*, inquit Antonius, *possum tuos Ajaces Oileos nominare*. Est etiam ex similitudine: quæ aut collationem habet, aut tanquam imaginem.

De Orat.

Q

Col

(60) *Ante posui*) Scilicet huius libri cap: 70. *Præst*

(61) *Apologorum*) Apologorum sive fabularum inventio refertur ad Ætopam, qui si non auderet aperte verum loqui vir fervili conditione, sive facilius percipi crederet quod festivo diceretur, primus philosophari ridendo instituit, rebusque mutis sensum, & animalibus sermonem affinxit. Scite & eleganter Phædrus lib. III.

Nunc fabularum cur sit inventum genus

Brevi docebo: Servius obnoxia

Quia quæ volebat, non audebat dicere,

Affectus proprius in fabellas transiit:

Calumniamque fictis elusit foris. Idem.

(62) *Sex: Titius*) Seditiosus ac turbulentus tribunus plebis anno U. C. Dclv. ante Christum Ct. quem mordacissimo joco Antonius carpsit. Cum enim ille iactabundus Cassandram se diceret, quasi qui vera quidem, sed non credenda peritura civitati prædiceret; *Multos*, inquit Antonius, *possum appellare tuos Ajaces Oileos*, hoc dictorio imparitissimos ejus mores configens. Cassandram enim Priami filiam, cujus veris vaticiniis nulla fides habebatur, Ajax filius Oilei in templo Minervæ violaverat.

Idem.

(63) *Cassandram*) Ita se vaticinatum esse dicebat, sed neminem credidisse. Nec enim Trojani fidem habebant Cassandræ vati. Propertius, II. 13. 62.

Vera loquor, sed nulla fides: neque enim Ilia quondam

Verax Pergameis Menas habenda viris.

Quod & a Marone scribitur. Eam Ajax Oilei filius capta Troja in Templo Minervæ constupravit, ut multi poetæ canunt: quod tamen Homerus non scribit, aliamque assert naufragii Græcorum causam, ut auctor est Strabo. Obicit autem istam obscenitatem Titio Antonius propter molliorem fracti & soluti gestus & viro indigni: adeo ut ex ejus nomine saltatio quædam mollis & delicata *Titius* diceretur. In Sextum Titium virum turbulentum & seditiosum se testimonium accuratissime dixisse, narrat hoc libro II. Antonius. *Turnebus.*

Collationem : ut ille Gallus olim testis (64) in Pisonem, cum innumerabilem Magio præfecto pecuniam dixisset datam, idque Scaurus ténuitate Magii redargueret : *Erras, inquit, Scaure. Ego enim Magium non conservasse dico, sed, tanquam nudus (65) nuces legeret, in ventrem abstulisse.* Ut illud M. Cicero senex (56), hujus viri optimi, nostri familiaris, pater, *Nostros homines similes esse Syrorum venalium (67) : ut quisque*

(64) *Gallus olim testis*) Confirmabat innumerabilem ab illo pecuniam Magio præfecto per corruptelam esse datam. Scaurus, qui patronus aderat Pisoni, testimonium refellere conabatur tenuitate; id est, paupertate Magii: non esse verisimile, eum, qui innumerabilem pecuniam receperat, tam pauperem esse. Tum Gallus facite : *Erras, inquit, Scaure, in hac tua refutatione. Ego enim Magium non conservasse pecuniam dico, sed, tanquam nudus nuces legeret, in ventrem abstulisse.* Qui nuces legit, id est, colligit nudus, non potest auferre vel in sinum, vel in manicas: mittit in ventrem. Sic ille Magius in computando omnem pecuniam dicebatur absumpsisse. *Sereheus.*

(65) *Tanquam nudus*) Hic locus a collatione sive comparatione ducitur. Magius enim, qui computando dicebatur omnem absumpsisse pecuniam, cum eo confertur, qui nudus in ventrem nucem demittit. *Prust.*

(66) *M. Cicero senex*) Is avus Ciceronis oratoris fuit, qui in municipali republica M. Gratidio legem Tabellariam ferendi resistit; pater autem Ciceronis Cæsari, Crasso, Antonio, familiaris fuit, sed & patruus. Itaque qui de patre Ciceronis intelligunt, peccant. *Turnebus.* Ursinus censuit legendum esse, *Cero*, quia notæ sunt Catonis cum Græcis & Græce scientibus inimicitiae: sed cur non fieri potuit, ut ejusdem esset sententiæ M. *Cicero senex*, scilicet avus nostri Ciceronis? De avo ejus hoc dictum patet, non de patre; is enim, qui istius M. *Ciceronis senis* filius fuit, quique hic vocatur *vir optimus & Cæsaris familiaris*, non fuit Cicero Orator, (nam tunc temporis non nisi decimum sextum annum ætatis agebat,) sed pater Oratoris, qui, ut discimus ex lib. 11. c. 1. familiaris Crassi & Antonii fuit. *Pearcius.*

(67) *Syrorum venalium*) Venalitarii magnam viam servorum Syrorum Romam advehebant. Hinc illud Ciceronis, in Pison. cap. 1. *Nemo queritur Syrum nescio quem de grege novitiorum factum esse consulem.* Nam prædones Cilices oram Syriæ infestam habebant, & prædas illinc agebant, captaque corpora Delum deportabant ad mercatum, unde Romani emebant. Qui autem Syri optime loquebantur Græce, diu servierant in Græcia, veteratoresque & nequam evaserant, nec novitii erant: sed quod servituti diuturnæ, quæ improbos & callidos reddit, attribuendum fuit, id in Græcorum mores conferebat Ciceronis avus, qui

Optimè Grace (68) *sciret, ita esse nequissimum.*

Valde autem ridentur etiam imagines, quæ ferè in deformitatem (69), aut in aliquod vitium corporis ducuntur cum similitudine turpioris: ut meum illud in Helmium Manciam, *Jam ostendam, cujusmodi sis*: cum ille, *Ostende, quaeso*: demonstravi digito pictum Gallum (70) in Maria-no scuto Cimbrico (61) sub Novis (72) distortum ejecta lingua, buccis fluentibus. Risus est commotus: nihil tam Manciae simile visum est. Ut eum Testio Penario (73) mentum in dicen-

Q. 2 do

qui infestus Græcis fuisse videtur non multo secus, ac Cato censorius. Turnebus.

(68) *Optimè Grace*) Apud veteres Romanos male audiebant, quibus erat frequentius cum Græcis commercium: quippe quorum si disciplinas non omnino respuerent, at loquacitatem, ignaviam, & adulationem pessime oderant. Proclive est autem existimare ab eorum te moribus non abhorre, quorum doctrinas studiosus persequeris. Prust.

(69) *Imaginès.... in deformitatem*) Qualis est elegans illa Martialis, *Cum sint crura tibi, simulent quæ cornua lumen*. Prust.

(70) *Pictum Gallum*) Tabernæ erant circa forum, inquit Fabius: & scutum illud signi causa positum. Marianum autem scutum Cimbricum vocat, propterea quod Cimbris nuper a Mario victis, in memoriam victoriæ dominus tabernæ scutum suspenderat sic pictum pro tabernæ signo. Sciebant etiam ad pompam triumphi ornandam multa hujusmodi scuta traduci, & in foro poni. Scutum igitur pendebat in taberna pro signo, in quo Gallus linguam ejiciebat, id est, exerebat. Sic enim in contumeliam & deformitatem eum fœde pinxerant: fortasse etiam quod in historia scriptum scitent, Gallum, qui cum Torquato pugnas- set, linguam exuisse. Livius, *Armatum adornatumque adversus Gallum stolide letum*, & (quoniam id quoque memoria dignum antiquis visum est) linguam etiam ab irrisu exerentem, producunt. Plinius (xxxv. 4.) hunc jocum non Julio, sed Crasso tribuit, nec scutum, sed tabulam nominat. Sic enim scribit, *Hinc ille Crassi oratoris lepos agentis sub Veteribus, cum testis compellatus instaret*: Dic ergo Crasse, qualem me reris? *Talem, inquit, ostendens in tabula pictum insatissime Gallum exerentem linguam*. Turnebus.

(71) *Cimbrico*) Cimbrî Populi Germaniæ maxime ad Septentrionem. Prust.

(72) *Sub Novis*) Ut locus erat in foro, qui sub Veteribus, sic, qui sub Novis dicebatur, a tabernis. Turnebus.

(73) *Testio Penario*) Testius Penarius dicendo mentum

non

do intorquenti, Tum ut diceret, si quid vellet, si nucem fregisset.

Etiā illa, quæ minuendi (74) aut augendi causa (75) ad incredibilem admirationem efferuntur: velut tu, Crasse, in concione, ita sibi ipsum magnum videri Memmium, ut in forum descendens caput ad fornicem Fabii (76) dmitteret. Ex quo genere etiā illud est, quod Scipio apud Numantiam, cum stomacharetur cum C. Metello (77), dixisse dicitur, Si quintum pareret mater ejus, asinum fuisse parituram.

Ar-

non aliter intorquebat, quam qui dentibus frangunt nucem: quod cum J. Cæsar animadvertisset, excepit adversarium ridiculo. Dio, inquit, si quid velis, posteaquam nucem frageris. Strebæus. Simile est illud in Vespasianum, qui vultu nitentia erat: Dicam, cum ventrem exonerare desieris. Turnebus.

(74) Minuendi Non minus lepidum est quod rem incredibiliter immittit, quam quod auget. Facetum est illud Ciceronis, qui cum Lentulum generum suum, exiguæ staturæ hominem, longo gladio accinctum vidisset, Quis, inquit, generum meum ad gladium alligavit? Macrob. lib. II. Saturnal. cap. 3. Præst.

(75) Augendi causa Cum quis utitur hyperbole, qualem adhibuit per iocum Cicero. Cum in ea provincia, quam Q. Frater rexerat, vidisset clypeatam imaginem ejus ingentibus lineamentis usque ad pectus ex more pictam; erat autem Quintus ipse stature parvæ, ait: Frater meus dimidiatus major est quam totus. Macrob. ibid. Idem.

(76) Ad fornicem Fabii De homine prælongo interpretatur Fabius (vi. 3.) hunc in modum: Quale refert Cicero de Memmio homine prælongo, caput eum ad fornicem Fabii effendisse. Sed censuram potius accipi debere de animi vitio, ut C. Memmium infestum patribus tam magnum sibi videri dicat, ut ad fornicem Fabii, qui altissimus erat, caput demittat. Sic enim reprehenduntur magni ejus spiritus, & notatur insolentia hominis sese effertentis supra modum. Ut ita intelligam, faciunt & verba Ciceronis scribentis ipsum Memmium ita sibi videri magnum; & historia. Turnebus. Hunc Fornicem Fabium vir triumphalis victoriæ de Allobrogibus relatæ in monumentum extruxerat. Præstus.

(77) C. Metello Q. Metellus Macedonicus, ut refert Plutarchus libro de fortuna Romanorum, quatuor habuit filios consulares, Q. Balearicum, L. Diadematum, M. Metellum, & C. Caprarium, quorum ut quisque cæteros ætate, sic ingenio superabat. Omnium igitur minime ingeniosus fuit C. Metellus, cujus tarditatem accusans Scipio aiebat, si mater ejus quintum pareret, asinum fuisse parituram: quasi ita obtusus fuisset Metellus, ut nullus nisi asinus ipso posset esse inferior. Præst.

Arguta etiam significatio est, cum parva re, & saepe verbo res obscura & latens illustratur: ut, cum C. Fabricio P. Cornelius, homo, ut existimabatur, avarus & furax, sed egregie fortis & bonus imperator, gratias ageret, quod se homo inimicus consulem fecisset, bello praesertim magno & gravi; Nihil est, quo mihi gratias agas, inquit, si malui compilari, quam venire. (79). Ut Asello Africanus objicienti lustrum illud infelix, Noli, inquit, mirari. Us enim, qui te ex avariis exemit (80), lustrum condidit (81), & taurum immolavit. Tanta suspicio est. (82), ut religio-
ne

Q 3

(79) *Compilari, quam venire*) Gellius, lib. iv. cap. 8. refert quosdam scribere id Fabricium, non Rufino, sed aliis mirantibus, quod hominem inimicum & avarum consulem fecisset, respondisse. Apud Fabium lib. xii. cap. 1. scribitur, *Malui a cive me spoliari, quam ab hoste venire.* Turnebus.

(80) *Ex avariis exemit*) Censores malos cives sic notabant, ut qui senator esset, Senatu moveretur; qui eques Romanus, equum publicum amitteret; qui vero plebejus, fieret avarius, nec esset in albo centuriae suae tanquam civis, sed tantummodo pro capite suo tributi nomine aera penderet. Si plebejus hac ignominia levabatur, illum *ex avariis eximi* dicebant. *Sprebent.* Porro notandum est morem fuisse censoribus taurum immolare, cum lustrum conderent, & finirent. *Pearcius.*

(81) *Lustrum condidit*) Censu peracto, immolatisque sue, ove, tauro, lustrum conditum dicebatur, quod in censendo finis esset factus: non autem semper aëlo censu lustrum condebatur. Nam si quid dirum, & omisiosum, aut sinistrum accidisset, lustrum condi nefas erat. Livius, *Census actus eo anno: lustrum, propter Capitolium captum, consulem occisum, condi valigiosum fuit.* Itaque census is, quo lustrum condebatur, ab Ulpiano *cedus* lustralis appellatur. Significat igitur Scipio, civitati prope opus esse expiatione, quod cum Asellus exemptus sit ex avariis, quod ominosum & dirum videri vult, conditum tamen lustrum sit: inde enim infelix lustrum & calamitosum fuisse, multumque mali postea reip. evenisse. Verba Africani de Mummio, quae a Valerio scribuntur, hic adscribant: *Cum haberet, inquit, censuram conforsem Mummium, ut nobilem, ita eteruis vire, pro Rostris dixit, se ex maiestate reip. omnia gesturum, si sibi cives, vel dedissent collegam, vel non dedissent.* Turnebus.

(82) *Tanta suspicio est*) Haec Scipionis verba suspicionem movent, ut putetur Mummium sanctissimas violasse religiones,

ne civitatem obstrinxisse (83) videatur. *Mammius*, quod Asellum ignominia levavit. *LXVII.* Urbana etiam dissimulatio est, cum alia dicuntur, ac sentias (84) non illo genere, de quo ante dixi, cum contraria dicas (85), ut *Lamiae Crassus* (86), sed cum totius generis orationis severe ludas, cum aliter sentias ac loquere: ut noster *Scævola Septumulejo* (87) illi *Anagnino* (88), cui pro *Gracchi* capite dierat aurum repensum, roganti; ut se in *Asiam* praefectum duceret, *Quid tibi vis*, inquit, *insane?* tanta malorum est multitudo civium, ut tibi ego hoc con-

fir.

nes, & gravissimo crimine civitatem obligasse restituendo Asellum in pristinam dignitatem, a qua defectus fuerat a censore, *Prust.*

(83) *Religione. . . obstrinxisse*) Religione civitatem obstringere, est eum metum violatae religionis incutere civibus, ut expiandam civitatem, & Deos esse placandos existiment. *Strebeus.*

(84) *Cum alia dicuntur, ac sentias*) Cuiusmodi est illud *Ciceronis*. Cum *Caesar* legem tulisset de agro Campano militibus dividendo, & multis ea res displicuit in senatu, & *L. Gellius*, admodum senex, negavit hoc futurum se quidem vivo: hic *Cicero*, expectemus, inquit: non longam diem postulat *Gellius*. *Plutarchus. in Cicetone. Prust.*

(85) *Cum contraria dicas*) Genus illud superius dicit, quo per inversionem quis locatur, a quo ironiam hic distinguit, quam dissimulationem appellat; ac mox etiam dissimulantiam. Ea plurimum usus est *Socrates* in sermonibus, praesertim cum sophistis disputans. Nam de seipso detrahens, plurimum tribuebat iis, quos volebat refellere. *Turnebus.*

(86) *Lamiae Crassus*) Consule paulo superius cap. 65. *Prust.*

(87) *Scævola Septumulejo*) *C. Gracchus*, seditioso Tribunatu acto, cum *Aventinum* armata multitudine occupasset, *L. Opimius* Consul ex senatusconsulto persequens illum, praemium pollicitus est ei, qui *Tribuni* caput auferret, ad seque deferret. Id fecit *Septumulejus Anagninus*, & aurum in praemium accepit. Cum *Scævola* in *Asiam* proficisceretur, & *Anagninus* rogaret ut eo se praefectum duceret: *Quid tibi vis*, inquit, &c. Viderur severe & graviter homini consulere, quem ut avarum crudelemque deludit, quia pro capite malorum civium velit aurum sibi rependi, *Strebeus.*

(88) *Anagnino*) *Anagnia* urbs illustris in *Latio*, nunc *Anagnina*. *Prust.*

firmem, si Roma manseris, re paucis annis ad maximas pecunias esse venturum. In hoc genere Fannius (89) in annalibus suis Africanum hunc Æmilianum (90) dicit fuisse, & eum Græco verbo appellat Εἰρων (1): sed, uti ferunt, qui melius hæc norunt, Socratem opinor in hac ironia dissimulantiaque longe lepore, & humanitate omnibus præstitisse. Genus est perelegans, & cum gravitate saluum, cumque oratoriis dictionibus, tum urbanis sermonibus accommodatum. Et hercule omnia hæc, quæ a me de facietis disputantur, non majora forensium actionum, quam omnium sermonum condimenta sunt. Nam quod apud Catonem est, qui multa retulit, ex quibus a me exempli causa multa ponuntur, per mihi scitum viderur, C. Publicium solitum dicere, P. Mummius cuivis temporis (2) hominem esse: sic profecto res se habet, nullum ut sit vitæ tempus, in quo non deceat leporem humanitatemque versari.

Q. 4

Sed

(89) *Fannius*. Historicus, idemque orator, de quo in Bruto. Idem.

(90) *Æmilianum*. Hic L. Pauli, qui Persen vicit, filius, adoptatus est a P. Scipione Africani Majoris filio, qui liberis carebat. Idem.

(1) *Εἰρων*. Socrates Ciceroni est in omni oratione dissimulatur, εἰρωνεία dissimulaturia, qua Socrates libenter uti solitus est, cum aliud diceret ac sentiret. Negat Quintilianus sibi videri dissimulationis nomine satis totius hujus figuræ vires ostendi, quamvis invenerit qui ironiam ita Latine vocarent; nempe Ciceronem, cujus nomen velut honoris causa tacet, cum opinionem & dictum ejus aliquod minus probat. Εἰρων autem est illi agens imperitum, & admirator aliorum tanquam sapientium: quam personam quoniam semper Socrates egit, semel susceptam; idem Quintilianus, Etiam, inquit, vita universo ironiam habere viderur, qualis est vita Socratis. Vauvassor lib. de Ludic. dist. in Socrate. Idem.

(2) *Cuivis temporis*. Simile quiddam de Asinio Pollione refert Fabius hunc in modum: *Us de Pollione Asinio seriis jocissimæ pariter accommodato dictam est, esse cum omnium horarum. P. autem Mummius lepidus & facetus cum esset, homo cuivis temporis a Publicio dictus est, quod in otio, in negotio, in rebus lætis, in asperis, jucundus hominibus esset, & cuiusvisque temporis aptus. Turnebus.*

Sed redeo ad cætera. Est huic finitimum dissimulationi, cum bonello verbo (3) vitiosa res appellatur; ut cum Africanus censor tribu movebat eum centurionem, qui in Pauli pugna (4) non assuerat, cum ille se custodire causa diceret, in castris remanuisse, quæreretque cur ab eo negaretur.

Non amo, inquit, nimium diligentes.

Acutum etiam illud est, cum ex alterius oratione (5) aliud percipias atque ille vult: ut Salinatori (6) Maximus (7), cum Tarento (8) amisso, arcem tamen Livius retinisset, multaque ex ea prælia præclara fecisset, cum aliquot post

monstrum lugebimus. *Idem.*

(3) *Honesto verbo.* Huc refertur potest illud Ciceronis distichum. Insimulatus adolescens quidam, quidam veterum dedisset patri in placenta, hactabat se ferocius, Ciceroni contumelias in maledicta minabatur. Cui Cicero, Hoc, inquit, malo a te, quam placenta. *Platarch. in Cicerone.* Placenta nomine venenum scire dissimulabat. *Præf.*

(4) *Pauli pugna.* Prælium illud intelligo, quo conflixit cum Perse rege Macedoniz Paulus Æmilius. *Turnebus.* De clade, utroq. minor, Cannens loquitur, qua L. Æmilius Paulus ad Cannas cum Romanorum flore misere periit anno U. C. DXXXVIII. septemdecim post annis censuram obiit Africanus, quo tempore uitor ignavia centurionem tribu movit. *Præf.*

(5) *Cum ex alterius oratione.* Ciceroni iocorum lepore ac frequentia nemo comparandus, tot ex omni facetiarum genere unus exempla sufficere potest. Quam elegans est illud in Clodium. *At quæ dea est? Bonam esse oportet, quandoquidem est abs te dedicata. Libertas, inquit, est. Eam tu igitur domi meæ collocasti, quam ex urbe tota sustulisti.* Pro domo sua. *Præf.*

(6) *Salinatori.* Primus, teste Plinio, vestigal ex salariz annonæ instituerat Ancus Martius Romanorum quartus rex, sed expulsi regibus sublatus fuerat. Multo post, nempe anno U. C. DL. ante Christum Cery. censores M. Livius & C. Claudius illud restituerunt. Id commentum iterum ex censoribus satis credebant, populo stratus, quod iniquo iudicio quondam damnatus esset. Inde Salinatori Livio inditum cognomen, quod etiam in ejus fastidium transit. *Levius Lib. xxix.* Paulo ante præerat Tarento Livius, ut consuevit, eratque præfectus ille, qui audito insidiis Annibalis captam, in arcem peninsulae more partim mari, partim rupibus cinctam confugit, quod fusc refert Livius lib. xxv. Id evenit anno U. C. Dxlvi. ante Christum Cctx. *Idem.*

(7) *Maximas.* Q. scilicet Fabius Maximus Verrucosus, qui tum erat consul, cum stratagemate Punico Tarentum est expugnatum. *Idem.*

(8) *Tarento.* Terentium urbe Calabria in magna Græcia, nunc Tarente. *Idem.*

agnos Maximus id oppidum recepisset, rogaretque eum Salinator, ut meminisset, opera sua se Tarentum recepisse; *Quidni*, inquit, *meminerim?* *nunquam ego recepissem, nisi tu perdidisses.*

Sunt etiam illa subabsurda, sed eo ipso nomine saepe ridicula, non solum mimis perapposita, sed etiam quodammodo nobis:

Homo fatuus (9), *Postquam rem habere cepit, est mortuus.*

Quid est tibi *Ista mulier?* *Uxor. Similis medius fidius* (10).

Et Quamdiu ad aquas (11) *fuit, nunquam est mortuus.*

LXVIII. Genus hoc levius, &, ut dixi, mimicum, sed habet nonnunquam aliquid etiam apud nos loci, ut vel non stultus quasi stulte cum sale dicat aliquid: ut tibi, Antoni, Mancina, cum audisset te censorem a M. Duronio de ambitu postulatam, *Aliquando*, inquit, *tibi tuum negotium* (12) *agere licebit.* Valde hæc ridentur, & her-

(9) *Homo fatuus*) Duo hic videntur subabsurda, & quod homo stultus divitias sibi parare potuerit, & quod iis paratis, cum debuisset frui, statim e vita decessisset. *Idem.*

(10) *Similis medius fidius*) Quidam cum deformem & foedam mulierem videret, interrogavit virum qui aderat illi persimilis: *Quid est tibi ista mulier?* Soror, an cognata? Cum respondisset, uxor est mea; tum ille, *Similis est tibi medius fidius.* Ac si diceret, Ex lineamentis corporis judicaveram tuam sororem esse, vel cognatam. Hoc modo facete notavit illius viri foeditatem. *Sereheus.*

(11) *Ad aquas*) Aquas in plurali cum dicunt, aquas calidas & medicatas intelligunt, ut Bajanæ & Puteolanas: ægri autem valetudinis causa ad aquas Bajanæ ibant. Horatius, epist. 15. l. 1. Quidam igitur lento contabescens morbo, ad aquas recreatus tandem esse videbatur, reversus paulo post obiit. Id absurdum videri vult cavillator, quod ad aquas potius, ubi valetudinis causa tamdiu defederat, mori debuerit. De piscatore intelligi locum minime placet. *Turnebus.*

(12) *Tuum negotium*) Erat Antonius admodum occupatus in gerenda censura, & negotium multis facebat. Accusatus de ambitu coactus est, ut se defenderet, omittere aliena negotia. Visus est illi Mancina quidam gratulari, quod de suis tandem negotiis, quæ, ut publica curaret, neglexisse videbatur, serio ipsi cogi-

hercule omnia, quæ a prudentibus, quasi per dissimulationem non intelligendi, subabfurde, falseque dicuntur. Ex quo genere est etiam, non videri intelligere quod intelligas: ut Pontidius, *Qualem existimas, qui in adulterio deprehenditur? tardum* (13). Ut ego, qui in delectu, Metello (14), cum excusationem oculorum a me non acciperet, & dixisset, *Tu igitur* (15) *nihil vides? Ego vero*, inquam, *a porta Esquilina* (16) *video villam tuam*. Ut illud Nasicæ (17), qui cum ad poetam Ennium venisset, eique ab ostio quærenti Ennium, ancilla dixisset, domi non esse, Nascica sensit, illam domini jussu dixisse, & illum intus esse. Paucis post diebus cum ad Nasicam venisset Ennius, & eum a janua quæreret, exclamat Nascica, se domi non esse. Tum Ennius, *Quid? ego non cognosco vocem*, inquit, *tuam?* Hic Nascica, *Ho-*

agitare liceret. Verum iam arguebat his verbis nimiam illius in aliena re severitatem & diligentiam; negligentiam in sua. *Propterea*.

(13) *Tardum*) Fugere enim debuerat, ne in eo deprehenderetur. *Idem*.

(14) *Metello*) Metellum hunc esse puto Numidicum, qui Numidiam sortitus provinciam bello Jugurthino, delectum, ut Sallustius scribit, Romæ habuit: in quo petenti militiæ vacationem Cæsari, morbumque oculorum juranti, *Tu igitur*, inquit, *nihil vides?* quasi sola cæcitas excusanda esset, nec satis esset morbus oculorum ad vacationem. Imo vero, inquit ille, *a porta Esquilina video villam tuam Tiburtinam*. In quo ei obicit invidiose villam nimis magnificam, nimisque alte edificatam; & quid ageretur, dissimulavit, atque ita respondit, quasi tantum interrogaretur quantum videret, non quam iusta excusatio esset. *Turnebus*.

(15) *Tu igitur*, &c.) Itane vero tu oculos infirmos ac parum videntes habes? cæcus es? Imo, inquit Crassus, non ita sum cæcus, qui a porta Esquilina villam tuam magnificentissimam decet, extructam videre possim. Dum se non penitus obtusa oculorum acie probat, sumptuosas Metelli substructiones reprehendit. *Præst.*

(16) *Esquilina*) Porta ad Esquilium montem Romæ ab excubiis Tulli Hostilii nominarum. Ovid. lib. 1. Fast.

Adde quod excubias ubi rex Romanus agebat.

Qui nunc Esquilias nomine collis habet. *Idem*.

(17) *Nasicæ*) P. Cornelius Scipio Nascica a prudentia Corculum dictus, de quo in Bruto. *Idem*.

Homo est impudens. Ego cum te quaerem, ancilla tua credidi te dominum esse, tu mihi non credis ipsi?

Est bellum illud quoque, ex quo is, qui dixit, irridetur in eo ipso genere; quod dixit: ut, cum Q. Opimius (18) consularis; qui adolescentulus male audisset, festivo homini Egilio, qui videretur mollior, nec esset; dixisset, *Quid tu, Egilia mea? quando ad me venis cum tua colu. & lana?* Non pot. (19), inquit, *laudeo. Nam me, ad famosas vetuit mater accedere.*

LXIX. Salsa sunt etiam, quæ habent suspicionem ridiculi absconditam: quo in genere est illud Siculi cui, cum familiaris quidam quaereretur, quod diceret, uxorem suam suspendisse se de ficu, *Amabo te, inquit, da mihi ex ista arbore (20) quos feram furculos.* In eodem genere est, quod Catulus dixit cuidam oratori maior; qui, cum in epilogo misericordiam se movisse putaret, postquam assedit, rogavit hunc, videreturne misericordiam movisse: *Ac magnam quidem, inquit; neminem enim puto esse tam durum, cui non oratio tua miseranda visa sit.*

Me quidem hercule valde illa movent stomachosa, & quasi submorosa ridicula, non cum a moroso dicuntur: tum enim non sal, sed natura ridetur. In quo, ut mihi videtur, persalsum illud est apud Nævium,

Quid pleras pater?

Mirum ni cantem: condemnatus sum.

Hic generi quasi contrarium est ridiculi genus patientis ac lenti: ut, cum Cato percussus esset ab eo, qui arcam ferebat, cum ille diceret, *Cave;* rogavit, *numquid aliud ferret præter arcam?*

Et-

(18) Q. Opimius) Consul anno U. C. Dc. ante Christum cliv. *Idem.*

(19) Pol) Adverbium jurantis per Pollucem, qui Jovis ex Leda filius, frater Castoris erat. *Idem.*

(20) Da mihi ex ista arbore) Hic est abscondita ridiculi suspicio; tegitur enim quod perspicaces satis intelligunt, hunc hominem uxoris mortem exoptare. *Idem.*

Etiā stultitiæ falsa reprehensio : ut ille Sici-
lus, cui prætor Scipio patronum causæ dabat hos-
pitem suum, hominem nobilem, sed admodum
stultum, *Quaso*, inquit, *prætor*; *adversario meo da*
istum patronum; *deinde mihi neminem dederis*.

Movetur illa etiā, quæ conjectura explanan-
tur longe aliter, atque sunt; sed acutè, atque
concinne: ut, cum Scaurus accusaret Rutilium
ambitus, cum ipse consul esset factus, ille repul-
sam tulisset, & in ejus tabulis (21) ostenderet
litteras, *A. F. P. R.* idque diceret esse, *Actum fi-*
de P. Rutilii; Rutilius autem, *Ante factum, post*
relatum; C. Canius, eques Romanus, cum Rulo
adesset, exclamat, neutrum illis literis declarari.
Quid ergo, inquit Scaurus? *Æmilius fecit, plecti-*
tur Rutilius.

LXX. Ridentur etiā discrepantia. *Quid huic*
abest (22) *nisi res & virtus*? Bella etiā est
fami-

(21) *Et in ejus tabulis*) Veteres Romani (ut dixi ad c. 13.)
tabulas rei familiaris suæ conficere solebant: has & Rutilius ille
Rufus confecit, & ex his in judicium prolatis Æmilius Scaurus
aliquid contra Rutilium attulit. Causa hujusmodi fuit: Scaurus
& Rutilius una Consulatum petebant; Scaurus vero, qui eum ob-
tinuit, accusavit Rutilium ambitus, & ad id crimen probandum
postulavit, ut Rutilii tabulæ in judicium afferrentur: in iis tabulis
Rutilius retulerat ea, quæ in sua petitione Consulatus contige-
rant, puta turbas populi, suffragiaque non sine seditione qua-
dam lata, & in fine addiderat quatuor has litteras, *A. F. P. R.*
Eas Æmilius Scaurus malo animo sic explicavit, *actum fide Pu-*
blii Rutilii, iisque innui contendit id, quod actum fuerit & me-
moratum in Rutilii tabulis, actum fuisse auctoritate Rutilii ejusque
sponsione, quasi clam promiserit vel pecuniam vel securitatem suf-
fragia istiusmodi ferentibus. Rutilius vero dixit se his literis so-
lum significasse, *ante factum, post relatum*, id est, ea quæ in ta-
bulis ejus memorata præcesserant, ante (scilicet interjecto tem-
pore) facta erant, quam ipse ea scripto mandasset. Interim Ca-
nius alio modo, quam vel Scaurus vel Rutilius, istas litteras ex-
plicavit, sc. *Æmilius fecit, plectitur Rutilius*, id est, id in quo
Scaurus Rutilium accusat, fecit Scaurus ipse, quamvis Rutilius
ob id plectendus videretur. *Pearc.*

(22) *Quid huic abest*) Acriter vituperatur, qui sic malignè
laudatur, ut nihil ei dicatur deesse, nisi duo maxima, opes, &
virtus. *Præst.*

familiaris reprehensio; quasi errantis: ut cum ob-
jurgavit Albius Granium (23); quod, cum
ejus tabulis quiddam Albucio probatum videretur,
& valde absoluto Scævola gauderet; neque intel-
ligeret contra suas tabulas esse judicatum.

Huic similis est etiam admonitio in consilio
dando familiaris: ut, cum patrono malo, tum
vocem in dicendo obtudisset, suadebat Granius, ut
mulsum frigidum biberet, simul ac domum redif-
set: *Perdam, inquit, vocem, si id fecero: Melius
est, inquit, quam reum.*

Bellum etiam est, cum, quid cuique sit con-
sentaneum, dicitur: ut, cum Scaurus nonnullam
haberet invidiam ex eo, quod Phrygionis Pom-
peji, locupletis hominis, bona sine testamento
possederat, federetque advocatus reo Bestiæ, cum
sanus quoddam duceretur, accusator C. Memmius,
*Vide, inquit, Scaure, mortuus rapitur, si potes
esse possessor.*

Sed ex his omnibus nihil magis ridetur, quam
quod est præter expectationem (24): cujus in-
numerabilia sunt exempla, vel Appii majoris (25)
illius,

(23) *Ut cum objurgavit Albius Granium*, &c.) Sunt qui
hunc locum emendandum censent; omnes, ut opinor, male in-
terpretati sunt. Albucius Scævolam de pecuniis repetundis accu-
savit, ut dicit Cicero in Bruto, & libro primo de Finibus: ad
probanda vero ea, quæ Scævolæ objecerat, Grani tabulas protu-
lit; Scævola judicum sententiis absolutus est; Grani igitur tabu-
las falsas esse iisdem sententiis judicatum est; si quid enim Albu-
cius ex istius tabulis contra Scævolam adhibuit, iudices vero Scæ-
volam absolverunt, manifestum est istas tabulas iudicibus visas
fuisse falsas. Albius igitur quidam ex iis, qui aderat, objurgavit
Granium, qui & gauderet suum amicum Scævolam absolutum fuisse,
& non videret contra suas tabulas judicatum fuisse. Monuit
igitur eum non tam ad Scævolæ res secundas, quam ad suas ad-
versas respicere. *Paucius.*

(24) *Præter expectationem*) Lepidus est in eo genere locus
ille Tulli in ejus vita relatus a Plutarcho. Visto Pompejo, cum
Nonnius spe esse bona juberet tamen; aquilas enim in castris
Pompeji septem superesse: Recte tu istuc quidem, inquit, si cum
Graculis bellum gereremus. *Prust.*

(25) *Appii majoris*) Appius Claudius Pulcher quæstor pro-
via.

illius, qui in senatu, cum ageretur de agris publicis, & de lege Thoria (26) ; & premeretur Lucilius (27) ab iis, qui a pecore ejus depasci agros publicos dicerent, *Non est, inquit, Lucilii pecus illud: erratis: (defendere Lucilium videbatur) ego liberum puto (28) esse: quod lubet, passitur.*

Placet etiam mihi illud Scipionis illius, qui Tib. Gracchum perculit. Cum ei M. Flaccus multis probris objectis P. Mucium judicem tulisset, *Ejero, inquit: iniquus est (29)*. Cum esset admurmuratum, *Ah, inquit, P. C. non ego mihi*

viciam fuit anno U. C. DCXXXVIII. ante Christum CXVI. maior est appellatus, ut discerneretur ab Appio Claudio juniore, qui pater fuit Clodii illius Ciceronis inimici. *Idem.*

(26) *De lege Thoria*) *Sp. Thorius*, ut inquit in Bruto Cicerone, *valuit in populari genere dicendi, is qui agrum publicum vitiosa & inusuli lege vestigali levavit.* Appianus hoc aliter scribit, nec ei cum Cicerone convenit. Ait enim a Thorius vestigal agro publico esse impositum, quod plebi viritum divideretur: ab alio deinde tribuno vestigal esse sublatum. Sed Ciceroni fidem habeamus in legibus & institutis patriæ suæ non peregrino nec hospiti. Lege igitur Thoria agri publici, qui ante attributi fuerant civibus vestigales, publice possideri cœpere, & publicatis elocari, quod minus utile erat, quam si possessores vestigal pendissent. Nilominus tamen Lucilius lege recenti & populo invisus, in agros suum pecus immittebat fortasse non pascuos, certe non petito a publicanis pascendi jure. *Turnebus.*

(27) *Lucilius*) Ex veteri codice Pighius ad annum U. C. DCXXXVIII. corrigendum putat *Lucullus*, L. Luculli, qui Mithridatem vicit, pater, quem avaritia, luxu, aliisque vitiis infamem fuisse scribit Plutarchus in Lucullo. *Præsteus.*

(28) *Liberum puto*) Id est, nullius esse puto, dominum habere non existimo. Videri etiam cuiquam fortasse posset durum, a pecudibus, quæ diis consecrabantur, vocabanturque *avæta* & *asæta*. Quæ, quæ sine custode libere pascebantur. *Turnebus.*

(29) *Ejero, inquit: iniquus est*) Reicio, inquit, iudicem iniquum. Nam ejerare est tanquam iurejurando testari, se recusare. Cum autem Nafica eierasset iniquum Scævola, secuta est admurmuratio omnium, propter eximiam de Scævola æquitatis & probitatis opinionem. Præter expectationem tamen rursus eum omnibus Nafica iniquum eieravit, quod in consulatu causam publicam deseruisset, nec eam armis adversus Tiberium Gracchum defendisset, patribusque ejus opem implorantibus negasset se quidquam vi esse acturum. *Idem.*

h. illum iniquum ejero, verum omnibus (30).

Ab hoc vero Crasso nihil facit. Cum læsisset testis Silus Pisonem, quod se in eum audisse dixisset: *Potest fieri*, inquit, *Sile, ut is, unde te audisse dicis, iratus dixerit*. Annuit Silus. *Potest etiam, ut tu non recte intellexeris*. Id quoque toto capite annuit, ut se Crasso daret. *Potest etiam, fieri*, inquit, *ut omnino, quod te audisse dicis, nunquam audieris*. Hoc ita præter expectationem accidit, ut testem omnium risus obrueret.

Hujus generis est plenus. Nævius, & jocus est familiaris (31).

Sapiens si algebis, tremes.

& alia permulta.

LXXI. Sæpe etiam facere concedas adversario idipsum, quod tibi ille detrahit: ut C. Lælius, cum ei quidam malo genere natus diceret, indignum esse suis majoribus, *At hercule*, inquit, *tu tuis dignus*. Sæpe etiam sententiose ridicula dicuntur: ut M. Cincius, quo die legem de donis, & muneribus (32) tulit, cum C.

Cen-

(30) *Verum omnibus*) Notabat Nasica intempestivam Scævo-
læ lenitatem, qua cum excipere mitius vellet Gracchum, toti reip-
uicinus erat. Tib. Gracchus corrupta largitionibus plebe pernici-
entem senatui moliebatur. Mucius consul, cunctis consentibus,
ut armis rempublicam ruere, negavit se quidquam vi actu-
rum. Tum Scipio Nasica, Quoniam, inquit, consul, dum ju-
ris ordinem sequitur, id agit, ut cum omnibus legibus Roma-
nam imperium corrumpat; egomet privatus voluntati vestræ me du-
cem offero. Animatis hac voce bonis civibus, Gracchum oppres-
sit anno U. C. DCXXI. ante Christum cxxxiii. *Valer. Max. lib.*
III. cap. 2. Præst.

* *Nævius*) Lamb. *Nævius. Est locus, est familia.*

(31) *Et jocus est familiaris*) Melius in libris veteribus scri-
bitur, *Est jocus, est familia, sapiens si algebis tremes*. Ita e-
nim senatus erit integer, tutus sensus erit: Quotumvis urbanus
facetusque sis, quantumvis bono loco natus, tamen ista non fa-
cient, quin si algeas, tremas: quod præter expectationem est di-
stans, cum præsidia non defutura exspectaremus homini inge-
nuo & bona nato familia. *Turnebus.*

(32) *De donis & muneribus*) Caius Cincius, vir ætatis Lu-
ciliæ, ut Macrobius scribit, legem tulit Muneralem, qua ca-
veba-

Cento prodiisset, & satis contumeliose, *Quid fers, Cinciole* (33) ? quæisset : *Ut emas*, inquit, *Cai* (34), *si uti velis*.

Sæpe etiam falsæ quæ fieri non possunt, optantur : ut M. Lepidus, cum cæteris se in campo exercentibus, in herba ipse recubisset, *Vellem hoc esset*, inquit, *laborare*. Salsum est etiam quærentibus, & quasi percontantibus, lente respondere quod nollent : ut censor Lepidus (35), cum M. Antistio Pyrgensi (36) equum ademisset, amicique cum vociferarentur, & quærerent, quid ille patri suo responderet, cur ademptum sibi equum diceret, cum optimus colonus, parcissimus, modestissimus, frugalissimus esset : *Me istorum* (37), inquit, *nihil credere*.

Colliguntur a Græcis alia nonnulla, execrationes (38), admirationes, minationes. Sed hæc ipsa

vebatur, ne quis ob causam orandam munus aut donum caperet. De ea loquitur Plautus, cum scribit, *Neque Muneralem legem, neque Lenoniam, rogata necne fuerit, flocci estumo*. Eam legem admodum senex suavit Fabius Maximus. Verba hujus legis quæstionem attulerunt, quid donum a munere differat. Laëbeo genus esse donum ait a donando dictum, speciem munus. Nam munus esse donum cum causa, ut puta natalitium, nuptiarum : & quale patronorum fuerit honorarium. *Idem*.

(33) *Quid fers, Cinciole*) Contumelia inest in diminutione, & contemptio, quam etiam voce adjuverat. *Idem*.

(34) *Ut emas, Cai*) Ducta est hæc sententia ab iis, qui cum nolunt vicinis commodare vasa utenda, respondent, *Eme si uis* : quam ad dona & munera patrociniorum, quibus ditatus erat Cento, traduxit Cincius : illius perstringens operam venalem. *Se-te enim ait laturum, ne quis ei quid donet. Idem*.

(35) *Censor Lepidus*) Censura functus est M. Æmilius Lepidus anno U. DLXXV. ante Christum CLXXIX. *Præst*.

(36) *Pyrgensi*) Pyrgi, quam Romanam coloniam facit Livius, Tusciae urbs est, quam conjicit Albertus nunc dici S. Marinello. *Idem*.

(37) *Me istorum*) Id est, dicat patri suo, me non credere ipsum talem esse, qualem prædicatis, scilicet parcissimum, modestissimum, frugalissimum. *Peircius*.

(38) *Execrationes*) Execrationes, ut, *Abi quo lubet. Jupiter te Diique perdant*. Plautus in Aulularia. Admirationes, ut, *Jupiter supreme, serva, me, measque auges opes, Maximas opimitates, opiparasque offers mihi* :

psa nimis mihi videor multa in genera descripsisse. Nam illa, quæ verbi ratione & vi continentur, certa ferè ac definita sunt: quæ plerumque, ut ante dixi, laudari magis, quam rideri solent.

Hæc autem, quæ sunt in re & in ipsa sententia, partibus sunt innumerabilia, generibus pauca. Expectationibus enim decipiendis, & naturis aliorum irridendis, ipsorum ridicule indicandis, & similitudine turpioris, & dissimulatione, & subabsurda dicendo, & stulta reprehendendo, risus movetur. Itaque imbuendus est is, qui jocosè vult dicere, quasi natura quadam apta ad hæc genera, & moribus, ut ad cujusque modi genus ridiculi vultus etiam accommodetur: qui quidem quo severior est & tristior, ut in te, Crasse, hoc illa, quæ dicuntur, falsiora videri solent.

Sed jam tu, Antoni, qui hoc diversorio sermonis (39) * mei libenter acquieturum te esse dixisti, tanquam in Pontinum (40) diverteris, neque amœnum, neque salubrem locum, censeo

De Orat.

R

ut

Laudem, lucrum, ludum, jocum, festivitatem, serias, Pompam, penum, potationes, saturitatem, gaudium.

Plautus in Captivis Act. IV. Scen. I. Minationes, quarum lepидum exemplum ejusdem comœdiæ scena consequente Plautus idem subministrat:

Meus est ballista pugnus, cubitus catapulta est mihi,

Humerus aries, sum genu ad quemque jecero, ad terram dabo.

Densilegos omnes mortales faciam, quemque offendero.

Hæc & similia, quæ in mimis plurima occurrunt, cum de levissimis plerumque fiunt causis, risu excipiuntur. *Præst.*

(39) Hoc diversorio sermonis) Qua sermonem absolverat Antonius metaphora cap. 57. defessus jam labore atque itinere disputationis, requiescam in Casaris sermone, quasi in aliquo peropportuno diversorio, eadem definit hic Cæsar; ac vereri se dicit, ne sit inamœnum hoc sermonis sui diversorium, sed potius simile Pontinarum paludum, injucundarum, ac minime salubrium. Cæterum quod in plerisque editionibus sermonis cui legitur, mendum non dubitamus, ut excitatis mox Antonii verbis videre est. *Idem.*

* Mei) Viêt. Lamb. Grut. sermonis tui.

(40) Pontinum) In Volscorum finibus sunt Pontinæ paludes Campaniam versû. Hodie dicuntur *Ausente palude*. Est & Pontinus ager. *Præst.*

ut satis diu te putes requiesse, & iter reliquum conficere pergās. Ego vero, atque hilare quidem a te acceptus, inquit, & cum doctior per te, tum etiam audacior factus sum ad jocandum. Non enim vereor, ne quis me in isto genere leviorē jam putet, quoniam quidem tu Fabricios mihi auctores, & Africanos, Maximos, Catones, Lepidos protulisti. Sed habetis ea, quæ voluistis ex me audire, de quibus quidem accuratius dicendum & cogitandum fuit. Nam cætera facilia sunt, atque ex iis, quæ jam dicta sunt, reliqua nascuntur omnia.

LXXII. Ego enim cum ad causam sum aggreſſus, atque omnia cogitando, quoad facere potui, persecutus; cum & argumenta causæ, & eos locos, quibus animi iudicium conciliantur, & illos, quibus permoventur, vidi atque cognovi: tum constituo, quid habeat quæque causa boni, quid mali. Nulla enim fere res potest in dicendi disceptationem, aut controversiam vocari, quæ non habeat utrumque: sed quantum habeat, id refert.

Mea autem ratio in dicendo hæc esse solet, ut, boni quod habeat, id amplectar, exornem, exaggerem; ibi commoter, ibi habitem, ibi hæream: a malo autem vitioque causæ ita recedam, non ut id me defugere appareat, sed ut totum bono illo ornando, & augendo dissimulatum obruatur. Et, si causa est in argumentis, firmissima quæque (41) maxime tueor, sive plura sunt, sive aliquod unum. Sin autem in conciliatione (42),
aut

(41) *Firmissima quæque*) Id observari potest in oratione pro Roscio Amerino, parricidi reo, qua oratione validissimis argumentis tantum crimen ab Roscio amolitur. *Idem*.

(42) *In conciliatione*) Ad obtinendam Licarii causam reo conciliandus erat Cæsar; hoc ita mirifice præstitit Cicero, ut scriptam in Ligarium sententiam de manibus Cæsaris dicendi vi ac suavitatem extorserit orator. *Idem*.

aut in permotione (43) causa est: ad eam me potissimum partem, quæ maxime commovere animos hominum potest, conféro.

Summa denique hujus generis hæc est, ut, si in refellendo adversario (44) firmior esse oratio, quam in confirmandis nostris rebus, potest, omnia in illum conferam tela. Sin nostra facilius probari (45), quam illa redargui possunt, abducere animos a contraria defensione, & ad nostram conor traducere.

Duo denique illa, quæ facillima videntur, quoniam quæ difficiliora sunt, non possum, mihi pro meo jure sumo. Unum, ut molesto aut difficili argumento, aut loco nonnunquam omnino nihil respondeam: quod forsitan aliquis jure irriserit: quis enim est, qui id facere non possit? sed tamen ego de mea nunc, non de aliorum facultate disputo, confiteorque me, si quæ premat res vehementius, ita cedere solere, ut non modo non abjecto, sed ne rejecto quidem scuto (46) fugere videar; sed adhibere quandam in dicendo speciem atque pompam, & pugnae similem fugam: consistere vero in meo præsidio, sicut non fugiendi hostis, sed capiendi loci causa cessisse videar. Alterum est il-

R 2 lud, ..

(43) *In permotione*) In quo genere præcipua pars orationis pro Milone versatur. Quam eloquenter, maxime in peroratione, commovet iudicum animos! *Idem*.

(44) *Si in refellendo adversario*) Ita Tullius in Miloniana probat struxisse potius insidias Clodium Miloni, quam Milonem Clodio. In Ligariana in Tiberonem accusatorem eiusdem, aut etiam gravioris culpæ invidiam derivat, cuius reum peragebat Ligarium. *Idem*.

(45) *Sin nostra facilius probari*) Clodianorum argumenta non poterat facile dissolvere Tullius Milonis patronus; ab iis auditoris animum avocat: & in his potissimum duobus immoratur, in rep. semper licuisse pestiferum civem de medio tollere, & Clodium insidias Miloni fecisse. *Idem*.

(46) *Sed ne rejecto quidem scuto*) Ad consuetudinem spectat eorum, qui in prælio facientes clypeos suos in tergum reducebant, ne averfi vulnerarentur: neque enim solum clypeum abjicere, sed in tergum rejicere, imbecillitatis fuit. Frequentissimum apud Homerum hic mos contumelia notatur. *Pearsius*.

ne civitatem obstrinxisse (83) videatur *Marcius*, quod Asellum lignominia levavit . . .
 LXVII. Urbana etiam dissimulatio est ; cum alia dicuntur , ac sentias (84) ; non illo genere ; de quo ante dixi ; cum contraria dicas (85) , ut *Lamiae Crassus* (86) , sed cum eodem genere orationis severe ludas , cum aliter sentias ac loquaris : ut noster *Scavola Septumulejo* (87) illi *Anagnino* (88) , cui pro *Gracchi* capite erat aurum repensum , roganti ; ut se in *Asiam* praefectum duceret , *Quid tibi vis* , inquit , *insane ? tanta malorum est multitudo civium , ut tibi ego hoc con-*
fir-

nes , & gravissimo crimine civitatem obligasse restituendo *Asellum* in pristinam dignitatem , a qua dejectus fuerat a censore .
Prust.

(83) *Religione . . . obstrinxisse*) Religione civitatem obstruere , est eum metum violatae religionis incutere civibus , ut expiandam civitatem , & Deos esse placandos existiment .
Sirreus.

(84) *Cum alia dicuntur , ac sentias*) Cujusmodi est illud *Ciceronis* , Cum *Caesar* legem tulisset de agro Campano militibus dividendo , & multis ea res displicuit in senatu , & *L. Gellius* , admodum senex , negavit hoc futurum se quidem vivo : hic *Cicero* , expectemus , inquit : non longam diem postulat *Gellius* .
Plutarch. in Cicrone . Prust.

(85) *Cum contraria dicas*) Genus illud superius dicit , quo per inversionem quis locatur , a quo ironiam hic distinguit , quam dissimulationem appellat ; ac mox etiam dissimulantiam . Ea plurimum usus est *Socrates* in sermonibus , praesertim cum sophistis disputans . Nam de seipso detrahens , plurimum tribuebat iis , quos volebat refellere .
Turnebus.

(86) *Lamiae Crassus*) Consule paulo superius cap 65 .
Prust.

(87) *Scavola Septumulejo*) *C. Gracchus* , seditioso Tribunatu actio , cum *Aventinum* armata multitudo occupasset , *L. Opimius* Consul ex senatusconsulto persequens illam , praemium pollicitus est ei , qui Tribuni caput auferret , ad seque deferret . Id fecit *Septumulejus Anagninus* , & aurum in praemium accepit . Cum *Scavola* in *Asiam* proficisceretur , & *Anagninus* rogaret ut eo se praefectum duceret : *Quid tibi vis* , inquit , &c . Videtur severe & graviter homini consulere , quem ut avarum crudelemque deludit , quia pro capite malorum civium velit aurum sibi rependi .
Sirreus.

(88) *Anagnino*) *Anagnia* urbs illustris in *Latio* , nunc *Anagnina* .
Prust.

firmem, si Romæ manseris, re paucis annis ad maximas pecunias esse venturum. In hoc genere Fannius (89) in annalibus suis Africanum hunc Æmilianum (90) dicit fuisse, & eum Græco verbo appellat *ἑπαιρη* (1): sed, uti ferunt, qui melius hæc norunt, Socratem opinor in hac ironia dissimulantiaque longe lepore, & humanitate omnibus præstitisse. Genus est perelegans, & cum gravitate falsum, cumque oratoriis dictionibus, tum urbanis sermonibus accommodatum. Et hercule omnia hæc, quæ a me de facietis disputantur, non majora forensium actionum, quam omnium sermonum condimenta sunt. Nam quod apud Catonem est, qui multa retulit, ex quibus a me exempli causa multa ponuntur, per mihi scitum videtur, C. Publicium solitum dicere, P. Mummius cuius temporis (2) hominem esse: sic profecto res se habet, nullum ut sit vitæ tempus, in quo non deceat leporem humanitatemque versari.

Q 4 Sed

(89) Fannius. Historicus, idemque orator, de quo in Bruto. Idem.

(90) Æmilianum. Hic L. Pauli, qui Persen vicit, filius, adoptatus est a P. Scipione Africani Majoris filio, qui liberis carebat. Idem.

(1) *ἑπαιρη*. Socrates Ciceroni est in omni oratione dissimulatio, *ἑπαιρη* dissimulatio, qua Socrates libenter uti solitus est, cum aliud diceret ac sentiret. Negat Quintilianus sibi videri dissimulationis nomine satis totius hujus figuræ vires ostendi, quamvis invenerit qui ironiam ita Latine vocarent, nempe Ciceronem, cujus nomen velut honoris causa tacet, cum opinio nem & dictum ejus aliquod minus probat. *ἑπαιρη* autem est illi agens imperitum, & admirator aliorum tanquam sapientium: quam personam quoniam semper Socrates egit, semel susceptam; idem Quintilianus, Etiam, inquit, *vita univèrsa ironiam habere videtur, qualis est vita Socratis.* Vauvossæ lib. de Ludic. diff. in Socrate. Idem.

(2) Cuius temporis. Simile quiddam de Asinio Pollione refert Fabius hunc in modum: *Ut de Pollione Asinio seriis jocisque pariter accommodata dictum est, esse eum omnium horarum.* P. autem Mummius lepidus & facetus cum esset, homo cuius temporis a Publicio dictus est, quod in otio, in negotio, in rebus lætis, in asperis, jucundus hominibus esset, & cuiusque temporis aptus. Turnebus.

Sed redeo ad cætera. Est huic finitimum dissimulationi, cum bono verbo (3) vitiosa res appellatur: ut cum Africanus censor tribu movebat eum centurionem, qui in Pauli pugna (4) non affuerat, cum ille se custodire causa diceret in castris remansisse, quæreretque cur ab eo notaretur: *Non amo, inquit, nimium diligentes.* Acutum etiam illud est, cum ex alterius oratione (5) aliud excipias atque ille vult: ut Salinatori (6) Maximus (7), cum Tarento (8) amisso, arcem tamen Livius retinisset, multaque ex ea prælia præclara fecisset, cum aliquot post

(3) *Honesto verbo.* Huc refertur potest illud Ciceronis dissimulatio. Infimulatus adolescens quidam, quod veterem dedisset patri in placenta, iactabat se ferocius, Ciceroni contumelias ac maledicta minabatur. Cui Cicerone, Hoc, inquit, malo a te, quam placentiam. *Plutarch. in Cicerone.* Placentiæ nomine venenum scite dissimulabat. *Prust.*

(4) *Pauli pugna.* Prælium illud intelligo, quo conflixit cum Perse rege Macedonia Paulus Æmilius. *Turnebus.* De clade, utroque minor, Cannens loquitur, qua L. Æmilius Paulus ad Cannas cum Romanorum flore misere periit anno U. C. DXXXVIII. septemdecim post annis sensuram obiit Africanus, quo tempore ipse ignavia centurionem tribu movit. *Prust.*

(5) *Cum ex alterius oratione.* Ciceroni iocorum lepore ac frequentia nemo comparandus, tot ex omni facietiarum genere unus exempla sufficere potest. Quam elegans est illud in Clodium. *At qua dea est? Bonam esse oportet, quandoquidem est abs te dedicata. Libertas, inquit, est. Eam tu igitur domi meæ collocasti, quam ex urbe tota sustulisti.* Pro domo sua. *Prust.*

(6) *Salinatori.* Primus, teste Plinio, vestigal ex salaria annona instituerat Ancus Martius Romanorum quartus rex, sed expulsi regibus sublatum fuerat. Multo post, nempe anno U. C. DL. ante Christum CCLV. censores M. Livius & C. Claudius illud restituere. Id commentum alterum ex censoribus satis credebant, populo iratum, quod iniquo iudicio quondam damnatus esset. Inde Salinatori Livio inditum cognomen, quod etiam in ejus familiam tranxit. *Lib. xxix.* Paulo autem præerat Tarento Livius, ut confestim, eratque præfectus ille, qui audito infidiis Annibalis captam, in arcem peninsulae more patrum mari, parthum rupibus cinctam confugit, quod fusc refert Livius lib. xxv. Id evenit anno U. C. DCLV. ante Christum CCLV. *Idem.*

(7) *Maximus.* Q. scilicet Fabius Maximus Verrucosus, qui tum erat consul, cum stratagemate Punico Tarentum est expugnatum. *Idem.*

(8) *Tarento.* Terentium urbs Calabriae in magna Graecia, nunc Tarente. *Idem.*

annos Maximus id oppidum recepiſſet, rogaretque eum Salinator, ut meminifſet, opera ſua ſe Tarantum recepiſſe; *Quidni*, inquit, *meminerim? nunquam ego recepiſſem, niſi tu perdidiffes.*

Sunt etiam illa ſubabſurda, ſed eo ipſo nomine ſepe ridicula, non ſolum mimis perappoſita, ſed etiam quodammodo nobis:

Homo fatuus (9), Poſtquam rem habere coepit, eſt mortuus.

Quid eſt tibi

Iſta mulier? Uxor. Similis medius fidius (10).

Ex Quamdiu ad aquas (11) fuit, nunquam eſt mortuus.

LXVIII. Genus hoc levius, &, ut dixi, mimicum; ſed habet nonnunquam aliquid etiam apud nos loci, ut vel non ſtultus quaſi ſulte cum ſale diſat aliquid: ut tibi, Antoni, Mancina, cum audiſſet te cenſorem a M. Duronio de ambitu poſtulatam, *Aliquando*, inquit, *tibi tuum negotium (12) agere licebit.* Valde hæc ridentur, & her-

(9) *Homo fatuus*) Duo hic videntur ſubabſurda, & quod homo ſtultus divitias ſibi parare potueſſet, & quod iſis paratis, cum debuifſet frui, ſtatim e vita deceſſiſſet. *Idem.*

(10) *Similis medius fidius*) Quidam cum deformem & ſcedam mulierem videret, interrogavit virum qui aderat illi perſimilis: Quid eſt tibi iſta mulier? Soror, an cognata? Cum reſpon-diſſet, uxor eſt mea; tum ille, *Similis eſt tibi medius fidius.* Ac ſi diceret, Ex lineamentis corporis judicaveram tuam ſororem eſſe, vel cognatam. Hoc modo ſacete notavit illius viri ſceditatem. *Strabeus.*

(11) *Ad aquas*) Aquas in plurali cum dicunt, aquas calidas & medicatas intelligunt, ut Bajanæ & Puteolanas: ægri autem valetudinis cauſa ad aquas Bajanæ ibant. Horatius, epiſt. 15. l. 1. Quidam igitur lento contabefcens morbo, ad aquas recreatus tandem eſſe videbatur, reverſus paulo poſt obiit. Id abſurdum videri vult cavillator, quod ad aquas potius, ubi valetudinis cauſa tamdiu deſederat, mori debuerit. De piſcatore intelligi jocum minime placet. *Turnebus.*

(12) *Tuum negotium*) Erat Antonius admodum occupatus in gerenda cenſura, & negotium multis faceſcebat. Accuſatus de ambitu coactus eſt, ut ſe defenderet, omittere aliena negotia. Viſus eſt illi Mancina quidam gratulari, quod de ſuis tandem negotiis, quæ, ut publica curaret, neglexiſſe videbatur, ſerio ipſi cogi-

hercule omnia, quæ a prudentibus, quasi per dissimulationem non intelligendi, subabfurde, falseque dicuntur. Ex quo genere est etiam, non videri intelligere quod intelligas: ut Pontidius, *Qualem existimas, qui in adulterio deprehenditur? tardum* (13). Ut ego, qui in delectu, Metello (14), cum excusationem oculorum a me non acciperet, & dixisset, *Tu igitur* (15) *nihil vides? Ego vero*, inquam, *a porta Esquilina* (16) *video villam tuam*. Ut illud Nasicæ (17), qui cum ad poetam Ennium venisset, eique ab ostio quærenti Ennium, ancilla dixisset, domi non esse, Nascica sensit, illam domini jussu dixisse, & illum intus esse. Paucis post diebus cum ad Nasicam venisset Ennius, & eum a janua quæreret, exclamat Nascica, se domi non esse. Tum Ennius, *Quid? ego non cognosco vocem*, inquit, *tuam?* Hic Nascica, *Ho-*

agitare liceret. Verum clam arguebat his verbis nimiam illius in aliena re severitatem & diligentiam; negligentiam in sua. *Præstus*.

(13) *Tardum*) Fugere enim debuerat, ne in eo deprehderetur. *Idem*.

(14) *Metello*) Metellum hunc esse puto Numidicum, qui Numidiam sortitus provinciam bello Jugurthino, delectum, ut Sallustius scribit, Romæ habuit: in quo petenti militiæ vacationem Cæsari, morbumque oculorum juranti, *Tu igitur*, inquit, *nihil vides?* quasi sola cæcitas excusanda esset, nec satis esset morbus oculorum ad vacationem. Imo vero, inquit ille, *a porta Esquilina video villam tuam Tiburtinam*. In quo ei objectit invidiose villam nimis magnificam, nimisque alte edificatam; & quid ageretur, dissimulavit, atque ita respondit, quasi tantum interrogaretur quantum videret, non quam iusta excusatio esset. *Turnebus*.

(15) *Tu igitur*, &c.) Itane vero tu oculos infirmos ac parum videntes habes? cæcus es? Imo, inquit Crassus, non ita sum cæcus, qui a porta Esquilina villam tuam magnificentius, quam decet, extructam videre possim. Dum se non penitus obtusa oculorum acie probat, sumptuosas Metelli substructiones reprehendit. *Præst.*

(16) *Esquilina*) Porta ad Esquilium montem Romæ ab excubiis Tulli Hostilii nominarum. Ovid. lib. 1. Fast.

Adde quod excubias ubi rex Romanus agebat,

Qui nunc Esquilias nomine collis habet. *Idem*.

(17) *Nasicæ*) P. Cornelius Scipio Nascica a prudentia Corculum dictus, de quo in Bruto. *Idem*.

Homo est impudens. Ego cum te quaererem, ancilla tua credidi te dominum esse, tu mihi non credis ipsi?

Est bellum illud quoque, ex quo is, qui dixit, irridetur in eo ipso genere; quod dixit: ut, cum Q. Opimius (18) consularis; qui adolescentulus male audisset, festivo homini Egilio, qui videretur mollior, nec esset; dixisset, *Quid tu, Egilia mea? quando ad me venis cum tua colu? & lana?* Non pot. (19), inquit, *lauleo. Nam me ad famosas vestit mater accedere.*

LXIX. Salsa sunt etiam, quæ habent suspitionem ridiculi absconditam: quod in genere est illud Siculi quicui, cum familiaris quidam quaereretur, quod diceret, uxorem suam suspendisse se de ficu, *Amabo te, inquit, da mihi ex ista arbore (20) quos feram furculos.* In eodem genere est, quod Catulus dixit cuidam oratori maior; qui, cum in epilogo misericordiam se movisse putaret, postquam assedit, rogavit hunc, videreturne misericordiam movisse: *Ac magnam quidem, inquit; neminem enim puto esse tam durum, cui non oratio tua miseranda visa sit.*

Me quidem hercule valde illa movent stomachosa, & quasi submorosa ridicula, non cum a moroso dicuntur: tum enim non sal, sed natura ridetur. In quo, ut mihi videtur, persalsum illud est apud Nævium,

Quid pleras pater?

Mirum ni cantem: condemnatus sum.

Hic generi quasi contrarium est ridiculi genus patientis ac leni: ut, cum Cato percussus esset ab eo, qui arcam ferebat; cum ille diceret, *Cave;* rogavit, *nam quid aliud ferret præter arcam?*

Et-

(18) Q. Opimius) Consul anno U. C. Dc. ante Christum cliv. *Idem.*

(19) Pol) Adverbium jurantis per Pollucem, qui Jovis ex Leda filius, frater Castoris erat. *Idem.*

(20) Da mihi ex ista arbore) Hic est abscondita ridiculi suspicio; tegitur enim quod perspicaces satis intelligunt, hunc hominem uxoris mortem exoptare. *Idem.*

Etiam stultitiæ falsa reprehensio : ut ille Sic-
lus, cui prætor Scipio patronum causæ dabat hos-
pitem suum, hominem nobilem, sed admodum
stultum, *Quæso*, inquit, *prætor*, *adversario meo da*
istum patronum; *deinde mihi neminem dederis*.

Movent illa etiam, quæ conjectura explanan-
tur longe aliter, atque sunt; sed acutè, atque
concinnè: ut, cum Scaurus accusaret Rutilium
ambitus, cum ipse consul esset factus, ille repul-
sam tulisset, & in ejus tabulis (21) ostenderet
litteras, *A. F. P. R.* idque diceret esse, *Actum fi-*
de P. Rutilii; Rutilius autem, *Ante factum, post*
relatum; C. Canius, eques Romanus, cum Rulo
adesset, exclamat, neutrum illis literis declarari.
Quid ergo, inquit Scaurus? *Æmilius fecit, plecti-*
tur Rutilius.

LXX. Ridentur etiam discrepantia. *Quid huic*
abest (22) *nisi res & virtus*? Bella etiam est
fami-

(21) *Et in ejus tabulis* Veteres Romani (ut dixi ad c. 23.)
tabulas rei familiaris suæ conficere solebant: has & Rutilius ille
Rufus confecit, & ex his in judicium prolati Æmilius Scaurus
aliquid contra Rutilium attulit. Causa hujusmodi fuit: Scaurus
& Rutilius una Consulatum petebant; Scaurus vero, qui eum ob-
tinuit, accusavit Rutilium ambitus, & ad id crimen probandum
postulavit, ut Rutilii tabulæ in judicium afferrentur: in iis tabulis
Rutilius retulerat ea, quæ in sua petitione Consulatus contige-
rant, puta turbas populi, suffragiaque non sine seditione qua-
dam lata, & in fine addiderat quatuor has litteras, *A. F. P. R.*
Eas Æmilius Scaurus malo animo sic explicavit, *actum fide Pu-*
blis Rutilii, iisque innui contendit id, quod actum fuerit & me-
moratum in Rutilii tabulis, actum fuisse auctoritate Rutilii ejusque
sponsione, quasi clam promiserit vel pecuniam vel securitatem suf-
fragia istiusmodi ferentibus. Rutilius vero dixit se his literis so-
lum significasse, *ante factum, post relatum*, id est, ea quæ in ta-
bulis ejus memorata præcesserant, ante (scilicet interjecto tem-
pore) facta erant, quam ipse ea scripto mandasset. Interim Ca-
nius alio modo, quam vel Scaurus vel Rutilius, istas litteras ex-
plicavit, sc. *Æmilius fecit, plectitur Rutilius*, id est, id in quo
Scaurus Rutilium accusat, fecit Scaurus ipse, quamvis Rutilius
ob id plectendus videretur. *Pearc.*

(22) *Quid huic abest* Acriter vituperatur, qui sic maligne
laudatur, ut nihil ei dicatur deesse, nisi duo maxima, opes, &
virtus. *Præst.*

familiaris reprehensio, quasi errantis: ut cum ob-
jurgavit Albius Granium (23), quod, cum
ejus tabulis quiddam Albucio probatum videretur,
& valde absoluto Scævola gauderet, neque intel-
ligeret contra suas tabulas esse judicatum.

Huic similis est etiam admonitio in consilio
dando familiaris: ut, cum patrono malo, tum
vocem in dicendo obtudisset, suadebat Granius, ut
multum frigidum biberet, simul ac domum redif-
set: *Perdam, inquit, vocem, si id fecero: Melius
est, inquit, quam reum.*

Bellum etiam est, cum, quid cuique sit con-
sentaneum, dicitur: ut, cum Scaurus nonnullam
haberet invidiam ex eo, quod Phrygionis Pom-
peji, locupletis hominis, bona sine testamento
possederat, federetque advocatus reo Bestiæ, cum
senus quoddam duceretur, accusator C. Memmius,
*Vide, inquit, Scaure, mortuus rapitur, si potes
esse possessor.*

Sed ex his omnibus nihil magis ridetur, quam
quod est præter expectationem (24): cujus in-
numerabilia sunt exempla, vel Appii majoris (25)
illius,

(23) *Ut cum objurgavit Albius Granium*, &c.) Sunt qui
hunc locum emendandum censent; omnes, ut opinor, male in-
terpretati sunt. Albucius Scævolam de pecuniis repetundis accu-
savit, ut dicit Cicero in Bruto, & libro primo de Finibus: ad
probanda vero ea, quæ Scævolæ objecerat, Granii tabulas protu-
lit; Scævola judicum sententiis absolutus est; Granii igitur tabu-
las falsas esse iisdem sententiis judicatum est; si quid enim Albu-
cius ex istius tabulis contra Scævolam adhibuit, judices vero Scæ-
volam absolverunt, manifestum est istas tabulas judicibus visas
fuisse falsas. Albius igitur quidam ex iis, qui aderat, objurgavit
Granium, qui & gauderet suum amicum Scævolam absolutum fuisse,
& non videret contra suas tabulas judicatum fuisse. Monuit
igitur eum non tam ad Scævolæ res secundas, quam ad suas ad-
versas respicere. *Paucius.*

(24) *Præter expectationem*) Lepidus est in eo genere locus
ille Tullii in ejus vita relatus a Plutarcho. Visto Pompejo, cum
Nonnius spe esse bona juberet tamen; aquilas enim in castris
Pompeji septem superesse: Recte tu istuc quidem, inquit, si cum
Graculis bellum gereremus. *Prust.*

(25) *Appii majoris*) Appius Claudius Pulcher quaestor pro-
vin-

illius, qui in senatu, cum ageretur de agris publicis, & de lege Thoria (26); & premeretur Lucilius (27) ab iis, qui a pecore ejus depasci agros publicos dicerent, *Non est*, inquit, *Lucilii pecus illud: erratis*: (defendere Lucilium videbatur) *ego liberum puto* (28) *esse: quod lubet, pascitur*.

Placet etiam mihi illud Scipionis illius, qui Tib. Gracchum perculit. Cum ei M. Flaccus multis probris objectis P. Mucium judicem tulisset, *Ejero*, inquit: *iniquus est* (29). Cum esset admurmuratum, *Ah*, inquit, *P. C. non ego mihi*

illius fuit anno U. C. DCXXXVIII. ante Christum cxvi. major est appellatus, ut discerneretur ab Appio Claudio juniore, qui pater fuit Clodii illius Ciceronis inimici. *Idem*.

(26) *De lege Thoria*) *Sp. Thorius*, ut inquit in Bruto Cicerone, *valuit in populari genere dicendi; is qui agrum publicum vitiosa & inutili lege vestigali levavit*. Appianus hoc aliter scribit, nec ei cum Cicerone convenit. Aut enim a Thoria vestigal agro publico esse impositum, quod plebi viritum divideretur: ab alio deinde tribuno vestigal esse sublatum. Sed Ciceroni fidem habeamus in legibus & institutis patrie suae non peregrino nec hosti. Lege igitur Thoria agri publici, qui ante attributi fuerant civibus vestigales, publice possideri cœpere, & publicanis elocari, quod minus utile erat, quam si possessores vestigal perdidissent. Nilominus tamen Lucilius lege recenti & populo invisa, in agros suum pecus immittebat fortasse non pascuos, certe non petito a publicanis pascendi jure. *Turnebus*.

(27) *Lucilius*) Ex veteri codice Pighius ad annum U. C. DCXXXVIII. corrigendum putat *Lucullus*, L. Luculli, qui Mithridatem vicit, pater, quem avaritia, luxu, aliisque vitiis infamem fuisse scribit Plutarchus in Lucullo. *Præstus*.

(28) *Liberum puto*) Id est, nullius esse puto, dominium habere non existimo. Videri etiam cuiquam fortasse posset dubium, a pecudibus, quæ diis consecrabantur, vocabanturque *avæ* & *æperæ*. *Quæ*, quæ sine custode libere pascebantur. *Turnebus*.

(29) *Ejero*, inquit: *iniquus est*) Reicio, inquit, judicem iniquum. Nam ejerare est tanquam iurejurando testari, se recusare. Cum autem Nasica eierasset iniquum Scævola, secuta est admurmuratio omnium, propter eximiam de Scævola æquitatis & probitatis opinionem. Præter expectationem tamen rursus eum omnibus Nasica iniquum eieravit, quod in consulatu causam publicam deteruisset, nec eam armis adversus Tiberium Gracchum defendisset, patribusque ejus opem implorantibus negasset se quidquam vi esse acturum. *Idem*.

hi illum iniquum ejero, verum omnibus (30)

Ab hoc vero Crasso nihil facietius. Cum læsisset testis Silus Pisonem, quod se in eum audisse dixisset: *Potest fieri*, inquit, *Sile, ut is, unde te audisse dicis, iratus dixerit*. Annuvit Silus. *Potest etiam, ut tu non recte intellexeris*. Id quoque toto capite annuit, ut se Crasso daret. *Potest etiam, fieri*, inquit, *ut omnino, quod te audisse dicis, nunquam audieris*. Hoc ita præter expectationem accidit, ut testem omnium risus obrueret.

Hujus generis est plenus. * *Nævius, & jocus est familiaris (31)*.

Sapiens si algebis, tremes.

& alia permulta.

LXXI. Sæpe etiam facere concedas adversario idipsum, quod tibi ille detrahit: ut C. Lælius, cum ei quidam malo genere natus diceret, indignum esse suis majoribus, *At hercule*, inquit, *tu tuis dignus*. Sæpe etiam sententiose ridicula dicuntur: ut M. Cincius, quo die legem de donis, & muneribus (32) tulit, cum C.

Cen-

(30) *Verum omnibus*) Notabat Nasica intempestivam Scævo-
la lenitatem, qua cum excipere mitius vellet Gracchum, toti reip-
iniquus erat. Tib. Gracchus corrupta largitionibus plebe perni-
ciam senatui moliebatur. Mucius consul, cunctis consentibus,
ut armis rempublicam rueretur, negavit se quidquam vi actu-
rum. Tum Scipio Nasica, Quoniam, inquit, consul, dum ju-
ris ordinem sequitur, id agit, ut cum omnibus legibus Roma-
num imperium corruat; egomet privatus voluntati vestræ me du-
cem offero. Animatis hac voce bonis civibus, Gracchum oppres-
sit anno U. C. DCXXI. ante Christum cxxxiii. *Valer. Max. lib.*
III. cap. 2. Præst.

* *Nævius*) Lamb. *Nævius. Est locus, est familia*.

(31) *Et jocus est familiaris*) Melius in libris veteribus scri-
bitur, *Est jocus, est familia, sapiens si algebis tremes*. Ita e-
nim senatus erit integer, cuius sensus erit: Quantumvis urbanus
facetique sis, quantumvis bono loco natus, tamen ista non fa-
cient, quin si algeas, tremas: quod præter expectationem est di-
ctum, cum præsidia non defutura exspectaremus homini inge-
nioso & bona nato familia. *Turnebus*.

(32) *De donis & muneribus*) Caius Cincius, vir ætatis Lu-
cilliane, ut Macrobius scribit, legem tulit Muneralem, qua ca-
veba-

Cento prodiisset, & satis contumeliose, *Quid fers, Cinciole* (33) ? quæssisset : *Ut emas*, inquit, *Cai* (34) ; *si uti velis*.

Sæpe etiam falsæ quæ fieri non possunt, optantur : ut M. Lepidus, cum cæteris se in campo exercentibus, in herba ipse recubuisset, *Vellem hoc esset*, inquit, *laborare*. Salsum est etiam quærentibus, & quasi percontantibus, lente respondere quod nollent : ut censor Lepidus (35), cum M. Antistio Pyrgensi (36) equum ademisset, amicique cum vociferarentur, & quærerent, quid ille patri suo responderet, cur ademptum sibi equum diceret, cum optimus colonus, parcissimus, modestissimus, frugalissimus esset : *Me istorum* (37), inquit, *nihil credere*.

Colliguntur à Græcis alia nonnulla, execrationes (38), admirationes, minationes. Sed hæc ipsa

vebatur, ne quis ob causam orandam munus aut donum caperet. De ea loquitur Plautus, cum scribit, *Neque Muneralem legem, neque Lenoniam, rogata necne fueris, flocci estumo*. Eam legem admodum senex suavit Fabius Maximus. Verba hujus legis quæstionem attulerunt, quid donum a munere differat. Laëbeo genus esse donum ait a donando dictum, speciem munus. Nam munus esse donum cum causa, ut puta natalitium, nuptiarum : & quale patronorum fuerit honorarium. *Idem*.

(33) *Quid fers, Cinciole*) Contumelia inest in diminutione, & contemptio, quam etiam voce adjuverat. *Idem*.

(34) *Ut emas, Cai*) Ducta est hæc sententia ab iis, qui cum nolunt vicinis commodare vasa utenda, respondent, *Eme si uti vis* : quam ad dona & munera patrociniorum, quibus ditatus erat Cento, traduxit Cincius : illius perstringens operam venalem. *Se-te enim ait laturum, ne quis ei quid donet. Idem*.

(35) *Censor Lepidus*) Censura functus est M. Æmilius Lepidus anno U. Dlxv. ante Christum clxxix. *Præst*.

(36) *Pyrgensi*) Pyrgi, quam Romanam coloniam facit Livius, Tusciae urbs est, quam conjicit Albertus nunc dici S. Marinello. *Idem*.

(37) *Me istorum*) Id est, dicat patri suo, me non credere ipsum talem esse, qualem prædicatis, scilicet parcissimum, modestissimum, frugalissimum. *Pearycius*.

(38) *Execrationes*) Execrationes, ut, *Abi quo lubet. Jupiter te Diique perdant*. Plautus in Aulularia. Admirationes, ut, *Jupiter supreme, serva, me, measque auges opes, Maximas opimitatis, opiparasque offers mihi* :

psa nimis mihi videor multa in genera descripsisse. Nam illa, quæ verbi ratione & vi continentur, certa ferè ac definita sunt: quæ plerumque, ut ante dixi, laudari magis, quam rideri solent.

Hæc autem, quæ sunt in re & in ipsa sententia, partibus sunt innumerabilia, generibus pauca. Expectationibus enim decipiendis, & naturis aliorum irridendis, ipsorum ridicule indicandis, & similitudine turpioris, & dissimulatione, & subabsurda dicendo, & stulta reprehendendo, risus movetur. Itaque imbuendus est is, qui jocosè vult dicere, quasi natura quadam apta ad hæc genera, & moribus, ut ad cujusque modi genus ridiculi vultus etiam accommodetur: qui quidem quo severior est & tristior, ut in te, Crasse, hoc illa, quæ dicuntur, falsiora videri solent.

Sed jam tu, Antoni, qui hoc diversorio sermonis (39) * mei libenter acquieturum te esse dixisti, tanquam in Pontinum (40) diverteris, neque amœnum, neque salubrem locum, censeo

De Orat.

R

ut

Laudem, lucrum, ludum, jocum, festivitatem, serias, Pompam, penum, potationes, saturitatem, gaudium.

Plautus in Captivis Act. iv. Scen. i. Minationes, quarum lepidum exemplum ejusdem comœdiæ scena consequente Plautus idem subministrat:

Meus est ballista pugnus, cubitus catapulta est mihi,

Humerus aries, sum genu ad quemque jecero, ad terram dabo.

Densilegos omnes mortales faciam, quemque offendero.

Hæc & similia, quæ in mimis plurima occurrunt, cum de levissimis plerumque fiant causis, risu excipiuntur. *Præst.*

(39) *Hoc diversorio sermonis*) Qua sermonem absolverat Antonius metaphora cap. 57. defessus jam labore atque itinere disputationis, requiescam in Casaris sermone, quasi in aliquo opportuno diversorio, eadem definit hic Cæsar; ac verè se dicit, ne sit inamœnum hoc sermonis sui diversorium, sed potius simile Pontinarum paludum, injucundarum, ac minime salubrium. Cæterum quod in plerisque editionibus *sermonis sui* legitur, mendum non dubitamus, ut excitatis mox Antonii verbis videre est. *Idem.*

* *Mei*) Viêt. Lamb. Grut. *sermonis sui.*

(40) *Pontinum*) In Volcorum finibus sunt Pontinæ paludes Campaniam versus. Hodie dicuntur *Aufense palude*. Est & Pontinus ager. *Præst.*

ut satis diu te putes requiesse , & iter reliquum conficere pergas . Ego vero , atque hilare quidem a te acceptus , inquit , & cum doctior per te , tum etiam audacior factus sum ad jocandum . Non enim vereor , ne quis me in isto genere levioram jam putet , quoniam quidem tu Fabricios mihi auctores , & Africanos , Maximos , Catones , Lepidos protulisti . Sed habetis ea , quæ voluistis ex me audire , de quibus quidem accuratius dicendum & cogitandum fuit . Nam cætera facilia sunt , atque ex iis , quæ jam dicta sunt , reliqua nascuntur omnia .

LXXII. Ego enim cum ad causam sum aggreffus , atque omnia cogitando , quoad facere potui , persecutus ; cum & argumenta causæ , & eos locos , quibus animi iudicium conciliantur , & illos , quibus permovetur , vidi atque cognovistum constituo , quid habeat quæque causa boni , quid mali . Nulla enim fere res potest in dicendi disceptationem , aut controversiam vocari , quæ non habeat utrumque : sed quantum habeat , id refert .

Mea autem ratio in dicendo hæc esse solet , ut , boni quod habeat , id amplectar , exornem , exaggerem ; ibi commorer , ibi habitem , ibi hæream : a malo autem vitioque causæ ita recedam , non ut id me defugere appareat , sed ut totum bono illo ornando , & augendo dissimulatum obruatur . Et , si causa est in argumentis , firmissima quæque (41) maxime tueor , sive plura sunt , sive aliquod unum . Sin autem in conciliatione (42) ,
aut

(41) *Firmissima quæque*) Id observari potest in oratione pro Roscio Amerino , parricidi reo , qua oratione validissimis argumentis tantum crimen ab Roscio amolitur . *Idem* .

(42) *In conciliatione*) Ad obtinendam Ligarii causam reo conciliandus erat Cæsar ; hoc ita mirifice præstitit Cicero , ut scriptam in Ligarium sententiam de manibus Cæsaris dicendi vi ac suavitate extorserit orator . *Idem* .

aut in permotione (43) causa est: ad eam me potissimum partem, quæ maxime commovere animos hominum potest, conféro.

Summa denique hujus generis hæc est, ut, si in refellendo adversario (44) firmitior esse oratio, quam in confirmandis nostris rebus, potest, omnia in illum conferam, tela. Sin nostra facilius probari (45), quam illa redargui possunt, abducere animos a contraria defensione, & ad nostram conor traducere.

Duo denique illa, quæ facillima videntur, quoniam quæ difficiliora sunt, non possum, mihi pro meo jure sumo. Unum, ut molesto aut difficili argumento, aut loco nonnunquam omnino nihil respondeam: quod forsitan aliquis jure irriserit: quis enim est, qui id facere non possit? sed tamen ego de mea nunc, non de aliorum facultate disputo, confiteorque me, si quæ premat res vehementius, ita cedere solere, ut non modo non abjecto, sed ne rejecto quidem scuto (46) fugere videar; sed adhibere quandam in dicendo speciem atque pompam, & pugnae similem fugam: consistere vero in meo præsidio, sicut non fugiendi hostis, sed capiendi loci causa cessisse videar. Alterum est il-

R 2

lud,

(43) *In permotione*) In quo genere præcipua pars orationis pro Milone versatur, Quam eloquenter, maxime in peroratione, commovet iudicum animos! *Idem*.

(44) *Si in refellendo adversario*) Itæ Tullius in Milonianæ probat. struxisse potius insidias Clodium Miloni, quam Milonem Clodio. In Ligariana in Tiberonem accusatorem eiusdem, aut etiam gravioris culpæ invidiam derivat, cuius reum peragebat Ligarium. *Idem*.

(45) *Sin nostra facilius probari*) Clodianorum argumenta non poterat facile dissolvere Tullius Milonis patronus; ab iis auditoris animum avocat: & in his potissimum duobus immoratur, in rep. semper licuisse pestiferum civem de medio tollere, & Clodium insidias Miloni fecisse. *Idem*.

(46) *Sed ne rejecto quidem scuto*) Ad consuetudinem spectat eorum, qui in prælio fugientes clypeos suos in tergum reducebant, ne aversi vulnerarentur: neque enim solum clypeum abicere, sed in tergum relinere, imbecillitatis fuit. Frequentissimè apud Homerum hîc mos contumelia notatus. *Pearcius*.

lud, quod ego oratori maxime cavendum & providendum puto, quodque me sollicitare summe solet: non tam ut prosim causis elaborare soleo, quam ut ne quid oblim: non quin enitendum sit in utroque: sed tamen multo est turpius oratori, nocuisse videri causæ, quam non profuisse.

LXXIII. Sed quid hoc loco vos inter vos, Catule? an hæc, ut sunt contemnenda, contemnitis? Minime, inquit ille: sed Cæsar de isto ipso quidam velle dicere videbatur. Me vero lubente, inquit Antonius, dixerit, sive refellendi causa, sive quærendi.

Tum Julius, Ego mehercule, inquit, Antoni, semper is fui, qui de te oratore sic prædicarem, unum te in dicendo mihi videri * lætissimum, propriumque hoc esse laudis tuæ, nihil a te nunquam esse dictum, quod obesset ei, pro quo diceres. Idque memoria teneo, cum mihi sermo cum hoc ipso Crasso, multis audientibus, esset de te institutus, Crassusque plurimis verbis eloquentiam laudaret tuam, dixisse me, cum cæteris tuis laudibus hanc esse vel maximam, quod non solum quod opus esset, diceres, sed etiam quod non opus esset (47), non diceres. Tum illum mihi respondere memini; cætera in te summe esse laudanda, illud vero improbi esse hominis, & perfidiosi, dicere quod alienum esset, & nocere ei, pro quo quisque diceret. Quare non sibi cum disertum, qui id non faceret, videri, sed improbum, qui faceret. Nunc, si tibi videtur, Antoni, demonstrates velim, quare tu hoc ita magnum putes, nihil in causa mali facere, ut nihil tibi in oratore majus esse videatur.

LXXIV. Dicam equidem, Cæsar, inquit, quid in-

* *Lætissimum*) Man. Lamb. *restitissimum*: Grut. *restitissimum*.
(47) *Quod non opus esset*) Vulgaris in speciem, at revera magna laus.

..... *dicenda tacendaque calles*. Pers. Sat. IV. *Præst.*

intelligam. Sed & tu, & vos omnes hoc, inquit, mementote, non me de perfecti oratoris divinitate quadam loqui, sed de exercitationis & consuetudinis meæ mediocritate. Crassi quidem responsum excellentis cujusdam est ingenii ac singularis: cui quiddam portenti simile esse visum est, posse aliquem inveniri oratorem, qui aliquid mali faceret dicendo, obessetque ei, quem defenderet. Facit enim de se conjecturam: cujus tanta vis ingenii est, ut neminem, nisi consulto, putet, quod contra seipsum sit, dicere. Sed ego non de præstanti quadam & eximia, sed prope de vulgari & communi prudentia disputo. Ut apud Græcos fertur incredibili quadam magnitudine consilii, atque ingenii Atheniensis ille fuisse Themistocles (48), ad quem quidam doctus homo, atque in primis eruditus accessisse dicitur, eique artem memoriæ, quæ tum primum proferebatur, pollicitum esse se traditurum. Cum ille quæsisset, quidnam illa ars efficere posset, dixisse illum doctorem, ut omnia meminisset; & ei Themistoclem respondisse, gratius sibi illum esse facturum, si se oblivisci quæ vellet, quam si meminisse, docuisset. Videsne, quæ vis in homine acerrimi ingenii, quam potens, & quanta mens fuerit? qui ita responderit, ut intelligere possemus, nihil ex illius animo, quod semel esset infusum, unquam effluere potuisse: cum quidem ei fuerit optabilius oblivisci potius, quod meminisse nollet, quam quod semel audisset, vidissetve, meminisse. Sed neque propter hoc Themistoclis responsum, memoriæ nobis opera danda non est; neque illa mea cautio & timiditas in causis, propter præstantem prudentiam Crassi negligenda est. Uterque enim istorum non mihi attulit aliquam, sed suam significavit facultatem.

R 3

Ete-

(48) *Themistocles*) De quo in libro de Claris Oratoribus.
Idem.

Etenim per multa sunt in causis, in omni parte orationis circumspicienda, ne quid offendas, ne quo irruas. Sæpe aliquis testis aut non lædit, aut minus lædit, nisi laceatur; orat reus, urgent advocati, ut invehamur, ut maledicamus, denique ut interrogemus: non moveor, non obtempero; non satisfacio, neque tamen ullam assequor laudem. Homines enim imperiti facilius quod stulte dixeris, reprehendere, quam quod sapienter tacueris, laudare possunt. Hic quantum fit mali, si iratum, si non stultum, si non levem testem læseris? habet enim & voluntatem nocendi in iracundia, & vim in ingenio, & pondus in vita. Nec, si hoc Crassus non committit, ideo non multi, & sæpe committunt; quo quidem mihi videri turpius nihil solet, quam cum ex oratoris dicto aliquo, aut responso, aut rogatu, sermo ille sequitur, *Occidit ille adversariumne? immo vero, ajunt, se, & eum, quem defendit.*

LXXV. Hoc Crassus non putat nisi perfidia accidere posse; ego autem sæpissime video in causis aliquid mali facere homines minime malos. Quid illud, quod supra dixi, solere me cedere, &, ut planius dicam, fugere ea, quæ valde causam meam premerent? Cum id non faciunt alii, versanturque in hostium castris, ac sua præsidia dimittunt, mediocriterne causis nocent, cum aut adversariorum adjumenta confirmant, aut ea, quæ sanare nequeunt, exulcerant? Quid? cum personarum, quas defendunt, rationem non habent? Si, quæ sunt in his invidiosa, non mitigant extenuando, sed laudando & efferendo invidiosiora faciunt; quantum est in eo tandem mali? Quid? si in homines caros, iudicibusque jucundos sine ulla præmunitione orationis acerbius, & contumeliosius invehare, nonne abs te iudices abalienes? Quid, si, quæ vitia, aut incommoda sunt in ali-

quo iudice uno, aut pluribus, ea tu in adversariis exprobrando non intelligas te in iudices invehi, mediocre peccatum est?

Quid, si, cum pro altero dicas, litem tuam facias, aut latus efferare iracundia, causam relinquas, nihilne noceas? In quo ego, non quo libenter male audiam, sed quia ego causam non libenter relinquo, nimium patiens & lentus existimor; ut, cum te ipsum, Sulpici, objurgabam, quod ministratorem (49) peteres, non adversarium. Ex quo etiam illud assequor, ut, si quis mihi maledicat, petulans, aut plane insanus esse videatur.

In ipsis autem argumentis, si quid posueris aut aperte falsum, aut ei, quod dixeris, dicturusve sis, contrarium, aut genere ipso remotum ab usu iudiciorum ac foro, nihilne noceas? Quid multa? omnis cura tua solet in hoc versari semper, (dicam enim sapius,) si possim ut boni aliquid efficiam dicendo: sin id minus, ut certe ne quid mali.

LXXVI. Itaque nunc illuc redeo, Catule, in quo tu me paulo ante laudabas, ad ordinem, collocationemque rerum ac locorum. Cujus ratio est duplex: altera, quam affert natura causarum: altera, quæ oratorum iudicio & prudentia comparatur. Nam ut aliquid ante rem dicamus; deinde, ut rem exponamus; post, ut eam probemus nostris præfidiis confirmandis, contrariis refutandis; deinde ut concludamus, atque ita peroremus; hoc dicendi genus natura ipsa præscribit.

Ut vero statuamus, ea, quæ probandi, docendi, persuadendi causa dicenda sunt, quemadmodum componamus; id est vel maxime proprium

R 4 ora-

(49) *Ministratorem*) Ministrator is fuit, qui in causis advocato sive patrono solet subicere ea, quæ pro reo dicenda essent. Sic in Orat. pro Flacco, cap. 22. *Hic mihi Meandrius, quasi ministrator, &c. Psareius.*

oratoris prudentiæ (50). Multa enim occurrunt argumenta (51): multa, quæ in dicendo profutura videantur. Sed eorum partim ita levia sunt, ut contemnenda sint: partim, etiam si quid habent adjumenti, sunt nonnunquam ejusmodi, ut infix in iis aliquid vitii; neque tanti sit illud, quod prodesse videatur, ut cum aliquo malo conjungatur. Quæ autem sunt utilia atque firma, si ea tamen (ut sæpe fit) valde multa sunt: ea, quæ ex iis aut levissima sunt, aut aliis gravioribus consimilia, secerni abitor oportere, atque ex oratione removeri. Equidem cum colligo argumenta causarum, non tam ea numerare soleo, quam expendere.

LXXVII. Et quoniam (quod sæpe jam dixi) tribus rebus omnes ad nostram sententiam perducimus, aut docendo, aut conciliando, aut permovendo: una ex tribus his rebus res præ nobis (52) est ferenda, ut nihil aliud, nisi docere vel-

(50) *Proprium oratoris prudentiæ*) Ut opera extruuntibus satis non est saxa, atque materiam, & cetera adificanti utilia congerere, nisi disponendis iis collocandisque artificum manus adhibeatur: sic in dicendo quamlibet abundans rerum copia cumulum tantum habeat atque congestum; nisi illas easdem dispositio in ordinem digestas, atque inter se commissas devinxeris. Quintilian. lib. vii. præfatione. Præf.

(51) *Multa enim occurrunt argumenta*) De usu ac dispositione argumentorum recte Quintilianus lib. v. cap. 12. Firmissimis argumentorum, singulis instandum, infirmiora congreganda sunt: quia illa per se fortia non oportuit circumstantibus obscurare, ut quælibet sunt appareant: hæc imbecilla natura mutuo auxilio sustententur. Itaque si non possunt valere, quia magna sunt, valebunt, quia multa sunt: quæ ad ejusdem rei probationem omnia spectant: ut si quis hereditatis gratia hominem occidisse dicatur, Hereditatem sperabas, & magnam hereditatem, & pauper eras, & cum maxime a creditoribus appellaberis, & offenderas eum, cujus heres eras, & mutatarum tabulas sciebas. Singula levia sunt & communia: universa vero nocent, etiamsi non ut fulmine, tamen ut grandine. Idem.

(52) *Res præ nobis*) Recte proficitur orator velle se auditores docere. Animadverti, judices, omnem accusatoris orationem in duas divisam esse partes.... Itaque mihi certum est hanc eandem distributionem invidia & criminum sic in defensione servare,

le videamur: reliquæ duæ, sicuti sanguis in corporibus, sic illæ in perpetuis orationibus fusæ esse debebunt. Nam & principia, & cæteræ partes orationis, de quibus paulo post pauca dicemus, habere hanc vim magnopere debent, ut ad eorum mentes, apud quos agetur, movendas permanare possint.

Sed his partibus orationis, quæ etsi nihil docent argumentando, persuadendo tamen, & commovendo proficiunt plurimum, quanquam maxime proprius est locus & in exordiendo & in perorando; digredi tamen (53) ab eo quod proposueris, atque agas, permovendorum animorum causa, sæpe utile est. Itaque vel narratione exposita sæpe datur ad commovendos animos digrediendi locus: vel argumentis nostris confirmatis, vel contrariis refutatis, vel utroque loco, vel omnibus, si habet eam causa dignitatem atque * copiam, recte id fieri potest: eæque causæ sunt ad agendum & ad ornandum (54) gravissimæ atque plenif-

ut omnes intelligant nihil me nec subterfugere voluisse reticendo, nec obscurare dicendo. Cic. pro Cluentio c. 1. At nemo nisi inepte dixerit, Nunc mihi vestra severitas, iudices, excitanda est, nunc mihi conciliandi sunt vestri animi. *Idem.*

(53) *Digredi tamen.* Ubi rem atrocem narraveris, aut argumentis confirmaveris, digredi, & eam amplificare juverit. Exempla subministrat una Ciceronis oratio pro Roscio Amerino. Post narrationem digreditur: *Quid primum querar? aut unde potissimum, iudices, exordiar? aut quod, aus a quibus, auxilium petam?* &c. Post refutationem iterum ad exaggerandum parricidarum supplicium divertit: *O singularem sapiensiam, iudices! nonne videntur hunc hominem ex rerum natura sustulisse, & eripuisse, cui repente celum, solem, aquam, terramque admerunt,* &c. Rursus ubi cædis crimen in adversarios probavit magis convenire, invenitur in Chrysogonum: *Hicne etiam sese putas aliquid posse Chrysogonus? hic etiam potens esse vult? o rem miseram atque acerbam!* &c. Tandem in peroratione mirabiles animorum motus exciât. *Ex Serebas.* *Idem.*

* *Copiam*) Lamb. eamque copiam, recte ut fieri possit: eæque... augendum.

(54) *Ad agendum & ad ornandum.*) Lambinus & Robertus Stephanus impresserunt *augendum*: quomodo se habet Mf. Mead. Et recte quidem, ut opinor; loquitur enim Cicero de permovendis animis, quod fit augendo, & amplificando. *Pearcius.*

nissimæ, quæ plurimos exitus dant ad ejusmodi digressionem, ut his locis uti liceat, quibus animorum impetus eorum, qui audiunt, aut impellantur, aut reflectantur.

Atque etiam in illo reprehendo eos qui, quæ minime firma sunt, ea prima collocant (55). In quo illos quoque errare arbitror, qui, si quando (id quod mihi nunquam placuit). plures adhibent patronos, ut in quoque eorum minimum putant esse, ita eum primum volunt dicere. Res enim hoc postulat, ut eorum expectationi, qui audiunt, quam celerrime occurratur: cui si initio satisfactum non sit, multo plus sit in reliqua causa laborandum. Male enim se res habet, quæ non statim, ut dici cœpta est, melior fieri videtur. Ergo ut in oratore optimus quisque, sic & in oratione firmissimum quodque sit primum: dum illud tamen in utroque teneatur, ut ea, quæ excellent, serventur etiam ad perorandum: si quæ erunt mediocria (nam vitiosis nusquam esse oportet locum) in mediam turbam, atque in gregem conjiciantur.

Hisce omnibus rebus consideratis, tum denique id, quod primum est dicendum, postremum soleo cogitare (56), quo utar exordio. Nam si quando

(55) *Et prima collocant*) *Quæsitum etiam*, inquit Fabius lib. v. cap. 12. *potentissima argumenta primo-ne ponenda sint loco, ut occupent animos; an summo, ut inde dimittant; an partita primo summoque, ut Homerica dispositione*, Iliados 1v. ubi imbecilliores Nestor in medio collocat, *in medio sint infirma, an a minimis crescant. Quæ prout ratio causæ cujusque postulat, ordinabuntur, uno, ut ego censeo, excepto, ne a potentissimis ad levissima decrescat oratio.* Præst.

(56) *Postremum soleo cogitare*) Ab Antonii sententia discrepat Quintilianus lib. III. cap. 9. *Et si enim antequam quicquam scribatur, totum causæ genus quid prosit, quid noceat, accurate velit expendi, non ideo tamen*, inquit, *eos probaverim, qui scribendum quoque præmium novissime putant. Nam ut confecti materiam omnem oportet, & quid quoque loco sit opus, constare debet antequam dicere, aut scribere ordiamur: ita incipiendum ab iis quæ prima sunt. Nam nec pingere quisquam aut fingere* ca.

do id primum invenire volui, nullum mihi occurrir, nisi aut exile, aut nugatorium, aut vulgare atque commune.

LXXVIII. Principia autem dicendi semper eum accurata, & acuta (57), & instructa sententiis, apta verbis, tum vero causarum propria esse debent. Prima est enim quasi cognitio & commendatio orationis in principio, quæ continue eum, qui audit, permulcere atque allicere debet. In quo admirari soleo non equidem istos, qui nullam huic rei operam dederunt: sed hominem in primis differtum, atque eruditum, Philippum, qui ita solet ad dicendum forgere, ut, quod primum verbum habiturus sit, nesciat; & ait idem, cum brachium contalescerit, tum se solere pugnare; neque attendit, eos ipsos, unde hoc simile ducat, illas primas hastas ita jactare leniter, ut & venustati vel maxime serviant, & reliquis viribus suis consulant. Neque est dubium, quin exordium dicendi vehemens & pugna non saepe esse debeat: sed si in ipso illo gladiatorio vitæ certamine, quo ferro discernitur: tamen ante congressum multa fiunt, quæ non ad vulnus, sed ad speciem valere videantur: quanto hoc magis in oratione expectandum est, in qua non vis potius, sed delectatio postulatur? Nihil est denique in natura rerum omnium, quod se universum profundat, & quod totum repente evolet. Sic omnia, quæ fiunt quæque aguntur acerrime, lenioribus principiis (58) natura ipsa prætexuit.

Hæc

capit a pedibus; nec denique ars ulla consummatur ibi, unde ordiendum est Idem.

(57) *Accurata, & acuta*) Hæc ita debent observari, ut ars maxime lateat; quam si adverterit auditor, jam tum ab exordio sese præmunire adversus prætorem, a quo fucum pati veretur. *Idem.*

(58) *Lenioribus principiis*) Violentissima quæque minime subito impetu erumpunt, sed ab initiis plerumque tenuioribus; ex scintilla magnum incendium excitatur. Vapores sursum attolluntur

Hæc autem in dicendo non extrinsecus aliunde quærenda, sed ex ipsis visceribus causæ sumenda sunt. Idcirco tota causa pertentata atque perspecta, locis omnibus inventis, atque instructis, considerandum est, quo principio sit utendum. Sic & facile reperietur. Sumentur enim ex iis rebus, quæ erunt uberrimæ vel in argumentis, vel in iis partibus, ad quas dixi digredi sæpe oportere. Ita & momenti aliquid afferent, cum erunt pænæ ex intima defensione * deprompta, & apparebit ea non modo non esse communia, nec in alias causas posse transferri, sed penitus ex ea causa, quæ tum agatur, effloruisse.

LXXIX. Omne autem principium aut rei totius, quæ agetur, significationem habere debet, aut aditum ad causam & munitionem, aut quoddam ornamentum & dignitatem. Sed oportet ut ædibus ac templis (59) vestibula & aditus, sic causis principia proportionem rerum præponere. Itaque in parvis atque infrequentibus causis (60) ab ipsa re est exordiri sæpe commodius.

Sed cum erit utendum principio (quod plerumque erit) aut ex reo, aut ex adversario, aut ex re, aut ex eis, apud quos agitur, sententias duci licebit. Ex reo, (reos appello, quorum res est) quæ

tur a sole, con crescent in nubeculas, coguntur nubes, accenduntur, colliduntur, en tonitru: ardor emicat, en fulgur: prorumpit ignis, & obvia quæque disjicit, en fulmen. Ferocissimis bel-luis nascentibus nihil mitius, paulatim immanitate effragitur, &c. Idem.

* Deprompta) Viç. Grat. *depromptæ, & apparebit... eas... communes.*

(59) In ædibus ac templis) Quemadmodum palatiis ac templis vestibula quæ eorum magnificentiæ respondeant, plebejis autem ædibus nulla præponuntur: ita in causis gravioribus operæ pretium est adhibere exordia, quæ in parvis sunt omittenda. Probst.

(60) Atque infrequentibus causis) Per causas infrequentes intellige causas parum frequentatas, sive eas, quæ non tanti erant momenti, ut quamplurimi iis judicandis interesse solerent. Pearcious.

quæ significant virum bonum, quæ liberalem, quæ calamitosum, quæ misericordia dignum, quæ valeant contra falsam criminationem. Ex adversario, iisdem ex locis fere contraria. Ex re, si crudelis, si infanda, si præter opinionem, si immerito, si misera, si ingrata, si indigna, si nova, si quæ restitui sanarique non possit. Ex iis autem, apud quos agetur, ut benevolos, beneque existimantes efficiamus: quod agendo efficitur melius, quam rogando. Est id quidem in totam orationem confundendum, nec minime in extremam: sed tamen multa principia ex eo genere gignuntur. Nam & attentum monent Græci ut principio faciamus judicem & docilem; quæ sunt utilia, sed non principii (61) magis propria, quam reliquarum partium: faciliora etiam in principiis, quod & attentum tum maxime, sunt, cum omnia expectant, & dociles magis initiis esse possunt. Illustriora enim sunt, quæ in principiis, quam quæ in mediis causis dicuntur, aut arguendo, aut refellendo.

Maxima autem copia principiorum ad judicem aut alliciendum, aut incitandum, ex iis locis trahitur, qui ad motus animorum conficiendos ineunt in causa: quos tamen totos in principio explicari non oportebit, sed tantum impelli primo judicem leviter, ut jam inclinato reliqua incubat oratio.

LXXX. Connexum autem ita sit principium consequenti orationi, ut non tanquam citharædi proœmium affictum aliquod, sed cohærens cum omni corpore membrum esse videatur. Nam nonnulli, cum illud meditati ediderunt, sic ad reliqua transeunt, ut audientiam sibi fieri velle videan-

(61) *Sed non principii*) Totum illud ex Aristotele depromptum est lib. III. Rhetor. cap. 14. *Attentos facere omnium orationis partium commune est. Ubivis enim relaxant animum magis, quam cum incipiunt audire. Quamobrem ridiculum est id in exordio præcipere, ut attenti tum maximo sint auditores. Præst.*

deantur. Atque ejusmodi illa prolusio debet esse, non ut Samnitum (62), qui vibrant hastas ante pugnam, quibus in pugnando nihil utuntur; sed ut ipsis sententiis, quibus proluserunt, vel pugnare possint.

Narrare vero rem quod breviter jubent (63), si brevitatis appellanda est, cum verbum nullum redundet, brevis est L. Crassi oratio: si tum est brevitatis, cum tantum verborum est, quantum necesse est, aliquando id opus est: sed sæpe obest vel maxime in narrando, non solum quod obscuritatem affert, sed etiam quod eam virtutem, quæ narrationis est maxima, ut jucunda, & ad persuadendum accommodata sit, tollit. Ut illa, *Nam is postquam* (64) *excessit ex ephebis*, quam longa est narratio? Mores adolescentis ipsius, & servilis percontatio, mors Chrysidis, vultus & forma, & lamentatio sororis, reliqua pervarie jucundeque narrantur. Quod si hanc brevitatem quæsisset,

*Effertur, imus, ad sepulcrum venimus,
In ignem posita est.*

fere decem versiculis totum conficere potuisset; quamquam hoc ipsum, *Effertur, imus*, concisum est ita, ut non brevitatis servitum sit, sed magis venustitatis. Quod si nihil fuisset, nisi, *In ignem posita est*; tamen res tota cognosci facile potuisset. Sed & festivitatem habet narratio distincta personis & interpuncta sermonibus: & est probabilius, quod gestum esse dicas, cum, quemadmodum actum sit, exponas: & multo apertius ad intelligendum est, * si sic constituitur aliquando, ac non ista

(62) *Samnitum*) Italici populi in ex parte, quæ jam dicitur *Abruzzo*. Idem.

(63) *Quod breviter jubent*) Hoc in narratione brevitatis præceptum explodit pariter Aristoteles lib. III. *Rhetoric.* cap. 16. Idem.

(64) *Nam is postquam*) verba Simonis senis ex Andriæ Terrent. actu I. scena I. Idem.

* *Si sic*) Lamb. *si hic... aliquandiu.*

ista brevitate percurritur. Apertam enim narrationem tam esse oportet, quam cætera: sed hoc magis in hac elaborandum est, quod & difficilius est, non esse obscurum in re narranda, quam aut in principio, aut in argumento, aut in purgando, aut in perorando: & majore periculo hæc pars orationis obscura est, quam cæteræ: vel quia, si quo alio in loco est dictum quid obscurius, tantum id perit, quod ita dictum est: narratio obscura totam obcæcat orationem: vel quod alia possis, semel si obscurius dixeris, dicere alio loco planius; narrationis unus est in causa locus. Erit autem perspicua narratio, si verbis usitatis (65), si ordine temporum conservato, si non interrupte narrabitur.

LXXXI. Sed quando utendum sit, aut non sit narratione, id est consilii. Neque enim si nota res est, nec dubium quid gestum sit, narrari oportet; nec si adversarius narravit, nisi si refellemus: ac, si quando erit narrandum, ne illa, quæ suspicionem & crimen efficient, contraque nos erunt, acriter persequamur, & quidquid poterit, detrahamus: ne illud, quod Crassus, si quando fiat, perfidia non stultitia fieri putat, ut causæ noceamus, accidat. Nam ad summam totius causæ pertinet, caute, an contra (66), demonstrata res sit; quod omnis orationis reliquæ fons est narratio.

Se-

(65) *Si verbis usitatis*) Rebus contrariis narratio obscuratur, verbis insolentibus, confusione temporum, crebris digressionibus. *Præst.*

(66) *Caute, an contra*) Est hoc Rhetorum prudens omnino de narratione præceptum. Si tota sit pro nobis, acriter præcipuis quibusque partibus instandum erit, ut iudex bonitatem causæ facilius intelligat, meminerit, credat: si tota sit pro adversariis, quædam verbis elevanda sunt, luxuria hilaritatis, avaritia parsimonix, negligentia simplicitatis nomine lenietur. Effluenda præterea est omnis calliditatis suspicio: nunquam enim diffidit magis iudex, quam cum præsentis dici aliquid fictum. Itaque det operam orator, ut omnia potius a causa, quam ab oratore profecta credantur. Quod si minime fuerit verisimilis nostra narratio, fatendum.

Sequitur, ut causa ponatur : in quo videndum est, quid in controversiam veniat. Tum suggerenda sunt firmamenta causæ conjuncte, & infirmandis contrariis, & tuis confirmandis. Namque una in causis ratio quædam est ejus orationis, quæ ad probandam argumentationem valet. Ea autem, & confirmationem, & reprehensionem quærit : sed quia neque reprehendi, quæ contra dicuntur, possunt, nisi tua confirmes; neque hæc confirmari, nisi illa reprehendas; idcirco hæc & natura, & utilitate, & tractatione conjuncta sunt.

Omnia autem concludenda plerumque rebus augendis, vel inflammando judice, vel mitigando: omniaque cum superioribus orationis locis, tum maxime extremo, ad mentes judicum quam maxime permovendas, & ad utilitatem nostram vocandas, conferenda sunt.

Neque sane jam causa videtur esse, cur secernamus ea præcepta, quæ de suasionibus (67) tradenda sunt, aut laudationibus : sunt enim pleraque communia : sed tamen suadere aliquid, aut dissuadere, gravissimæ mihi videtur esse personæ. Nam & sapientis est, consilium explicare suum de maximis rebus; & honesti, & disertis, ut mente providere, auctoritate probare, oratione persuadere possit.

LXXXII. Atque hæc in senatu minore apparatu agenda sunt. Sapiens enim est consilium; multisque aliis dicendi relinquendus locus. Vitanda etiam * ingenii, ostentationisque suspicio (68).

Con-

dum est vix credibile id esse, sed tamen verum, & eo majus habendum crimen: nescire nos quomodo factum sit, aut quare, mirari, sed probaturos. Denique tum optime dicit orator, cum videtur vera dicere. Consule Quintil. lib. iv. cap. 2. *Idem*.

(67) *De suasionibus*) Quæ spectant tria dicendi genera, suffus explicat Cicero in Partitione. *Idem*.

* *Ingenii*) Man. Lamb. *ingenii ostentationis suspicio*. Ut sit, ne videamur ostentare ingenium velle.

(68) *Ingenii, ostentationisque suspicio*) Optimi quique *dis-*
ced-

Concio capit. omnem vim orationis, & gravitatem varietatemque desiderat. Ergo in suadendo nihil est optabilius, quam dignitas. Nam qui utilitatem putat, non quid maxime (69) velit suaseri, sed quid interdum magis sequatur, videt. Nemo est enim, præsertim in tam clara civitate, quin putet expetendam maxime dignitatem: sed vincit utilitas plerumque, cum subest ille timor, ea neglecta, ne dignitatem quidem posse retineri.

Controversia autem inter hominum sententias, aut in illo est, utrum sit utilius: aut etiam cum id convenit, certatur, utrum honestati potius, an utilitati consulendum sit. Quæ quia pugnare sæpe inter se videntur, qui utilitatem defendit, enumerabit commoda pacis, opum, potentia, pecuniæ, vestigalium, præsidii, militum, utilitates cæterarum rerum, quarum fructum utilitate metimur, itemque incommoda contrariarum. Qui ad dignitatem impellit, majorum exempla, quæ erunt vel cum periculo gloriosa, colliget: posteritatis immortalem memoriam augebit: utilitatem ex laude nasci defendet, semperque eam cum dignitate esse conjunctam.

Sed quid fieri possit aut non possit, quidque et-

De Orat.

S

iam

cendi & sentiendi magistri præceperunt, ut vitaremus suspensionem iactationis, & ostentationis. Nullibi vero, nisi in hoc loco, præceptis traditur, ut vitanda sit *suspicio ingenii*. Imo nisi ingenio excellere videamur, parum proderit nostra oratio. Optime igitur Manutius & Lambinus legunt, *Vitanda etiam ingenii ostentationis suspitio*. Nec aliam exhibent lectionem Mss. Pal. pr. & sec. Mem. Pith. Joan. Harl. 1. & a pr. manu Norf. Tandem dignunt Cicerone præceptum videmus, idemque præcipit Quintus, Lib. 111. c. 1. *In cæteris admiscere sentavimus aliquid nitosis*, non iactandi ingenii gratia, &c. *Pearcius*.

(69) *Non quid maxime*) Qui putat melius esse utilitati servire, is non attendit, quid iis faciendum sit qui suadent universi, (ii enim quæ sunt honestissima velle ac suadere debent) sed tantum spectat quid interdum aliquis ex ipsis faciat. Contingit enim aliquando ut is qui suadet, utilitatem spectet in suadendo, sed est tamen verum dignitatem præcipue ac vulgo spectandam esse. Cæterum ab hac sententia discedit Tullius in Partitione, ubi utilitatem dignitati præfert. *Pruss.*

iam sit necesse aut non sit, in utraque re maxime est quærendum. Inciditur enim omnis jam deliberatio, si intelligitur non posse fieri, aut si necessitas affertur; & qui id docuit, non videntibus aliis, is plurimum vidit.

Ad consilium autem de republica dandum, caput est, nosse rempublicam: ad dicendum vero probabiliter (70); nosse mores civitatis; qui quia crebro mutantur, genus quoque orationis est sæpe mutandum. Et, quanquam una fere vis est eloquentiæ, tamen, quia summa dignitas est populi, gravissima causa reipublicæ, maximi motus multitudinis; genus quoque dicendi grandius quoddam, & illustrius esse adhibendum videtur: maximaque pars orationis admovenda est ad animorum motus nonnunquam aut cohortatione, aut commemoratione aliqua, aut in spem, aut in metum, aut ad cupiditatem, aut ad gloriam concitandos; sæpe etiam a temeritate, iracundia, spe, injuria, invidia, crudelitate revocandos.

LXXXIII. Fit autem, ut, quia maxima quasi oratori scena videatur concio, natura ipsa ad ornatius dicendi genus excitetur. Habet enim multitudo vim quandam talem, ut quemadmodum tibicen sine tibiis canere, sic orator, sine multitudine (71) audiente, eloquens esse non possit. Et cum sint populares multi varique lapsus, vitanda est acclamatio

(70.) *Probabiliter*) Firmatur auctoritate Tullii interpretatio nostra. Probabilis erit narratio, inquit lib. de Partitione, si cum hominum opinione, auctoritate, si cum lege, cum more, cum religione conjuncta. Idem.

(71.) *Orator sine multitudine*) Auditorum paucitas Ciceronem pro Dejotaro dicentem angebat. Dico intra domesticos parietes, dico extra conventum, & eam frequentiam, in qua oratorum studia nisi solent: in tuis oculis, in tuo ore vultusque acquiesco: te unum insueor: ad te unum omnis mea spectat oratio: quæ mihi ad spem obtinendæ veritatis gravissima sunt, ad motum animi, & ad omnem impetum dicendi contentionemque leviora. Hanc enim, C. Caesar, causam si in foro dicerem, eodem audiente, & discipulante te, quantam mihi alacritatem pop. Rom. concursus afferret? Idem.

tiō (72) adversa populi; quæ aut orationis peccatō aliquò excitatur, si asperè, si arroganter, si ruper, si sordide, si quoquò animi vitio dictum esse aliquid videatur; aut hominum offensione, vel invidia, quæ aut iusta est, aut ex criminatione atque fama; aut res si displicet; aut si est in aliquò motu suæ cupiditatis; aut metus multitudo: hisque quatuor causis totidem medicinæ opponuntur: tum objurgatio; si est auctoritas; tum admonitio; quasi lenior objurgatio: tum promissio; si audierint, probaturos: tum deprecatio, quod est infirmum; sed nonnunquam utile. Nullo autem loco plūs faciliæ profunt, & celeritas, & breve aliquid dictum nec sine dignitate; & cum lepore. Nihil enim tam facile, quam multitudo, a tristitia, & sæpe ab acerbitate, commode, ac breviter; & acutè, & hilarè dicto deducitur.

LXXXIV. Exposui fere, ut potui, vobis; in utroque genere causarum quæ sequi solem, quæ fugere, quæ spectare, quaque omnino in causis ratione versari. Nec illud tertium laudationum genus est difficile, quod ego initio quasi a præceptis nostris secreteveram: sed & quia multa sunt orationum genera, & graviora, & majoris copię, de quibus nemo fere præciperet, & quod nos laudationibus non ita multum uti solemus, totum hunc segregabam locum. Ipsi enim Græci legendi; qui magis aut delectationis, aut hominis alicujus ornandi, quam utilitatis hujus forensis causa, laudatio-

S 2

(72) *Acclamatio*) In rep. Romana; maxime libera, acciebat populus, alias in gratiam oratoris, ut patet ex Philippicis 19. Nunc vero multo sum erectior; quod vos quoque hostem illum esse tanto consensu; tantoque clamore approbavistis: alias adversum clamorem tollebat, quod expertus est Cicero dum diceret pro Rabirio perduellionis reo: nihil me clamor iste commoveret, sed consolatur, cum indicat esse quosdam civis imperitos; sed non multos. Nunquam, mihi credite, pop. Romanus hic qui silet, consulem me fecisset, si vestro clamore perturbatum iri arbitraretur. Strebæus. Idem.

* *Infirmum*) Man. *Infirmum*.

dationes scriptitaverunt: quorum sunt libri, quibus Themistocles (73), Aristides (74), Agesilaus (75), Epaminondas (76), Philippus (77), Alexander, alique laudantur. Nostræ laudationes, quibus in foro utimur, aut testimonii brevitatem (78) habent nudam atque inornatam, aut scribuntur ad funebrem concionem; quæ ad orationis laudem minime accommodata est. Sed tamen, quoniam est utendum aliquando, nonnunquam etiam scribendum, velut Q. Tuberoni Africanum avunculum laudanti scripsit C. Lælius, vel ut nosmetipsi, ornandi causa, Græcorum more, si quos velimus, laudare possimus; sit a nobis quoque tractatus is locus.

Perpicuum est igitur (79), alia esse in homine optanda, alia laudanda. Genus, forma, vires, opes, divitiæ, cæteraque quæ fortuna det, aut extrinsecus, aut corpori, non habent in se veram laudem; quæ deberi virtuti uni putatur; sed tamen quod ipsa virtus in earum rerum usa ac
mo-

(73) *Themistocles*) De quo in Bruto. *Præst.*

(74) *Aristides*) Atheniensis, cognomento iustus, frugalissimis moribus, egregie temp. administravit. Floruit Olympiade Lxxv. annis ante Christum cccclxxx. *Plutarchus*, &c. *Idem*.

(75) *Agesilaus*) Lacedæmoniorum rex multis fortiter gestis obiit anno 111. Olymp. cv. ante Christum cccclviii. ætatis Lxxxiv. regni xli. *Plutarchus*, *Cornelius Nepos*, &c. *Idem*.

(76) *Epaminondas*) De quo in notis ad lib. I. de Orat. c. 48. *Idem*.

(77) *Philippus*) Macedo Alexandri Magni parens annos natus viginti quatuor regnare cepit in Macedonia. A Pausania occisus est Olymp. cxl. anno 1. ante Christum cccxxvi. &c. *Diodorus*, *Iustinus*, &c. *Idem*.

(78) *Testimonii brevisatem*) Hoc est sunt breves ac pressæ, veluti testimonia. *Idem*.

(79) *Perpicuum est igitur*) Recte ille apud Terentium: Quid reliqui est quin habeat, quæ quidem in homine dicuntur bona?

Parentes, patriam incolumem, amicos, genus, cognatos, divitias?

Atque hæc perinde sunt, ut illius animus qui ea possidet.

Qui uti scit, ei bona; illi qui non utitur recte, mala. *Idem*.

moderatione maxime cernitur, tractanda etiam in laudationibus hæc sunt naturæ & fortunæ bonæ: in quibus est summa laus, non extulisse se in potestate, non fuisse insolentem in pecunia, non se prætulisse aliis propter abundantiam fortunæ, ut opes & copię non superbix videantur ac libidini, sed bonitati ac moderationi facultatem & materiam dedisse.

Virtus autem, quæ est per se ipsa laudabilis, & sine qua nihil laudari potest, tamen habet plures partes, quarum alia est alia ad laudationem aptior. Sunt enim aliæ virtutes, quæ videantur in moribus hominum, & quadam comitate ac beneficentia positæ: aliæ, quæ in ingenii aliqua facultate, aut animi magnitudine ac robore. Nam clementia, iustitia, benignitas, fides, fortitudo in periculis communibus jucunda est auditu in laudationibus. Omnes enim hæc virtutes non tam ipsis, qui eas in se habent, quam generi hominum, fructuosæ putantur. Sapientia & magnitudo animi, qua omnes res humanæ, tennes & pro nihilo putantur; & in excogitando vis quædam ingenii, & ipsa eloquentia, admirationis habet non minus, jucunditatis minus. Ipsos enim magis videtur, quos laudamus, quam illos, apud quos laudamus, ornare ac tueri: sed tamen in laudando jungenda sunt etiam hæc genera virtutum. Fèriunt enim aures hominum, cum illa, quæ jucunda & grata, tum etiam illa, quæ mirabilia sunt in virtute, laudari.

LXXXV. Et quoniam singularem virtutum sunt certa quædam officia ac munera, & sua cuique virtuti laus propria debetur, erit explicandum in laude iustitiæ, quid cum fide, quid cum æquabilitate, quid cum ejusmodi aliquo officio is, qui laudabitur, fecerit. Itemque in cæteris res gestæ ad cuiusque virtutis genus, & vim, & nomen accommodabuntur.

Gratissima autem laus eorum factorum habetur, quæ suscepta videntur a viris fortibus sine emolumento ac præmio: quæ vero etiam cum labore & periculo ipsorum, hæc habent uberrimam copiam ad laudandum, quod & dici ornatissime possunt, & audiri facillime. Ea enim denique virtus esse videtur præstantis viri, quæ est fructuosa aliis, ipsi autem laboriosa, aut periculosa, aut certe gratuita. Magna etiam illa laus & admirabilis videri solet, tulisse casus sapienter adversos, non fractum esse fortuna, retinuisse in rebus asperis dignitatem, Neque tamen illa non ornant, habiti honores, decreta virtutis præmia, res gestæ, iudiciis hominum comprobata: in quibus etiam, felicitatem ipsam deorum immortalium iudicio tribui, laudationis est. Sumendæ autem res erunt aut magnitudine præstabiles (80), aut novitate primæ, aut genere ipso singulares. Neque enim parvæ, neque usitatæ, neque vulgares, admiratione, aut omni laude dignæ videri solent.

Est etiam cum cæteris præstantibus viris comparatio (81) in laudatione præclara. De quo genere

(80) *Res aut magnitudine præstabiles, &c.* Egregium ali-
quod factum ad laudem amplificandi Aristoteles in libris Rhetori-
corum octo rationes aperit. 1. Si quis solus rem gesserit. 2. Si
quis primus. 3. Si quis cum paucis. 4. Si quis præcipue. 5. Si
quis tempore opportuno. 6. Si quis crebro. 7. Si quis ideo novis
honores adeptus sit. 8. Si quis ita comparetur cum viris illustri-
bus, ut præferatur. Idem.

(81) *Comparatio*) Quam eloquenter adhibuit incertus auctor
panegyrici Constantino Augusto, n. 5. *Magnus Alexander, cum
præter Mæcedonas suos cunctæ Græciæ, universo Illyrico innume-
rabilem delictum posset indicere, nunquam majores quadraginta
millium copias duxit, inhabilis regenti ratus quidquid excederet,
& turbam potius, quam exercitum. Tu vero etiam minoribus co-
piis bellum multo majus aggressus es; tanto scilicet tua virtute
propria potior, quanto ille numero instructior. Et ille quidem con-
tra serenos Medos, & Parthorum arma valatica, & Asiatikos optan-
tes mutare servitium, rem gessit prælii unius eventui: tibi vin-
cendi erant milites, pro nefas! paulo ante Romani, armis omni-
bus more primæ classis armati, & pro facinorum conscientia au-
quam nisi morse cessuri. Aliquando etiam heroes cum diis com-*

nere libitum est mihi paulo plura, quam ostendere, dicere, non tam propter usum forensem, qui est a me in omni hoc sermone tractatus, quam ut hoc videretis, si laudationes essent in oratoris officio, quod nemo negat, oratori virtutum omnium cognitionem, sine qua laudatio effici non possit, esse necessariam.

Jam vituperandi præcepta contrariis ex vitiis sumenda esse perspicuum est. Simul est illud ante oculos, nec bonum virum proprie & copiose laudari, sine virtutum, nec improbum notari ac vituperari, sine viriorum cognitione, satis insignite atque aspere posse. Atque his locis & laudandi, & vituperandi sæpe nobis est utendum in omni genere causarum.

Habetis, de inveniendis rebus, disponendisque quid sentiam. Adjungam etiam de memoria, ut labore Crassum levem, neque ei quidquam aliud, de quo differat, relinquam, nisi ea, quibus hæc exornentur.

LXXXVI, Perge vero, inquit Crassus. Libenter enim te cognitum jam artificem, aliquandoque evolutum illis integumentis dissimulationis tuæ, nudatumque perspicio: & quod mihi nihil, aut quod non multum relinquis, percommode facis, estque mihi gratum. Jam istuc quantum tibi ego reliquerim, inquit Antonius, erit in tua potestate. Si enim vere agere volueris, omnia tibi relinquor. Sin dissimulare, tu quemadmodum his satisfacias, videris. Sed, ut ad rem redeam, non sum tanto ego, inquit, ingenio (82), quanto Themistocles fuit, ut oblivionis artem, quam memoria,

S. 4

parantur. An quemadmodum educatus institutusque sis, prædico in illo limine, in illa fortissimarum sede legionum, inter discursus strenue juventutis, & armorum sonitus tuis vagitibus obrepentes? Finiuntur hæc de Jove, sed de se vera sunt, Imperator. Mamertinus in panegy. Maximiano. Idem.

(82). Ingenio) Ingenium hic sumit pro memoria, quam inferius partem ingenii vocat. Idem.

rix, malim: gratiamque habeo Simonidi (83) illi Ceio, quem primum ferunt artem memoriz protulisse. Dicunt enim, cum coenaret Crannone (84) in Thessalia (85) Simonides apud Scopam, fortunatum hominem & nobilem, cecinissetque id carmen, quod in eum scripserat, in quo multa ornandi causa poetarum more in Castorem (86) scripta & Pollucem fuissent, nimis illum sordide Simonidi dixisse, se dimidium ejus ei, quod pactus esset, pro illo carmine, daturum: reliquum a suis Tyndaridis (87), quos æque laudasset, peteret, si ei videretur. Paulo post esse ferunt nuntiatum Simonidi, ut prodiret: juvenes stare ad januam duos quosdam, qui eum magnopere evocarent: surrexisse illum, prodisse, vidisse neminem. Hoc interim spatio conclave illud, ubi epularetur Scopas, concidisse: ea ruina ipsum oppressum cum suis interiisse. Quos cum humare vellent sui, neque possent obtritros internoscere ullo modo: Simonides dicitur ex eo quod meminisset; quo eorum loco quisque cubuisset, demonstrator uniuscujusque sepeliendi fuisse. Hac tum re admonitus invenisse fertur, ordinem esse maxime, qui memoriz lumen afferret. Itaque iis, qui hanc partem ingenii exercerent, locos esse capiendos, & ea, quæ memoria tenere vellent, effingenda animo, atque in his locis collocanda: sic fore, ut

or-

(83) *Simonidi*) Simonides poeta Lyricus oriundus ex Cea, quæ maris Ægæi insula Eubœam inter & Boeotiam sita est, floruit, Eusebio teste, Olympiade Lxi. annis ante Christum Dxxx. perperam variis in editionibus habetur *Simonidi illi Chio*. Idem.

(84) *Crannone*) Crannon, aut ait Bellonius, nunc dicitur *Ceres*. Idem.

(85) *Thessalia*) Quæ Græciæ regio hodie vocatur *Cemenotari*. Idem.

(86) *Castorem*) Castor & Pollux gemini fratres Jovis ex Leda filii, poetarum fabulis celebres. Idem.

(87) *Tyndaridis*) A Tyndaro Æbaliz rege, conjuge Leda, appellati sunt Tyndaridæ Pollux & Helena, exclusi ex ovo, quod ex Jove Leda conceperat: item Castor & Clytemnestra, ex altero ovo exclusi, quod eadem ex Tyndaro conceperat. Idem.

ordinem rerum locorum ordo conservaret; res autem ipsas rerum effigies notaret: atque ut locis pro cera (88), simulacris pro literis uteremur.

LXXXVII. Qui sit autem oratori memoriæ fructus, quanta utilitas, quanta vis, quid me attinet dicere? tenere quæ didiceris in accipienda causa, quæ ipse cogitaris? omnes fixas esse in animo sententias? omnem descriptum verborum apparatus? ita audire vel eum, unde dicas (89), vel eum, cui respondendum sit, ut illi non infundere in aures tuas orationem, sed in animo videantur inscribere? Itaque soli, qui memoria vigent, sciunt, quid, & quatenus, & quomodo dicturi sint, quid responderint, quid supersit: iidemque multa ex aliis causis aliquando a se acta, multa ab aliis audita meminerunt.

Quare confiteor equidem, hujus boni naturam esse principem, sicut earum rerum, de quibus ante locutus sum, omnium: sed hæc ars tota dicendi (90), sive artis imago quædam est & similitudo, habet hanc vim, non ut totum aliquid, cujus in ingeniis nostris pars nulla sit, pariat & procreet, verum ut ea, quæ sunt orta jam in nobis & procreata, educet atque confirmet. Verumtamen neque tam acri memoria fere quisquam est, ut non dispositis, notatisque rebus, ordinem verborum

(88) *Pro cera*) In tabulis cera obductis scribere solebant Romani. certa loco animo designata, v. g. ædes, templum, porticus, &c. erunt nobis pro tabulis & papyro: rerum imagines, v. g. pugna, funus, statua, &c. erunt pro literis & characteribus. *Idem.*

(89) *Vel eum, unde dicas*) Interpretes volunt verba *unde dicas* significare, *pro quo dicas*; sed nullibi, ut opinor, occurrit apud Ciceronem ista locutio. Malo quidem cum Mss. Joan. Harl. 7. Norf. Mag. & excerptis Nov. & vet. libris Caroli Stephani legere *unde dicas*: quæ lectio procul dubio Ciceroniani coloris est. *Pearcius.*

(90) *Set hæc ars tota dicendi*) Scripserat Cicero, ni fallor, *discendi*. Pergit enim loqui de arte memoriæ. Si autem *santum*, ut ajunt, *scimus, quantum memoria tenemus*; quid mirum, si artem memoriæ Cicero artem *discendi* vocet? *Mures.*

rum aut sententiarum complectatur: neque vero tam hebeti, ut nihil hac consuetudine & exercitatione adjuvetur. Vidit enim hoc prudenter sive Simondes, sive alius quis invenit, ea maxime animis (a) effingi nostris, quæ essent a sensu tradita atque impressa: acerrimum autem ex omnibus nostris sensibus esse sensum videndi: quare facillime animo teneri posse ea, quæ perciperentur auribus, aut cogitatione, si etiam oculorum commendatione animis traderentur; ut res cæcas, & ab aspectus iudicio remotas, conformatio quædam & imago & figura ita notaret, ut ea, quæ cogitando complecti (b) non possemus, intuendo quasi teneremus.

His autem formis (1) atque corporibus, sicut omnibus, quæ sub aspectum veniunt, sedes opus est: etenim corpus intelligi sine loco non potest. Quare ne in re nota & pervulgata multus & insolens sim, locis est utendum multis, illustribus, explicatis, modicis intervallis: imaginibus autem agentibus, acribus, insignitis, quæ occurrere, celeriterque percutere animum possint. Quam facultatem & exercitatio dabit, ex qua consuetudo gignitur, & similitum verborum (2) conversa & immutata casibus, aut traducta ex parte ad genus notatio, & unius verbi imagine totius sententiæ infor-

(a) *Effingi*) Lamb. *effigi*.

(b) *Non*) Vist. Man. Lamb. *vir*.

(1) *His autem formis*) De memoria artificiali consule notat ad lib. 1. de Oratore, cap. 34. *Prust*.

(2) *Similitum verborum*) Dabit facultatem ad recordandum notatio & animadversio verborum similitum, quorum unum alterius memoriam revocabit propter similitudinem: meminisse vis hominis qui vocatur Leo? leonem feram animo effinge. Memoriam item excitat casuum in hisdem verbis varietas, ut ipsum legumen & Piso vir consularis. Nec non verba, quæ partem significant, totum exhibebunt, ut cicer Ciceronem, lac Lactantium. Species genus repræsentabit, ut canis animal. Denique unius verbi imagine totius sententiæ recordatio recurrit. Imago tertæ menti impressa revocare poterit versum hunc integrum:

Terra malos homines nunc educat, atque pusillos. Idem.

formatio, pictoris (3) cujusdam summi ratione & modo, formarum varietate locos distinguētis.

LXXXVIII. Sed verborum memoria (4), quæ minus est nobis necessaria, majore imaginum varietate distinguitur. Multa enim sunt verba, quæ, quasi articuli, connectunt membra orationis, quæ formari similitudine nulla possunt: eorum fingendæ nobis sunt imagines, quibus semper utamur. Rerum memoria propria est oratoris. Eam singulis personis bene positis (5) notare possumus, ut sententias imaginibus, ordinem locis comprehendamus. Neque verum est, quod ab inertibus dicitur, opprimi memoriam imaginum pondere, & obscurari etiam id, quod per se naturâ tenere potuisset. Vidi enim ego summos homines, & divina prope memoria, Athenis Charmadam; in Asia, quem vivere hodie ajunt, Scepsium (6) Metrodorum, quorum uterque tanquam literis in cera, sic se aiebat imaginibus in iis locis, quos haberet, quæ meminisse vellet, perscribere. Quare hac exercitatio-
ne

(3) *Pictoris*) In iis omnibus magnam varietatem oportebit adhibere, pictoremque optimum imitari, qui, ne confundantur personæ & res, quas in variis tabellæ unius locis pingit, eas magna varietate distinguit, & alias ab aliis seceruit. *Idem*.

(4) *Sed verborum memoria, &c.*) Ut hunc locum intelligamus, observandum est, *imagines* aliud quiddam significare, ac simulacra & similitudinem. Non enim necesse est, ut *imagines* semper similes sint iis rebus, quas ad memoriam adjuvandam repræsentant. Dicit igitur Antonius, multa verba, ut adverbia, præpositiones, &c. similitudine nulla significari posse. Si igitur eorum meminisse velimus, necesse est, in promptu habere quam plurimas quasi arbitrarías imagines, quæ, quamvis nihil simile habeant, longo tamen usu perceptæ ea verba, quibus opus est, ob oculos nostros ponant. Hanc autem veram esse interpretationem confirmant verba Quint. Lib. II, c. 2. *Mitto, quod quædam* (verba) *nullis simulacris significari possunt; habemus enim sane, ut qui notis scribunt, certas imagines omnium, &c.* *Peacius*.

(5) *Eam singulis personis bene possis, &c.*) Personæ in hoc loco significant imagines, facies fictas. Sic Lucret. 1. 4. 2. 29. *Idem*.

(6) *Scepsium*) Oriundum ex Scepsi, quæ urbs, si credimus Ptolemæo, est in Myſia minore: si Stephano, in Troade. *Prus*.

ne non eruenda memoria est, si est nulla naturalis: sed certe, si latet, evocanda est.

Habetis sermonem bene longum hominis utinam non impudentis: illud quidem certe, non nimis verecundi: qui quidem cum te, Catule, tum etiam L. Crasso audiente, de dicendi ratione tam multa dixerim. Nam istorum ætas minus me fortasse movere debuit. Sed mihi ignoscetis profecto, si modo, quæ causa me ad hanc insolitam mihi loquacitatem impulerit, acceperitis.

LXXXIX. Nos vero, inquit Catulus, (etenim pro me hoc, & pro meo fratre respondeo) non modo tibi ignoscimus, sed te diligimus, magnamque tibi habemus gratiam: & cum humanitatem & facilitatem agnoscimus tuam, tum admiramur istam scientiam & copiam. Equidem etiam hoc me affecutum puto, quod magno sum levatus errore, & illa admiratione liberatus, quod multis cum aliis semper admirari solebam, unde esset illa tanta tua in causis divinitas. Nec enim te ista attigisse arbitrabar, quæ diligentissime cognosse, & undique collegisse, usuque doctum partim correxisse video, partim comprobasse. Neque eo minus eloquentiam tuam, & multo magis virtutem & diligentiam admiror: & simul gaudeo, iudicium animi mei comprobari, quod semper statui, neminem sapientiæ laudem & eloquentiæ sine summo studio, & labore, & doctrina, consequi posse. Sed tamen quidnam est id, quod dixisti, fore ut tibi ignosceremus, si cognossemus, quæ te causa in hunc sermonem impulisset? Quæ est enim alia causa, nisi quod nobis, & horum adolescentium studio, qui te attentissime audierunt, morem gerere voluisti?

Tum ille, Adimere, inquit, omnem recusationem Crasso volui, quem ego paulo sciebam, vel pudenter, vel invitius, (nolo enim dicere de tam sua-

suavi homine, fastidiosius) ad hoc genus sermonis accedere. Quid enim poterit dicere? Consularem se esse hominem & censorium? eadem nostra causa est. An ætatem affèret? quadriennio minor est. An se nescire? quæ ego sero, quæ cursim arripui, quæ subcisiuis operis (7), ut ajunt: iste a puero, summo studio, summis doctoribus. Nihil dicam de ingenio, cui par nemo fuit. Etenim me dicentem qui audierit, nemo unquam tam sui despicies fuit, quin speraret aut melius, aut eodem modo se posse dicere: Crasso dicente, nemo tam arrogans, qui similiter se unquam dicturum esse confideret. Quamobrem, ne frustra hi tales viri venerint, te aliquando, Crasse, audiamus.

XC. Tum ille, Ut ita ista esse concedam, inquit, Antoni, quæ sunt longe secus, quid mihi tu tandem hodie, aut cuiquam homini, quod dici possit, reliquisti? Dicam enim vere, amicissimi homines, quod sentio. Sæpe ego doctos homines, quid dico sæpe? immo nonnunquam: sæpe enim qui potui, qui puer in forum venerim, neque inde unquam diutius, quam quæstor, absuerim? sed tamen audiui, ut heri dicebam, & Athenis cum essem, doctissimos viros, & in Asia istum ipsum Scepsium Metrodorum, cum de his ipsis rebus disputaret. Neque vero mihi quisquam copiosius unquam visus est, neque subtilius in hoc genere dicendi, quam iste hodie, esse versatus. Quod si esset aliter, & aliquid intelligerem ab Antonio prætermisum: non essem tam inurbanus, ac pæne inhumanus, uti eo gravarer, quod vos cupere sentirem.

Tum Sulpicius, An ergo, inquit, oblitus es, Crasse, Antonium ita partitum esse tecum, ut ipse

(7) *Subcisiuis operis*) Operæ subcisiuæ sunt iis temporibus quæ a gravioribus negotiis vacua sunt, iis horis quæ quasi succeduntur ex occupationibus necessariis. *Idem.*

ipse instrumentum (8) oratoris exponeret, tibi ejus distinctionem atque ornatum relinqueret? Hic ille; Primum, quis Antonio permisit, inquit, ut & partes faceret, & utram veller, prior ipse summeret? deinde, si ego recte intellexi, cum valde libenter audirem, mihi conjuncte est visus de utraque re dicere. Ille vero, inquit Cotta, ornamenta orationis non attigit, neque eam laudem, ex qua eloquentia nomen ipsum invenit. Verba igitur, inquit Crassus, mihi reliquit Antonius, rem ipse sumpsit.

Tum Cæsar, Si, quod difficilius est, id tibi reliquit; est nobis, inquit, causa, cur te audire cupiamus. Sin, quod facilius, tibi causa non est, cur recuses. Et Catulus, Quid? quod dixisti, inquit, Crasse, si hic hodie apud te maneremus, te morem nobis esse gesturum, nihilne ad fidem tuam putas pertinere? Tum Cotta ridens, Possem tibi, inquit, Crasse, concedere: sed vide, ne quid Catulus attulerit religionis: opus hoc censorium est: id autem committere, vide quam sit homini turpe censorio. Agite vero, ille inquit, ut vultis. Sed nonne quidem, quoniam id temporis est, surgendum censeo, & requiescendum: post meridiem, si ita vobis est commodum, loquemur aliquid, nisi forte in crastinum differre mavultis. Omnes se vel statim, vel, si ipse post meridiem mallet, quam primum tamen audire velle dixerunt.

(8) *Instrumentum*) Instrumentum oratoris hic vocatur, quod attribuitur ad docendum, conciliandum, & movendum, hæc sibi scripserat Antonius explicanda, quæ Crasso expolienda & extornanda reliquerat. *Idem*.

M. T. C I C E R O N I S

D E

O R A T O R E,

A D Q. F R A T R E M,

L I B E R T E R T I U S.

I. I NSTITUENTI mihi, Quinte frater, eum sermonem referre, & mandare huic tertio libro, quem post Antonii disputationem Crassus habuisset, acerba sane recordatio veterem animi coram, molestiamque renovavit. Nam illud immortali-
tate dignum ingenium, illa humanitas, illa virtus L. Crassi, morte extincta subita est, vix diebus decem post eum diem, qui hoc & superiore libro continetur. Ut enim Romam rediit extremo sceni-
corum ludorum die (1), vehementer
com-

(1) *Extremo sceni-
corum ludorum die*) Eo enim tempore colligendi sui causa Crassus cum Antonio reliquitque in Tusculanum se receperat. Per *scenicos ludos*, Romanos intellice, ut ex primo libro palam est: qui & *Circenses* & *Magni* appellati. Hosce a Regibus institutos scribit Asconius, & *magnos* appellatos, quod magnis impensis primum facti, id est, ducentis millibus nummum, vel quia diis magnis sacri, id est, Laribus urbis Romæ. Eisdem cum Consualibus facit, quod videtur etiam indicare S. Cyprinus lib. de Spectac. *Romulus*, inquit, *Conso*, quasi *consilii Deo*, ob *capiendas Sabinas*, *Circenses primus consecravit*. Tamen ex veteri Calendario diversis temporibus celebratos illos ludos colligimus. Nam Consualia xix. Calendas Septemb. vel potius xvi. Id. Augusti, hoc est xv. Cal. Septemb. ut docet Plutarchus in *Romulo*. *Raptus*, inquit, *ille patravus est* 18. die *Sextilis*, qui nunc *Augustus*, in quo *Consualia* hodie quoque celebrantur. Jam vero in eodem Calendario ludi Romani leguntur, pridie Nonas Septembres. Quod autem non nemo ludos illos Magnos seu Romanos a Tarquinio institutos asserit, si quidem primitus ab eo factos intelligat, non obscure errat, cum Livius, lib. 1. contra-

sunt

commotus ea oratione, quæ ferebatur habita esse in concione à Philippo (2); quem dixisse constabat, *videndum sibi aliud esse consilium* (3), illo *senatu se rempublicam gerere non posse*: mane idibus Septembris & ille & senatus frequens, vocatu Drusi, in curiam venit. Ibi cum Drusus multa de Philippo questus esset, retulit ad senatum de illo ipso, quod consul in eum ordinem tam graviter in concione esset invehitus. Hic, ut sæpe inter homines sapientissimos constare vidi, quanquam hoc Crasso, cum aliquid accuratius dixisset, semper fere contigisset, ut nunquam dixisse melius putaretur, tamen omnium consensu sic esse tum iudicatum, cæteros à Crasso semper omnes, illo autem die etiam ipsum a sese superatum. Deploravit enim casum atque orbitatem senatus: cujus ordinis a consule, qui quasi parens bonus, aut tutor fidelis esse deberet, tanquam ab aliquo nefario prodone diriperetur patrimonium dignitatis: neque vero esse mirandum, si, cum suis consiliis rempublicam profligasset (4), consilium senatus a republica repudiaret. Hic cum homini & vehementi, & disertto, & in primis forti ad resistendum, Philippo, quasi quasdam verborum faces admovisset, non tu-

tium afferat his verbis: *Ludos opulentius instructiusque, quam priores Reges fecit, &c.* Cæterum cum ante hi ludi *Circenses* essent, hoc est gladiatorii, atque a *scenicis* distinguerentur, postea etiam factos scenicos, & ex hoc loco colligitur, & Augustinus etiam indicat lib. 1. de Civitate Dei, cap. 32. Celebrabantur hi ludi primo quidem uno vel altero die; tum triduo; deinceps pluribus diebus. *Pearcius*.

(2) *A Philippo*) De gravi illa Philippum consulem inter & Drusum tribunum plebis contentione, æquius in notis ad lib. 1. de Orat. cap. 7. *Præsteus*.

(3) *Aliud esse consilium*) Per vocem *consilium* (pro qua alii edidere *concilium*) intellige cœtum vel congregationem, si ve eos qui consulunt, non id quod consulentes sequuntur. *Pearcius*.

(4) *Profligasset*) Asperius dictum in Philippum, qui cum in ea causa Drusum, seditionis auctorem exagitaret, bene de re merito est. *Præst.*

tulit ille, & graviter exarsit, pignoribusque ablatis (5) Crassum instituit coercere. Quo quidem ipso in loco multa a Crasso divinitus dicta efferebantur, cum sibi illum consulem (6) esse negaret, cui senator ipse non esset. *Antu, cum omnem auctoritatem universi ordinis pro pignore putaris, eamque in conspectu populi Romani concideris; mo his pignoribus existimas posse terredi? Non tibi illa sunt cadenda, si Crassum vis coercere: hæc tibi est excidenda lingua: qua vel evulsa, spirita ipso libidinem tuam libertas mea refutabit.*

II. Per multa tum vehementissima contentione animi, ingenii, virium, ab eo dicta esse constabat; sententiamque eam, quam (7) senatus frequens secutus est, ornatissimis & gravissimis verbis, Ut populo Romano (8) satisfaceret, nunquam senatus neque consilium reipublicæ neque fidem defuisse; ab eo dictam: & eundem (id quod in auctoritatibus perscriptis (9) exstat) scribendo adfuisse.

De Orat.

T

II.

(5) *Pignoribusque ablatis*) Val. Maximus, lib. vi. cap. 2. dicit, *Philippum consulem iussisse lictorem manum L. Crasso iniicere*. Ille consul iubendo bona Crassi fisco addici, decrevit eum multare; *pignora* vero ea, quæ sic a magistratu caperentur & auferrentur, dicebantur fuisse *conciſa*, vel *caſa*, ut in sequentibus patet. *Pearcius*.

(6) *Sibi illum consulem*) Totum hoc breviter refert Valerius Maximus lib. vi. cap. 2. *L. Philippus cos. adversus senatum libertatem exercere non dubitavit. nam segnitiam pro rostris exprobrans, alio sibi senatu opus esse dixit: tantumque a penitentia dicti absuit, ut etiam L. Crasso summæ dignitatis & eloquentiæ viro id in curia graviter ferenti manus injici juberet. Ille, rejecto lictore, Non es, inquit, mibi, Philippe, consul, quia nec ego quidem tibi senator sum.* *Præst.*

(7) *Sententiamque eam, quam*) In senatusconsultis ejus nomen, qui sententiæ princeps esset, inscribebatur: quod ex Cicerone & Asconio constat. Factum esse idem Athenis ex Demosthene colligimus, & ex Plutarcho. *Petavius*.

(8) *Ut pop. Romano*) Sunt verba sententiæ, quæ instar aliquis decreti ac senatusconsulti a Crasso conceptis verbis istis, quæ referuntur, *Ut populo, &c.* dicta, & a senatu probata, & gravissimis ornata verbis fuit. *Præst.*

(9) *In auctoritatibus perscriptis*) Auctoritates hic pro decretis seu senatusconsultis ne simpliciter acceperis: nam aliud au-

cto.

Illa tanquam cycnea fuit divini hominis vox (10) & oratio , quam quasi * expectantes , post ejus interitum veniebamus in curiam , ut vestigium illud ipsum , in quo ille postremum institisset , contuermur . Namque tum latus ei dicenti condoluisset , sudoremque multum consecutum esse audiebamus : ex quo cum cohorruiisset , cum febris domum rediit , dieque septimo lateris dolore (11) consumptus est .

O fallacem hominum spem , fragilemque fortunam , & inanes nostras contentiones ! quæ in medio spatio sæpe franguntur & corrumpunt , & ante in ipso cursu obruuntur , quam portum conspiceretur . Nam , quamdiu Crassi fuit , ambitionis labore , vita districta , tamdiu privatis magis officiis , & ingenii laude floruit , quam fructu amplitudinis , aut reipublicæ dignitate . Qui autem ei annus primus ab honorum perfunctione aditum , omnium concessu , ad summam auctoritatem dabat , is ejus omnem spem , atque omnia vitæ consilia , morte pervertit . Fuit hoc luctuosum suis , acerbum patriæ , grave bonis omnibus : sed ii tamen rempublicam casus secuti sunt , ut mihi non erepta L. Crasso a diis immortalibus vita , sed do-

na-

floritas vocatur , aliud senatusconsultum fuit , ut erudite Sigonius observavit ad 1v. Livii . Nam senatusconsultum magis ratum erat , quam auctoritas . Si enim vel senatorum numerus justus defuisset , vel magistratus intercessisset ; decretum quidem perscribatur , ut senatorum de ea re judicium exstaret : nondum tamen ratum erat ; sed auctoritas tantum dicebatur . Id ipsum fiebat , si vel non idoneo tempore , vel non legitimum in locum senatus convocaretur : quæ omnia diserte explicat Dio , lib. 1v. *Petavius* .

(10) *Cycnea . . . vox*) Græcum proverbium , κύκνειν μέλος . De cynorum cantu nota fabula est ; quam tamen asseverare non dubitat Aristoteles 1x. de H. A. 16. Idem habet Plato in Phædone . Nam quid poetas commemorem , apud quos nihil est frequentius ? Sed fabulosum hunc esse cantum existimat Plinius , x. 23. *Idem* .

* *Expectantes*) Lamb. *vespectantes* .

(11) *Lateris dolore*) Πλάγιτιν appellant Græci inflammationem membranæ , quæ costas succingit , ortam ex contentione . *Præst.*

nata mors esse videatur. Non vidit flagrantem bello Italiam (12), non ardentem invidia senatum (13), non sceleris nefarii principes civitatis reos, non luctum filiae (14), non exilium generi, non acerbissimam C. Marii fugam (15), non illam post reditum ejus cædem omnium crudelissimam, non denique in omni genere deformatam, eam civitatem, in qua ipse florentissima multum omnibus gloria præstitisset.

III. Sed quoniam attigi cogitatione vim, varietatemque fortunæ, non vagabitur oratio mea longius, atque eis fere ipsis definietur viris, qui hoc sermone, quem referre cœpimus, continentur.

T 2 Quis

(12) *Non flagrantem bello Italiam*) Bellum sociale intelligit, de quo Appianus, lib. 1. de Bell. civilibus, & alii. Concitatum autem est post Drusi mortem, quoniam Latini socii oblatam sibi spem civitatis impetrare non poterant. *Petavius.*

(13) *Non ardentem invidia senatum*) Quam invidia? eisdem, opinor, criminis, quod scelus nefarium subinde vocat. Sollicitati scilicet ad defectionem Latini nominis. De quo ita Appianus. Sublato per insidias Druso, qui Latinos ad spem civitatis impulerat; equites, ut senatum ulciscerentur, Q. Valerium, vel potius, ut Latini scriptores appellant, Varium, tribunum plebis subornant, qui rogationem ferret ad populum de iis, quorum ope & consilio Latini socii concitati essent: (in quo lapsus est Strabæus, qui quæstionem illam contra Italos excecendam fuisse dicit) qua per vim lege lata, constitutaque quæstione, multis statim ex senatoribus diem dixerunt. Quam ut infansam fugerent, sponte urbe cessere plerique, interque alios Aurelius Cotta, & everfor ille Coriathi Mummium. Nisi forte aberravit in hoc quoque vocabulo Appianus, atque ut antea Valerium Vario, ita hic Memmio substituit Mummium. Facti mox populum poenituit. Ο τε δήμος ἤχθετο, τοσῶνδε καὶ τοσῶνδε ἀργασμένων ἀδρῶν ἀδρῶν ἀποκρίμενος. Ubi pro τοσῶν corrigendum videtur τόσα, ut stet sententia. Populus vero dolebat, talibus viris, quique tantas res egerant, simul omnibus spoliatus. *Idem.*

(14) *Luctum filiae*) Crassi filia nupsit Scipioni, qui Mariam secutus, pulsus in exilium a Sylla magnum uxori luctum attulit. *Præst.*

(15) *C. Marii fugam*) Mithridatici belli gerendi provinciam Syllæ ereptam in se transtulit Marius, ope C. Sulpicii tribuni plebis. Graviter id tulit Sylla, urbeque occupata occidit Sulpicium, Marium in fugam compulsi; paulo post rediit Marius totamque urbem rapinis ac cædibus cœdavit, anno U. C. DCLXVI. ante Christum LXXXVIII. *Plutarchus, Appianus, Florus, &c. Idem.*

Quis enim non jure beatam L. Crassi mortem illam, quæ est a multis sæpe defleta, dixerit, cum horum ipsorum sit, qui tum cum illo postremum fere collocuti sunt; eventum recordatus? Tenemus enim memoria (16), Q. Catulum, virum omni laude præstantem, cum sibi non incolumem fortunam, sed exilium & fugam deprecaretur, esse coactum, ut vita se ipse privaret (17). Jam M. Antonii (18) in his ipsis rostris (19), in quibus ille rempublicam constantissime consul defenderat, quæque censor imperatoris manubiis (20) ornat, positum caput illud fuit, a quo erant multorum civium capita servata. Neque vero longe ab eo C. Julii caput, hospitis Etrusci (21)

sce-

(16) *Tenemus enim memoria*) Clarissimorum deinceps hominum necem atrocissimam proponit; eorum duntaxat, qui in hoc dialogo inducuntur. In primis Catuli, qui Marii in consultu collega, Cimbrici triumphii particeps fuit. In illa vero Maxima flamma multis nequicquam mortem illius deprecantibus, cum hoc solum Marius responderet, moriendum illi esse; recenti calce illito, multoque igni percalefacto cubiculo se inclusum peremit. Hæc Valerius lib. 9. cap. 12. præter supra citatos auctores. Petavius.

(17) *Ut vita se ipse privaret*) Q. Catuli mortem ut minime vulgarem Valerius Maximus refert lib. 1x. cap. 1x. *A Mario propter civiles dissensiones mori jussus, recenti calce illito, multoque igni percalefacto cubiculo se inclusum peremit: cujus tam dira necessitas maximus Mariæ gloria rubor exstis.* Idem tradit Appianus lib. 1. bellor. civil. Tamen ignis haustu se se ludibrio hostium exemisse tradit Florus lib. III. cap. 21. Prust.

(18) *M. Antonii*) Marius & Cinna urbe potiti satellites ad Antonium occidendum submittere, qui ejus eloquentia deliniti districtos gladios vaginis reddiderant: cum lis digressis Antonius crudele imperium anno U. C. Dclxvii. ante Christum Lxxxvii. truculento ministerio peregit. *Valer. Maxim. lib. vii. cap. 9. Appian. Plutarch. &c. Idem.*

(19) *Jam M. Antonii in his ipsis rostris*) De hujus obitu adeundi lidem. Auger autem *πρόσθεν* a loco. Huc facit illud Juvenalis Sat. x. 121.

..... *Nec unquam
Sanguine caudicis maduerunt rostra pusilli.* Petavius.

(20) *Manubiis*) *Manubie* appellata sunt pecunie a quaestore ex venditione prædæ redactæ. Gellius lib. xiii. capite 24. Prust.

(21) *Neque vero longe ab ea C. Julii caput, hospitis Etrusci, &c.*

scelere proditum, cum L. Julii fratris capite jacuit: ut ille, qui hæc non vidit, & vixisse cum republica pariter, & cum illa simul extinctus esse videatur. Neque enim propinquum (22) suum, maximi animi virum, P. Crassum, suapte interfectum manu, neque collegæ sui, pontificis (23) maximi, sanguine simulacrum Vestæ (24) repletum esse vidit: cui moerori (qua mente ille in patriam fuit) etiam C. Carbonis, inimicissimi (25) hominis, eodem illo die mors nefaria fuisset. Non vidit eorum ipsorum, qui tum adulescentes Crasso se dicarant, horribiles miserosque casus. Ex quibus C. Cotta (26), quem ille flo-

T 3

ren-

etc.) Eodem tempore duo fratres C. & L. Julii Cæsares Syllam secuti, in via deprehensi trucidantur. Auctor est Appianus. Fugerant in tectum hospitis sui natione Etrusci, & homini perfidie commiserant. Detexit hospites, capita amputata, a Mario in rostris posita. Locus, scelus hospitis, fratrum communis calamitas hic ciet affectum. Sunt qui L. Cæsarem domi interfectum ferant; quibus consonat illud Justini: *Cæsar & Pimbria in penatibus domorum suarum trucidantur*. Srebæus.

(22.) *Neque enim propinquum*) Crassus, inquit Appianus, *persequentibus cum filio sese militibus, filium quidem occidere antevertit, ipse vero ab insequentibus est occisus*. Videtur tamen falsus Appianus: vel quia de tanto viro nimium est atrox illud: vel quia nulla hujus rei a Cicerone facta mentio est; quod certe, ad augendum *πείσμα*, non erat omittendus; vel denique quoniam contrarium a Floro traditur. In primis lib. 3. c. 21. Crassos patrem & filium in mutuo alterum alterius aspectu occisos ait. Sed idem, Epitome lib. 80. *Crassus, inquit, filius ab equitibus Pimbriae insueruptus. Pater Crassus, ne quid indignum virtute sua pateretur, gladio se transfixit*: quod postremum & verisimilius est, & Ciceroni consentaneum. *Idem*.

(23.) *Neque collegæ sui, pontifici*) Mucium Scævola in- tellige, qui a Mario juniore cæsus est: de quo Florus lib. 3. cap. 21. *Petavius*.

(24.) *Vestæ*) Quæ fuit Saturni filia ex Ope; Vestæ colendæ dabant operam virgines, quibus credita erat cura ignis perpetui fovendi. Ejus nomen Cicero 1. de Nat. Deor. derivat ἀπὸ τῆς ἱστίας a foco. Præst.

(25.) *Etiam C. Carbonis, inimicissimi*) Marianorum hic signifer ex Africa a Pompejo Romam ductus, & pro tribunali productus, cum ter consulatum gessisset, damnatus ab eodem est. *Petavius*.

(26.) *Ex quibus C. Cotta*) Hic in gravi illa senatorum in- vidia ab equitibus concitata, die sibi dicta, postquam in equites

græ-

rentem reliquerat, paucis diebus post mortem Crassi depulsus per invidiam tribunatu, non multis ab eo tempore mensibus eiectus est e civitate. Sulpicius autem, qui in eadem invidiæ flamma fuisset, quibuscum privatus conjunctissime vixerat, hos in tribunatu spoliare instituit omni dignitate: cui quidem ad summam gloriam eloquentiæ florescenti, ferro erepta vita est, & poena temeritatis non sine magno reipublicæ malo (27) constituta.

Ego vero te, Crasse, cum vitæ flore, tum mortis opportunitate, divino consilio & ortum & extinctum esse arbitror. Nam tibi aut pro virtute animi, constantiaque tua civilis ferri subeunda fuit crudelitas, aut, si qua te fortuna ab atrocitate mortis vindicasset, eadem esse te funerum patriæ spectatorem coegisset: neque solum tibi improborum dominatus, sed etiam propter admissam civium cædem, bonorum victoriæ mœrori fuisset.

IV. Mihi quidem, Quinte frater, & eorum casus, de quibus ante dixi, & ea, quæ nosmetipsi ob amorem in rempublicam incredibilem & singularem pertulimus, ac sensimus, cogitanti, sententia sapientia tua vera ac sapiens (28) videri solet, qui propter tot, tantos, tamque præcipientes casus clarissimorum hominum, atque optimorum virorum, me semper ab omni contentione ac dimi-

gravissime esset invehitus, solum vertit. Sulpicius vero tribunus plebis fuit turbulentissimus, qui nefarias leges in gratiam Marii per vim tulerat, primoque adventu in urbem Syllæ est interfectus. Meminerunt supra dicti Auctores. *Idem*.

(27) *Non sine magno reip. malo*) Sulpicius tribunus plebis Syllæ insensu leges in gratiam Marii tulerat. Sylla cum exercitu Romam, ex qua paulo ante fugerat, reversus occupavit. Sulpicius quidem in fuga occisus est, ac elapsus Marius, & ex Africa revocatus, annitente Cinna consule, Syllanos vicissim proscripsit, & quos sibi senserat infestos, incredibili reip. detrimento trucidari iussit. *Plutarchus, Florus, &c., Præf.*

(28) *Vera ac sapiens*) Huic fratris sententiæ non semper Cicero adhæsit: quanto sibi steterit cum Antonio dimicasse, vidit, sed serius, cum ab ejus satellitibus obtruncatus est. *Idem*.

micatione revocalli. Sed quoniam hæc jam neque in integro nobis esse possunt, summi labores nostri, magna compensati gloria, mitigantur, pergamus ad ea solaria, quæ non modo sedatis mortaliis jucunda, sed etiam hærentibus, salutaria nobis esse possunt; sermonemque L. Crassi reliquum, ac pæne postremum memoriæ prodamus; atque ei, etsi nequaquam parem illius ingenio, at pro nostro tamen studio meritam gratiam, debitamque referamus. Neque enim quisquam nostrum, cum libros Platonis mirabiliter scriptos legit, in quibus omnibus fere Socrates exprimitur, non, quanquam illa scripta sunt divinitus, tamen majus quiddam de illo, de quo scripta sunt, suspicatur. Quod item nos postulamus non a te quidem, qui nobis summa omnia tribuis; sed a cæteris, qui hæc in manus sument, ut majus quiddam de L. Crasso, quam quantum a nobis exprimetur, suspicentur. Nos enim, qui ipsi sermoni non interfuissemus, & quibus C. Cotta tantummodo locos, ac sententias hujus disputationis tradidisset, quo in genere orationis utrumque oratorem cognoveramus, id ipsum sumus in eorum sermone adumbrare conati. Quod si quis erit, qui ductus opinione vulgi, aut Antonium jejuniorem, aut Crassum fuisse pleniorē putet, quam quomodo a nobis uterque inductus est: is erit ex iis, qui aut illos non audierit, aut judicare non possit. (29). Nam fuit uterque (ut exposui antea) cum studio, atque ingenio, & doctrina præstans omnibus, tum in suo genere perfectus; ut neque

T 4

in

(29) Non audierit, aut judicare non possit) Ut bene se habeat sententia, & ad normam linguæ Latinæ procedat, necesse videtur legere cum Ms. Cant. *audierint, & possint*. cum enim præcesserit *is erit ex iis, qui aut illos rite sciquitur, non audierint, aut judicare non possint*. Facile fieri potuit, ut litera a librariis omitteretur, cum *linea* brevi supra vocalem ducta exprimi solet. *Pearsius*.

in Antonio deesset hic ornatus orationis , neque in Crasso redundaret.

V. Ut igitur ante meridiem discesserunt , paululumque requierunt , in primis hoc a se Cotta animadversum esse dicebat , omne illud tempus meridianum Crassum in acerrima atque attentissima cogitatione posuisse : seseque , qui vultum ejus , cum ei dicendum esset , obtutumque oculorum in cogitando probe nosset , atque in maximis causis sæpe vidisset , tum dedita opera , quiescentibus aliis , in eam exhedram (30) venisse , in qua Crassus lectulo posito recubuisset : cumque eum in cogitatione defixum esse sensisset , statim recessisse , atque in eo silentio duas horas fere esse consumpras . Deinde , cum omnes , inclinato jam in postmeridianum tempus die , venissent ad Crassum , Quid est , Crasse , inquit Julius , imusne sessum ? etiam admonitum venimus te , non flagitatum .

Tum Crassus , An me tam impudentem esse existimatis , ut vobis hoc præsertim munus putem diutius posse debere ? Quinam igitur , inquit ille , locus : an in media silva placet ? est enim is maxime & opacus & frigidus . Sane , inquit Crassus : etenim est in eo loco sedes huic nostro non inopportuna sermoni . Cum placuisset idem cæteris , in silvam venit , & ibi magna cum audiendi expectatione confiditur .

Tum Crassus , Cum auctoritas , atque amicitia vestra , tum Antonii facilitas eripuit , inquit , mihi in optima mea causa libertatem recusandi : quamquam in partienda disputatione nostra , cum sibi de iis , quæ dici ab oratore oporteret ,sumeret ; mihi

(30.) *Exhedram*) Id est , locum triclinio & coenaculo similem : ubi non lecti ad dormiendum , sed sedes aut cathedræ ad sedendum , vel recumbendum otii causa apponerentur . De *exhedris* sic Vitruvius lib. 5. cap. 11. *Constituuntur in tribus porticibus exhedræ spatiosæ , habentes sedes , in quibus philosophi , ytherores , reliquique , qui studiis delectantur , sedere possint .* Idem .

mihi autem relinqueret, ut explicarem quemadmodum illa ornari oporteret; ea divisit, quæ sejuncta esse non possunt. Nam cum omnis ex re, atque verbis constet oratio, neque verba sedem habere possunt, si rem subtraxeris, neque res lumen, si verba semoveris.

Ac mihi quidem veteres illi, majus quiddam animo complexi, plus multo etiam vidisse videntur, quam quantum nostrorum ingeniorum acies intueri potest: qui omnia hæc, quæ supra & subter, unum esse (31), & una vi, atque una consensione naturæ constricta esse dixerunt. Nullum est enim genus rerum, quod aut avulsam a cæteris per seipsum constare, aut quo cætera si careant, vim suam atque æternitatem conservare possint.

VI. Sed si hæc major esse ratio videtur, quam ut hominum possit sensu aut cogitatione comprehendere, est etiam illa Platonis (32) vera, & tibi, Catule, certe non inaudita vox, Omnem doctrinam harum ingenuarum & humanarum artium uno quodam societatis vinculo contineri. Ubi enim perspecta vis est rationis ejus, qua causæ rerum atque exitus cognoscuntur, mirus quidam omnium quasi consensus doctrinarum, concentusque reperitur. Sed si hoc quoque videtur esse altius, quam ut id nos humi strati suspicere possimus, illud certe tamen, quod amplexi sumus, quod profite-

(31) *Que supra & subter, unum esse*) Quo refertur illud Platonis in Timæo, ὁύτερον ἢ ὁρθῶς εἶνα ὕμνον προσεῖρηκαμεν, ἢ πολλὰς καὶ ἀπείρους λέγειν ὡς ὁρθότερον; εἶνα, εἴπερ κατὰ τὸ παράδειγμα διδμηιουργημένοι ἐσσι. An igitur recte unum mundum dixerimus, an plures & innumerabiles dicere rectius est? Unum certe dixero, siquidem ad exemplar factus est. Præst.

(32) *Est etiam illa Platonis*) Apud Platonem sæpius philosophi de rerum natura disputantes, res omnes unum quiddam esse contendunt, ut in Parmenide. Privatim vero quod ad scientias pertinet, affines illas esse, & naturali vinculo constrictas; sapientiamque ex omnibus conflata tanquam partibus, in Epinomide fufius disserit. Petavius.

stemur , quod suscepimus , nosse & tenere debemus. Una est (33) enim , quod & ego hesternæ die dixi , & aliquot locis antemeridiano sermone significavit Antonius , eloquentia , quascumque in oras disputationis , regionesve delata est . Nam si-
ve de cæli natura loquitur , si-ve de terræ , si-ve de divina vi , si-ve de humana ; si-ve ex inferiore loco (34) , si-ve ex æquo , si-ve ex superiore ; si-ve ut impellat homines , si-ve ut doceat , si-ve ut deterreat , si-ve ut concitet , si-ve ut reflectat , si-ve ut incendat , si-ve ut leniat ; si-ve ad paucos , si-ve ad multos , si-ve inter alienos , si-ve cum suis , si-ve secum , rivis est diducta oratio , non fontibus : & , quocumque ingreditur , eodem est instructu ornatuque comitata ;

Sed quoniam oppressi jam sumus opinionibus non modo vulgi , verum etiam hominum leviter eruditum , qui , quæ complecti tota nequeunt , hæc facilius divulsa & quasi discripta contrectant ; & qui , tanquam ab animo corpus , sic a sententiis verba sejungunt , quorum sine interitu fieri neutrum potest ; non suscipiam oratione mea plus quam mihi imponitur : tantum significabo brevi , neque verborum ornatum inveniri posse non partitis expressisque sententiis , neque esse ullam sententiam illustrem sine luce verborum . Sed prius quam illa conor attingere , quibus orationem ornari atque illuminari putem , proponam breviter , quid sentiam de universo genere dicendi .

VII. Natura nulla est (35) , (ut mihi videtur)

(33) *Una est*) Iisdem elocutionis præceptis exornari potest , quoscunque sibi tractandum sumplerit orator . *Præst.*

(34) *Sive ex inferiore loco*) Triâ præcipua loca distinguit , e quibus dicere solebant oratores . In forensibus controversiis , accusator ac defensor in subseillis confidebant , hoc est inferiori loco : in senatu , ex æquo loco dicebant ; e superiore magistratus , qui ad populum pro rostris conciones habebant . *Petravius .*

(35) *Natura nulla est*) Generalem disputationem præmittit de :

tur) quæ non habeat in suo genere res complures dissimiles inter se, quæ tamen consimili laude dignentur (36). Nam & auribus multa percipimus, quæ, etsi nos vocibus delectant, tamen ita sunt varia sæpe, ut id, quod proximum audias, jucundissimum esse videatur: & oculis colliguntur pæne innumerales voluptates, quæ nos ita capiunt, ut unum sensum dissimili genere delectent: & reliquos (a) sensus voluptates oblectent: dispares, ut sit difficile iudicium excellentis maxime suavitatis.

At hoc idem, quod est in naturis rerum, transferri potest etiam ad artes. Una fingendi est ars, in qua præstantes fuerunt Myro, Polycletus, Lysippus (37), qui omnes inter se dissimiles fuerunt; sed ita tamen, ut neminem sui velis esse dissimilem. Una est ars ratioque picturæ, dissimilisque tamen inter se Zeuxis, Aglaophon, Apelles: neque eorum quisquam est, cui quidquam in arte sua deesse videatur. Et, si hoc in his quasi mortis artibus est mirandum, & tamen verum: quanto admirabilius in oratione atque in lingua? quæ cum in iisdem sententiis verbisque versetur, summas habet dissimilitudines: non sic, ut alii (b) vituperandi sint, sed ut ii, quos constat esse lau-

dan-

de eloquentiæ, & oratorum in dicendo varietate. Summa autem hæc est. Cum una eademque sit ars dicendi, admirabilem tamen esse in eadem arte dissimilitudinem, pro eo quod alius alio in genere excellit: quod primo sensuum exemplo probat, qui cum singuli unum quiddam sint, variis tamen rebus afficiuntur, quæ natura dispares, delectatione sunt non minus diversæ. Idem in fingendi & pingendi arte declarat. *Idem.*

(36) *Consimili laude dignentur*) Diversi colores visum, auditum, odorata vox sive gravis sive acuta, gustum acris & dulcis, odoratum quam dispares odores perinde fere oblectant? *Præst.*

(a) *Sensus* Lamb. *sensus singulos singule volupt.*

(37) *Myro, Polycletus, Lysippus* Operæ pretium est videre quemadmodum eundem locum traçet Quintilianus lib. xxi. cap. 10. quæque de statuariis habet Plinius lib. xxxv. cap. 9. ubi proluxe admodum insignum sculptorum meminit. *Pesavrus.*

(b) *Alii*) Lamb. *alii laudandi, alii vituperandi.*

dandos, in dispari tamen genere laudentur. Atque id primum in poetis cerni licet, quibus est proxima cognatio cum oratoribus, quam sint inter sese Ennius, Pacuvius, Acciusque (38) dissimiles: quam apud Græcos, Æschylus (39), Sophocles (40), Euripides, quanquam omnibus par pæne laus in dissimili scribendi genere tribuatur.

Aspicite nunc eos homines, atque intruimini, quorum de facultate quærimus, quid intersit inter oratorum studia atque naturas. Suavitatem Isocrates, subtilitatem Lysias, acumen Hyperides, sonitum Æschines, vim Demosthenes habuit. Quis eorum non egregius? tamen quis cujusquam nisi sui similis? Gravitatem Africanus, lenitatem Lælius, asperitatem Galba, profluens quiddam habuit Carbo & canorum. Quis horum non princeps temporibus illis fuit? & suo tamen quisque in genere princeps.

VIII. Sed quid ego vetera conquiram, cum mihi liceat uti præsentibus exemplis atque vivis? Quid jucundius auribus nostris unquam accidit hujus oratione Catuli? quæ est para sic, ut Latine loqui pæne solus videatur: sic autem gravis, ut in singulari dignitate omnis tamen adsit humanitas ac lepos. Quid multa? istum audiens equidem sic judicare soleo, quidquid aut addideris, aut mutaveris, aut detraxeris, vitiosius & deterius futurum.

(38) *Acciusque*) L. Accius poeta tragicus auctore Eusebio floruit Olympiade cix. ante Christum annis xli. *Prust.*

(39) *Æschylus*) Poeta tragicus Olymp. Lxxi. annis ante Christum ccccxvi. floruit Athenis, illiusque Cynegiri frater fuit, qui in pugna Marathonia incredibili fortitudine certavit, quocum & Æschylus in acie stetit. Postea cum prædictæ sibi ruinæ metu in aperto loco consideret, casu testudinis, quam ex aere demisit aquila, comminatus cervicibus, interiit ætatis anno Lviii. *Suidas. Prust.*

(40) *Sophocles*) Atheniensis, natus est anno II. Olymp. Lxxi. ante Christum cccxcv. fabulas scripsit centum viginti tres, & vicies quater victoriam reportavit. A Cicerone divinus poeta dicitur. *Idem.*

rum. Quid noster hic Cæsar? nonne novam quandam rationem attulit orationis, & dicendi genus induxit prope singulare? Quis unquam res, præter hunc, tragicas pæne comice, tristes remisse, severas hilare, forenses scenica prope venustate tractavit: atque ita; ut neque jocus magnitudine rerum excluderetur, nec gravitas facetiis minueretur? Ecce præsentibus duo prope æquales Sulpicius & Cotta: quid tam inter se dissimile? quid tam in suo genere præstans? Limatus alter & subtilis, rem explicans propriis aptisque verbis, hæret in causa semper: &, quid judici probandum sit, cum acutissime vidit, omissis cæteris argumentis, in eam mentem orationemque defigit. Sulpicius autem fortissimo quodam animi impetu, plenissima & maxima voce, summa contentione corporis, & dignitate motus, verborum quoque ea gravitate & copia est, ut unus ad dicendum instructissimus a natura esse videatur.

IX. Ad nosmetipsos jam revertor: (quoniam sic fuimus semper comparati, ut hominum sermonibus quasi in aliquod contentionis judicium voceremur) quid tam dissimile, quam ego in dicendo, & Antonius? cum ille is sit orator, ut nihil eo possit esse præstantius; ego autem, quanquam memet mei pœnitet, cum hoc maxime tamen in comparatione conjungar.

Videtisne, genus hoc quod sit Antonii? forte, vehemens, commotum in agendo, præmunitum, & ex omni parte causæ septum, acre, acutum, enucleatum, in unaquaque re commorans, honeste cedens, acriter insequens, terrens, supplicans, summa orationis varietate, nulla nostrarum aurium satietate. Nos autem, quicumque in dicendo sumus, (quoniam esse aliquo in numero vobis videmur) certe tamen ab hujus multum genere distamus, quod quale sit, non est meum dicere, pro-

propterea quod minime quisque sibi notus est, & difficillime de se quisque sentit: sed tamen dissimilitudo intelligi potest, & ex: motus mei mediocritate, & ex eo, quod, quibus vestigiis primum insiti, in iis fere soleo perorare; & quod aliquanto me major in verbis, quam in sententiis eligendis, labor & cura torquet, verentem, ne, si paulo obsoletior fuerit oratio, non digna exspectatione & silentio fuisse videatur.

Quod si in nobis, qui adsumus, tantæ dissimilitudines, tam certæ res: cujusque propriæ, & in ea varietate fere melius a deteriore, facultate magis (41); quam genere distinguitur, atque omne laudatur, quod in suo genere perfectum est: quid censeatis, si omnes, qui ubique sunt, aut fuerunt oratores, amplecti voluerimus? numne fore, ut quot oratores, totidem pæne reperiantur genera dicendi? Ex qua mea disputatione forsitan occurrat illud, si pæne innumerabiles sint quasi formæ figuræque dicendi, specie dispares, genere laudabiles; non posse ea, quæ inter se discrepant, iisdem præceptis, atque in una institutione formari. Quod non est ita: diligentissimeque hoc est eis, qui instituunt aliquos, atque erudiunt, videndum, quo sua quemque natura maxime ferre videatur. Etenim videmus, ex eodem quasi ludo summorum in suo cujusque genere artificum & magistrorum exisse discipulos dissimiles inter se, attamen laudandos; cum ad cujusque naturam institutio doctoris accommodaretur. Cujus est vel maxime insigne illud exemplum, (ut cæteras artes omitramus) quod dicebat Isocrates, doctor

fin.

(41) *Facultate magis* Sensus est: Cum dicimus alium oratorem meliorem esse, alium deteriore, eo judicio non significamus illius oratoris genus dicendi potius esse quam hujus; in dispari enim genere possunt esse æque laudabiles: sed intelligi volumus illum oratorem facultate excellere, id est, plus in suo genere valere, quam hunc in eo, quod sibi proprium habet, *Pearcius*.

singularis; *se calcaribus in Ephoro* (42), *contra autem in Theopompo frenis uti solere*. Alterum enim exsultantem verborum audacia reprimebat, alterum cunctantem, & quasi verecundantem incitabat. Neque eos similes effecit inter se, sed tantum alteri affinxit (43), de altero limavit, ut id conformaret in utroque, quod utriusque natura pateretur.

X. Hæc eo mihi prædicenda fuerunt, ut, si non omnia, quæ proponerentur a me, ad omnium vestrum studium, & ad genus id, quod quisque vestrum in dicendo probaret, adhærescent; id a me genus exprimi sentiretis, quod maxime mihi ipsi probaretur. Ergo hæc & agenda sunt ab oratore; quæ explicavit Antonius, & dicenda quodam modo. Quinam igitur dicendi est modus melior, (nam de actione post video) quam ut Latine (44), ut plane, ut ornate, ut ad id, quodcumque agetur, apte, congruenterque dicamus?

Atque eorum quidem, quæ duo prima dixi, rationem non arbitror expectari a me, puri, dilucidique sermonis. Neque enim conamur docere eum dicere, qui loqui nesciat: (a) nec sperare, qui Latine non possit, hunc ornate esse dicturum: neque vero, qui non dicat, quod intelligamus, hunc posse, quod admiremur, dicere. Linguam igitur hæc, quæ cognitionem habent facilem,

(42) *Ephoro*) De quo, ut & Theopompo dictum in notis ad Lib. II. de Orat. c. 13. *Præf.*

(43) *Alteri affinxit*) Ephoro tardiori Isocrates magister stimulos admovebat, addebat aliquid, pictoris instar, qui additis ex arte coloribus tabulam perficit; contra, Theopompum animis juveniliter exsultantem frenis coercerebat, ipsi detrahebat aliquid, ut statuarius dum materiam informem deradendo expolit, simulacrum fabricatur. *Idem.*

(44) *Latine*) Latina est oratio quæ barbarissimum & solcecissimum excludit; plana quæ dilucida; ornata quæ vel numerosa, vel figuris sive verborum sive sententiarum distincta; apta denique quæ dicentem decet. *Idem.*

(a) *Nec sperare*) Lamb. *nec speramus.*

eilem, usum necessarium. Nam alterum traditur literis, doctrinaque puerili; alterum adhibetur ob eam causam, ut intelligatur, quid quisque dicat: quod videmus ita esse necessarium, ut tamen eo minus nihil esse possit.

Sed omnis loquendi elegantia, quanquam expolitur scientia literarum, tamen augetur legendis oratoribus & poetis. Sunt enim illi veteres, qui ornare nondum poterant, quæ dicebant, omnes prope præclare locuti: quorum (a) sermone assuesfacti qui erunt, ne cupientes quidem poterunt loqui, nisi Latine. Neque tamen erit utendum verbis iis, quibus jam consuetudo nostra non utitur, nisi quando ornandi causa, parce, quod ostendam: sed usitatis ita poterit uti, lectissimis ut utatur, is, qui in veteribus erit scriptis studiose & multum volutatus.

XI. Atque, ut Latine loquamur, non solum videndum est, ut & verba efferamus ea, quæ nemo jure reprehendat: & ea sic & casibus, & temporibus, & genere, & numero conservemus, ut ne quid perturbatum, ac discrepans, aut præposterum sit: sed etiam lingua, & spiritus, & vocis sonus est ipse moderandus: Nolo exprimi literas putidius, nolo obscurari negligentius: nolo verba exiliter exanimata (45) exire, nolo inflata & quasi anhelata (46) gravius. Nam de voce nondum ea dico, quæ sunt actionis; sed hoc, quod mihi cum sermone quasi conjunctum videtur. Sunt enim certa vitia, quæ nemo est, quin effugere cupiat; mollis vox, ut muliebris, aut quasi extra

mo-

(a) *Sermone*) Lamb. *sermoni*

(45) *Exiliter exanimata*) Qualia sunt eorum qui, ut loquar cum Persio,

..... *tenero supplantant, verba palato*. Prust.

(46) *Anhelata*) Catullus lepide ridet nescio quem Arium hoc vitio laborantem, qui

Commoda dicebat, si quando commoda veller

Dicere, & insidias Arius insidias, &c. Idem.

modum absona atque absurda. Est autem vitium, quod nonnulli de industria confectantur: rustica vox & agrestis quosdam delectat, quo magis anti-quitatem, si ita sonet, eorum sermo retinere videatur; ut tuus, Catule, sodalis, L. Cotta (47), gaudere mihi videtur gravitate linguæ, sonoque vocis agresti, illud quod loquitur, priscum visum iri putat, si plane fuerit rusticanum. Me autem tuus sonus, & suavitas ista delectat: omitto verborum, quanquam est caput: verum id affert ratio, docent literæ, confirmat consuetudo & legendi, & loquendi. Sed hanc dico suavitatem, quæ exit ex ore: quæ quidem, ut apud Græcos, Atticorum, sic in Latino sermone, hujus est urbis maxime propria. Athenis jam diu doctrina (48) ipsorum Atheniensium interiit, domicilium tantum in illa urbe remanet studiorum, quibus vacant cives, peregrini fruuntur (49) capi quodammodo nomine urbis & auctoritate: tamen eruditissimos homines Asiaticos (50) quivis Athe-

De Orat.

V.

nien-

(47) *Sodalis L. Cotta*) Non ille intelligendus est, qui his in libris inducitur, sed alius de quo mentio est in Bruto, c. 36. *Petavius*.

(48) *Athenis jam diu doctrina*) Ciceronis tempore Athenarum vetus illa gloria conciderat, nec quicquam præter nomen atque memoriam restabat: regibus primo, Macedoniæ præsertim, tum Romanis ipsis assidentibus. Quare peregrini in ea homines philosophiam atque eloquentiam profitebantur: ita tamen ut sola nominis auctoritate adducti, passim ex toto orbe, disciplinarum studio, Athenas navigarent diu etiam post Ciceronis ætatem. Apud Synefium exstat elegans epistola, qua inanem illam curiositatem lepide cavillatur. Sane fuisse Athenis certam quandam, eamque purissimam pronuntiandæ linguæ Græcæ rationem, vel hoc unum indicio est, quod cum Theophrastus, vir alioqui Atticæ eloquentiæ confessor acerrimus, sed peregrinus, anum alloqueretur, pro hospite facile sit ab ea deprehensus. Idem Romæ fuit, quod ad Latinam attinet, pronuntiandi principatus. *Idem*.

(49) *Quibus vacant cives, peregrini fruuntur*) Quibus, est auferendi casus; &, *vacans cives*, est, *vacui sunt*, live *carens cives*: &, *fruuntur peregrini*, opponitur, tanquam contrarium huic verbo, *vacant cives*. Vasslor, *De vi & usu*, &c.

(50) *Asiaticos*) Oratores ex Caria, Phrygia, & Myfia, quos

nienſis indoctus, non verbis, ſed ſono vocis, nec tam bene, quam ſuaviter loquendo, facile ſuperabit. Noſtri minus ſtudent literis, quam Latini: tamen ex iſtis, quos noſtis, urbanis, in quibus minimum eſt literarum, nemo eſt, quin literatiſſimum togatorum omnium, Q. Valerium Soranum (51), lenitate vocis, atque ipſo oris preſſu & ſono facile vincat.

XII. Quare cum ſit quædam certa vox Romani generis urbiſque propria, in qua nihil offendi, nihil diſplicere, nihil animadverti poſſit, nihil ſonare aut olere peregrinum, hanc ſequamur: neque ſolum ruſticam aſperitatem, ſed etiam peregrinam inſolentiam fugere diſcamus. Equidem cum audio ſocrum: meam Læliam. (facilius enim mulieres incorruptam antiquitatem conſervant (52), quod multorum ſermonis expertes ea tenent ſemper, quæ prima didicerunt) ſed eam ſic audio, ut Plautum mihi, aut Nævium videar audire. Sono ipſo vocis ita recto & ſimplici eſt, ut nihil oſtentationis, aut imitationis afferre videatur: ex quo ſic locutum eſſe ejus patrem judico, ſic majores: non aſpere, ut ille, quem dixi, non vaſte,

non

quos in Oratore tradit Tullius adſciviſſe aptum ſuis auribus optimum quoddam, & tanquam adipatum diſtioniſ genus. *Pruff.*

(51) *Valerium Soranum*) Hunc ſuſpicio eundem eſſe, qui ob vulgatum arcanum patriæ nomen ſit interfectus. Plinius lib. 3. cap. 10. de Roma urbe loquens: *Cujus nomen dicere arcanis ceremoniarum neſas habetur: optimaque & ſalutari fide abolitum enunciat Valerius Soranus, luitque mox pœnas. Non alienum videtur hoc loco inferere exemplum religionis antiquæ ob hoc maxime ſilentium inſiſtens. Namque Dea Angerona, cui ſacrificatur a. d. xli. Calendas Januarias, ore obligato, obſignatoque ſimulacrum habet. Fruſtra vero ſunt qui nomen illud arcanum Valentiam fuiſſe putant. Conſtat enim ex Solino aliud nomen fuiſſe: apud quem idem quod apud Plinium legimus: nam poſtquam Romam antea Valentiam dictam meminit, ſubdit: Traditur etiam proprium Romæ nomen, verumtamen veritum publicæ. Petavius.*

(52) *Facilius enim mulieres incorruptam antiquitatem conſervant*) Videtur hoc ſumpliſſe ex Cratylo Platonis, in quo ſcriptum eſt: *Γυναικες μάλιστα τῶν ἀρχαίων φωνῶν σωζουσι. Ὑβρι-*

non rustice, non hiulce, sed presse, & æquabiliter, & leniter. Quare Cotta noster, cujus tu illa lata, Sulpici, nonnunquam imitaris, ut *jota* literam tollas, & *e* plenissimum dicas, non mihi oratores antiquos, sed mēssores videtur imitari.

Hic cum arrisisset ipse Sulpicius, Sic agam vobis, inquit Crassus, ut, quoniam me loqui voluistis, aliquid de vestris vitiis audiat. Utinam quidem! inquit ille: id enim ipsum volumus, idque si feceris, multa (ut arbitror) hic hodie vitia ponemus. At enim non sine meo periculo, Crassus inquit, possum, Sulpici, te reprehendere; quoniam Antonius mihi te simillimum dixit sibi videri. Tum ille, Tum quod mortuit idem, ut ea, quæ in quoque maxima essent, imitemur: ex quo vereor, ne nihil sim tui, nisi suppletionem pedis imitatus, & pauca quædam verba, & aliquem, si forte, motum. Ergo ista, inquit Crassus, quæ habes a me, non reprehendo, ne me ipsum irrideam. Sunt autem mea multo & plura, & majora, quam dicis. Quæ autem sunt aut tua plane, aut imitatione ex aliquo expressa, de iis te, si quis me forte locus admonuerit, commonebo.

XIII. Prætereamus igitur præcepta Latine loquendi, quæ puerilis doctrina tradit, & subtilior cognitio ac ratio literarum alit, aut consuetudo sermonis quotidiani ac domestici: libri confirmant, & lectio veterum oratorum, & poetarum. Neque vero in illo altero diutius (53) commoremur,

V 2

mur,

(53) Neque vero in illo altero diutius) Secundam partem, quæ erat de perspicuitate orationis, omittit, quoniam satis per se facilis est. Quædam tamen, ex quibus haberi illa possit virtus dicendi, breviter enumerat. Sunt numero decem. Parit enim dilucidam orationem sermonis proprietates & puritas Latini, quæ erat prima pars. 2. Voces usitatæ, neque aut vetustate obsoletæ, aut studio novitatis insolentes. 3. Proprie tem declarantes, accommodatæque rebus, quas significant; cum neque majores

mur, ut disputemus, quibus rebus assequi possimus, ut ea, quæ dicamus, intelligantur. Latine scilicet dicendo, verbis usitatis, ac prope demonstrantibus ea, quæ significari ac declarari volumus, sine ambiguo verbo aut sermone, non nimis longa continuatione verborum, non valde productis iis, quæ similitudinis causa ex aliis rebus transferuntur, non discerptis sententiis, non præposteris temporibus, non confusis personis, non perturbato ordine. Quid multa? tam facilis est tota res, ut mihi permirum sæpe videatur, cum difficilius intelligatur, quid patronus velit dicere, quam si ipse ille, qui patronum adhibet, de re sua diceret. Isti enim, qui ad nos causas deferunt, ita nos plerumque ipsi docent, ut non desideres planius dici. Easdem res autem simul ac Fufius, aut vester æqualis Pomponius, agere cœpit, non æque, quid dicant, nisi admodum attendi, intelligo: ita confusa est oratio, ita perturbata, nihil ut sit primum, nihil ut secundum: tantaque insolentia ac turba verborum, ut oratio, quæ lumen adhibere rebus debet, ea obscuritatem & tenebras afferat, atque ut quodammodo ipsi sibi in dicendo obstrepere videantur. Verum, si placet, quoniam hæc satis spero, vobis quidem certe majoribus, molesta & putida videri, ad reliqua aliquanto odiosiora pergamus.

XIV. Atque vides, inquit Antonius, cum alias res agamus, quam te invite audiamus, qui adduci pos-

statem earum minuant, nec obruunt tenuitatem. 4. Resecanda omnis verbi ac sermonis ambiguitas. 5. Vitanda nimia verborum circuitio, quoniam auctore etiam Hermogene περιβολή, id est, ambitus, & producta comprehensio cum perspicuitate repugnat. 6. Tollenda similitudinis continuata translatio, hoc est, ne metaphoræ nimium dilatentur, quoniam id in ænigma transiret. 7. Non debent minutatim conscindi sententiæ, sed expleri, & ad justam mensuram numeri atque sensus produci. 8. Temporum servanda distinctio est, ut suo quæque tribuantur. 9. Concinna personarum distinctio servanda est. Postremo argumentorum cæterorumque omnium dirigendus est ordo. Petavius.

possimus (de me enim conjicio) relictis ut rebus omnibus te sectemur, te audiamus ; ita de horridis rebus nitida , de jejunis plena , de pervulgatis nova quædam est oratio tua .

Faciles enim , inquit , Antoni , partes ex fuerunt duæ , quas modo percurri , vel potius pæne præterii , Latine loquendi , planeque dicendi ; reliquæ sunt magnæ , implicatæ , variæ , graves , quibus omnis admiratio ingenii , omnis laus eloquentiæ continetur . Nemo enim unquam est oratorem , quod Latine loqueretur , admiratus . Si est aliter , irident : neque eum oratorem tantummodo , sed hominem non putant . Nemo extulit eum verbis , qui ita dixisset : ut , qui adessent , intelligerent quid diceret : sed contempsit eum , qui minus id facere potuisset .

In quo igitur homines exhorrescunt ? quem stupefacti dicentem intuentur ? in quo exclamant ? quem deum , ut ita dicam , inter homines putant ? Qui distincte , qui explicate , qui abundanter , qui illuminate & rebus , & verbis dicunt , & in ipsa oratione quasi quendam numerum versumque conficiunt ; id est , quod dico , ornate . Qui idem ita moderantur , ut rerum , ut personarum dignitates ferunt , ii sunt in eo genere laudandi laudis , quod ego aptum & congruens nominem .

Qui ita dicerent , eos negavit adhuc se vidisse Antonius , & iis hoc nomen dixit eloquentiæ solis esse tribuendum . Quare omnes istos , me auctore , deridete atque contemnite , qui se horum , qui nunc ita appellantur , rhetorum præceptis omnem oratorum vim complexos esse arbitrantur ; neque adhuc quam personam teneant , aut quid profiteantur , intelligere potuerunt . Verum enim oratori , quæ sunt in hominum vita , (quandoquidem in ea versatur orator , atque ea est ei subjecta materies) omnia quæ sita , audita , lecta , disputata ,

tractata, agitata esse debent. Est enim eloquentia una quædam de summis virtutibus (54): quæquam sunt omnes virtutes æquales (55) & pares, sed tamen est species alia magis alia formosa & illustris: sicut hæc vis, quæ scientiam complexa rerum, sensa mentis, & consilia sic verbis explicat, ut eos, qui audiunt, quocumque incubuerit, possit impellere: quæ quo major est vis, hoc est magis probitate jungenda, summaque prudentia: quarum virtutum expertibus si dicendi copiam tradiderimus, non eos quidem oratores affecerimus, sed furentibus quædam arma dederimus.

XV. Hanc, inquam, cogitandi pronuntiandique rationem, vimque dicendi, veteres Græci sapientiam nominabant. Hinc illi Lycurgi (56), hinc Pittaci (57), hinc Solones (58); atque ab hac similitudine Coruncanii (59) nostri, Fabricii (60), Catones, Scipiones fuerunt, non tam fortasse

(54) *Una de... virtutibus*) Eloquentiam esse virtutem Fabricius lib. II. cap. 20. sic probat. *Si consonare sibi*, inquit, *in faciendis ac non faciendis, virtutis est, quæ pars ejus prudentia vocatur, eadem in dicendis ac non dicendis erit. Et si virtutes sunt, ad quas nobis etiam, ante quam doceremur, initia quædam ac semina sunt concessa natura, ut ad justitiam, cujus rusticis quoque ac barbaris apparet aliqua imago: nos esse sic ab initio formatos, ut possemus orare pro bonis, etiamsi non perfecti, tamen ut inessent quædam (ut dixi) semina ejus sæculatæ, manifestum est. Præst.*

(55) *Omnes virtutes æquales*) Sequitur Stoicorum sententiam, qui & virtutes omnes & vitia esse æqualia sentiebant. Vide Paradoxæ Ciceronis. *Idem.*

(56) *Lycurgi*) Vide notas in lib. I. de Orat. c. 13. *Idem.*

(57) *Pittaci*) Pittacus Mitylenæus, unus e septem Græcia sapientibus floruit Olympiade xlii. & obiit anno III. Olympiadis Lii. annis ante Christum Dxxx. *Diogen. Laert.* *Idem.*

(58) *Solones*) Vide notas in lib. I. de Orat. c. 13. *Idem.*

(59) *Coruncanii*) Antiquæ probitatis Romani, variis magistratibus, ipsaque dictatura insignes. De Ti. Coruncanio inferius c. 33. *Idem.*

(60) *Fabricii*) C. Fabricii virtus potissimum enituit in bello Samnitico, quod gestum est ab anno U. C. cccxvi. ad cccclxxvi. Eum Pyrrhus admirans aliquando dixit: ille est Fabricius, qui difficilius ab honestate, quam sol a cursu suo, averti potest, *Eutropius.* De Catonibus & Scipionibus alibi disseruimus, *Idem.*

casse docti, sed impetu mentis simili & voluntate. Eadem autem alii prudentia, sed consilio ad vitæ studia dispari, quietem atque otium secuti, ut Pythagoras (61), Democritus, Anaxagoras (62), a regendis civitatibus totos se ad cognitionem rerum transtulerunt: quæ vita propter tranquillitatem, & propter ipsius scientiæ suavitatem, qua nihil est hominibus jucundius, plures, quam utile fuit rebus publicis, delectavit. Itaque, ut ei studio se excellentissimis ingeniis homines dederunt, ex ea summa facultate vacui ac liberi temporis, multo plura, quam erat necesse, doctissimi homines, otio nimio, & ingeniis uberrimis affluentes, curanda sibi esse, ac quærenda, & investiganda duxerunt. Nam vetus quidem illa doctrina eadem videtur & recte faciendi, & bene dicendi magistra; neque disjuncti doctores, sed iidem erant vivendi præceptores, atque dicendi: ut ille apud Homerum (63) Phoenix (64), qui se a Peleo (65)

V 4 patre

(61) *Pythagoras*) De Pythagora & Democrito consule notæ in lib. I. de Orat. c. 10. *Idem*.

(62) *Anaxagoras*) Patria Clazomenius, Periclis magister, natus Olympiade Lxx. annis ante Christum cccxcviii. inedia sibi necem conscivit annos natus Lxx. Olympiade Lxxxviii. non Lxxviii. ut mendose legitur apud Laertium. De quo plura Plutarchus in Pericle. *Idem*.

(63) *Homerum*) Hic poetarum princeps ætate fuit cæteris omnibus longe superior, iam tum ab ipsis Salomonis temporibus celebris, annis ante Christum Mxvi. De hujus origine contendunt septem urbes, Smyrna, Rhodus, Colophon, Salamin, Ios, Argos, Athenæ. Hunc si quis cæcum genitum putat, inquit Veljeus lib. I. omnibus sensibus orbis est. *Idem*.

(64) *Phoenix*) Phœnicem Achillis magistrum sic inducit loquentem Homerus Iliados lib. ix.

--- Σοὶ δὲ μὲν ἄπειπε γέρον ἱππηλάτα Πηλεΐδης.....

Τῦνκά με προέηκε διδασκόμεναι τὰς πάντα,

Μύθευτε ῥήτηρ ἄμειναι. πρὸς τῇρά τε ἔργων.

Tecum vero me misit senex eques Peleus.... Propterea me misit, ut te docerem hæc omnia, ut dicendi vi præstares, & operibus agendis excelleres. *Idem*.

(65) *Peleo*) Pelus, Æaci filius ex Thetide genuit Achillem. *Idem*.

patre Achilli (66) juveni comitem esse datum dicit ad bellum , ut illum efficeret *oratorum verborum* (67) , *actoremque rerum* . Sed ut homines labore assiduo & quotidiano assueri , cum tempestatis causa opere prohibentur , ad pilam (68) se , aut ad talos (69) , aut ad tesseras (70) conferunt , aut etiam novum sibi ipsi aliquem

(66) *Achilli*) Qui heros Homeri Iliade celeberrimus est.
Idem .

(67) *Oratorum verborum*) Respicit Noster Homeri Iliad. lib. 9.

Μύθων τε ῥητῆρ' ἱμενέει , πρακτῆρά τε ἔργων . *Pearcius* .

(68) *Pilam*) Hunc ludum sic describit Julius Pollux lib. 12. cap. 7. Græca brevitatis studiosi præmittimus , quæ Latine reddimus . Luditur , inquit , secundum multitudinem dispositis pilis ad pares ; deinde mediam educunt lineam , quam scyrum appellant . huic imponitur pila ; tum duas lineas post utrorumque ordinem describunt ; vincunt qui pila missa alios ad aliam usque lineam pepulerint . Alio præterea modo luditur , cum pila furtim projecta ante debet excipi manu , quam terram attigerit , quod Homerus in Phæacibus videtur intelligere , *Præst.*

(69) *Talos*) Ut è quæ de talis hic observamus , facilius intelligantur , haud abs re fuerit notam de tesseris sequentem prælegere Tali , quos Græci dixerunt ἀσπράγγες , a tesseris differēbant situ ; neque enim quatuor insisterant lateribus , sed quæ parte signata erant , & veluti concamerata , non stabant ; numero scilicet quatuor aut plures adhibebantur ; ornatu , nullis erant punctis inscripta sed ipsa positura , auctore Polluce , numerorum vicem præstabat ; iactu , qui fuit in talis Couis , Chius , Planus , Suppus , Venus , Canis , Basilicus , Vulturius . Felicissimus fuit iactus Couis , qui Latinis dicitur Venus , & Suppus , id est , qui cadit ex animi sententia , æque faustus ac senio tesseræ ; tuncque contingebat , ut patet ex Luciano in Amoribus , cum qualibet talorum superficies dissimilis cadebat . Chius autem , quem Latini vocant & Canem , refertur ad unionem tesserarum ; Basilicus cum Veneris , Vulturius cum canis iactu congruit .
Idem .

(70) *Tesseræ*) Tesseræ nomen accepere a voce Græca τέσσερες quatuor , non a quatuor lateribus , sex enim habent ; sed quod figura sint undecunque quadratæ . Tesserarum ludum , quem Galli appellamus *le jeu des Dæz* , inventum a Lydis Asiæ populis Herodotus scribit . Tres tesseræ punctis notatas ab unione ad senionem e cornu , quod & fritillum & pyrgum & pyxidem dixerent , emittebant in tabulam ; pro vario iactu variis fuit alea : cui ter sex puncta uno trium tesserarum iactu obvenerant , is , ut refert Zenobius , felicissime jecerat ; contra , qui tria tantum puncta fuerat sortitus , vincebatur . Abibat victor qui plura puncta retulisset . Itaque cum tesseræ iactus essent unio , binio , tercio , qua-

quem excogitant in otio ludum: sic illi a negotiis publicis, tanquam ab opere, aut temporibus exclusi, aut voluntate sua feriati, totos se alii ad poetas, alii ad geometras, alii ad musicos contulerunt; alii etiam, ut dialectici, novum sibi ipsi studium ludumque pepererunt; atque in iis aribus, quæ repertæ sunt, ut puerorum mentes ad humanitatem fingerentur atque virtutem, omne tempus atque ætates suas consumpserunt.

XVI. Sed, quod erant quidam, iique multi, qui aut in republica propter ancipitem, quæ non potest esse sejuncta, faciendi, dicendique sapientia, florerent, ut Themistocles, ut Pericles (71), ut Theramenes (72), aut, qui minus ipsi in republica versarentur, sed hujus tamen ejusdem sapientiæ doctores essent, ut Gorgias, Thrasymachus (73), Isocrates: inventi sunt, qui cum ipsi doctrina & ingeniis abundarent, a re autem civili, & a negotiis, animi quodam judicio, abhorrerent, hanc dicendi exercitationem exagitarent, atque contemnerent: quorum princeps Socrates fuit, is, qui omnium eruditorum testimo-

quaternio, quinio, senio; unio, qui & dictus est canis, infau-
stissimus: faustissimus habebatur senio. Hinc Persius Sat. III.

..... *Quid dexter senio ferret,*

Scire erit in voto, damnosa canicula quantum

Raderet.

Non me tamen fugit aliquando senionem perinde ac canem fuisse damnosum, ut constat ex Suetonio in Augusto. *Idem.*

(71) *Themistocles, Pericles, &c.* De quibus omnibus, quia dicendi laude floruerunt, differit Cicero libro de Claris Oratoribus. *Idem.*

(72) *Theramenes* Ejus meminit Cicero in Bruto, cap. 7. & fufius Xenophon Hist. Gr. l. 2. Notatur mobile illius & callidum ingenium vulgato ad id proverbio, *Θεραπεύειν καὶ πόδες*, quod genus istud calceamenti utrique pedi conveniret; quemadmodum & ille utrique parti accommodabat sese. *Pesavius.*

(73) *Thrasymachus* Chalcedonius, ait Suidas, is fuit sophista, qui primus periodum invenit, discipulus Platonis, & Isocratis: excellens opinione eloquentiæ. Hinc proverbium apud Græcos: *non difficilius esse vadere leonem, quam convincere Thrasymachum.* *Idem.*

monio, totiusque iudicio Græciæ, cum prudentia, & acumine, & venustate, & subtilitate, tum vero eloquentia, varietate, copia, quam se cumque in partem dedisset, omnium fuit facile princeps. Hic iis, qui hæc, quæ nos nunc quærimus, tractarent, agerent, docerent, cum nomine appellarentur uno, quod omnis rerum optimarum cognitio, atque in iis exercitatio, *philosophia* nominaretur, hoc commune nomen eripuit, sapienterque sentiendi, & ornate dicendi scientiam, re coherentes, disputationibus suis separavit: cuius ingenium, variosque sermones immortalitati scriptis suis Plato tradidit, cum ipse literam Socrates nullam reliquisset. Hinc discidium illud exitit quasi linguæ atque cordis, absurdum sane, & inutile, & reprehendendum; ut alii nos sapere, alii dicere docerent. Nam, cum essent plures orti fere a Socrate, quod ex illius variis, & diversis, & in omnem partem diffusis disputationibus aliud aliud apprehenderat, profeminatæ sunt quasi familiæ dissentientes (74) inter se, & multum disjunctæ & dispares, cum tamen omnes se philosophi Socraticos & dici vellent, & esse arbitrarentur.

XVII. Ac primo ab ipso Platone Aristoteles & Xenocrates (75); quorum alter Peripateticorum, alter Academiæ nomen obtinuit. Deinde ab Anisthene (76), qui patientiam & duritiam in Socrati-

crati-

(74) *Familie dissentientes*) De variis philosophorum sectis differuimus in notis ad lib. 1. de Orat. c. 3. *Præf.*

(75) *Xenocrates*) Chalcedonius, Platonis discipulus, quem stimulo urgendum dicebat Plato, cum frænis indigeret Aristoteles. Admirabili fuit continentia, moderatione & integritate vitæ. Cum noctu incidisset in pelvim, obiit anno ætatis LXXXII. Olympiadis cx. a. ante Christum cccxxxix. *Diogenes Laertius*. Idem.

(76) *Anisthene*) Hic Atheniensis, discipulus primum Socratis, quem confectis quotidie quadraginta stadiis audire solitus erat: tum Cynicorum auctor fuit. Floruit annis ante Christum circiter cxi. *Laertius*. *Præf.*

cratico sermone maxime adamarat, Cynici (77) primum, deinde Stoici. Tum ab Aristippo (78), quem illæ magis voluptariæ disputationes delebant, Cyrenaica philosophia manavit: quam ille, & ejus posterii simpliciter defenderant: ii, qui nunc voluptate omnia metiuntur, dum verecundius id agunt, nec dignitati satisfaciunt, quam non aspernantur, nec voluptatem timentur, quam amplexari volunt.

Fuerunt etiam alia genera philosophorum, qui se omnes fere Socraticos esse dicebant; Eretriacorum (79), Herilliorum (80), Megaricorum (81), Pyrrhæonorum (82): sed ea horum

(77) *Cynici*) Philosophi sic dicti, teste Empirico, quod canum instar tuerentur bonos, malos invaderent: quamquam a Cynicis alieni eos nomen habuisse dicebant a canina impudentia. *Idem*.

(78) *Aristippo*) Is Cyrenæus e Cyrenaica Africa regione, Socratis sectam philosophus amplexus est omni loco, tempore, ac personæ serviebat; quare & Dionysio charus, & a Diogene regius canis dictus est. Inclaruit circa Olympiadem xcv. annis ante Christum cccc. *Laert.* Voluptatem summum bonum, dolorem summum malum esse docuit, ut tradit Cicero lib. II. Tuscul. Quæst. *Idem*.

(79) *Eretriacorum*) A Menedemo Eretriate (Eretria autem Thessalia urbs est) Eretrici Philosophi sunt appellati: quorum omne bonum, inquit Tullius lib. xv. Academ. Quæst. in mente positum, in mentis acie qua verum cerneretur. Septem dierum inedia mortem sibi conscivit, annos natus quatuor & octoginta. *Laertius*. Celebris fuit Olympiade cx. annis ante Christum cccxl. *Idem*.

(80) *Herilliorum*) Herillus Carthaginensis philosophus summum bonum in cognitione & scientia posuit. *Diogenes*. Vixit annis ante Christum cclx. *Idem*.

(81) *Megaricorum*) Cicero lib. xv. Academ. Quæst. ait, ab Euclide Megareo (Megara urbs est Achaiae) Megaricos philosophos appellatos, qui id bonum solum esse dicebant, quod esset unum, & simile, & idem, & semper. Megarici præterea dicti sunt *ἐριστικοί*, sive contentiosi, ac demum *διαλεκτικοί*, quippe qui se dialecticæ totos addicerent. Porro Euclides Socraticus floruit annis ante Christum cccxxx. *Laertius*. Præst.

(82) *Pyrrhæonorum*) A Pyrrhæone nomen habuere; qui ex Elide in Peloponneso oriundus, primo pictor, deinde philosophiæ desiderio incensus contulit sese in Indiam, ibique se Gymnosophistarum & Magorum in disciplinam tradidit. Inde no-

vum

rum vi & disputationibus sunt jamdiu fracta & extincta. Ex illis autem, quæ remanent, ea philosophia, quæ suscepit patrocinium voluptatis; etsi cui vera videatur, procul abest tamen ab eo viro, quem quærimus, & quem auctorem publici consilii, & regendæ civitatis ducem, & sententiæ, atque eloquentiæ principem, in senatu, in populo, in causis publicis esse volumus. Nec ulla tamen ei philosophiæ fiet injuria a nobis. Non enim repelletur inde, quo aggredi cupiet; sed in hortulis quiescet suis, ubi vult, ubi etiam recubans mollior & delicatior, nos avocat a rostris, a judiciis, a curia fortasse sapienter, hac præsertim republica. Verum ego non quæro nunc, quæ sit philosophia verissima, sed quæ oratori conjuncta maxime. Quare istos sine ulla contumelia dimittamus: sunt enim & boni viri, &, quoniam sibi ita videntur, beati: tantumque eos admoneamus, ut illud, etiam si est verissimum, tacitum tamen tantquam mysterium, teneant, quod negant versari in republica esse sapientis. Nam, si hoc nobis, atque optimo cuique persuaserint, non poterunt ipsi esse, id quod maxime cupiunt, otiosi.

XVIII. Stoicos (83) autem, quos minime improbo, dimitto tamen, nec eos iratos vereor, quoniam omnino irasci nesciunt (84): atque hanc

vum invexit philosophandi genus, auctor sectæ Scepticæ, quæ in omnibus assensum sustinebat. Vixit annos prope nonaginta: floruit annis ante Christum circiter cccxx. de quo vide Diogenem. Idem.

(83) Stoicos) Vide notas in lib. I. de Orat. c. 10. Idem.

(84) Irasci nesciunt) Iræ enim cadere in sapientem negant Stoici, quorum præcepta lepide colligit Cicero pro Murena. Horum præcepta sunt ejusmodi: Sapientem gratia nunquam moveri: nunquam cujusquam delicto ignoscere: neminem miserordem esse nisi stultum & levem: vivi non esse neque exorari, neque placari: solos sapientes esse, si distortissimi sint, formosos: si mendicissimi, divites: si servitutem serviant, reges: nos autem, qui sapientes non sumus, fugitivos, exules, hostes, insanos denique esse dicunt: omnia peccata esse paria: omne delictum sce-

hanc iis habeo gratiam, quod soli ex omnibus eloquentiam, virtutem ac sapientiam esse dixerunt. Sed utrumque est in his, quod ab hoc (85), quem instruimus, oratore valde abhorreat, vel quod omnes, qui sapientes non sint, servos, latrones, hostes, insanos esse dicunt; neque tamen quemquam esse sapientem. Valde autem est absurdum, ei con-
 cionem, aut senatum, aut ullum cœtum hominum committere, cui nemo illorum, qui adsint, sanus nemo civis, nemo liber esse videatur. Accedit, quod orationis etiam genus habent fortasse subtile, & certe acutum; sed, ut in oratore, exila, inusitatum, abhorrens ab auribus vulgi, obscurum, inane, jejunum, attamen ejusmodi, quo uti ad vulgus nullo modo possis. Alia enim & bona, & mala videntur Stoicis, & cæteris civibus, vel potius gentibus: alia vis honoris, ignominia, præmii, supplicii. Vere, an secus nihil ad hoc tem-
 pus: sed ea si sequamur, nullam unquam rem di-
 cendo expedire possimus.

Reliqui sunt Peripatetici, & Academici: quan-
 quam Academicorum nomen est unum, sententia-
 duar. Nam Speusippus (86) Platonis sororis fi-
 lius,

*scelus esse nefarium: nec minus delinquere eum, qui gallum gal-
 linaceum, cum opus non fuerit, quam eum, qui patrem suffoca-
 verit: sapientem nihil opinari, nullius rei pœnitere, nulla in
 re falli, sententiam mutare nunquam.* V. & Laert. in Zenone.
Idem.

(85) Sed utrumque est in his, quod ab hoc, &c. Crassus
 Stoicos non omnino improbat, sed negat eorum philosophiam u-
 tilitem esse oratori propter duas rationes: quia & sententiis, &
 genere dicendi discrepat ab eloquentia forensi, & populari. Di-
 screpat sententiis, quoniam Stoici dicunt insipientes (quales sunt
 omnes) esse servos, latrones, &c. Discrepat autem genere di-
 cendi, quoniam illi nimium dialectice loquuntur, & acute con-
 cludunt, non suavitate delectant. Vides, Lector, τὸ ἀνακόλουθον
 (ut vocant:) cum enim Cicero dixerat, *vel quod*, non repetit
 particulam *vel*, sed sententiam sic variat, *Accedit, quod, &c.*
 Pearcius.

(86) Speusippus) Atheniensis post Platonem scholam rexit
 annis octo, cviii. Olympiade, annis ante Christum cccl. vir ira-
 cundia, avaritia, ac voluptati deditus, tristitia confectus ob pa-
 ralyſim dicitur sibi necem attulisse. Laert. Prust.

lius, & Xenocrates, qui Platonem audierat, & qui Xenocratem, Polemo (87) & Crantor (88), nihil ab Aristotele, qui una audierat Platonem, magis diffensit: copia fortasse & varietate dicendi pares non fuerunt. Arcefilas (89) primum, qui Polemonem audierat, ex variis Platonis libris (90), sermonibusque Socraticis hoc maxime arripuit, nihil esse certi, quod aut sensibus, aut animo percipi possit; quem ferunt eximio quodam usum lepore dicendi, aspernatum esse omne animi sensusque iudicium, primumque instituisse (quanquam id fuit Socraticum maxime) non, quid ipse sentiret, ostendere; sed contra id, quod quisque se sentire dixisset, disputare.

Hinc hæc recentior Academia (1) emanavit, in qua exstitit divina quadam celeritate ingenii dicendique copia Carneades: cuius ego etsi multos auditores cognovi Athenis, tamen auctores certissimos laudare possum, & socerum meum Scævola, qui eum Romæ audivit adolescens, & Q. Metellum L. filium, familiarem meum, clarissimum

(87) *Polemo*) Atheniensis ab impura ac libidinosa vita ad meliorem frugem traductus a Xenocrate, quem de temperantia ante Christum cccc. *Laert.* Voluptatem summum bonum, dolorem differentem adolescentem audivit. Ejus scholæ regendæ deinde successit Olympiade cxvi. anno ante Christum cccxvi. tunc mortuus est admodum senex. *Laertius*. Præst.

(88) *Crantor*) Solis e Cilicia, unde oriundus erat, Athenas venit, ibique docenti Polemoni operam dedit. Ante magistrum discipulus obiit aquæ intercutis morbo. *Laertius*. Præst.

(89) *Arcefilas*) Qui Pitane in Æolide natus post varias peregrinationes Athenas se contulit, ubi Crantorem audiit. Primus induxit novum philosophandi genus, quo nihil sciri posse contendebat: quare & a Cicerone dicitur omnem evertisse philosophiam, & a Lactantio ignorantiae magister appellatur circa Olympiadem cxx. annis ante Christum ccc. Obiit eæ crapula ætatis anno Lxxv. *Diogenes*. Præst.

(90) *Ex variis Platonis libris*) Præcipue ex Phædone. *Idem*.

(1) *Hæc recentior Academia*) Secta philosophorum Academicæ triplex vulgò distinguitur: vetus Platonem habet auctorem, media Arcefilaum, nova Lacyden. Quæ revera medium obtinet locum Arcefilai Academia, dicitur hic recentior habita ratione Platonice antiquioris Academicæ, cuius paulo ante meministi Cræsus. *Idem*.

simum virum, qui illum a se adolescente Athenis, jam affectum senectute, multos dies auditum esse dicebat.

XIX. Hæc autem, ut ex Apennino (2) fluminum, sic ex communi sapientium jugo sunt doctrinarum facta divortia: ut philosophi, tanquam in superum mare Ionium (3) defluerent, Græcum quoddam & portuosum; oratores autem in inferum hoc Tuscum (4), & Barbarum, scopulosum, atque infestum, laberentur, in quo etiam ipse Ulysses (5) errasset.

Quare si hac eloquentia, atque hoc oratore contenti sumus, qui sciat aut negare oportere, quod arguare; aut, si id non possis, tum ostendere, quod is fecerit, qui infimoletur, aut recte factum, aut alterius culpa, aut injuria, aut ex lege, aut non contra legem, aut imprudentia, aut necessario, aut non eo nomine usurpandum, quo arguatur, aut non ita agi, ut debuerit, ac licuerit: &, si satis esse putatis, ea, quæ isti scriptores artis do-

(2) *Ut ex Apennino*) Propositam disputationem apta similitudine concludit. Quemadmodum enim Apenninus mons, qui Italiæ amplissimus, perpetuis jugis ab Alpihus tendens ad Siculum fretum, ut ait Plinius lib. 3. cap. 5. alia flumina emittit in superum, hoc est, Adriaticum mare, quæ iade in Ionium efflunt: alia in inferum, hoc est Tyrrhenum, sive Tuscum: quorum illud portuosum & Græcorum commercio frequens: hoc barbarum, scopulosum, ac infestum: ita omnino eadem ex philosophia divortia facta sunt studiorum; ut eloquentiæ studiosi similes sint eorum fluminum, quæ in procellosum illud ac scopulosum mare influunt, propter sollicitam & exercitam eorum hominum conditionem: qui vero philosophiæ sese dediderunt, cum iis fluminibus conferuntur, quæ in Græcorum mare, tranquillum ac minus infestum labuntur. *Petavius.*

(3) *Superum mare Ionium*) Quod & Hadriaticum, sive Hadrianum mare: nunc sinus Venetus, *Golphe de Venise*, appellatur: fluvios a septentrionali parte Apennini defluentes excipit Ausidum, Sagrum, Aternum, Metaurum, Truentum, Pisaurum, &c. *Præst.*

(4) *Tuscum*) Quod Tyrrhenum dicitur & inferum: huc ab australi Apennini parte labuntur fluvii Tiberis, Arnus, Ufens, Liris, Volturnus, Silarus, &c. *Idem.*

(5) *Ulysses*) Rex Ithacæ, heros prudentia ac fortitudine celeberrimus. De quo felse Homerus tota Odyssæa. *Idem.*

docent, discere, quæ multo tamen ornatius, quam ab illis dicuntur, & uberius explicavit Antonius: sed, si his contenti estis, atque iis etiam, quæ dici voluistis a me, ex ingenti quodam oratorem, immensoque campo in exiguum sane gyrum compellit.

Sin veterem illum Periclem, aut hunc etiam, qui familiarior nobis propter scriptorum multitudinem est, Demosthenem, sequi vultis; & si illam præclaram & eximiam speciem oratoris perfecti, & pulchritudinem admastris; aut vobis hæc Carneadia, aut illa Aristotelia vis comprehendenda est. Namque (ut ante dixi) veteres illi usque ad Socratem, omnem omnium rerum, quæ ad mores hominum, quæ ad vitam, quæ ad virtutem, quæ ad rempublicam pertinebant, cognitionem & scientiam cum dicendi ratione iungebant, postea dissociati (ut exposui) a Socrate, disertis a doctis, & deinceps a Socraticis item omnibus: philosophi eloquentiam despexerunt, oratores sapientiam: neque quidquam ex alterius parte tetigerunt, nisi quod illi ab his, aut ab illis hi mutuarentur: ex quo promiscue haurirent, si manere in pristina communione voluissent. Sed, ut Pontifices veteres (6), propter sacrificiorum multitudinem, tres viros epulones esse voluerunt, cum essent ipsi a Numa (7), ut etiam illud ludorum epulare sacrificium facerent, instituti: sic Socratici a se causarum actores, & a communi philosophiæ nomine

(6) *Ut Pontifices veteres*) Alio exemplo, quemadmodum diffidum illud ostendit. Epulones initio tres duntaxat creati sunt, ut prodit Livius lib. 33. Pomponius Latius duos postea sit. duntaxat ad iunctos, ut quinque essent. Postmodum denique ad septem pervenisse certum est. Plerumque enim septemviri epulorum commemorantur. Quanquam vero de causa, & a quo sit numerus iste adauctus, incertum est. Munus illorum fuit publicis epulis præesse; quæ scilicet in ludis publicis præbebantur, ut ex Cicerone de Aruspicum responsis colligitur. *Petavius.*

(7) *Numa*) Vide notas in lib. I. de Orat. cap. Pyust.

mine separaverunt; cum veteres dicendi & intelligendi mirificam societatem esse voluissent.

XX. Quæ cum ita sint, paululum equidem de me deprecabor, & petam a vobis, ut ea, quæ dicam, non de memetipso, sed de oratore dicere putetis. Ego enim sum is, qui cum summo studio patris in pueritia doctus essem; & in forum ingenii tantum, quantum ipse sentio, non tantum quantum ipse forsitan vobis videar, detulissem; non possum dicere, me hæc, quæ nunc complector, perinde; ut dicam discenda esse, didicisse: quippe qui omnium maturissime ad publicas causas accesserim, annosque natus unum & viginti (8) nobilissimum hominem & eloquentissimum in iudicium vocarim; cui disciplina fuerit forum; magister, usus & leges, & instituta populi Romani, mosque majorum.

Paulum sitiens istarum artium, de quibus loquor, gustavi, quætor in Asia cum essem, æqualem fere meum ex Academia rhetorem nactus, Metrodorum illum; de cuius memoria commemoravit Antonius; & inde decedens, Athenis; ubi ego diutius essem moratus, nisi Atheniensibus, quod mysteria (9) non referrent, ad quæ biduo ferius veneram, succensuissem. Quare hoc, quod complector tantam scientiam viroque doctrinæ, non modo non pro me; sed contra me est potius; (non enim, quid ego, sed quid orator possit; disputo,) atque hos omnes, qui artes rhetoricas exponunt, perridiculos. Scribunt enim de litium

De Orat.

X. ge-

(8) *Annosque natus unum & viginti*. Id contigit anno U. C. DCCXV. cum Carbonem consularem virum eundemque eloquentissimum Crassus accusavit. Auctor dialogi de Oratoribus, qui creditur Quintilianus, perperam hoc anno Crassi decimo notæ venisse refert. Idem.

(9) *Mysteria*. Athenis majora quidem erant Cereris, minoræ Proserpinæ; quorum spectandi cupidissimus Crassus, cum biduo ante exhibita essent, non potuit ab Atheniensibus obtinere, ut ea referrentur. Idem.

genere, & de principiis, & de narrationibus. Illa vis autem eloquentiæ tanta est, ut omnium rerum, virtutum, officiorum, omnisque naturæ, quæ mores hominum, quæ animos, quæ vitam continet, originem, vim mutationesque teneat, eadem mores, leges, jura describat, rempublicam regat: quæ ad quaecumque rem pertineant, ornate, copioseque dicat. In quo genere nos quidem versamur tantum, quantum possumus, quantum ingenio, quantum mediocri doctrinâ, quantum usu valemus; neque tamen istis, qui, in una philosophia quasi tabernaculum vitæ suæ collocarunt, multum sane in disputatione concedimus.

XXI. Quid enim meus familiaris C. Vellejus (10) afferre potest, quamobrem voluptas sit summum bonum, quod ego non copiosius possim vel tutari, si velim, vel refellere ex illis locis, quos exposuit Antonius, hac dicendi exercitatione, in qua Vellejus est rudis, unusquisque nostrum versatus? Quid est, quod aut Sext. Pompejus (11), aut duo Balbi, aut meus amicus, qui cum Panætio (12) vixit, M. Vigellius, de virtute homines Stoici possint dicere, qua in disputatione ego his debeam, aut vestrum quisquam concedere? Non est enim philosophia similis artium reliquarum. Nam quid faciet in geometria, qui non didicerit? quid in musicis? aut taceat oportebit, aut ne sapiens quidem judicetur. Hæc verò, quæ sunt in philosophia, ingeniis (13) eruntur ad id, quod in quoque verisimi-

(10) C. Vellejus) Senator philosophiæ Epicuri se addixerat. Idem.

(11) Sext. Pompejus) De quo, ut & de Balbis, in Bruto. Idem.

(12) Panætio) Is Stoicus philosophus, Rhodius, Scipionis Africani præceptor elegantes de officiis libros conscripsit: eumque eodem in argumento Tullius est secutus. Floruit clxxx. circiter ante Christum annis, & Athenis obiit. Idem.

(13) Hæc verò, quæ sunt in philosophia, ingeniis, &c.) Id est, in cæteris artibus tantum id scimus, quod didicimus: elementa-

simile est, eliciendum, acutis atque acribus, ea-
que exercitata oratione poliuntur. Hic, hic noster
vulgaris orator, si minus erit doctus, attamen in
dicendo exercitatus, hac ipsa exercitatione commu-
ni, istos quidem nostros verberabit, neque se ab
iis contemni ac despici sinet. Sin aliquis exstiterit
aliquando, qui Aristotelico more de omnibus rebus
in utramque sententiam possit dicere, & in omni
causa duas contrarias orationes, præceptis illius co-
gnitis, explicare, aut hoc Arcesilæ modo, & Car-
neadis, contra omne quod propositum sit, disserat;
quique ad eam rationem adjungat hunc rhetori-
cum usum, moremque, exercitationemque dicen-
di, is sit verus, is perfectus, is solus orator. Nam
neque sine forensibus nervis satis vehemens & gra-
vis, nec sine varietate doctrinæ satis politus & sa-
piens esse orator potest.

Quare Coracem istum (14) vestrum patiamur
nos quidem pullos suos * excludere in nido, qui
evolent, clamatores odiosi ac molesti; Pamphilum-
que (15) nescio quem sinamus in insulis tantam

X 2. rem,

menta vero, sive principia philosophiæ natura nobis inserit: qui
ingeniis acutis & acutibus præditi sunt, facile ea, quæ probabilia
sunt in philosophia inveniunt, & si iidem in dicendo exercitati
sunt, ea oratione ornabunt. *Pearcius.*

(14) *Quare Coracem istum*) Corax ille rhetor, & quem me-
rito cum Græcis *ῥητορῶν* appellares, hoc est, dignum suo no-
mine, corvi scilicet garrulitate similem; rhetoriæ etiam inventor
dicitur apud Suidam. Sed eximiam hanc laudem obscuratam suis-
se necesse est, cum ab eo natum sit, eodem teste, dictum illud:
καὶ ὁ κώρας καὶ ὁ ὄν. Mali corvi malum ovum. Coracis me-
minit Aristoteles, l. 2. Rhetor. & in epist. ad Alexandrum, quæ
operi rhetorico ad eum scripto præfigitur; ubi sese duo volumina
mittere ait; unum a se, aliud a Corace scriptum. *Petavius.*

* *Excludere*) Lamb. *excludere, e nido qui evolent.*
(15) *Pamphilumque*) Multorum huius nominis meminit Sul-
das. Inter cæteros, quendam commemorat incertæ patriæ, Amphipoliten,
vel Sicyoneum, vel Nicopoliten, vel philosophum, qui
de pictura & de illustribus pictoribus scripsit. Quod quidem huic
Pamphilo accommodatum est, quia & hic in insulis, hoc est,
facilis, oratoriam omnem artem, quasi puerilia crepundia, de-
piñxerat. At enim Nicopolita esse non potuit, cum hæc urbs ab
Augusto condita sit post Asiaticam victoriam. *Idem.*

rem; tanquam pueriles delicias aliquas depingere nosque ipsi hac tam exigua disputatione hesterni & hodierni diei totum oratoris munus explicemus; dummodo illa res tanta sit (16); ut omnibus philosophorum libris, quos nemo oratorum istorum (17) unquam attigit, comprehensa esse videatur.

XXII. Tum Catulus, Haudquaquam hercle, inquit, Crasse, mirandum est; esse in te tantam dicendi vel vim, vel suavitatem, vel copiam; quem quidem antea natura rebar ita dicere, ut mihi non solum orator summus, sed etiam sapientissimus homo viderere: nunc intelligo illa te semper etiam potiora duxisse, quæ ad sapientiam spectarent, atque ex his hanc dicendi copiam fluxisse. Sed tamen; cum omnes gradus ætatis recordor tuæ, cumque vitam tuam, ac studia considero; neque, quo tempore ista didiceris, video; nec magnopere te istis studiis, hominibus, libris, intelligo deditum; neque tamen possum statuere, utrum magis mirer, te illa, quæ mihi persuades maxima esse adjumenta, potuisse in tuis tantis occupationibus perdiscere, an, si non potueris, posse isto modo dicere.

Hic Crassus, Hoc tibi, inquit, Catule, primum persuadeas velim, me non multo secus facere, cum de oratore disputem, ac facerem, si esset mihi de histrione dicendum. Negarem enim posse eum satisfacere in gestu, nisi palæstram, nisi saltare didicisset: neque, ea cum dicerem, me esse histrio-

(16) *Dummodo illa res tanta sit*) Sensus est; modo illa res credatur tanta esse, ut non minori spatio, quam omnibus Philosophorum libris, comprehendatur. *Pearcius.*

(17) *Quos nemo oratorum istorum*) Isti homines, de quibus dixit modo, fuerunt Corax & Pamphilus, non oratores, sed rhetores: nempe rhetorum horum & aliorum ignorantiam, & impudentiam exagitat Crassus, qui præcepta eloquentiæ tradebant, cum omnem moralem philosophiam, quæ maxime oratori necessaria esset, ignorarent: quare rescribendum censeo, *quos nemo rhetorum istorum unquam attigit.* Ultima litera vocis *nemo* geminata huic errori locum dedit. *Idem.*

strionem necesse esset, sed fortasse non stultum alieni artificii existimatorem. Similiter nunc de oratore, vestro impulsu; loquor, summo scilicet. Semper enim quacumque de arte aut facultate quaeritur, de absoluta & perfecta quaeri solet. Quare si jam me vultis esse oratorem, si etiam sat bonum, si bonum denique, non repugnabo: (quid enim nunc sim ineptus? ita me existimari scio) quod si ita est, summus tamen certe non sum: neque enim apud homines res est ulla difficilior, neque major, neque quae plura adjumenta doctrinae desideret.

Attamen, quoniam de oratore nobis disputandum est, de summo oratore dicam necesse est. Vis enim & natura rei, nisi perfecta ante oculos ponitur, qualis & quanta sit, intelligi non potest. Me autem, Catule, fateor, neque hodie in istis libris, & cum istis hominibus vivere: nec vero, id quod tu recte commeministi, ullum unquam habuisse sepositum tempus ad discendum, ac tantum tribuisse doctrinae temporis, quantum mihi puerilis aetas, forenses feriae concesserint.

XXIII. At, si quaeris, Catule, de doctrina ista quid ego sentiam; non tantum ingeniose homidi, & ei, qui forum, qui curiam, qui causas, qui rempublicam spectet, opus esse arbitror temporis, quantum sibi ii sumpserunt, quos discentes vita defecit. Omnes enim artes aliter ab iis tractantur, qui eas ad usum transferunt: aliter ab iis, qui ipsarum artium tractatu delectari, nihil in vita sunt aliud acturi. Magister hic Samnitium (24.)

X 3 sum.

(24.) *Magister hic Samnitium*) Quantum ab iis, qui artes transferunt ad usum, distent qui in earum cognitione conquirent, triplici probat exemplo. Primum est duorum lanissarum, qui tunc temporis celebres erant. Alter quidem, quem opprime novistis, magister Samnitium, id est, gladiatorum magister, (Samnites enim, teste Festo, gladiatores) totus in arte sua occupatus, aliud nihil cogitat: alter, Q. Velocius, quantumvis artis

summa jam senecture est, & quotidie commentatur: nihil enim curat aliud. At Q. Velocius (25) puer addidicerat: sed quod erat aptus ad illud, totumque cognorat, fuit, ut est apud Lucilium,

quamvis bonus ipse (26)

Sammis in ludo ac rudibus, civis satis asper:
sed plus operæ foro tribuebat, amicis, rei familiaris.

artis numeros omnes calleret, & pugnando cederet nemini; tamen operam foro impendebat, amicis præstabat obsequium, & rem familiarem curabat. Secundum exemplum est Valerii & Furi, musicorum; hic interdum, ille quotidie cantabat. Tertium est Q. Tuberonis & Africani, qui philosophiæ dabant operam: Tubero impallescebat illis studiis, quibus Africanus horia tantum subcisivis incumbebat. *Præstus.*

(25) *Q. Velocius*) Sic legimus cum Turnebo & Lipsio, cum in plerisque editionibus vulgatis, *asque velocius puer*, &c. *Idem.*

(26) *Quamvis bonus ipse*) Versus ii ex Lucilio Satyrico poeta desumpti, in quibus Samnitium illum magistrum significare videtur acrem hominem, & non ineptum fuisse. Verba obscura, ac fortasse mutila, & quidem alii aliter legunt. Sensus hic esse videtur: Samnitium illum in ludo atque umbratili exercitatione bonum & non imperitum. *Quamvis* pro *quantumvis* sumit Strebus, & *causis* legit; ego *civis* arbitror retineri posse: respexisseque Lucilium ad gladiaturam. In primis enim nomen ipsius Samnitis proprium generis cuiusdam fuit gladiatorii, ut ex locuplete Livii testimonio constat lib. ix: ubi ait, Campanos odio Samnitium gladiatores eo ornatu armasse, quo ti in acie usi fuerant, Samnitiumque nomine appellasse. Ad quos alluisse Lucilium etiam vox, quæ sequitur, *rudibus*, probat: hoc enim gladiatorium instrumentum, & quidem duplex: nam alia fuit rudis lanistarum propria, serulæ instar: ita enim appellatur: quæ donabantur gladiatores, qui missionem impetrabant. Alia fuit tironum, in enssem ligneam formata; quo genere exercebantur tirones; non gladiatores solum, verum etiam milites; quod *bazuer* vocabat. Dixi sensum hunc videri: propterea quod nullus alius commodior occurrit. Alioquin magistrum Samnitium de rhetoriæ professore accipere, quemadmodum Strebus, nescio an ridiculum sit: recte non ita diceret Cicero: quid enim potius Samnitium, quam aliorum doctor appelletur? horridæ præferim gentis, nec aptæ admodum ad eloquentiam. Quid quod Lipsius lib. 1. Saturnalium 15. hoc de gladiatorii ludi magistro accipit? Quod autem *commentari* dicatur, bene observat gladiatorum magistros etiam interdum dictata dare solitos. Unde Juvenalis, Sat. xi. 8. *Scripturus leges & regia verba lanista.* Verum quid sequentibus verba facimus? *sed plus operæ foro tribuebat*, &c. Hoc enim oratorem & rhetorem spectare videtur. An idem ille gladiatorum magister in foro versabatur? plane, aut ita dicendum, aut criticorum communi causatione utendum, luxatum mutilumve, aut translatum ex alieno locum hunc esse. *Petavius.*

ri. Valerius quotidie cantabat : erat enim scenicus : quid faceret aliud ? At Numerius Furius , noster familiaris , cum est commodum , cantat : est enim paterfamilias , est eques Romanus : puer didicit , quod discendum . Eadem ratio est harum artium maximarum . Dies & noctes virum summa virtute & prudentia videbamus ; philosopho cum operam daret , Q. Tiberonem : at ejus avunculum vix intelligeres id agere , cum ageret tamen , Africanum . Ista discuntur facile , si & tantum sumas , quantum opus sit , & habeas qui docere fideliter possit , & scias etiam ipse discere . Sed si tota vita nihil velis aliud agere , ipsa tractatio & quaestio quotidie ex se gignit aliquid , quod cum desidiofa delectatione vestiges . Ita fit , ut agitatione rerum sit infinita cognitio , facilis usus doctrinam confirmet , mediocris opera tribuatur , memoria studiumque permaneat . Libet autem semper discere , ut si velim ego talis (27) optime ludere , aut pilæ studio tener , etiam fortasse si assequi non possim . At alii , quia præclare faciunt , vehementius , quam causa postulat , delectantur ; ut Titius pila , Brulla talis . Quare nihil est , quod quisquam magnitudinem artium ex eo , quod senes discunt , pertimescat . Namque aut senes ad eas accesserunt ; aut usque ad senectutem in studiis detraherentur ; aut sunt tardissimi . Res quidem se mea sententia sic habet , ut , nisi quod (28) quisque cito potuerit , nunquam omnino possit perdiscere .

XXIV. Jam , jam , inquit Catulus , intelligo , Crasse , quid dicas , & hercule assentior . Satis video tibi homini ad perdiscendum acerrimo , ad ea cognoscenda , quæ dicis , fuisse temporis .

Pergisne , inquit Crassus , me , quæ dicam , de

X 4 me ,

(27) *Talis*) De talorum & pilæ ludo paulo superius dictum c. 15. *Præst.*

(28) *Nisi quod* , &c.) Hoc effatum Crassi non omnino verum esse , quotidiana experientia comprobatur . *Idem* .

me, non de reputare dicere? Sed jam, si placeat, ad instituta redeamus. Mihi vero, Catulus inquit, placet.

Tum Crassus, Quorsum igitur hæc spectat, inquit, tam longa, tam alte repetita oratio? Hæ duæ partes (29), quæ mihi supersunt, illustrandæ orationis, ac totius eloquentiæ cumulandæ, quarum altera dici postulat ornate, altera apte, hanc habent vim, ut sit quam maxime jucunda, quam maxime in sensus eorum, qui audiunt, influat, & quam plurimis sit rebus instructa. Instrumentum autem hoc forense, litigiosum, acre, tractum ex vulgi opinionibus; exiguum sane atque mendicum est: illud rursus ipsum, quod tradunt isti, qui profitentur se dicendi magistros, non * multo est majus, quam illud vulgare ac forense. Apparatu nobis opus est (30), & rebus exquisitis undique, & collectis, arcessitis, comportatis, ut tibi, Cæsar (31), faciendum est ad annum; ut ego in ædilitate laboravi, quod quotidianis & vernaculis rebus satisfacere me posse huic populo non putabam.

Verborum eligendorum, & collocandorum; & concludendorum facilis est vel ratio, vel sine ratione, ipsa exercitatio. Rerum est silva magna, quam

(29) *Hæ duæ partes*) Supra dixerat Crassus quatuor esse partes orationis, eam esse debere Latinam, dilucidam, ornatam, & aptam: de duabus primis disputavit: reliquas deinde persequitur. *Idem.*

* *multo.*) alii fere omnes *multum.*

(30) *Apparatu nobis opus est*) Alludit, quantum opinor, ad ædilitatem, in qua pleraque populo spectacula proponebantur: & in eo genere, qui novi aliquid ederet, & hæcenus inusitatum, omne punctum ferebat. Quod idem in aliis magistratibus, sed in illo præcipue valebat. Quare, quemadmodum ibi delectu atque apparatu exquisitatum rerum opus est: eodem modo orator, vulgaribus tritisque neglectis, id consecrari debet, quod ipsa præsertim novitate delectet. *Petavius.*

(31) *Ut tibi, Cæsar, &c.*) Quemadmodum ad ludorum ædificiorum pompam non vulgaris ornatus sufficit, sed solito magnificentior apparatus requiritur: ita rerum exquisitarum suppellex iuppetere debet oratori. *Præst.*

quam cum Græci jam non tenerent, ob eamque causam juventus nostra dediceret, pæne discendo, etiam Latini, si diis placet (32), hoc biennio magistri dicendi exstiterunt: quos ego censor editto (33) meo sustuleram; non quo (ut nescio quos dicere aiebant) acpi ingenia adolescentium nollem, sed contra ingenia obtundi nolui, corroborari impudentiam. Nam apud Græcos, cuicunque essent, videbam tamen esse, præter hanc exercitationem linguæ, doctrinam aliquam, & * humanitatem dignam scientia. Hos vero novos magistros nihil intelligebam posse docere, nisi ut auderent; quod etiam cum bonis rebus conjunctum, per seipsum est magnopere fugiendum. Hoc cum unum traderetur, & cum impudentiæ ludus esset; putavi esse censoris, ne longius id serperet, providere. Quanquam non hæc ita statuo ac decerno, ut desperem, Latine ea, de quibus disputavimus, tradi ac perpoliri. Patitur enim & lingua nostra, & natura rerum, veterem illam excellentemque prudentiam Græcorum, ad nostrum usum, moremque transferri. Sed hominibus opus est eruditis, qui adhuc in hoc quidem genere nostri nulli fuerunt. Sin quando exstiterint; etiam Græcis erunt anteposendi (34).

XXV. Ornatur igitur oratio (35) genere primum,

(32) *Si diis placet*) Ironice dictum. *Idem.*

(33) *Quos ego censor editto*) Juvat super ea re Gellium addire, qui lib. xv. cap. 11. istud his verbis declarat: *C. Domitius Ænobarbus & L. Licinius Crassus, censores de coercendis rhetoribus Latinis ita edixerunt: Renunciatum est nobis esse homines, qui novum genus disciplina instituerunt, ad quos juventus in ludum conveniat; eos sibi nomen imposuisse Latinos rhetores; ibi homines adolescentulo dies totos desidere, &c. Petavius.*

* *Humanitatem*) Man. Lamb. *humanitate dignam scientiam.*

(34) *Græcis erunt anteposendi*) Quo loco sit habendus Cicero, hic tacitus insinuat; ea nimirum tractavit, quæ quisque inter Latinos ingeniosus scripsisset, Crassi judicio Græcos superaret. *Præst.*

(35) *Ornatur igitur oratio*) Institutum deinceps aggreditur,

num, & quasi colore quodam, & succo suo. Nam ut gravis, ut suavis, ut erudita sit, ut liberalis, ut admirabilis, ut polita, ut sensus, ut dolores habeat, quantam opus sit, non est singulorum articulorum: in toto spectantur hæc corpore. Ut porro conspersa sit quasi verborum sententiarumque floribus, id non debet esse fuscum æqualiter per omnem orationem, sed ita distinctum, ut sint quasi in ornatu disposita quædam insignia & lumina.

Genus igitur dicendi est eligendum, quod maxime teneat eos, qui audiant, & quod non solum delectet, sed etiam sine satietate delectet. Non enim a me jam expectari puto, ut moneam, ut caveatis, ne exilis, ne inculta sit vestra oratio, ne vulgaris, ne obsoleta: aliud quiddam majus, & ingenia me hortantur vestra, & ætates. Difficile enim dictum est (36), quænam causa sit, cur ea, quæ (37) maxime sensus nostros impellunt voluptate, & specie prima acerrime commovent, ab iis celerissime fastidio quodam & satietate abalienentur. Quanto colorum pulchritudine (38) & varie-

æ de ornatu orationis differit; atque in primis duplex illius genus distinguit: unum in toto fuscum corpore orationis; aliud spectatur in partibus. Quod similitudine humani corporis explicatur: in quo alia totius est pulchritudo: quæ in coloris bonitate, aptaque membrorum proportionem cernitur: alia partium singularum.

(36) *Difficile enim dictum est, &c.* Non hic ratio redditur, quare Crassum aliud hortabantur juvenum ingenia & ætates: sed hæc sententia pendet ab ista: *Genus igitur dicendi est eligendum, quod maxime teneat eos, &c.* Nempe habes rationem, cur satietas in delectatione vitanda sit. Sic igitur ope parentheos sententiam restitui: *Sed etiam sine satietate delectet; (non enim a me --- & ætates;)* *difficile enim dictum est, &c.* Eodem etiam modo Manutius hunc locum impressit. *Pearcius.*

(37) *Cur ea, quæ, &c.* Redundare videtur ea, nec satis cum reliqua phrasi congruere. *Præst.*

(38) *Quanto colorum pulchritudine* Exemplis, quod dixerat, illustrat. De vario genere picturæ, singulorumque generum proprietate, superius dixit. Pictura vetus, etsi rudis, nec ita florida, ipsa tamen antiquitate delectat. Eodem pacto in musica,

rietate floridiora sunt in picturis novis pleraque, quam in veteribus? quæ tamen, etiamsi primo aspectu nos ceperunt, diutius non delectant, cum iidem nos in antiquis tabulis illo ipso horrido, obsoletoque teneamur. Quanto molliores sunt, & delicatiores in cantu flexiones, & falsæ vocalæ, quam certæ & severæ? quibus tamen non modo austeri, sed, si sæpius fiunt, multitudo ipsa reclamat. Licet hoc videre in reliquis sensibus. Unguentis minus diu nos delectari, summa & acerrima suavitate conditis, quam his moderatis: & magis laudari quod terram, quam quod crocum (39) olere videatur. In ipso tactu esse modum & molliitudinis & lævitatē. Quin etiam gustatus, quæ est sensus ex omnibus maxime voluptarius, quique dulcitudine præter cæteros sensus commoveretur, quam cito id, quod valde dulce est, aspernatur ac respuit? Quis potione uti, aut cibo dulci diutius potest? cum utroque in genere ea, quæ leviter sensum voluptate moveant, facillime fugiat sarietatem. Sic omnibus in rebus, voluptatibus maximis fastidium finitimum est: quo hoc minus in oratione miremur: in qua vel ex poetis, vel ex oratoribus possumus judicare, concinnam, distinctam, ornatam, festivam, sine intermissione, sine * re-

vox ad suavitatem infracta & inflexa, si nimium iteretur, displicet. Petavius.

(39) Magis laudari quod terram, quam quod crocum. Alii ceram, pro terram hic legunt, sed perperam. Juvat Plinii locum cum hoc conferre, qui ei lucem præferat. Igitur lib. xvi. cap. 5. Certe, inquit Cicero, lux doctrinarum altera, Meliora, inquit, unguenta sunt quæ terram, quam quæ crocum sapiunt. Hoc enim maluit dixisse, quam redolent. Ita est profecto: illa eris optima, quæ unguenta sapiat. Quod si admonendi sumus, qualis sit terra odor ille qui queritur; contingit sæpe etiam quiescente ea sub occasum solis, in quo loco arcu caelestis dejeceris capita sua: & cum a siccitate continua immo aduvs imbre: tunc emittit illum suum halitum divinum ex sole conceptum, cui comparari suavis nulla possit. Petav. Tuetur hanc eandem lectionem in suis notis & emendat. ad Plin. lib. xiii. n. 6. Harduinus.

* Reprehensione Lamb.) respiratione.

prehensione, sine varietate, quamvis claris sit coloribus picta vel poësis vel oratio, non posse in delectatione esse diuturna. Atque eo citius in oratoris, aut in poetæ cincinnis ac fucis offenditur, quod sensus in nimia voluptate natura, non mente satiantur (40): in scriptis & in dictis non aurium solum, sed animi iudicio etiam magis, infucata vitia noscuntur.

XXVI. Quare, bene, & præclare (41), quamvis

(40.) *Sensus in nimia voluptate natura, non mente satiantur*. Illum, qui satiatur mente aut natura, natura aut mens satiat: neque enim alio sensu, vox *satiatur* cum ablativo intelligi potest: sed non hoc voluit Cicero, imo aliud, longe diversum voluit. Quod si intelligere possumus *mente satiari*, quid, quæso, est natura satiari? Lambinus hanc labem vulgatæ lectionis vidit; & sic corrigere voluit, quod sensu in nimia voluptate natura, non mente, satiatur: ubi natura est nominativi casus. Sed manet interim eadem vitiosa locutio *mente & sensu satiari*; & nec sententia satis numerosa videtur, nec ordo verborum elegans conservatur. Restat etiam hoc vitium, & in vulgata, & in Lambini lectione, quod hæc verba in nimia voluptate nimis universa sunt, & de omnimoda voluptate dicuntur: sed Cicero de uno solo genere voluptatum nunc loquitur, sc. earum, quæ ex sensibus oriuntur. Opus igitur esse emendatione, ut opinor, lector fatebitur, sententiamque leviori, quam illa Lambini, mutatione, sic forsitan restituet: *Quod sensus in nimia voluptate naturæ, non mentes satiantur; in scriptis & in dictis, non aurium solum, sed animi iudicio etiam magis, infucata vitia noscuntur*. Id est: in gustatu, auditu, reliquisque voluptatibus, quæ a natura nobis sunt datæ, si nimis sint, non mentes gustantium, aut audientium, sed sensus soli satiantur: in iis autem voluptatibus, quæ ex arte proficiuntur, ut in poësi & oratione, si nihil varietatis habeant, illud nimie similitudinis vitium noscitur non solum aurium, sed etiam magis animi iudicio. *Voluptas natura est voluptas a natura data*. Sic noster de Fin. lib. v. *Quod in pueris fatillime se arbitrantur naturæ voluptatem posse cognoscere*. Sic lib. II. de Orat. c. 84. naturæ bona eadem sunt, quæ in c. 11. dicuntur natura data hominibus. Facillime autem ultima litera vocis *mentes* a sequenti s absorberi potuit. Pearceius.

(41.) *Quare, bene, & præclare*. Solebant non modo in scholis auditores, sed in foro populus oratoribus acclamare, cum aliquid impensius placeret, atque hæc erant acclamationes usitatæ, *bene, præclare, belle, festivo, euge*, cuiusmodi assentionum infaniam reprehendit Persius, Sat. 1. 47. & Plutarchus, Tractatu de audiendo. Atque eo etiam morbus iste pervasit, ut nonnullos subornatos homines haberent, qui in exclamando cæteris præirent. Hinc natum fortasse, ut Græci *ὑπομαρτυρεῖν*, quod est *admirari*, pro eo quod est discipulum esse & auditorem, sumerent,

ut

vis nobis sæpe dicatur; *belle*, & *festive*, nimium sæpe nolo. Quanquam illa ipsa exclamatio, *Nam potest melius*, sit velim crebra: sed habeat tamen illa in dicendo admiratio ac summa laus umbram aliquam & recessum, quo magis id, quod erit illuminatum, exitare, atque eminere videatur.

Nunquam agit hunc versum Roscius eo gestu, quo potest,

*Nam sapiens (42) virtuti honorem premium,
haud prædam petit:*

sed abjicit prorsus, ut in proximos,

*Ecquid video? ferro septus possidet sedes sa-
cras,*

incidat, adspiciat, admiretur, stupe scat. Quid ille alter?

Quid petam præsidî?

quam leniter? quam remisse? quam non actuose? Instat enim,

O pater, o patria, o Priami domus!

in quo tanta commoveri actio non posset, si esset consumpta superiore motu, & exhausta. Neque id actores prius viderunt, quam ipsi poetæ, quam denique illi etiam, qui fecerunt modos, a quibus utrisque summittitur aliquid, deinde augetur, extenuatur, inflatur, variatur, distinguitur.

Ita sit nobis igitur ornatus & suavis orator, (nec tamen potest aliter esse) ut suavitatem habeat

ut est apud Hesychium. Cæterum hunc locum ita accipit Strebæus, quasi *bene*, *præclare*, & *belle ac festive* ad idem exclamationis & admirationis genus pertineant. Existimo tamen duo illa esse genera ac diversa exclamandi; ut cum alia sit orationis commendatio, ex eo quod apta sit, & artificiosa, & accommodata rebus, ex quo *bene* & *præclare* exclamari soleat, id in ea deberet esse frequentissimum; alia vero cum sit laus ex nitore ac lepore, quæ lumina dicuntur, hoc est, insignior quidam ac suavior ornatus, ut propterea *belle ac festive* acclametur, nonnunquam quidem erit istud aspergendum, sed parcius & rarius. *Petavius*.

(42) *Nam sapiens*) Versus, quantum conjicere licet, ex Ennii tragœdia Hecuba desumpti. *Præst.*

beat austeram & solidam, non dulcem atque delectabilem. Nam ipsa ad ornandum præcepta quæ dantur, ejusmodi sunt, ut ea quamvis vitiosissimus orator explicare possit. Quare, ut ante dixi, primum silva rerum, ac sententiarum comparanda est: qua de parte dixit Antonius. Hæc formanda filo ipso & genere orationis, illuminanda verbis, varianda sententiis. Summa autem laus eloquentiæ est, amplificare rem ornando: quod valet non solum ad augendum aliquid (42) & tollendum altius, dicendo, sed etiam ad extenuandum (43) atque abjiciendum.

XXVII. Id desideratur omnibus iis in locis, quos ad fidem orationis faciendam adhiberi dixit Antonius, vel cum explanamus aliquid, vel cum conciliamus animos, vel cum concitamus. Sed in hoc, quod postremum dixi, amplificatio potest plurimum: eaque una laus oratoris est, & propria maxime. Etiam major est illa exercitatio, quam extremo sermone instruxit Antonius, (primo rejiciebat) laudandi & vituperandi. Nihil est enim ad exaggerandam & amplificandam orationem accommodatius, quam utrumque horum cumulativissime facere posse. Consequentur etiam illi loci (44), qui quanquam proprii causarum, & in-

hæ-

(42) *Ad augendum aliquid*) Exemplum est illud ex Vertil-
na v. 11. de promptu: *Fatinus est vinciri civem Romanum: scelus verberari: prope parricidium necari, quid dicam in crucem tollere? verbo satis digno tam nefaria res appellari nullo modo potest. Non fuit his omnibus iste consensus. Spectet, inquit, patriam, in conspectu legum, libertatisque moriatur. Præst.*

(43) *Ad extenuandum*) Quod præstitit Tullius in Ligatiana: *Scelus tu illud vocas, Tubero? cur? isto enim nomine illa adhuc causa cavuit. Alii errorem appellant: alii timorem: qui durius, spes, cupiditatem, odium, pertinaciam: qui gravissimam, temeritatem: scelus præter te adhuc nemo. Ac mihi quidem, si proprium & verum nomen nostri mali queratur, fatalis quidam calamitas incidisse videtur, & improvidas hominum mentes occupavisse: ut neque mirari debeat humana consilia divina necessitate esse superata. Idem.*

(44) *Consequentur etiam illi loci*) Usus locorum communium

com-

hærentes in earum nervis esse debent, tamen, quia de universa re tractari solent, *communes* a veteribus nominati sunt: quorum partim habent vitiorum & peccatorum acrem quandam cum amplificatione incusationem, aut querelam, contra quam dici nihil solet, nec potest; ut in depeculatorem (45), in proditorem, in parricidam: quibus uti, confirmatis criminibus, oportet: aliter enim jejuni sunt atque inanes. Alii autem habent deprecationem, aut miserationem. Alii vero ancipites disputationes, in quibus de universo genere in utramque partem differi copiose licet: quæ exercitatio nunc propria duarum philosophiarum (46), de quibus ante dixi, putatur: apud antiquos erat eorum, a quibus omnis de rebus forensibus dicendi ratio & copia petebatur. De virtute enim, de officio, de æquo & bono, de dignitate, honore, utilitate, ignominia, præmio, pœna, similibusque de rebus, in utramque partem dicendi animos & vim & artem habere debemus. Sed, quoniam de nostra possessione (47) depulsi, in parvo, & eo liti-

commendat. Erant hi communes loci sententiæ quædam, sive præemptoria argumentorum vel disputationum, varijs scilicet de rebus institutarum, & generalibus, cujusmodi tria genera distinguit. Alii enim loci insectationes criminum quorundam continebant, de quibus nemo dubitat quin pessima sint. Alii, deprecationem aut miserationis excitandæ rationem continent. Tertium genus habet earum quæstionum tractationem, quæ utramque in partem disputando trahuntur, ut sunt de virtute, de justitia, cæterisque id genus rebus institutæ disputationes. *Petavius.*

(45) *Depeculatorem*) Reum peculatus, sive raptæ pecuniæ publicæ. Vox inde deducta, auctore Festo, quod initium hujus fraudis a pecore olim fieri soleret. *Pruss.*

(46) *Nunc propria duarum philosoph.*) Quasnam significet, planum est & facile: Peripateticos enim & Academicos innuit. *Petavius.*

(47) *De nostra possessione*) Hujus loci talis est sententia. Quoniam philosophi dum differunt de moribus, ea invaserunt, quæ tractanda erant a rhetoribus, quibus nihil jam præter causas forenses superest, a philosophis, qui nostra bona deprædati sunt, mutuemur id quod nobis est necessarium. Ducta translatio ab illis, qui paterna possessione dejecti, compelluntur in vile prædium, de quo etiam lis intenditur. Litigiosum prædium dicitur non propter

litigioso, prædiolo relictum sumus, & aliorum patroni, nostra tenere, tuerique non potuimus: ab iis, (quod indignissimum est) qui in nostrum patrimonium irruerunt, quod opus est nobis mutemur.

XXVIII. Dicant igitur nunc quidem illi, qui ex particula parva urbis (48) ac loci, nomen habent, & peripatetici philosophi, aut Academici nominantur; olim autem, propter eximiam rerum maximarum scientiam, a Græcis politicis philosophi appellati, universarum rerum publicarum nomine vocabantur; omnem civilem orationem in horum alterutro genere versari, aut definita controversia certis temporibus ac reis, hoc modo, Placeatne a Carthaginensibus captivos nostros, redditus suis, recuperari: aut infinite de universo genere quærentis, Quid omnino de captivo statuendum ac sentiendum sit. Atque horum superius illud genus, causam, aut controversiam appellant, eamque tribus, lite, aut deliberatione, aut laudatione definiunt: hæc autem altera quæstio infinita, & quasi proposita, consultatio nominatur. Atque hætenus loquuntur.

Etiam hac (49) instituendo divisione utuntur, sed ita, non ut jure aut judicio, * ut denique recuperare amissam possessionem, sed ut ex jure civili,

pter eas lites, in quibus versantur oratores, sed quod philosophi oratoribus detrahere volunt judicialium quæstionum partem optimam. Illis enim concedunt quæstionem finitam, infinitam sibi vindicant. *Stybeus*. Præst.

(48) *Particula parva urbis*) E Lyceo scilicet, quod gymnasium, Athenis celeberrimum, dicebatur quoque περπατάσιον, *obambulatio*, quod inter deambulandum inde nominati Peripatetici philosophiarentur. Academia, gymnasium aliud Athenis, ab Academio Atheniensi nomen habuisse tradit Plutarchus in Theæto. *Præstus*.

(49) *Atque hætenus loquuntur. Etiam hac*) Omitto, loquuntur: ut sensus sit, *Atque hætenus etiam hac instituendo divisione utuntur*, scilicet rhetores, etsi in eorum provinciam invaserint philosophi. *Muretus*.

* *Ut denique*) Lamb. *aut vi denique recuperare*.

vili, surculo defringendo (50.), usurpare videantur. Nam illud alterum genus, quod est temporibus, locis, reis definitum, obtinet, atque idipsum lacinia (51). Nunc enim apud Philonem, quem in Academia maxime vivere audio, etiam harum jam causarum cognitio, exercitatioque celebratur. Alterum vero tantummodo in prima arte tradenda nominant, & oratoris esse dicunt: sed neque vim, neque naturam ejus, nec partes, nec genera proponunt, ut præteriri omnino fuerit satius, quam attentatum deferri. Nunc enim inopia reticere intelliguntur, tum judicio viderentur.

XXIX. Omnis igitur res eandem habet naturam ambigendi, de qua quæri & disceptari potest, siue in infinitis consultationibus disceptatur, siue in iis causis, quæ in civitate, & in forensi disceptatione versantur: neque est ulla, quæ non aut ad cognoscendi, aut ad agendi vim rationemque re-

De Orat.

Y

fera-

(50) *Surculo defringendo*) Ita philosophos illos de rhetorica tradere aliquid docet, ut non sibi penitus illam vindicent, neque in eam tanquam possessionem manus injiciant, sed de ea etiamnum contendentes imaginaria vindicatione usurpent in exigua aliqua parte. Olim enim petitor possessorem una cum prætore in rem præsentem ducebat: unde adversarium manu prehensens, rem, de qua erat contentio, sibi vindicabat; quod *manum conferere* appellabant. Posteaquam vero propagatis Italix finibus, prætores negotiis occupati proficisci ad longinquas res gravabantur, institutum est, ut litigantes non apud prætores manum conferrent, sed *ex jure*, id est, ex eo loco ubi jus reddebatur, *manum confertum vocarent*, id est alter, alterum ad manum conferendam in rem de qua ageretur, vocaret: atque perfecti simul in agrum de quo litigabatur, terræ aliquid ex eo, uti unam glebam, in jus in urbem ad prætorem deferrent, & in ea gleba, tanquam in toto agro, vindicarent. Nonnunquam & surculum ex arbore defractum ferebant. Multa de eo ritu Brissolinus in Formulis. Itaque similitudo Ciceroniana hæc est: Quo illi modo litigantes in parte agri exigua hærent, nec dum totum obtinuerunt; sic philosophos, dum pacula quædam delibant ex rhetoricis, non veterem possessionem ex toto usurpare, quasi possimino, sed particulam illius quasi adhuc alienæ rei arripere. *Petavius.*

(51) *Lacinia*) Lacinia aliquid tenere vel obtinere, idem valet, ac rem nonnisi leviter tenere. Phrasis eadem in Plauti *Afin.* 3. 2. 41 *Marcius.*

feratur. Nam aut ipsa cognitio rei, scientiaque perquiritur, ut, Virtus suamne propter dignitatem, an propter fructus aliquos expetatur: aut agendi consilium exquiritur, ut, Sitne sapienti capeffenda respublica. Cognitionis autem tres modi, conjectura, definitio, &, ut ita dicam, consecutio. Nam, quid in re sit, conjectura quatitur: ut illud, Sitne in humano genere sapientia. Quam autem vim quæque res habeat, definitio explicat: ut, si quærat, quid sit sapientia (52). Consecutio autem tractatur, cum, quid quamque rem sequatur, inquiritur: ut illud, Sitne aliquando mentiri (53) boni viri.

Redeunt rursus ad conjecturam, eamque in quatuor genera dispertunt. Nam aut quid sit, quæritur, hoc modo: Naturane sit jus (54) inter homines, an opinionibus. Aut, quæ sit origo cuiusque rei: ut, quod sit initium legum (55),
aut

(52) *Quid sit sapientia*) *Sapientia est (us a veteribus philosophis definitum est) rerum divinarum & humanarum, causarumque, quibus hæ res continentur, scientia.* Tullius lib. II. de Offic. Præf.

(53) *Sitne aliquando mentiri*) Recte Plato lib. II. de Rep. *ψεῦδος ἢ μὲν ὑπὸ θεῶν, ἀλλὰ καὶ ὑπ' ἀνθρώπων μισεῖται:* *Mendacium non tantum a diis, sed etiam ab hominibus odio habetur.* Videtur ab hac sententia aliquantulum deflectere, cum libro v. de Rep. mendacio tanquam pharmaco magistratibus utendum aliquando censet ad subditorum utilitatem. Mendacium officiosum approbat Tullius in oratione pro Ligario. Aristoteles lib. iv. Ethicorum, licitum unquam mendacium negat, cuius sententiæ accedendum. Quid autem discrepent mentiri & mendacium dicere, ex Nigidio docet Gellius lib. xi. cap. 2. *Idem.*

(54) *Naturane sit jus*) Jus aliud est naturale, definiturque a Cicerone lib. i. de Legibus, *ratio summa insita in natura, quæ jubet ea quæ faciendæ sunt, prohibetque contraria.* Aliud jus gentium ad naturale accedit, estque omnium gentium auctoritate passim receptum; aliud proprium, quod sibi quisque populus describit; aliud civile, &c. Vide Partit. Orat. *Idem.*

(55) *Quod sit initium legum*) Callicles in Gorgia Platonis ab infirmiori plebe leges inventas putat, quibus, ne quid præter fas auderent, potentiores coercerentur. Thrasymachus apud Platonem lib. i. de Rep. jura & leges principum arbitrio putat constitutas. Unde perperam concludit illud esse jus, quod potentioribus est utile. Vide notas in i. de Orat. cap. 8. *Idem.*

aut rerum publicarum (56). Aut causa & ratio: ut, si quæretur cur doctissimi (57) homines de maximis rebus dissentiant. Aut de immutatione: ut, si disputetur, num interire virtus in homine, aut num in vitium possit converti.

Definitionis autem sunt disceptationes, ut, cum quæritur (58) quid in communi (59) mente quasi impressum sit: ut, si disseratur, idne sit jus (60), quod maximæ parti sit utile. Aut, cum quid cujusque sit proprium, exquiritur: ut ornate dicere, propriumne sit (61) oratoris, an id etiam aliquis præterea possit. Aut, cum res distribuitur in partes: ut, si quæretur, quot sint genera (62) rerum expetendarum: ut, sintne tria, corporis (63), animi, externarumque rerum. Aut, cum, quæ forma (64), & quasi

Y 2

na-

(56) *Rerum publicarum*) Earum initium primo domus, tum vicus, denique civitas. *Aristoteles lib. 1. de Rep. Idem.*

(57) *Cur doctissimi*) Scilicet eruditorum perinde ac vulgi opinioniones in maxima inconstantia veritatis ignoratione versantur. *Tullius lib. 1. de Nat. Deor. Idem.*

(58) *Ut cum quæritur*) Mutavi vulgatum *ut* in *aut*, quia exemplum non subjicitur, sed species quædam definitionis. Quatuor ejus sunt species. Prima est, cum quæritur, quid in communi mente quasi impressum sit, quam Cicero in Topicis vocat notionem, & ejus speciei exemplum est, *Idne est jus, quod maxime parti sit utile?* Secunda est, cum, quid cujusque sit proprium, exquiritur, quod Cicero in Topicis vocat proprietatem. Tertia, cum res distribuitur in partes: quod vocat divisionem. Quarta, cum, quæ forma & quasi naturalis nota cuiusque sit, describitur: quam vocat descriptionem. Vides igitur, Lector, *aut legendum* esse, quod præponitur tribus postremis speciebus. *Pearcius.*

(59) *Quid in communi, &c.*) Hæc sunt innata, religione deum, parentes pietate, officiis amicos colere. *Præst.*

(60) *Idne sit jus*) Rectius a jurisperitis definitur ars boni & æqui. *Idem.*

(61) *Propriumne sit*) Ornate & apposite ad persuadendum dicere unius est oratoris. *Idem.*

(62) *Quot sint genera*) Tria sunt expetenda, honesta, utilia, & jucunda. *Idem.*

(63) *Corporis*) Bona corporis sunt sanitas, robur, agilitas, pulchritudo: animi, ingenium, memoria, industria; externa, nobilitas, proba institutio, divitiæ. *Idem.*

(64) *Aut, cum, quæ forma*) Notationes, sive descriptiones

mo-

naturalis nota cuiusque sit, describitur: ut, si quæ-
ratur avari species, seditiosi, gloriosi.

Consecutionis autem duo prima quæstionum ge-
nera ponuntur. Nam aut simplex est disceptatio,
ut, si disseratur, Expetendane sit gloria, aut ex
comparatione, Laus, an divitiæ (65) magis ex-
petendæ sint. Simplicium autem sunt tres modi:
de expetendis fugiendisve rebus, ut, Expetendine
honores sint, num fugienda paupertas: de æquo
aut iniquo, Æquumne sit ulcisci (66) injurias
etiam propinquorum: de honesto aut turpi, ut
hoc, Sitne honestum, gloriæ causa mortem obire.
Comparationis autem duo sunt modi. Unus, cum,
idemne sit, an aliquid intersit, quæritur: ut *me-
tuere*, & *vereri* (67): ut *rex*, & *tyrannus* (68):
ut *assentator*, & *amicus* (69). Alter, cum, quid
præstet aliud alii, quæritur: ut illud, Optimine
cuiusque sapientes, an populari laude ducantur.
Atque ex quidem disceptationes, quæ ad cognitio-
nem referuntur, sic fere a doctissimis hominibus
describuntur.

XXX.

morum indicat, quos characteres Græci vocant; quando res non
simplici definitione aperitur, sed per multiplicia signa, & quasi
vestigia explicatur. Cuiusmodi sunt morales Theophrasti caracte-
res, quæ in oratione collocata ethopœjam faciunt, & præcipue ad
comœdias pertinent. *Petavius*.

(65) *Laus, an divitiæ*) Quæstionem solvit Salomon Pro-
verbiorum cap. 22. *Melius est nomen bonum quam divitiæ mul-
te*, Præst.

(66) *Æquumne sit ulcisci*) Consule notas in lib. I. de O-
rat. c. 8. *Idem*.

(67) *Metuere, & vereri*) Metuere est angere malo imminenti,
quod vix declinari potest: vereri est timere, ne quid perperam
 fiat. *Idem*.

(68) *Rex, & tyrannus*) Rex est qui rerum summam admi-
nistrans, publicæ, non privatæ utilitati studet: tyrannus contra
suis tantum commodis servit. *Omnes & habentur & dicuntur ty-
ranni, qui potestate sunt perpetui in ea civitate, quæ libertatis
usa est*. Cornelius Nepos in *Militiade*. *Idem*.

(69) *Assentator, & amicus*) Adulator voluptatis aut utilita-
tis suæ causa amicitiam simulat: amicus vult bona evenire al-
teri non suæ, sed illius ipsius causæ quem diligit. Consule *Plu-
tarchum* lib. de discrimine amici & adulatoris. *Idem*.

XXX. Quæ vero referuntur ad agendum, aut in officii disceptione versantur, quo in genere, quid rectum faciendumque sit, quæritur: cui loco omnis virtutum, & vitiorum est silva subjecta: aut in animorum aliqua permotione aut gignenda, aut sedanda, tollendave tractantur. Huic generi subjectæ sunt cohortationes, objurgationes, consolationes, miserationes, omnisque ad omnem animi motum & impulsio, &, si ita res feret, mitigatio.

Explicatis igitur his generibus ac modis disceptionum omnium, nihil sane ad rem pertinet, si qua in re discrepavit ab Antonii divisione nostra partitio. Eadem enim sunt membra in utrisque disputationibus, sed paulo secus a me, atque ab illo, partita ac distributa. Nunc ad reliqua progrediar, meque ad meum munus pensumque (70) revocabo. Nam ex illis locis, quos exposuit Antonius, omnia sunt ad quæque genera quæstionum argumenta sumenda: sed aliis generibus alii loci magis erunt apti; de quo non tam quia longum est, quam quia perspicuum, dici nihil est necesse.

Ornatissimæ sunt igitur orationes eæ, quæ latissime vagantur, & a privata ac singulari controversia se ad universi generis vim explicandam conferunt & convertunt, ut ii, qui audiant, natura, & genere, & universa re cognita, de singulis reis, & criminibus, & litibus statuere possint. Hanc ad consuetudinem exercitationis vos, adolescentes, est cohortatus Antonius, atque a minutis angustisque concertationibus ad omnem vim, varietatemque vos differendi traducendos putavit. Quare non est paucorum libellorum hoc

Y 3 mu-

(70) *Pensumque* Proprie manipulus est lance vel lini ex co-
lu pendens, & a puellis fuso trahendus; metaphorice sumitur pro
negotio cuique injuncto. *Idem*.

munus, ut ii, qui scripserunt de dicendi ratione, arbitrati sunt, neque Tusculani, atque hujus ambulationis antemeridianæ, aut nostræ pomeridianæ sessionis. Non enim solum acuenda nobis, neque procudenda lingua est; sed onerandum, complendumque pectus maximarum rerum & plurimarum suavitate, copia, varietate.

XXXI. Nostra est enim (si modo nos oratores sumus, si in civium disceptationibus, si in periculis, si in deliberationibus publicis adhibendi auctores & principes sumus) nostra est, inquam, omnis ista prudentiæ, doctrinæque possessio, in quam homines, quasi caducam atque vacuam, abundantes otio, nobis occupatis, involaverunt; atque etiam aut irridentes oratorem, ut ille in Gorgia Socrates (71), cavillantur, aut aliquid de oratoris arte paucis præcipiunt libellis, eosque *rhetoricos* inscribunt: quasi non illa sint propria rhetorum, quæ ab iisdem de justitia, de officio, de civitatibus instituendis & regendis, de omni vivendi, denique etiam de naturæ ratione dicuntur. Quæ quoniam jam aliud non possumus, sumenda sunt nobis ab iis ipsis, a quibus expilati sumus, dummodo illa ad hanc civilem scientiam, quo pertinent, & quam intuentur, transferamus: neque (ut ante dixi) omnem teramus in his discendis rebus ætatem, sed cum fontes viderimus, quos nisi qui celeriter cognorit, nunquam cognoscet omnino, tum, quotiescumque opus erit, ex iis tantum, quantum res petet, hauriemus. Nam neque tam est acris in naturis hominum & ingeniis, ut res tantas quisquam, nisi monstratas, possit videre: neque tanta tamen in rebus obscuritas, ut eas non penitus acri vir ingenio cernat, si modo adspexerit.

In

(71) *Ut ille in Gorgia Socrates*) Socratis in Gorgia mentem non est hic affectus Crassus, ut jam annotavimus ad lib. 1. de Orat. c. 11. *Idem*.

In hoc igitur tanto tamque immenso campo, cum liceat oratori vagari libere, atque, ubicumque constitit, consistere in suo, facile suppeditat omnis apparatus, ornatuque dicendi. Rerum enim copia verborum copiam gignit: &, si est honestas in rebus ipsis, de quibus dicitur, existit ex rei natura quidam splendor in verbis. Sit modo is, qui dicet, aut scribet, institutus liberaliter educatione doctrinaque puerili, & flagret studio, & a natura adjuvetur, & in universorum generum infinitis disceptationibus exercitatus, ornatissimos scriptores oratoresque ad cognoscendum imitandumque legerit: næ ille haud sane, quemadmodum verba struat & illuminet, a magistris istis requirit. Ita facile in rerum abundantia ad orationis ornamenta sine duce, natura ipsa, si modo est exercitata, labetur.

XXXII. Hic Catulus, Dij immortales, inquit, quantam rerum varietatem, quantam vim, quantam copiam, Crasse, complexus es, quantisque ex angustiis oratorem educere ausus es, & in majorum suorum regno collocare! Namque illos veteres doctores, auctoresque dicendi nullum genus disputationis a se alienum putasse accepimus, semperque esse in omni orationis ratione versatos. Ex quibus Eleus (72) Hippias, cum Olympiam venisset (73), maxima illa quinquennali celebri-

Y 4

tate.

(72) *Eleus*) Oriundus ex Elide, quæ urbs est in Peloponneso, nunc *Belvedere*. Idem.

(73) *Hippias, cum Olympiam venisset*) Totus hic locus ex Platonis Hippiæ minore desumptus: in quo Socrates Hippiam, audacissimum ardeionem, nihil non sibi arrogantem, dum facere deridet, sophistarum disputandi rationem evertit. De Hippiæ vide Apulejum lib. II. Floridor. Paulo post ea tempora, annis circiter ante Christum cccix. Hiuhingus quidam inter Sinas philosophus isti Hippiæ persimilis vestes, calceos, &c. sua sibi industria & manu conficiebat. *Martianus lib. v. Sinica historia, Decade prima. Olympiam*: Urbem in Elide regione Peloponnesi, dictam quoque Pisam, nunc *Langanico* Castaldus, *Niger Scauri* vocari scribit. Idem.

tate ludorum (74), gloriatus est, cuncta pæne audiente Græcia, nihil esse ulla in arte rerum omnium, quod ipse nesciret: nec solum has artes, quibus liberales doctrinæ atque ingenuæ continebantur, geometriam, musicam, literarum cognitionem, & poetarum, atque illa, quæ de naturis rerum, quæ de hominum moribus, quæ de rebus publicis dicerentur: sed annulum, quem haberet, pallium, quo amictus, soccos, quibus indutus esset, se sua manu confecisse. Scilicet nimis hic quidem est progressus; sed ex eo ipso est conjectura facilis, quantum sibi illi ipsi oratores de præclarissimis artibus appetierint, qui ne sordidiores quidem repudiarent. Quid de Prodico Chio? quid de Thrasymacho Chalcedonio, de Protagora Abderita loquar? quorum unusquisque plurimum temporibus illis, etiam de natura rerum, & disseruit, & scripsit. Ipse ille Leontinus Gorgias, quo patrono (ut Plato voluit) philosopho succubuit orator; qui aut non est victus unquam a Socrate, neque sermo ille Platonis verus est; aut, si est victus, eloquentior videlicet fuit & disertior, Socrates, &, ut tu appellas, copiosior & melior orator: sed hic in illo ipso Platonis libro, de omni re, quæcumque in disceptationem questionemque vocaretur, se copiosissime dicturum esse profiteretur: isque princeps ex omnibus ausus est in conventu poscere, qua de re quisque vellet audire: cui tantus honos habitus est a Græcia, soli ut ex omnibus Delphis (75) non inaurata statua

(74) *Quinquennali celebrata ludorum*) Olympicos ludos ad Jovis cultum Olympiæ quinto quoque anno celebrandos instituit Hercules, Diodoro teste: quanquam illorum auctorem Veilejus facit Atreum. Eos instauravit Iphitus Eleus, anno post excidium Trojæ *ccccviii.* ante Roman conditam *xxiii.* ante Christi ortum *Dcclxxvi.* Atque hinc primum certum aliquid habetur in historia Græca. Eorum ludorum celebras desit Theodosio Magno imperante, ut narrat Cederenus *Idem.*

(75) *Delphis.*) Delphi Phocieis urbs in Achaia, Apollinis oraculo celeberrima. *Cæstri Sophiano, Salona Nigro. Idem.*

tua (76), sed aurea statueretur. Atque ii, quos nominavi, multique (77) præterea summi dicendi doctores uno tempore fuerunt: ex quibus intelligi potest, ita se rem habere, ut tu, Crasse, dicis; oratorisque nomen apud antiquos in Græcia, majore quadam vel copia, vel gloria floruisse.

Quo quidem magis dubito, tibine plus laudis, an Græcis vituperationis esse tribuendum statuam: cum tu, in alia lingua ac moribus natus, occupatissima in civitate, vel privatorum negotiis pæne omnibus, vel orbis terræ procuratione, ac summi imperii gubernatione districtus, tantam vim rerum cognitionemque comprehenderis, eamque omnem cum ejus, qui consilio & oratione in civitate valeat, scientia atque exercitatione sociaris: illi nati in literis, ardentisque his studiis, otio vero diffuentes, non modo nihil acquisierint, sed ne relictum quidem, & traditum, & suum conservaverint.

XXXIII. Tum Crassus, Non in hac, inquit, una, Catule, re, sed in aliis etiam compluribus, distributione partium ac separatione, magnitudines sunt artium diminutæ. An tu existimas, cum esset Hippocrates ille Cous (78), fuisse tum alios

(76) *Delphis non inaurata statua*) Immo non a Græcis erecta illa statua, sed ab ipso sophista sibi posita, si audiendus Plinius, qui lib. 32. cap. 1. *Hominum*, inquit, *primus & auream statuam & solidam Gorgias Leontinus Delphis in templo sibi posuit, septuagesima circiter olympiade: tantus erat docendæ oratorie artis questus*. Sed nihil hac in parte fidei habeas Plinio. Præstat & Ciceroni credere, & Valerio lib. 8. cap. 15. & Pausaniæ, qui tamen non auream, sed inauratam esse ait, lib. x. *Persæus*.

(77) *Multique*) Ut Theodorus Byzantius, Isocrates, &c. *Præst.*

(78) *Hippocrates Cous*) Medicorum princeps Hippocrates, qui tam fallere quam falli nescit, ut ait Macrobius lib. 1. in somnium Scipionis cap. 6. in insula maris Ægei Co (hodie dicitur *Lango*) natus est, teste Histomacho, anno 1. Olymp. Lxxx-
seili-

lios medicos, qui morbis, alios qui vulneribus, alios qui oculis * mederentur? Num geometriam Euclide (79) aut Archimede (80), num musicam Damone (81) aut Aristoxeno (82), num ipsas literas Aristophane (83) aut Callimacho (84) tractante, tam discerptas fuisse, ut nemo ge-

scilicet ante Christum cccclx. obiit apud Larissæos, quo ætatis anno vix constat: scribunt alii nonagesimo, alii octogesimo quinto, alii centesimo quarto, alii denique centesimo nono. *Soranus*. Prust.

* *Oculis*, Lamb. *oculis*, alios qui auribus mederentur.

(79) *Euclide*) Euclides mathematicus geometriam Alexandria docuit Ptolemæi Lagidæ Ægypti regis temporibus, Olympiade cxviii. annis ante Christum cccviii. Multum differt ab antiquiore illo Euclide Megarenfi Socratis discipulo. In opere de Geometria omnem magnitudinis ac multitudinis rationem complectitur, quæ subinde divisa est, aliis figuras planas, aliis solidas, aliis numeros, aliis lineas commensurabiles, ut vocant, & incommensurabiles tractantibus. *Prust.*

(80) *Archimede*) Hic Syracusanus cæli siderumque spectator geometricæ ac machinalis scientiæ peritissimus, patriam adversus Romanorum conatus novis bellicorum operum inventis facile per triennium defendit: Syracusis captis, cum esset in sua studia intentus, ab ignoto milite interfectus est, id ægre ferente Marcello victore, qui edixerat, ne vir tantus violaretur: anno U. C. Dxlvi. ante Christum ccxii. ætatis circiter Lxx. *Livius lib. xxiv. Plutarchus, Plinius*, &c. Scripsit Archimedes de Sphæra & Cylindro, de circuli dimensione, de æquiponderantibus, de conoidibus & sphæroidibus, de spiralibus, de quadratura parabolæ, & insidentibus in humido; quotusquisque hæc omnia simul complectitur? *Idem*.

(81) *Damone*) Damon, Agatoclis discipulus, non in musicis tantum, verum etiam aliis artibus perjuvandis excelluit. *Plato in Lachete*. *Idem*.

(82) *Aristoxeno*) Qui ortus ex urbe Tarento philosophicis iuxta & musicis disciplinis eruditus exstitit. Aristotelem audivit præceptorem, in quem officii parum memor subinde invehit, quod Aristoteles in schola sibi delegisset Theophrastum successorem. Inclauit anno ante Christum circiter cccxx. *Suidas*. Prust.

(83) *Aristophane*) Hic Byzantius grammaticus, Callimachi & Zenodoti discipulus, vixit Olympiade xlv. ante Christum annis Dc. *Suidas*. Prust.

(84) *Callimacho*) Cyrenæo Grammatico, qui poemata quovis carminum genere scripsit, multaque oratione numeris soluta edidit. Ista subinde partiti sunt studia, alii grammaticæ, alii poeticæ addicti. Vixit Callimachus ad tempora Ptolemæi Evergetæ, qui regnare cœpit in Ægypto Olympiadis cxxvii. anno secundo, ante Christum cclxi. *Suidas*. Prust.

genus universum complecteretur, atque ut alius aliam sibi partem, in qua elaboraret, seponeret?

Equidem sæpe hoc audiui de patre & de socero meo, nostros quoque homines, qui excellere sapientiæ gloria vellent, omnia, quæ quidem tum hæc civitas nosset, solitos esse complecti. Meminerant illi Sex. Ælium, M. vero Manilium nos etiam vidimus transverso ambulanti foro: quod erat insigne, eum, qui id faceret, facere civibus omnibus consilii sui copiam: ad quos olim & ita ambulantes, & in solio sedentes domi, sic adibat, non solum ut de jure civili ad eos, verum etiam de filia collocanda, de fundo emendo, de agro colendo, de omni denique aut officio aut negotio referretur. Hæc fuit P. Crassi illius veteris (85), hæc T. Coruncanii (86), hæc proavi, generi mei, Scipionis (87), prudentissimi hominis, sapientia, qui omnes pontifices maximi fuerunt, ut ad eos de omnibus divinis atque humanis rebus referretur: iidemque & in senatu, & apud populum, & in causis amicorum, & militiæ consilium suum fidemque præstabant. Quid enim M. Catoni, præter hanc politissimam doctrinam transmarinam atque adventitiam, defuit? Num, quia jus civile didicerat, causas non dicebat? aut quia poterat dicere, juris scientiam negligebat? at utroque in genere & laboravit, & præstitit. Num propter hanc ex privatorum negotiis collectam gratiam tardior in republica capeffenda fuit? nemo apud populum fortior, nemo melior senator:

(85) *T. Crassi illius veteris*) Cognomento Divitis, qui pontificis maximi munere functus est, & consulatum gessit anno U. C. DCLVIII. ante Christum cxcvi. *Idem.*

(86) *T. Coruncanii*) Hic etiam pontifex maximus fuit, & obiit anno U. C. DCI. ante Christum cliii. ut indicat Cicero in Catone. *Idem.*

(87) *Scipionis*) Hic ille Scipio est Nasica Corculum, & ipse pontifex maximus, proavus Scipionis, qui Crassi gener fuit. *Idem.*

tor: idem facie optimus imperator: denique nihil in hac civitate temporibus illis sciri, discive potuit, quod ille non cum investigarit & scierit, tum etiam conscripserit.

Nunc contra plerique ad honores adipiscendos, & ad rempublicam gerendam nudi veniunt atque inermes; nulla cognitione rerum, nulla scientia ornati. Sin aliquis excellit unus e multis, effert se, si unum aliquid affert, ut bellicam virtutem, aut usum aliquem militarem; quæ sane nunc quidem obsoleverunt; aut juris scientiam, ne ejus quidem universi: nam pontificium, quod est conjunctum, nemo discit; aut eloquentiam, quam in clamore & in verborum cursu positam putant: omnium vero bonarum artium, denique virtutum ipsarum societatem cognationemque non norunt.

XXXIV. Sed, ut ad Græcos referam orationem, (quibus carere in hoc quidem sermonis genere non possumus: nam ut virtutis a nobis, sic doctrinæ sunt ab illis exempla repetenda) septem fuisse dicuntur (88) uno tempore, qui sapientes & haberentur & vocarentur. Hi omnes, præter Milesum (89) Thalem civitatibus suis præfuerunt. Quis doctior iisdem illis temporibus, aut cujus eloquentia literis instructior fuisse traditur, quam Pisistrati? qui primus Homeri (90) libros, con-

(88) *Septem fuisse dicuntur*) Omnes illi, excepto Thale Mileſio, omnium antiquissimo, suis civitatibus præfuerunt; Pit-tacus Mitylenæis, Bias Priennensibus, Solo Atheniensibus, Cleo-bulus Lindis, Myſon Cheneſibus in Laconica, Chilo Lacedæ-moniis. *Plato in Protagora*, &c. Floruerunt ab Olympiade xl. ad LVIII. sive ab anno ante Christi ortum Dcxx. ad Dxlvi. *Diogenes*, &c. *Idem*.

(89) *Mileſum*) Oriundum e Miletos, nunc *Melaſſo*; ex Ptolemæo Cariz, ex Herodoto civitas est Joniz. Quod in utriusque provinciæ finibus sit, hinc orta fortasse geographorum æqualium dissentio, quorum alii, ut Mela, Strabo, & Plinius, Miletum in Jonia; alii, ut Ptolemæus, in Caria collocant. *Idem*.

(90) *Homeri*) De quo supra c. 15. *Idem*.

confusos antea, sic disposuisse dicitur (1), ut nunc habemus. Non fuit ille quidem civibus suis utilis, sed ita eloquentia floruit, ut literis doctrinaque præstaret. Quid Pericles? de cujus dicendi copia sic accepimus, ut, cum contra voluntatem Atheniensium loqueretur pro salute patriæ, severius tamen id ipsam, quod ille contra populares homines diceret, populare omnibus & jucundum videretur: cujus in labris (2) veteres comici, etiam cum illi maledicerent, (quod tum Athenis fieri licebat) leporem habitasse dixerunt; tantamque in eo vim fuisse, ut in eorum mentibus, qui audissent, quasi aculeos quosdam relinqueret. At hunc non * clamator aliquis ad clepsydram (3)

la-

(1) *Disposuisse dicitur*) Recte assensum hic sustinet Cicero; neque enim Pisistratum, sed ejus filium Hipparchum Homeri libros ordine disposuisse tradit Plato in Hipparcho. *Idem*.

(2) *Cujus in labris*) Conviciis ac maledictis Periclem. ut refert Plutarchus in ejus vita, proscindebant comici poetæ Crætinus & Eupolis: hic nihilominus, auctor Tullio in Bruto n. 59. quam deam Græci vocant Περδω, Ennius Suadam, in Periclis labris sessitavisse scripsit. *Idem*.

* *Clamator*) Viêt. Man. *declamator*.

(3) *Ad clepsydram*) Oratoribus ad causas agendas certum tempus definiebatur per clepsydram, quo elapso silere necesse erat; fiebatque non raro quod ait Quintilianus lib. xii. cap. 6. *Laboratam congestamque dierum ac noctium studio actionem aqua deficit*. De forma clepsydræ atque usu nonnulla scitu necessaria ex antiquis scriptoribus juvat hic breviter exponere: præsertimque ex Aristophanis interprete, (*Acharn. vers. 693. & Vesp. v. 93.*). Η' κλεψύδρα ἀγγειον Clepsydra vas est habens exiguum foramen in fundo, quod in judicio plenum aqua ponebatur, ad quam oratores dicebant: hoc est, tamdiu dicere poterant ac perorare, quamdiu aqua per angustum foramen fluebat. Apulejus lib. 3. *Metamorph. Præconis amplo boatu citatus accusator quidam senior exsurgit, & ad dicendi spatium vasculo quodam in vicem colis graciliter fistulato, ac per hoc guttasim defluo infusa aqua, populum sic adorat*. Falso sibi persuaderet aliquis, clepsydram nostris fuisse clepsammidiis similem, hoc est, horologiis, ut quidam vocant, pulverariis, quibus scilicet horarum intervalla partimur effluxu arenæ. Nam neque duobus ex vasculis veterum clepsydra constabat, quorum ex altero aqua in alterum per vices deflueret; sed uno tantum. Neque in eo aqua erat perpetua; sed quæ effusa identidem transmitteretur, subiecto, ut opinor, vase recepta: aut certe quæ singulis causis nova atque appensa transfunderetur. Eam publicus listor appendebat;

quæ

latrare docuerat, sed, ut accepimus, Clazomenius (4) ille Anaxagoras, vir summus in maximarum rerum scientia. Itaque hic doctrina, consilio, eloquentia excellens, quadraginta annos præfuit Athenis, & urbanis, eodem tempore, & bellicis rebus.

Quid Critias? quid Alcibiades? civitatibus suis quidem non boni sed certe docti atque eloquentes, nonne Socraticis erant disputationibus eruditi? Quis Dionem Syracusium (5) doctrinis omnibus expolivit? non Plato? atque eum idem ille non linguæ solum, verum etiam animi ac virtutis magister, ad liberandam patriam impulit, instruxit, armavit. Aliisne igitur artibus hunc Dionem instituit Plato; aliis Isocrates clarissimum virum Timotheum (6), Cononis (7), præstantissimi imperatoris, filium, summum ipsum imperatorem, hominemque doctissimum? aut aliis Pythagoreus ille Lysis (8) Thebanum Epaminondam

quæ ubi omnis effluerat, monebatur orator esse desinendum. Quod si sermonem interromperet casu quopiam, aut aliquid de scripto recitaret, jubebat præconem aquam sistere. Apulejus in *Apolog.* *At tu, interea dum legis, aquam sustine.* Πρὸς ὕδωρ λέγειν, ad aquam dicere, perinde est, ac dicere ad clepsydram. *Petavius.*

(4) *Clazomenius*) Natus Clazomenis urbe Joniæ in Asia minore: Theveto *Grinæ*. Prust.

(5) *Dionem Syracusium*) Hic Platonis discipulus contra Dionysium Minorem tyrannum copias movit, eumque devicit, ad libertatem popularium vindicandam egregie multa manu & consilio gessit. Calippi opera a Zacynthis mercenariis perfide jugulatus est an. 3. Olymp. cvi. ante Christum cccxiv. *Diadorus, Plutarchus, & Cornelius Nepos.* Prust.

(6) *Timotheum*) Qui dux Atheniensis bellicam gloriam doctrinæ laude cumulavit. *Cornelius Nepos.* Ejus res præclare gestas inimici tribuebant fortunæ, quam depingebant urbes retibus inclusas ipsi offerentem: quod ægre tulit Timotheus: ex quo tempore adversa ei ceciderunt omnia, adeo ut tandem ab infenso populo in exilium pulsus fuerit. *Plutarchus in Sylla.* Idem.

(7) *Cononis*) Hic Atheniensis a Lysandro Lacedæmoniorum duce bello superatus, voluntario se multavit exilio, & auxilio Artaxerxis Persarum regis, a servitute patriam liberavit. *Cornelius Nepos.* Idem.

(8) *Lysis*) Tarentinus, cui præceptor sic fuit deditus Epaminondas, ut adolescens tristem ac severum senem omnibus æqua-

qua-

dam (9), haud scio an summum virum unum
 omnis Græciæ? aut Xenophon Agesilaum? aut
 Philolaum (10) Archytas (11) Tarentinus? aut
 ipse Pythagoras totam illam veterem Italiæ Græ-
 ciam (12), quæ quondam magna vocitata est?
 Equidem non arbitror.

XXXV. Sic enim video, unam quandam
 omnium rerum, quæ essent homine erudito dignæ,
 atque eo, qui in republica vellet excellere, fuisse
 doctrinam: quam qui acceperint, si iidem inge-
 nio ad pronuntiandum valuerint, & se ad dicen-
 dum quoque, non repugnante natura, dedissent,
 eloquentia præstitisse. Atque ipse Aristoteles, cum
 florere Isocratem nobilitate discipulorum videret,
 quod ipse suas disputationes a causis forensibus &
 civilibus ad inanem sermonis elegantiam transulif-
 set, mutavit repente totam formam prope disci-
 plinæ suæ, versumque quendam de Philoctera (13)
 paulo secus dixit. Ille enim, *turpe* sibi ait *esse ta-
 cere, cum barbaros*; hic autem (14), *cum Iso-
 cratem pateretur dicere*. Itaque ornavit & illustra-
 vit

quâlibus suis in familiaritate anteposuerit. *Cornel. Nepos*. Floruit
 Olympiade circiter xcv. annis ante Christum cccc. *Idem*.

(9) *Epaminondam*) De quo, ut & Xenophonte, & Agesi-
 lao, jam supra diximus. *Idem*.

(10) *Philolaum*) Philolaus Crotoniata philosophus Pythago-
 ricus, teste Laertio, tyrannidis affectatæ suspectus mortuus est:
 cujus tres libros decem millibus denarium emptos a Platone refert
 Gellius lib. 3. cap. 17. *Idem*.

(11) *Architas*) Philosophus Pythagoricus, Platonis a Diony-
 sio necandi salutem asseruit; sapius populo præfectus est, sed ma-
 thematicis quam bellicis artibus multo clarior existit. Claruit
 annis ante Christum circiter ccl. *Diogenes*. Prust.

(12) *Italiæ Græciam*) Vide notas ad lib. II. de Orat. cap.
 37. *Idem*.

(13) *Philoctera*) Philoctetes comes Herculis, a quo sagit-
 tarum ad excidium Trojæ fatidum heres institutus est. Earum
 una decedente graviter eo pede læsus, quo tumultum Herculis
 contra datam fidem monstraverat, Machaonis arte convaluit.
Idem.

(14) *Cum barbaros; hic autem, &c.*) Versus, ad quem al-
 ludit Cicero, exstat apud Quint. lib. 3. §. 1. & Diog. Laertium in
 vita Aristotelis:

Air-

vit doctrinam illam omnem ; rerumque cognitionem cum orationis exercitatione coniunxit . Neque vero hoc fugit sapientissimum regem Philip-
pum , qui hunc Alexandro filio doctorem accie-
rit (15) , a quo eodem ille & agendi acciperet
præcepta , & loquendi .

Nunc sive qui volet , eum philosophum , qui
copiam nobis rerum , orationisque tradat , per me
appellet oratorem licet ; sive hunc oratorem , quem
ego dico sapientiam junctam habere eloquentiæ ,
philosophum appellari malit , non impediam : dum-
modo hoc constet , neque infantiam ejus , qui rem
norit , sed eam explicare dicendo non queat ; ne-
que insipientiam illius , cui res non suppetat , ver-
ba non desint , esse laudandam : quorum si alte-
rum sit optandum , malim equidem indisertam
prudentiam , quam stultitiam loquacem .

Sin quærimus , quid unum excellat ex omnibus ,
docto oratori palma danda est . Quem si patiuntur
eundem esse philosophum , sublata controversia est .
Sin eos disjungent ; hoc erunt inferiores , quod in
oratore perfecto inest illorum omnis scientia , in
phi-

Αἰσχρὸν σιωπᾶν , Ἰσοκράτην δ' ἴαν λέγειν . Versus autem ,
ipsius Euripidis in Philocteta sic se habet :

Αἰσχρὸν , σιωπᾶν , βαρβάρους δ' ἴαν λέγειν . Ex quo apparet ,
non *barbaris* (ut vulgo) sed *barbaras* legendum esse ; quod &
ipse Cicero indicat , cum dicit in accus. casu *Isocratem* : nempe
sic expletur sententia , cum barbaros *patereitur dicere* . Hanc men-
dam sæpe observarunt viri doctissimi : nemo tamen adhuc *barba-*
ros in textum reposuit . Adde , quod Mf. Bel. Herl. 1. & Joaz.
barbaros rectissime exhibent . *Pearcius* .

(15) *Doctorem accieris*) Brevem Philippi epistolam , qua
Aristoteli committit institutionem Alexandri , refert Gellius lib.
1x. cap. 3. Φίλιππος Ἀριστοτέλει χαίρειν . Ἰσθι μοι γεγονότα
υἱόν . πολλῶν ἔν τοις θεοῖς χάριον ἔχω ὅχῃ ὅτως ἐπὶ τῇ γενί-
σει τῷ παιδὶ . ὡς ἐπὶ τῷ κατὰ τὴν σὺν ἡλικίαν αὐτὸν γυγνί-
ναι ἑλπίζω γὰρ αὐτὸν ὑπὸ σὺ τραπεζίτα , δὲ παιδιδύοντα , ἀξιὸν
ἔσσεσθαι δὲ ἡμῶν . δι' τῆς τῶν πραγμάτων διαδοχῆς . *Philip-
pus Aristoteli salutem . Scito mihi natum filium ; multum igitur
dilecti gratiam habeo , non tam quod natus sit puer , quam quod
tua ætate natus sit . Spero enim ipsum a te educatum , & insti-
tutum , dignum fore & nobis , & negotiorum susceptione . Præst.*

philosophorum autem cognitione non continuo inest eloquentia : quæ quamvis contemnatur ab eis , necesse est tamen aliquem cumulum illorum artibus asferre videatur . Hæc cum Crassus dixisset , parumper & ipse conticuit , & cæteris silentium fuit .

XXXVI. Tum Cotta , Equidem , inquit , Crasse , non possum queri , quod mihi videre aliud quiddam , & non id , quod susceperis , disputasse . Plus enim aliquanto attulisti , quam tibi esset tributum a nobis ac denuntiaturum . Sed certe & hæc partes fuerunt tuæ , de illustranda oratione ut diceres , & eras ipse jam ingressus , atque in quatuor partes omnem orationis laudem descripseras : cumque de duabus primis nobis quidem satis , sed , ut ipse dicebas , celeriter , exigueque dixisses , duas tibi reliquas feceras ; quemadmodum primum orate , deinde etiam apte diceremus . Quo cum ingressus esses , repente te quasi quidam æstus ingenii tui procul a terra abripuit , atque in altum a conspectu pæne omnium abstraxit ; omnemque rerum scientiam complexus , non tu quidem eam nobis tradidisti , (neque enim fuit tam exigui temporis) sed , apud hos quid profeceris , nescio : me quidem in Academiam totum compulisti . In qua velim sit illud , quod sæpe posuisti , ut non necesse sit consumere ætatem , atque ut possit is illa omnia cernere , qui tantummodo adspexerit : sed , etiam si est aliquanto spissius , aut si ego sum tardior , profecto nunquam conquiescam , neque defatigabor ante , quam illorum ancipites vias rationesque & pro omnibus , & contra omnia disputandi , percepero .

Tum Cæsar , Unum , inquit , me ex tuo sermone maxime , Crasse , commovit , quod eum negasti , qui non cito quid didicisset , unquam omnino posse perdiscere : ut mihi non sit difficile periclitari , & aut statim percipere ista , quæ tu ver-

De Orat.

Z

bis

bis ad cælum extulisti; aut, si non potuerim, tempus non perdere, cum tamen his nostris possum esse contentus.

Hic Sulpicius, Ego vero, inquit, Crasse, neque Aristotelem istum, neque Carneadem, nec philosophorum quemquam desidero: vel me licet existimes desperare posse ista perdiscere, vel, id quod facio, contemnere. Mihi rerum forensium, & communium vulgaris hæc cognitio satis magna est ad eam, quam specto, eloquentiam; ex qua ipsa tamen permulta nescio: quæ tum denique, cum causa aliqua, quæ a me dicenda est, desiderat, quæro. Quamobrem, nisi forte es jam defessus, &, si tibi non graves sumus, refer ad illate, quæ ad ipsius orationis laudem splendoremque pertinent: quæ ego ex te audire volui, non ut desperarem me eloquentiam consequi posse, sed ut aliquid addiscerem.

XXXVII. Tum Crassus, Pervulgatas res requiris, inquit: & tibi non incognitas, Sulpici. Quis enim de isto genere non docuit, non instituit, non etiam scriptum reliquit? Sed geram morem, & ea duntaxat, quæ mihi nota sunt, breviter exponam tibi: censebo tamen ad eos, qui auctores & inventores sunt harum sane minutarum rerum, revertendum.

Omnis igitur oratio conficitur ex verbis: quorum primum nobis ratio simpliciter videnda est, deinde conjuncte. Nam est quidam ornatus orationis, qui ex singulis verbis est; alius, qui ex continuatis, conjunctisque constat. Ergo utemur verbis aut iis, quæ propria sunt, & certa quasi vocabula rerum, pæne una nata cum rebus ipsis: aut iis, quæ transferuntur, & quasi alieno in loco collocantur: aut iis, quæ novamus, & facimus ipsi.

In propriis est igitur verbis illa laus oratoris,
ut

ut abjecta (16) atque obsoleta (17) fugiat: lectis atque illustribus utatur, in quibus plenum quiddam & sonans inesse videatur. Sed in hoc verborum genere propriorum delectus est quidam habendus, atque is aurium quodam judicio ponderandus: in quo consuetudo etiam bene loquendi valet plurimum. Etiam hoc, quod vulgo de oratoribus ab imperitis dici solet, *Bonis is verbis*, aut *aliquis non bonis utitur*, non arte aliqua perpenditur, sed quodam quasi naturali sensu judicatur: in quo non magna laus est vitare vitium, (quanquam id est magnum) verum hoc quasi solum quoddam atque fundamentum est, verborum usus & copia bonorum. Sed, quid ipse ædificet orator, & in quo adjungat artem, id esse a nobis querendum atque explicandum videtur.

XXXVIII. Tria sunt igitur in verbo simplici, quæ orator afferat ad illustrandam atque exornandam orationem; aut inusitatum verbum, aut novatum, aut translatum.

Inusitata sunt prisca fere ac verusta, & ab usu quotidiani sermonis jamdiu intermissa, quæ sunt poetarum licentiæ (18) liberiora, quam nostræ: sed tamen raro habet etiam (19) in oratione

Z 2

poe-

(16) *Abjecta*) Verba vilia ac sordida, quibus sæpe utuntur comici & satyrici. Observat tamen Quintilianus lib. viii. cap. 3. vim rebus aliquando ipsa rerum humilitate afferri: ut cum dicit in Pisonem Cicero, *cum tibi tota cognatio in sarcocolla vebatur*, incidit in sordidum nomen, quo contemptum auxi hominis, quem destructum volebat. Et alibi, *caput opponis cum eo consicans* Prull.

(17) *Obsoleta*) Ridicule nescio quis apud Gellium lib. xi. cap. 7. cum vellet dicere inopia quemdam miseroque victu vivere, & fursureo pane vesci, & vini facem potare: *Hic*, inquebat, & *eques Romanus apudam edit*, & *Arcas bibit*. Obsoleta aliquando Tullius adhibuit, præcipue in epistolis, *Raudusculum*, *muginari*, *averruncare*, *ericari*, *notsuabundus*, &c. Consule Gellium lib. i. c. 10. *Idem*.

(18) *Poetarum licentiæ*) Plurima inusitata adhibet Virgilius, *illi*, *fuit*, *ausi*, *quianam*, &c. *Idem*.

(19) *Sed tamen raro habet etiam*, &c.) Legendum esse, *non*

poeticum aliquod (20) verbum dignitatem. Neque enim illud fugerim dicere, ut Coelius (21), *Qua tempestate Pænus in Italiam venit: nec prolem, aut sobolem, aut effari, aut nuncupari* (22): aut, ut tu soles (23), Catule, *non rebar, aut opinabar: & alia multa, quibus loco positis, grandior atque antiquior oratio sæpe videri solet.*

Novantur (24) autem verba, quæ ab eo, qui dicit, ipso gignuntur, ac fiunt: vel conjungendis verbis, ut hæc:

Tum

non raro, aperte ostendunt verba illa: Sed tamen. Tum ea, etiam in oratione. Muretus. Vox raro, cum adjecta (ut hic) Voce etiam, significat, aliquando, nonnunquam: quo sensu iterum Noster idem adverbium usurpat cap. 52. Translatis utamur frequenter, interdumque factis, raro autem etiam pervetustis: & in lib. 2. cap. 15. plerumque ex futuri, raro etiam ex instantis, &c. Pearceus.

(20) *Poeticum aliquod*) Manifestum est singulas hujus loci partes rimanti, Ciceronem de solis inusitatis & priscis verbis sermonem habere: & cum exempla proferat, num poetica verba affert? Annon verba quædam, quæ poetis sunt inaudita, adducit? *Opinabar, nuncupari, & alia nonnulla apud oratores invenienda sunt, apud poetas nullum habent locum. Si hoc modo locum recudas, sed tamen raro habet etiam in oratione pervetustum aliquod verbum dignitatem; idem hic dicit Cicero, quod in cap. 52. mox dicturus est, ut translatis utamur frequenter, interdumque factis, raro autem etiam pervetustis. Adde, quod Quintil. lib. 8. cap. 3. dicit, Propriis dignitatem dat antiquitas: mox addit, Quædam tamen adhuc vetera vetustate ipsa gratius nitent; quædam etiam necessario interim sumuntur, nuncupare, & fari. Idem.*

(21) *Calius*) De quo in notis ad lib. II. de Orat. cap. 13. Prust.

(22) *Nuncupari*) Nuncupo & opinor verba cæteris modis ac temporibus maxime communia, ut ex hoc loco patet, vix usitata erant, hoc in prima persona imperfecti indicativi, illud in præsentis infinitivi passivi. Idem.

(23) *Ut tu soles*) *Non rebar*, dixit Catulus supra cap. vigesimo secundo. Idem.

(24) *Novantur*) Novari posse verba testis est locuples Horatius in Arte:

----- licuit semperque licbit

Signatum præsentis nota producere nomen.

Multa in Latium invexit vocabula Tullius, quæ ne statim offendant aures, præposito verbo solet emollire. *Istæ beatiss, si-ue beatitudo dicenda est, utrumque omnino durum est, sed usu mollienda nobis verba sunt.* lib. 1. de Nat. Deor. n. 95. Confu-
gis

Tum pavor (25) *sapientiam mihi omnem exanimato exspectorat.*

Num non vis (26) *hujus me versutiloquas malitias?*

Videtis enim & *versutiloquas*, & *exspectorat*, ex conjunctione facta esse verba, non nata. Vel sæpe sine conjunctione verba novantur, ut, *ille senius*; ut *Dii genitales*; ut, *baccarum* (27) *uberitate incurvescere.*

Tertius ille modus transferendi (28) verbi late patet, quem necessitas genuit inopia coacta, & angustiiis; post autem delectatio, jucunditasque celebravit. Nam ut vestis frigoris depellendi causa reperta primo, post adhiberi cœpta est ad ornatum etiam corporis & dignitatem: sic verbi translatio instituta est inopiæ causa (29), frequentata delectationis. Nam *gemmare vites*, *luxuriam esse in herbis*, *lætas segetes*, etiam rustici dicunt. Quod enim declarari vix verbo proprio potest, id translato cum est dictum, illustrat id, quod intelligi volumus, ejus rei, quam alieno verbo posuimus, si-

Z 3 mili-

gis ad æquilibritatem: sic enim ἰσονομίαν, si placet, appellemus. *ibid.* n. 110. *Carentem omni qualitate (faciamus enim tractando usitatus hoc verbum & tritius.)* *lib.* 1. *Acad. Quæst.* n. 27. *Id autem visum cum ipsum cerneretur, comprehensibile: severis hoc? Nos vero, inquam; quonam enim modo κατάληπτος diceret?* *ibid.* n. 41. *Scite omnino Fabius libro 1. capite 9. Us novorum verborum optima erunt maxime vetera, ita veterum maxime nova.* *Idem.*

(25) *Tum pavor*) Versus hic ex Eunio citatur *lib.* 14. *Tusc. Quæst.* *Idem.*

(26) *Num non vis*) Desumptus ex alio veteris poeta versus. *Idem.*

(27) *Baccarum*) Baccæ sunt fructus variorum generum, lauri, olivæ, myrti, & aliorum hujusmodi. *Præst.*

(28) *Modus transferendi*) De verbis translatis, sive metaphora ejusque legibus hic fuse & egregie disputare Crassus incipit. Est autem metaphora vox a propria significatione translata ad alienam, propter similitudinem. *Idem.*

(29) *Instituta est inopia causa*) Quæ necessitatis causa usurpantur, ea ἐμάρτυμα rectius dici, quam μεταφορικά, auctoribus Porphyrio, Tytio, & Demetrio, sentit Vossius. *Idem.*

militudo. Ergo hæ translationes quasi mutuatio-
nes sunt, cum, quod non habeas, aliunde sumas,
Illæ paulo audaciores, quæ non inopiam indicant
(30), sed orationi splendoris aliquid arcessunt,
Quarum ego, quid vobis aut inveniendi rationem,
aut genera ponam?

XXXIX. Similitudinis est ad verbum (31) u-
num contracta brevitās, quod verbum in alieno
loco, tanquam in suo, positum, si agnoscitur, de-
lectat: si simile nihil habet (32), repudiatur. Sed
ea transferri oportet, quæ aut clariorem faciunt
rem (33), ut illa omnia:

Inhorrescit mare (34),

*Tenebræ conduplicantur, noctisque & nimbium
occacat nigror,*

*Flamma inter nubes coruscat, calum tonitru
contremitt,*

*Grando mista imbri largifluo subita præcipitans
cadit,*

Un-

(30) *Quæ non inopiam indicant*) Tales sunt hæ transla-
tiones significantiores; o plumbeum pagionem: lib. 1v. de Fi-
nib. dicere potuit, o infirmum argumentum! Cum enim sit cam-
pus in quo possit exultare oratio, cur eam in tantas angustias
& in Stoicorum dumeta compellimus? Academ. Quæst. lib. 1v.
Idem.

(31) *Similitudinis est ad verbum*) Metaphoram quandam esse
similitudinem docet Aristoteles, Rhet. lib. 3. sed inter utramque
nonnihil tamen interesse: nam cum de Achille loquens Homerus
dicit, ut leo profiliis, similitudo est; sin dicat leo profiliis, me-
taphora. Petavius. Hic edidit Lamb. Translatio omnis, simili-
tudinis, &c.

(32) *Si simile nihil habet*) Haud scio an quisquam hanc So-
lini in præmio translationem probet, libri non tam bractæas
eloquentia præferant, quam fermentum cognitionis. Quotus enim
quisque Solini mentem assequatur? qui censet oportere libros
potius esse longos & spissos ad intelligentiam lectoris, quam bre-
ves ac tenues ad ostentationem ingenij paucis multa complecten-
tis? Præst.

(33) *Aus clariorem faciunt rem*) Id præcipue cavendum est;
ne id, quod similitudinis gratia ascrivimus, aut obscurum sit,
aut ignotum: debet enim quod illustrandæ alterius rei gratia as-
sumitur, ipsum esse clarius eo quod illuminat. Quintil. lib. viii.
cap. 3. Idem.

(34) *Inhorrescit mare*) Hos esse Pacuvii versus scribit Cicero
pro lib. I. de Divinat. Idem.

Undique omnes venti erumpunt, scvi existunt turbines,

Fervet aestu pelagus.

Omnia fere, quo essent clariora, translatis per similitudinem verbis dicta sunt: aut quo significetur magis (35) res tota, sive facti alicujus, sive consilii; ut ille, qui occultantem consulto, ne id, quod ageretur, intelligi posset, duobus translatis verbis similitudine ipsa indicat:

Quandoquidem iste circumvestit dictis, sepi sedulo (36).

Nonnunquam etiam brevitatis (37) translatione conficitur, ut illud, *Si telum manu fugit*. Impudentia teli emissi brevius propriis verbis exponi non potuit (38), quam est uno significata translato,

Atque hoc in genere persæpe mihi admirandum videtur, quid sit, quod omnes translatis & alienis magis delectantur verbis, quam propriis & suis.

XL, Nam si res suum nomen & proprium vo-
Z 4 ca-

(35) Quo significetur magis) Necessitate nos durum hominem aut asperum dicimus. Non enim proprium erat, quod daretur his affectibus, nomen. Jam incesum ira, & inflammatum cupiditate, & lapsum errore significandi gratia. Nihil horum suis verbis, quam his acceperis magis proprium erat, Quintil. lib. viii. cap. 6. Idem.

(36) Quandoquidem iste circumvestit, &c.) Gruterus conjectit legendum divisim *is se*: sed ad sensum verborum præcedentium parum attendisse videtur: hæc enim de eo dicuntur, qui consulto occultat, ne id quod (ab ipso) ageretur, intelligi posset. Unde ego rescribendum esse censeo *is se*, quæ lectio & sensui satisfacit, & post verbum *circumvestit* supplet accusativum casum, quem Gruterus recte vidit hic prorsus defuisse. Pearcius. *Circumvestit*, verbum translatum a corporis partibus quæ reunguntur, *sepi*, ab agris aut oppidis quæ circumcinguntur. *Prusteus*.

(37) Brevitas) Simile est illud Tullii lib. i. de Nat. Deor. *Quidquid horum attigeris, ultus est. ita male instituta ratio exitum reperire non potest*. Nonnisi susius dicere potuit, quidquid ad propugnandam deorum inertiam ex Epicuri mente dixeris, absurdum & ineptum erit. *Prust.*

(38) Non potuit) Dici enim verbis propriis debuisset, telum manu imprudenter emissum est. *Idem*.

cabulum non habet, ut *pes* in vavi (39), ut *nexum* (40), quod per libram agitur, ut in uxorem *divortium* (41); necessitas cogit, quod non habeas, aliunde sumere: sed in suorum verborum maxima copia, tamen homines aliena multo magis, si sunt ratione translata, delectant. Id accidere credo, vel quod ingenii specimen est quoddam, transilire ante pedes posita, & alia longe repetita sumere: vel quod is, qui audit, alio ducitur cogitatione, neque tamen aberrat, quæ maxima est delectatio: vel quod singulis verbis res, ac totum simile conficitur: vel quod omnis translatio, quæ quidem summa ratione est, ad sensus ipsos admovetur, maxime oculorum, qui est sensus acerrimus. Nam & *odor urbanitatis*, & *multitudo humanitatis*, & *murmur maris*, & *dulcedo orationis*, sunt ducta a cæteris sensibus. Illa vero oculorum multo acriora, quæ ponunt pæne in conspectu animi, quæ cernere & videre non possumus. Nihil est enim in rerum natura (42), cujus nos non in aliis rebus possimus uti vocabulo & nomine. Unde enim simile duci potest, (potest autem ex omnibus) in idem verbum unum, quod similitudinem continet, translatum, lumen affert oratio-

tio-

(39) *Ut pes in navi*) Pedem in navi partem extremam veli appellant Latini æque ac Græci; quæ pars acutior & inferior ad navis latus religari solet. Alii vero funem esse dicunt, quo velum tenditur aut relaxatur. Virgilius *Æn.* 5. 830. *Una omnes fecere pedem*, id est vela tetenderunt. Catullus 4. 20. *Sive utrumque Jupiter simul secundus incidisset in pedem*. Petavius.

(40) *Ut nexum*) Quid sit *nexum*, sive *nexus*, cum ad ius civile pertinet, vide ad Topica, cap. 5. *Idem*.

(41) *Divortium*) Divortia sunt, inquit Isidorus, flexus viarum, sive viæ in diversa tendentes; aquarum divortia locus est, unde aquæ duas in partes divisæ, incipiunt defluere. Translatione *divortium* tunc est, quando vir & uxor separantur. *Præf.*

(42) *Nihil est enim in rerum natura*) A quibuslibet rebus peti posse metaphoras inductione suæ probat Vossius, a divinis, *Deus ille noster Phæto*, lib. 1v. ad Attic. epist. 26. A cælestibus,

C.

thoni. Quo in genere primum fugienda est dissimilitudo:

Cali ingentes fornices (43).

Quamvis sphæram in scenam (ut dicitur) attulerit Ennius, tamen in sphæra fornicis similitudo non potest inesse.

Vive, Ulysses, dum licet,

Oculis postremum lumen radiatum (44) *rape*.

Non dixit, *cape*: non, *pete*: haberet enim moram sperantis diutius esse sese victurum; sed *rape*. Hoc verbum est ad id aptatum, quod ante dixerat, *dum licet*.

XLI. Deinde videndum est, ne longe simile sit ductum (45). *Syrtem* (46) *patrimonii*, *scopulum*

Ciceroni *celestissimum os* tribuit Patereculus. Ab elementis, Virgil. Georg. II.

----- *foribus domus alta superbis*

Mane salutantem totam vomit edibus undam.

A meteoris, *nubeculam frontis*, Cic. A plantis & mixtis, *Olli vobis & es triplex circa pectus erat*, Horat. Ab animalibus, *caput canæ*, Cic. *ventrem facis paries*, Alphenus. Ab hominibus, *latas segetes*, Virg. Ab artificialibus, *Apionem mundi Cymbalum* vocabat Tiberius; Longinum Eunapius, *βιβλιοθήκην ἰμψυχον δὲ περιπατὸν μυσῶν*, *bibliothecam vivam, & ambulans museum*. Idem.

(43) *Cali ingentes fornices*) Non adeo vituperanda videtur, præsertim in carmine, hæc translatio, quæ vulgi sententiæ accommodata est. Vix aliquid similitudinis in hac Plauti metaphora de famelico reperias in Curculione Actu II. scena III. *Lippius fauces fame*. an quod famelicis saliva faucibus inhærens hippitudinem oculorum imitari videtur? Idem.

(44) *Radiatum*) Muretus, Var. Lect. xi. 9. putat legendum *radiantis*, quo nomine solem appellabant veteres poetæ. Idem.

(45) *Ne longe simile sit ductum*) Quale est teste Quintiliano lib. viii. cap. 6. istud Farii Bibaculi,

Supiter hybernas cana nive conspuat Alpes. Idem.

(46) *Syrtem*) Syrtis sunt non modo loca in mari Lybico periculosissima, sed etiam hæc regiones Africæ continentis, quarum regionum fauces ventis arenas excitantibus pro diversa tempestate mutantur; arenis, quemadmodum in mari Libyco, modo subsidentibus, modo horrendam ad altitudinem assurgentibus. Auctor est Solinus iis in locis viatores iter sideribus dirigere. Duplex est Syrtis ad Africam; maior hodie dicitur *les Sciches de Barbarie*, minor *Golphe Capes*. Idem.

lum libentius dixerim; *Charybdim bonorum* (47), voraginem potius. Facilius enim ad ea, quæ visa, quam ad illa, quæ audita sunt, mentis oculi feruntur. Et, quoniam hæc vel summa laus est verbi transferendi, ut sensum feriat id, quod translatum sit, fugienda est omnis turpitudine (48) earum rerum, ad quas eorum animos, qui audiunt, trahet similitudo. Nolo morte dici *Africani* (49) *castratam* esse rempublicam. Nolo *stercus curiæ* dici *Glauciam* (50). Quamvis sit simile, tamen est in utroque deformis cogitatio similitudinis. Nolo esse aut majus (51), quam res postulet, *tempestas commissationis*: aut minus (52), *comissatio tempestatis*. Nolo esse verbum angustius id, quod translatum sit, quam fuisset illud proprium ac suum;

Qui-

(47) *Charybdim bonorum*) Quam similitudinem hic improbat Tullius, adhibuit orationis æstu abreptus Philippica II. n. 67. *Quæ Charybdis tam vorax? Charybdim dico? quæ si fuit, animal unum fuit: Oceanus, medius fidius, vix videtur eos res tam dissipatas, tam distantibus in locis positas, tam cito absorbere potuisse.* Charybdis autem est in freto Siculo periculosissima vorago. Idem.

(48) *Fugienda est omnis turpitudine*) Recte quidem sententiam reipublicæ dixit Cicero, scditatem hominum significans: at minime probandum est illud veteris oratoris: *persecuisti reipublicæ vomicas*, i. e. improbos castigasti.

(49) *Nolo morte dici Africani*) Eadem metaphoræ vitiatamquam scopulos caveri oportere monet Aristoteles, & sophistam merito reprehendit, qui diceret, non debere religioni esse, quæ quisque voce uteretur, etiam in re turpi, cum voces omnes eandem turpitudinem expriment. Sed quemnam hoc loco Africanum loquitur? Juniores, opinor; ad idque inducor, quod alterius tempore viri multi, hoc est, insignes duces Romæ fuerunt, nec ejus morte respublica evirari potuit: at Africani alterius tempore ferme duces instrenui, avari, nihili homines. *Petavius.*

(50) *Glauciam*) C. Servilius Glaucia scurra ridiculus, quæstor fuit anno U. C. Dcxliv. ante Christum cx. *Præst.*

(51) *Aus majus*) Quale est imperare remo, quod apud Euripidem a Telepho dictum jure arguit Aristoteles lib. III. Rhet. cap. 2. Idem.

(52) *Aus minus*) Ut si quis editum & asperum locum verrucam vocet cum Catone apud Gellium lib. III. cap. 7. Idem.

Quidnam est (54), *obsecro? quid te adiri ab-*
nutas?

Melius esset, *vetas, prohibes, absterres*: quoniam ille dixerat,

Illico istic, ne contagio mea bonis, umbrave obsit.

Atque etiam, si vereare ne paulo durior translatio esse videatur, mollienda est (55), præposito sæpe verbo; ut, si olim M. Catone mortuo, *pupillum* senatum quis relictum diceret, paulo durius, *sin, ut ita dicam, pupillum*, aliquanto mitius est. Etenim verecunda debet esse translatio, ut deducta esse in alienum locum, non irruisse; atque ut precario, non vi, venisse videatur.

Modus autem nullus est florentior in singulis verbis, nec qui plus luminis afferat orationi. Nam illud, quod ex hoc genere profluit, non est in uno verbo translato, sed ex pluribus continuatis connectitur, ut aliud dicatur (56), aliud intelligendum sit,

Ne-

(54) *Quidnam est*) Versus ex Ennii fabula, ut colligitur ex Tuscul. 3. cap. 12. *Idem.*

(55) *Mollienda est*) Translatio durior, solet etiam epitheto molliiri: tonitru durius dixeris tubam: adde cum Tryphiodoro caelestem, ἡρανίαν σάλπιγγα, durities omnis tollitur. *Præst.*

(56) *Aliud dicatur*) Cum tropus nihil aliud sit quam imaginis & vocis a propria significatione ad alienam translatio, certe quisquis illum adhibet, necessario aliud dicit aliud intelligit. Cum orator aliud dicit, aliud intelligit prope idem, tropus est *synecdoche*, qua pars pro toto, totum pro parte sumitur. *Mucrones eorum a jugulis nostris rejecimus.* III. *Catilinaria. Mucrones*, id est, gladios. Cum aliud dicit, aliud intelligit *mutuo dependens*, *metonymia* est, qua ex causis effecta significantur. & *vicissim. Vitemus linguas hominum.* Cic. *i. e. sermones.* Dum aliud dicit, aliud oppositum intelligit, *ironia* est. *O præclarum, ut ajunt, eustodem ovium lupum!* III. *Philipp.* Denique cum aliud dicit, aliud simile intelligit, *metaphora* est, de qua hic agitur, quæ continuata vocatur *allegoria*. Unum sit instar omnium hoc Tullii exemplum ex *Pisoniana*. *Neque fui tam timidus, ut qui in maximis turbinibus ac fluctibus reip. navem gubernassem, salvamque in portu collocassem, frontis tuæ nubeculam, tum col- lege sui contaminatum spiritum pertimescerem.* Alios ego vidj
ven-

Neque me patiar (57) iterum

*Ad unum scopulum & telum classem Achivam
offendere .*

Atque illud ,

*Erras , erras : nam exultantem (58) te , &
præfidentem tibi*

*Repriment validæ legum habentæ , atque imperiî
insistent jugo .*

Sumpta re simili , verba ejus rei propria deinceps
in rem aliam (ut dixi) transferuntur .

XLII. Est hoc magnum ornamentum orationis ,
in quo obscuritas fugienda est . Etenim ex hoc ge-
nere fiunt ea , quæ dicuntur ænigmata (59) . Non
est autem in verbo modus hic , sed in oratione , id
est ,

*ventosæ alias prospexi animo procellas : aliis impendentibus tem-
pestatibus non cessi , sed his unum me pro omnium salute obtuli .*
Idem .

(57) *Neque me patiar*) Verba veteris poetæ , quorum pro-
prius est hic sensus : non me iterum exponam periculo : ducta al-
legoria fortasse a discrimine , quod ad promontorium Caphareum
adiit Classis Græcorum , & a telis pestiferis quæ in Græcos Apollo
immisit . *Idem .*

(58) *Nam exultantem*) Sumpta ab equo metaphora signifi-
catur arrogantiam alicujus coercendam esse . *Idem .*

(59) *Ænigmata*) Ἀπὸ τῆς αἰνιγμοειδοῦς , *obscurè loqui* , di-
citur ænigma , estque allegoria obscurior . Quo in genere eleganter
& erudite lusit Ausonius Epist. 1v. ad Theonem :

*Aut adsit interpret tuus ,
Ænigmatum qui cognitor
Fuit meorum , cum tibi
Cadmi nigellas filias ,
Melonis albam paginam ,
Notasque furvæ sepæ ,
Cnidiosque nodos prodidit .*

Nigellæ filiæ sunt literæ , quas in Græciam attulit Cadmus . Me-
lonis alba pagina , papyrus Nilotica : Nilus olim Melo , teste Fe-
sto : atramentum quod e sepæ succo conficiebant , appellat , no-
tas furvæ sepæ , & nodos Cnidios calamos scribendo idoneos , e
quibus Cnidii præstantiores erant cæteris . Raro sunt ab oratori-
bus adhibenda ænigmata , quippe quæ inter dicendum auditorum
sensum etiam acutissimorum sæpe transvolent : usus est tamen Ci-
cero pro Fontejo specie quadam ænigmatis in Pletorium , quod
refert Quintilianus : *Mater tua dum vixit , ludum , postquam
morta est , magistros habuit .*

Dum viveret suspecta erat libidinis , postquam mortua est , ejus
bona hæstæ subjecta sunt . *Idem .*

est, in continuatione verborum. Ne illa quidem traductio atque immutatio in verbo quandam fabricationem habet, sed in oratione,

Africa terribili tremis horrida terra tumultu.

Pro Afris est sumpta Africa. Neque factum verbum est, ut,

Mare saxifragis undis:

neque translatum, ut *Mollitur mare:* sed ornandi causa proprium commutatum,

Desine, Roma, tuos hostes..... &, Testes sunt campi magni....

Gravis est modus in ornatu orationis, & sæpe sumendus: ex quo genere hæc sunt, *Martem* (60) belli esse communem; *Cererem* (61) pro frugibus; *Liberum* (62) appellare pro vino; *Neptunum* pro mari; *curiam* pro senatu; *campum* pro comitiis; *togam* (63) pro pace; *arma* ac *tela* pro bello.

Quo item in genere & virtutes, & vitia pro ipsis, in quibus illa sunt, appellantur: *Luxuries* (64) quam in domum irrupit: &, Quo *avaritia* penetravit: aut *Fides* valuit, *Iustitia* confecit. Videtis profecto genus hoc totum, cum inflexo commutatoque verbo res eadem enuntiatur, ornatus: cui sunt finitima illa minus ornata, sed tamen non ignoranda, cum intelligi volumus aliquid, aut ex par-

(60) *Martem*) Ut Vulcanum pro igne, Martem pro bello dicere eruditionem redolet, inquit Fabius lib. viii. cap. 6. ita Liberum & Cererem pro vino & pane licentius aliquis usurpaverit. Quos amissimus civis, eos Martis vis percussit, non ira victoria. Cicero pro Marcello. Idem.

(61) *Cererem*) Tritum est illud Terentii in Eunuchio Actus iv. scena v. Sine Cerere & Libero friget Venus; i. e. subtrahito pane & vino intemperantia minuitur. Idem.

(62) *Liberum*) Egregie Valer. Maxim. lib. II. cap. 1. Proximis a Libero patre intemperantiae gradus ad inconcessam Venere esse consuevit. Idem.

(63) *Togam*) Cedant arma togæ, sic Tullius pacem bello præferendam esse significabat. Idem.

(64) *Luxuries*) Quatuor exempla consequuntur nullo inter e nexu conjuncta. Idem.

parte totum (65), ut, pro ædificiis cum *parietes*, aut *teſta* dicimus: aut ex toto partem, ut, cum unam turmam, *equitatum populi Romani* dicimus: aut ex uno plures,

At Romanus homo, tamen eſi res bene geſta eſt, Corde ſuo trepidat:

aut cum ex pluribus intelligitur unum,

Nos ſumu' (66) Romani, qui fuimus ante Ruſini.

aut quocumque modo non ut dictum eſt, in eo genere intelligitur, ſed ut ſenſum eſt.

XLIII. Abutimur (67) ſæpe etiam verborum non tam eleganter, quam in transferendo: ſed etiam ſi licentius, tamen interdum non impudenter: ut cum *grandem orationem* pro magna, *minutum animum* pro parvo dicimus. Verum illa videtiſne eſſe non verbi, ſed orationis, quæ ex pluribus, ut expoſui, translationibus connexa ſunt? Hæc autem, quæ aut immutata eſſe dixi, aut aliter intelligenda, ac dicerentur, ſunt translata quodam modo. Ita ſit, ut omnis ſingulorum verborum virtus atque laus tribus exiſtat ex his rebus, ſi aut vetuſtum verbum ſit, quod tamen conſuetudo ferre poſſit: aut factum vel conjunctione, vel novitate, in quo item eſt auribus conſuetudinique parcendum: aut translatum, quod maxime tanquam ſtellis quibuſdam notat, & illuminat orationem.

Se-

(65) *Aut ex parte totum*) Eſt hæc ſynecdoche, de qua paulo ante c. 42. Idem.

(66) *Nos ſumu'*) Non dubitat Lipſius lib. v. Leſt. cap. 2. quia hic ſit Ennii verſus ſibi data civitate gratulantis. Variæ ſunt leſiones, *Nos ſumu' Romani, qui fuimus Ruſuli*. Aliter *Ruſilli*. Reſtius *Rudini* a *Rudiis* urbe Calabriae, ex qua oriundus fuit Ennius. Ergo qui hæc fecerat, *Rudium hominem* Ennium majores noſtri in civitatem receperunt. Cicero pro Archia, c. 10. Ut verſus conſtet, pro fuimus lege ſuimus. Idem.

(67) *Abutimur*) Catachreſis ſeu abuſio vocis eſt, qua verbi alicujus ſignificationem durius deſectimus ad aliam longe a propria recedentem: ita parricida dicitur interfeſtor matris aut ſororis; calamus ſumitur vulgo pro penna, cum ille arundine fiat, hæc avium ſit propria. Idem.

Sequitur continuatio verborum, quæ duas res maxime, collocacionem primum, deinde modum quendam formamque desiderat. Collocacionis est componere & struere verba sic, ut neve asper eorum concursus, neve hiulus (68) sit, sed quodam modo coagmentatus & levis. In quo lepide foci mei persona luit is, qui elegantissime id facere potuit, Lucilius.

Quam lepide lexeis compositæ (69)? ut tesserae omnes

Arte pavimento (70), atque emblemate (71) vermiculato (72).

Quæ cum dixisset in Albucium illudens, ne a me quidem abstinuit,

Crassum habeo generum, ne rhetoricotero (73) tu sis.

Quid ergo? iste Crassus, quoniam ejus abuteris nomine, quid efficit? idem illud scilicet, ut ille voluit; & ego vellem melius aliquanto, quam
Al-

(68) *Neve hiulus*) Qualis est in his locutionibus, *Persarum rex Xerxes*. Idem.

(69) *Quam lepide lexeis compositæ, &c.*) Sensus est: Lexeis, id est, verba tua, o Albuti, lepide & eleganter composita coagmentataque sunt in oratione, ut in pavimento, vel in emblemate vermiculato omnes tesserae sunt arte compositæ. Tesserae sunt lapilli aut lateres quadrati, quibus ædium solum conseruntur. Opus tesseraulis apte confectum, & effigie rerum animaliumque distinctum, emblemata vermiculatum vocatur. *Strebæus*.

(70) *Arte pavimento*) In veteribus quibusdam libris, quos ego vidi, pro *arte* scriptum est *endo* ut sit *ἐν τῷ*, quæ scriptura perspicue exstat apud Plinium lib. xxxv. cap. 25. Constat autem Lucilium Græcas voces Latinis versibus non semel immiscuisse. *Ursin*.

(71) *Emblemate*) Ἀπὸ τῆς ἐμβάλλειν, *ab immittendo* dicta sunt emblemata, frusta quædam lignea, eburnea, &c. quæ rei alicujus, v. g. floris aut animalis effigiem habent; quæ frusta interferuntur & immittuntur ad ornatum in pavementis, abacis, &c. *Præst*.

(72) *Vermiculato*) Ornamentis, quasi vermiculis, variato & distincto. Plinius lib. xxxv. cap. 1. *vermiculatis ad effigies rerum & animalium crustis*. Idem.

(73) *Rhetoricotero*) Vox Græca *ῥητορικώτερος*, *artis rhetorice peritior*; s. eliditur more antiquo, ut sibi versus constet. *Idem*.

Albucius. Verum in me quidem lufit ille, ut foller. Sed est tamen hæc collocatio conservanda verborum, de qua loquor, quæ junctam orationem efficit, quæ coherentem, quæ * lenem, quæ æquabiliter fluentem. Id assequimini, si verba extrema cum consequentibus primis ita jungetis, ut ne aspere concurrant (74), neve vastius (75) diducantur.

. XLIV. Hanc diligentiam subsequitur modus etiam & forma verborum, quod jam vereor ne huic Catulo videatur esse puerile. Versus enim veteres illi in hac soluta oratione propemodum, hoc est, numeros quosdam (76), nobis esse adhibendos putaverunt. Interpirationis (77) enim, non defatigationis nostræ, neque librariorum notis, sed verborum & sententiarum modo, interpunctas clausulas in orationibus esse voluerunt: idque princeps Isocrates instituisse fertur, ut inconditam antiquorum dicendi consuetudinem, delectationis, atque aurium causa (quemadmodum scribit discipulus
ejus

* *Lenem*) Lamb. Grut. *levem*.

(74) *Ne aspere concurrant*) Ut si quis dicat, Xerxis exercitus. Prust.

(75) *Neve vastius, &c.*) Quod accidit cum litera *a* crebrius recurrit, ut si quis dicat, *Frugifera regna Afæ*. Idem.

(76) *Numeros quosdam*) Hic de numeris ac periodis breviter differit, quod argumentum cum uberius tractet in Oratore, eo notas rejicere tatius est. hoc obiter tantum dixerim, numerum esse idoneum sententiæ sonum, qui ex dispositione partium oritur. Idem.

(77) *Interpirationis*) Scilicet clausulas, quæ vox infra occurrit, & hic subintelligenda est. Interim vix dubito, quin in sequentibus aliquid insit vitii: quid enim voluit Cicero per voces *defatigationis nostræ*? a quo pendent, & (ut grammatici dicunt) reguntur? an a *notis*? at quænam sunt *notæ defatigationis*? prorsus nescio. Opinior equidem legendum esse, *Interpirationis animi*, non defatigatione nostræ, neque librariorum notis, sed verborum & sententiarum modo, interpunctas clausulas, &c. Similemque prorsus huic habemus locum in Orat. c. 68. *Oratio, non aut spiritu pronunciantis, aut interductu libarii, sed numero coacta debet insistere*: ubi *insistere spiritu pronunciantis* idem est ac *defatigatione nostræ* (id est nostri spiritus) *interpungi*; & *interductus libarii* non alia res est, quam *notæ librariorum*. Pearcius.

ejus Naucrates) numeris adstringeret. Namque hæc duo, musici, qui erant (78) quondam iidem poetæ, machinati ad voluptatem sunt, versum atque cantum; ut & verborum numero, & vocum modo, delectatione vincerent aurium satietatem. Hæc igitur duo, vocis dico moderationem, & verborum conclusionem, quoad orationis severitas pati possit, poetica ad eloquentiam traducenda duxerunt.

In quo illud est vel maximum, quod versus in oratione si efficitur conjunctione verborum, vitium est: & tamen eam conjunctionem, sicut versum, numerosc cadere (79), & quadrare, & perfici volumus. Neque est ex multis res una, quæ magis oratorem ab imperito dicendi ignaroque distinguat, quam quod ille rudis incondite fundit, quantum potest, & id, quod dicit, spiritu, non arte, determinat: orator autem sic illigat sententiam verbis, ut eam numero quodam complectatur, & adstricto (80), & soluto. Nam cum vinxit (a) modis & forma; relaxat (81) & liberat immutatione ordinis, ut verba neque alligata sint quasi certa aliqua lege versus, neque ita soluta, ut vagentur.

XLV. Quonam igitur modo tantum (b) mu-

De Orat.

A a

nus

(78) *Musici, qui erant &c.*) Hoc aperte Quintilianus testatur lib. 1. cap. 10. *Quis ignorat musicen tantum jam illis antiquis temporibus non studii modo, verum etiam venerationis habuisse, ut iidem musici, & vates, & sapientes judicarentur? mittam alios; Orpheus, & Linus, &c. Præst.*

(79) *Numerose cadere*) Est orationem eo modo definire, quæ placeat eruditæ auribus; quadrare, undecumque expolitam sibi constare. *Idem.*

(80) *Adstricto*) Oratio numerosa & adstricta & soluta simul dicitur: adstricta quidem, quod certo verborum ambitu comprehensa non vagetur sermonis instar, quem naturalis impetus sine lege effundit: soluta vero, quod non præscriptis pedibus versusum more vinciatur. *Idem.*

(a) *Vinxit. Grut. modis, forma & relaxat.*

(81) *Modis & forma relaxat* Sic Man. & Lamb. Sensus loci erit: Orator non eandem dimensionem sententiæ, nec eosdem pedes semper repetit: sed nonnunquam membræ, aut periodis utitur; & alibi alios pedes in principio, & fine sententiæ collocat. *Idem.*

(b) Lamb. *numavis insistemus.*

nus infisilemus, ut arbitremur nos hanc vim numerose dicendi consequi posse? Non est res tam difficilis, quam necessaria. Nihil est enim tam tenebrum, neque tam flexibile, neque quod tam facile sequatur, quocumque ducas, quam oratio. Ex hac versus (82) ex eadem dispartes numeri conficiuntur: ex hac hæc etiam soluta variis modis, multorumque generum oratio. Non enim sunt alia sermonis, alia contentionis verba: neque ex alio genere ad usum quotidianum, alio ad scenam pompamque sumuntur: sed ea nos cum jacentia sustulimus e medio, sicut mollissimam ceram, ad nostrum arbitrium formamus & fingimus. Itaque tum graves sumus, tum subtiles, tum medium quiddam tenemus: sic institutam nostram sententiam sequitur orationis genus, idque ad omnem rationem, & aurium voluptatem, & animorum motum, mutatur & vertitur.

Sed ut in plerisque rebus incredibiliter hoc natura est ipsa fabricata, sic in oratione; ut ea, quæ maximam utilitatem in se continerent, eadem haberent plurimum vel dignitatis, vel sæpe etiam venustatis. Incolumitatis ac salutis omnium causa videmus hunc statum esse hujus totius mundi, atque naturæ, rotundum ut cælum, terraque ut media sit, eaque sua vi nutuque teneatur; sol ut circumferatur (83), ut accedat ad brumale signum, & inde sensim adscendat in diversam partem; ut luna accessu (84) & recessu suo solis lumen

(82) *Ex hac versus*) Exemplo sit ille Horatii versiculus,

Sperne voluptates, nocet empta dolore voluptas.

Immuta verborum ordinem, evanescet forma versus: *Voluptates sperne, dolore voluptas empta nocet.* Præst.

(83) *Sol ut circumferatur*) Conversionem annuam in zodiaco sol conficit diebus 365. horis 5. minutis 49. Cum circulum attingit æquatoris 23. Septembris, sensim accedit ad hybernium capricorni signum, indeque 23. Decembris regreditur ad nos versus æquatoris, & tandem cancri signum 22. Junii ingreditur. *Idem.*

(84) *Luna accessu*) Luna lumen omne suum a sole mutat, & pro vario accessu & recessu videtur a nobis, modo pleno orbe,

men accipiat; ut eadem spatia quinque stellæ (85) dispari motu cursuque conficiant. Hæc tantam habent vim, ut paulum immutata coherere non possint: tantam pulchritudinem, ut nulla species ne excogitari quidem possit ornatior. Referte nunc animum ad hominum, vel etiam cæterarum animantium formam & figuram: nullam partem corporis sine aliqua necessitate affectam, totamque formam quasi perfectam reperietis arte, non casu (86).

XLI. Quid in arboribus, in quibus non truncus, non rami, non folia sunt denique, nisi ad suam retinendam conservandamque naturam? nusquam tamen est ulla pars, nisi venusta. Linquamus naturam, artesque videamus. Quid tam in navigio necessarium, quam latera, quam carina (87), quam prora, quam puppis, quam antennæ, quam vela, quam mali? quæ tamen hanc habent in specie venustatem, ut non solum salutis, sed etiam voluptatis causa, inventa esse videantur. Columnæ, & templa, & porticus sustinent: tamen habent non

A a 2 . . plus

orbe, modo dimidiato illuminata, modo densis involuta tenebris fugit visum. Est nihilominus media sui parte, quæ a sole respicitur, semper illustrata. Nos partem illam, cum luna soli subijcitur in Syzygia, videre non possumus, ut a sole recedit primum curvata in cornua, tum æqua portione divisa: cum omnino soli adversa opponitur, ab eoque distat 180. gradibus, nobis lucet orbe pleno, ut ex optices legibus patet. Conversio lunæ in zodiaco mensem efficit, qui duplex est, alter periodicus, quo uno circuitu totum decurrit zodiacum diebus 17. horis 7. m. 43. alter synodicus, quo non modo perlustrat zodiacum, verum etiam alios viginti septem circiter gradus emetitur, ut iterum cum sole coniungatur, qui mensis dies 29. horas 12. m. 44. complectitur. *Idem.*

(85) *Quinque stellæ*) Quinque planetæ in zodiaco circuitum absolvunt, alii alio temporis intervallo. Qui sunt modo infra, modo supra solem Venus & Mercurius, hic diebus 116. ille 584. horis 22. 3. circulum conficit. Sole superiores planetæ, Mars anno uno, diebus 321. horis 22. Jupiter annis 2. diebus 315. horis 15. Saturnus annis 29. diebus 161. orbem suum describunt. *Idem.*

(86) *Non casu*) Democritus & Epicurus fortuito atomorum concursu omnia genita somniabant. *Idem.*

(87) *Carina*) Ima pars navis: prora pars anterior: puppis pars posterior: *antenna* transversum in navi lignum ad malum, cui velum alligatur. *Idem.*

plus utilitatis, quam dignitatis (88). Capitoli (89) fastigium illud, & cæterarum ædium, non venustas, sed necessitas ipsa fabricata est. Nam cum esset habita ratio, quemadmodum ex utraque recti parte aqua delaberetur; utilitatem templi fastigii dignitas consecuta est: ut, etiam si in cælo Capitolium statueretur, ubi imber esse non posset, nullam sine fastigio dignitatem habiturum fuisse videatur.

Hoc in omnibus item partibus orationis evenit, ut utilitatem, ac prope necessitatem suavis quædam, & lepos consequatur. Clausulas enim, atque interpuncta verborum, animæ interclusio, atque angustię spiritus attulerunt. Id inventum ita suave, ut, si cui sit infinitus spiritus datus, tamen eum perpetuare verba nolimus. Id enim auribus nostris gratum est inventum, quod hominum lateribus non tolerabile solum, sed etiam facile esse posset.

XLVII. Longissima est igitur complexio verborum, quæ volvi uno spiritu potest. Sed hic naturæ modus est, artis alius. Nam cum sint numeri plures, jambum (90), & trochæum (1) frequentem segregat ab oratore Aristoteles (2), Catule,

(88) *Quam dignitatis*) Tales sunt columnæ opere Dorico, Ionico, & præcipue Corinthiaco. *Idem*.

(89) *Capitolii*) Capitolium templum Jovis in monte Tarpejo, cui nomen imposuit hominis caput ipsis in fundamentis repertum. Fuere quatuor capitolia diversis temporibus exstructa. Ejus, quod erexit Tarquinius Priscus, tegulas æreas primus Catulus inauravit post Carthaginem everfam. *Idem*.

(90) *Jambum*) *Syllaba longa brevi subiecta vocatur jambus*, Horatius in Arte, qui alibi versum hunc ex meris jambis scripsit,

Suis, & ipsa Roma viribus ruit. *Idem*.

(1) *Trocheum*) Pedem metricum syllabis duabus, prima longa, altera brevi constantem, ut *arma*. *Idem*.

(2) *Segregat ab oratore Aristoteles*) De pedibus in oratione numerosa adhibendis fusius agitur in Oratore; in quo si quid difficile occurrerit, notis illustrabimus. Quod hic præcipit Cicero, tradidit Aristoteles lib. III. Rhetor. cap. 8. Ο' δὲ ἱαμβὸς αὐτῇ ἴσιν ἢ λείξῃς ἢ τῶν πολλῶν. διὰ μάλιστα πάντων τῶν μίτρων ἱαμβῶνα φθίγγονται λείγοντες. διὰ δὲ σιμωμένητα γυί-
σθαι,

rule, vester : qui natura tamen incurrunt ipsi in orationem, sermonemque nostrum : sed sunt insignes percussiones eorum numerorum (3), & minuti pedes. Quare primum * ad heroum (4) nos dactyli (5), & anapæsti (6), & spondei (7) pedem invitat : in quo impune progredi licet duo duntaxat pedes, aut paulo plus, ne plane in versum, aut similitudinem versuum incidamus. Aliæ sunt geminæ (8), quibus hi tres heroi pedes in principia continuandorum verborum satis decore cadunt.

A a 3 Pro-

σθαι, ἢ ἐκστῆσαι ὁ δὲ τροχαῖος κορδακικώτερος. δηλοῦ δὲ τὰ τετράμετρα. Iambus autem ipsa est dictio multitudinis : quare ex omni versuum genere maxime iambicos proferunt qui loquuntur. Oportet autem orationem dignitatis esse plenam, & in admirationem rapere. Trocheus Cordæi, quod lascivæ saltationis est genus, magis convenit : hoc patet ex tetrametris. Idem.

(3) Percussiones . . . numerorum) Numerus, Græce ῥυθμός, ex multis pedibus componitur, quorum tempora animo metimur, & intervalla pedum & digitorum istu signamus. Idem.

* Ad heroum) Lamb. Quare plurimum ad heroos nos pedes, dactylum, & anapæstum. & spondeum invitat.

(4) Ad heroum) Id refert Aristoteles loco supra laudato : τῶν δὲ ῥυθμῶν ὁ μὲν ἥρως σεμνὸς, δὲ λεπτὸς, ἢ ἁρμονικὸς διόμενος. Inter numeros herous gravis est, & orationi accommodatus, & temperatione aliorum numerorum indiget. Nisi enim jambi inferantur, grandior est numerus quam desideret soluta oratio. Ex quibus secum ipse conciliandus Tullius, qui ex mente Aristotelis heroum numerum hic probat : in Oratore rejicit. Nimirum hic admittit reliquorum numerorum harmonia temperatum, alibi purum improbat. Præst.

Cæterum herous pes Fabio dactylus est, Ciceroni præterea spondus & anapæstus. Idem.

(5) Dactyli) Pes una longa syllaba, & duabus brevibus constans, ut corpore ; a similitudine digiti, in quo tres sunt articuli, nomen habet. Idem.

(6) Anapæsti) Pes a Græcis ἀντιδᾶκτυλος, dactylo contrarius appellatus, ex duabus brevibus & una longa componitur, ut animo ex ἀντὶ καὶ πάλιν serio, quod sono reciproco dactylum re-percutiat. Idem.

(7) Spondei) Ex duabus longis conflati, ut omnes : dicti ἀπὸ τῆς σπονδῆς, a libatione, quod in sacrificiis adhiberi solent. Idem.

(8) Aliæ sunt geminæ) In singulis pedibus simplicibus, quia habent ἀρσιν, & θίξιν, elationem, & positionem, singulæ sunt percussiones : si duos in clausula pedes certos constituimus, geminæ sunt percussiones, si totidem pedes apponimus in principio,

alii

Probatur (9) autem ab eodem illo maxime pæon; qui est duplex. Nam aut a longa oritur, quam tres breves consequuntur, ut hæc verba, *desinite, incipite, comprimite*; aut a brevibus deinceps tribus, extrema producta, atque longa, sicut illa sunt, *domuerant, sonipedes*. Atque illi philosopho ordiri placet a superiore pæone, posteriore finire. Est autem pæon hic posterior non syllabarum numero, sed aurium mensura, (a) quod est acrius iudicium & certius, par fere Cretico (10), qui est ex longa, & brevi, & longa; ut,

Quid petam (11.) praesidii, aut exsequar? quove nunc ...

A quo numero exorsus est Fannius (12), *Si, Quirites, minas illius ...* Hunc ille clausulis aptiorem putat, quas vult longa plerumque syllaba terminari.

XLVIII. Neque vero hæc tam acrem curam diligentiamque desiderant, quam est illa poetarum: quos necessitas cogit, & ipsi numeri ac modi, sic verba versu includere, ut nihil sit, ne spiritu quidem mini-

alix sunt geminae in principio continuationis, quam Græci *περίοδον* vocant. Ponuntur itaque non sine dignitate & in principio & in fine, vel ipsi ordine tres pedes heroi dactylus, anapæstus, & spondeus, vel singuli cum aliis mixti: quod potius est intelligendum. Ita *Strebaeus*. Præst.

(9) *Probatur*) Locus est Aristotelis ex eodem cap. 8. lib. III. *Rhetor.* desumptus: *Οὐ δὲ ποικίλιν ληπτέον· ἀπὸ μὲν γὰρ ἕκαστοι μέτρον τῶν ῥηθρίων ῥηθμῶν. ὥστε μάλιστα λαμβάνειν. Pæon sive pæon usurpandus: ex hoc enim uno prædictorum numerorum non fit versus: adeoque maxime latet. Cæterum non tantum duplex, sed etiam quadruplex est pæon. constat enim præterea alius ex jambo & pyrrichio, ut docebimus: alius ex Pyrrichio & choreo, ut moriamur, Pæones omnes ex tribus brevibus, & una longa constant. Idem.*

(a) *Quod est*) Lamb. *quorum est.*

(10) *Par fere Cretico*) Creticus seu amphimacer fit ex longa, brevi, & longa, ut *maximos*. par est pæoni aurium certo iudicio: unam enim longam, & duas breves æqualibus intervallis metimur. Præst.

(11) *Quid petam*) Versus ex Ennii Hecuba. Idem.

(12) *Fannius*) De quo in Bruto. Idem.

minimo (13), brevius, aut longius, quam necesse est. Liberior est oratio, & plane, ut dicitur, sic & est vere soluta; non ut fugiat tamen, aut erret, sed ut sine vinculis sibi ipsa moderetur. Namque ego illud assentior Theophrasto, qui putat orationem, quæ quidem sit posita atque facta quodammodo, non adstrictæ, sed remissius numerosam esse oportere. Etenim, sicut ille suspicatur, ex illis modis, quibus hic usitatus versus efficitur, post anapæstus, procerior quidam numerus, effloruit: inde ille licentior & divitior fluxit dithyrambus (14), cujus membra, & pedes, ut ait idem, sunt in omni locupletati oratione diffusa. Et, si numerosum est id in omnibus sonis atque vocibus, quod habet quasdam impressiones (15), & quod metiri possumus intervallis æqualibus: recte genus hoc numerorum, dummodo ne continuum sit, in orationis laude ponetur. Nam si rudis & indocta putanda est illa sine intervallis loquacitas perennis & profluens, quid est aliud causæ, cur repudietur, nisi quod (a) hominum aures vocem natura modulan-

A a 4 tur

(13) *Ne spiritu quidem minimo*) Ita pedes in versibus suis quique sedibus disponi debent, ut ne syllaba quidem vel desit vel redundet. *Idem.*

(14) *Dithyrambus*) Hymnus ad Bacchum, qui & ipse Dithyrambus est appellatus *πρὸ τῶν δῖς εἰς Δρύαν*, seu *δύο Δρύαν* *ἐμβαίνειν*, quod *bis in portam*, seu *duas portas ingressus esset*; bis enim natus credebatur, videlicet ex matre Semele, deinde ex Jovis femore. Carminis genus, quo conficiebatur hic hymnus, quoslibet pedes admittebat. Horat. lib. IV. carm.

Seu per audaces nova dithyrambos

Verba devolvit, numerisque fertur.

Lego solutis. Idem.

(15) *Quod habet quasdam impressiones*) Hoc quivis facile sentiat in hac periodo Tullii pro Cæcina c. 1. ubi sunt quatuor impressiones totidem in periodi partibus. *Si quantum in agro la-cisque desertis audacia potest, tantum in foro atque in iudiciis impudentia valeret: non minus nunc in causa caderet A. Cæcina Sext. Æbutis impudentiæ, quam cum in vi facienda cessit audacia.* Intervalla sunt prope æqualia, numerosa omnia. *Idem.*

(a) *Hominiū aures*) Lamb. *hominum vocem natura modulat ipsa.*

tur ipsa? quod fieri, nisi inest numerus in voce, non potest.

Numerus autem in continuatione nullus est. Distinctio, & æqualium, & sæpe variorum intervallo-
rum percussio, numerum conficit: quem in cadentibus guttis, quod intervallis distinguuntur, notare possumus; in amni præcipitante non possumus. Quod si continuatio verborum hæc soluta multo est aptior atque jucundior, si est articulis membrisque distincta, quam si continuata ac producta; membra illa modificata esse debebunt: quæ si in extremo breviora sunt, infringitur ille quasi verborum ambitus. Sic enim has orationis conversiones Græci nominant. Quare aut paria esse debent (16) posteriora superioribus, extrema primis, aut, quod etiam est melius & jucundius, longiora.

XLIX. Atque hæc quidem ab iis philosophis, quos tu maxime diligis, Catule, dicta sunt: quod eo sæpius testificor, ut auctoribus laudandis ineptiarum crimen effugiam.

Quarum tandem, inquit Catulus? aut quid disputatione ista afferri potest elegantius, aut omnino dici subtilius? At enim vereor, inquit Crassus, ne hæc aut difficiliora istis ad persequendum esse videantur, aut, quia non traduntur in vulgari ista disciplina, nos ea majora, ac difficiliora videri vel-
le videamur. Tum Catulus, Erras, inquit, Crasse, si aut me, aut horum quenquam putas a te hæc opera quotidiana, & pervagata expectare. Ista, quæ dicis, dici volumus: neque tam dici, quam isto dici modo: neque tibi hoc pro me solum, sed pro his omnibus sine ulla dubitatione respondeo. Ego vero, inquit Antonius, inveni tandem, quem negaram in eo, quem scripsi, libello, me invenisse, eloquentem. Sed eo te ne laudandi quidem causa interpellavi, ne quid de hoc tam ex-
guo

(16) *Aut paria esse debent*) In allata mox periodo facile potes advertere. *Pruff.*

quo sermonis tui tempore verbo uno meo diminueretur.

Hanc igitur, Crassus inquit, ad legem cum exercitatione, tum stylo, qui & alia, & hoc maxime, ornat ac limat, formanda vobis oratio est. Neque tamen hoc tanti laboris est, quanti videtur: nec sunt hæc rhythmicorum, ac musicorum acerrima norma dirigenda. Et efficiendum est illud modo vobis, ne fluat oratio, ne vagetur, ne insistat interius, ne excurrat longius: ut membris distinguatur, ut conversiones habeat absolutas. Neque semper utendum est perpetuitate, & quasi conversione verborum; sed sæpe carpenda membris minutioribus oratio est: quæ tamen ipsa membra sunt numeris vincienda.

Neque vos proæ, aut herous ille conturbet. Ipsi occurrent orationi: ipsi, inquam, se offerent, & respondebunt non vocati. Consuetudo modo illa sit scribendi, atque dicendi, ut sententiæ verbis finiantur (17), eorumque verborum injunctio nascatur a proceris numeris ac liberis, maxime heroo, & præone priore, aut Cretico; sed varie distincteque confidat. Notatur enim maxime similitudo in conquiescendo: &, si primi, & postremi illi pedes sunt hac ratione servati, medii possunt latere, modo ne circuitus ipse verborum sit aut brevior, quam aures expectant; aut longior, quam vires atque anima patiatur.

L. Clausulas autem diligentius etiam servandas esse arbitror, quam superiora, quod in his maxime perfectio, atque absolutio judicatur. Nam versus æque prima, & media, & extrema pars attenditur; qui debilitatur, in quacumque sit parte

titu-

(17) *Ut sententiæ verbis finiantur*) Hæc & alia illustramus exemplis in Oratore. Interim hoc Quintilianus lib. 11. cap. 4. accipe: *Verbo sensum claudere, multo, si compositio patiatur, optimum est: in verbis enim sermonis vis ingit. At si id asperum erit, cedat hæc ratio numeris, ut fit apud summos Græcos Latinosque oratores frequentissime. Idem.*

titubatum. In oratione autem prima pauci cernunt, postrema plerique. Quæ, quoniam apparent & intelliguntur, varianda sunt, ne aut animorum iudiciis repudientur, aut aurium satietate. Duo enim, aut tres sunt fere extremi servandi & notandi pedes, (si modo non breviora & præcisa erunt superiora) quos aut chorios (18), aut heroos, aut alternos esse oportebit, * aut in pæone illo posteriore, quem Aristoteles probat, aut ei pari Cretico. Horum vicissitudines efficient, ut neque ii satientur, qui audient, fastidio similitudinis; nec nos id, quod faciemus, opera dedita facere videamur.

Quod si Antipater (19) ille Sidonius, quem tu probe, Catule, meministi, solitus est versus hexametros, aliosque variis modis atque numeris fundere ex tempore, tantumque hominis ingeniosi ac memoris valuit exercitatio, ut, cum se mente ac voluntate coniecisset in versum, verba sequerentur; quanto id facilius in oratione, exercitatione, & consuetudine adhibita, consequemur?

Illud autem ne quis admiretur, quonam modo hæc vulgus imperitorum in audiendo notet; cum in omni genere, tum in hoc ipso magna quædam est vis incredibilisque naturæ. Omnes enim tacito quodam sensu, sine ulla arte aut ratione, quæ sint in artibus ac rationibus recta ac prava, dijudicant: idque cum faciunt in picturis, & in signis, & in aliis operibus, ad quorum intelligentiam a natura minus habent instrumenti, tum mul-

(18) *Chorios*) Chorius, sive choreus, idem qui trochæus, una longa & brevi constat. *Idem.*

* *Aur*) Lamb. aut pænem illum posteriorem, quem Arist. probat, aut ei parem Creticum.

(19) *Antipater*) Hic oriundus ex Sidone in Phœnicia (nunc *Said*) poeta extemporali in carmine facundia celebris, cuius epigrammata undeviginti habemus in Anthologia. Plinius lib. vii. cap. 51. refert, eum omnibus annis uno die natali tantum correptum febre, & eo consumptum fuisse satis longa senecta. Floruit centum circiter ante Christum annis. *Idem.*

multo ostendunt magis in verborum, numerorum, vocationumque iudicio; quod ea sunt in communibus infixis sensibus, neque earum rerum quemquam funditus natura voluit esse expertem. Itaque non solum verbis arte positae moventur omnes, verum etiam numeris ac vocibus. Quotus enim quisque est, qui teneat artem numerorum ac modorum? At in his si paulum modo offensum est, ut aut contractione brevius fieret, aut productione longius, theatra tota reclamant. Quid? hoc non idem sit in vocibus, ut a multitudine & populo, non modo catervæ atque conventus; sed etiam ipsi singuli discrepantes ejiciantur?

LI. Mirabile est, cum plurimum in faciendo intersit inter doctum & rudem, quam non multum differat in iudicando. Ars enim cum a natura profecta sit, nisi naturam moveat ac deleat, nihil sane egisse videatur. Nihil est autem tam cognatum mentibus nostris, quam numeri, atque voces (20); quibus & excitamur, & incendimur, & lenimur, & languescimus, & ad hilaritatem, & ad tristitiam sæpe deducimur: quorum illa summa vis carminibus est aptior, & cantribus: non neglecta, ut mihi videtur, a Numa, rege doctissimo, majoribusque nostris, ut epularum solemnium fides ac tibiarum, Saliorumque (21) versus indicant; maxime autem a Græcia vetere (22) celebrata. Quibus utinam, similibusque de

re-

(20) *Numeri, atque voces*) Est hæc Simmii philosophi apud Platonem in Phædone sententia, hominis animum esse harmoniam: quam opinionem ibidem refellit Socrates. *Idem.*

(21) *Saliorumque*) Salii Sacerdotes Martis, sic dicti quod dum ferrent ancilia, solerent saltare. Ancile autem brevis erat scutum, quod ex cælo cum esset delapsum ad salutem Romæ fatale, ne forte subriperetur, curavit Numa, secundus rex Romanorum, ut undecim alia omnino similia fabricarentur. *Idem.*

(22) *A Græcia vetere*) Summam eruditionem Græci sitam censebant in nervorum vocationumque cantibus, Igitur & Epaminondas princeps, meo iudicio, Græcia, fidibus præclare cecinisse dicitur: Themistoclesque aliquot ante annis, cum inepulis recusasset lyram, habitus est indoctior. Cic. lib. I. Tuscul. Quærit *Idem.*

rebus disputari, quam de puerilibus his verborum translationibus, maluissetis!

Verum, ut in versu vulgus, si est peccatum, videt: sic, si quid in nostra oratione claudicat, sentit. Sed poetæ non ignoscit, nobis concedit: tacite tamen omnes non esse illud, quod diximus, aptum perfectumque cernunt. Itaque illi veteres, sicut hodie etiam nonnullos videmus, cum circuitum, & quasi orbem verborum conficere non possent, (nam id quidem nuper vel posse, vel audere cœpimus) terna, aut bina (23), aut nonnulli singula etiam verba dicebant: qui in illa infantia naturali illud, quod aures hominum flagitabant, tenebant tamen; ut & illa essent paria, quæ dicerent, & æqualibus interpirationibus uterentur.

LII. Exposui fere, ut potui, quæ maxime ad ornatum orationis pertinere arbitrabar. Dixi enim de singulorum laude verborum; dixi de conjunctione eorum; dixi de numero atque forma. Sed si habitum etiam orationis, & quasi colorem aliquem requiritis, est & plena quædam, sed tamen teres; & tenuis, non sine nervis ac viribus; & ea, quæ particeps utriusque generis quadam mediocritate laudatur. His tribus figuris insidere quidam venustatis, non fucō illitus, sed sanguine diffusus debet color. Tum denique nobis hic orator ita conformandus est & verbis & sententiis, ut, quemadmodum qui utuntur armis aut palæstra, non solum sibi vitandi, aut ferendi rationem esse habendam putant, sed etiam, ut cum venustate moveantur: si verbis quidem ad aptam compositionem & decentiam, sententiis vero ad gravitatem oratio-

(23) Terna, aut bina) Terna invicem opposita verba numerosam efficiunt orationem: ex. gr. *Odis privatam luxuriam: publicam magnificentiam diligit*: Cic. pro Murena; item bina binis, ut, *In dominatu servitus, in servitute dominatus*: Cic. pro Deiotaro: item cum singula singulis opponuntur, ut in illo Terentii Eunuchi Actu 1. scena 1.

Exclusit, revocat. redeam? non, si me obsecres. Idem.

tionis * utatur, ut ii, qui in armorum tractatione versantur.

Formantur autem & verba & sententiæ pæne innumerabiles (24) : quod satis scio norum esse vobis : sed inter conformationem verborum & sententiarum hoc interest, quod verborum tollitur (25), si verba mutaris ; sententiarum permanet, quibuscumque verbis uti velis. Quod quidem vos etsi facitis, tamen admonendos puto, ne quid esse aliud oratoris putetis, quod quidem sit egregium atque mirabile, nisi in singulis verbis illa tria tenere, ut translatis utamur frequenter, interdumque factis, raro autem etiam pervetultis : in perpetua autem oratione (26), cum & conjunctionis lenitatem, & numerorum, quam dixi, rationem tenuerimus, tum est quasi luminibus distinguenda (27), & frequentanda omnis oratio, cententiarum atque verborum.

LIII.

* *Utatur*) Quæ vocem hanc sequuntur, Lambinus delet usque ad *Formantur*.

(24) *Pæne innumerabiles*) Cum figura sit orationis habitus a recta & simplici consuetudine non sine dignitate recedens ; patet, id plurimis ac pæne infinitis modis fieri posse ab ingeniosis. *Præst.*

(25) *Verborum tollitur*) Sua figuræ verborum perit gratia, si verba mutantur. In illo Ovidii versiculo, quem citat Quintilianus,

Cui ego non dicam, Furia, te furiam?
paronomasia est. aliquid aliud, v. g. *ravidam*, in fine versus substitue, evanescit figura. Contra in hac sententiæ figura, (præteritio est, quam adhibet Tullius pro lege Manilia) *Itaque non sum prædicaturus, Quirites, quantas ille res domi militiaeque, terra marique, quantaque felicitate gesserit : ut ejus semper voluntatibus non modo cives assenserint, socii obtemperarint, hostes obedierint : sed etiam venti tempestatesque obsecundarint. Hoc brevissime dicam, &c.* Immuta quantumlibet voces, eadem habet figura sententiæ præteritio. *Idem.*

(26) *In perpetua autem oratione*) Hunc locum ac deinde cap. 52. 54. & 55. descripsit Quintilianus, lib. ix. cap. 1. atque ibi *τετρακτὰς*, quæ hic acervatim occurrunt, voces illustravit eruditus Capperonnerius.

(27) *Quasi luminibus distinguenda*) De figurarum usu recte hoc præcipit Fabius lib. ix. cap. 3. *Si quis parce & cum res poscet utetur velut asperso quodam condimento, jucundior erit ora-*

LIII. Nam & commoratio una in re (28) permultum movet, & illustris explanatio, rerumque, quasi gerantur (29), sub adspēctum p̄ne subiectio, quæ & in exponenda re plurimum valet, & ad illustrandum id, quod exponitur, & ad amplificandum, ut iis, qui audient, illud, quod augebimus, quantum efficere oratio poterit, tantum esse videatur: & huic contraria sæpe præcisio (30) est: & plus ad intelligendum (31), quam dixeris, significatio: & distincte concisa brevitās (32),

& ex-

oratio: at qui nīmiū affectaveris, ipsam illam grātiā varietatis amittet; quamquā sunt quedam figuræ ita receptæ, ut p̄ne jam hoc ipsum nomen effugerint: quæ etiā si fuerint crebriores, aures consuetas minus ferient. Nam & secretæ, & extra vulgarem usum positæ, ideoque magis nobiles, ut novitate aurem excisant, ita copia satiant, nec se obvias fuisse dicenti, sed conquistat, & ex omnibus lateribus extractas congestasque declarant. Præst.

(28) Commoratio una in re) Exemplā suggerent Ciceroniæ orationes prope omnes. Insignis est hic locus pro Roscio Amerino. Quomodo occidit? ipse percussit, an aliis occidendū dedit? si ipsum arguis, Romæ non fuit: si per alios fecisse dicis, quæro servosne an liberos? Quos homines? indidemne Ameria, an hosce ex urbe sicarios? si Ameria, qui sunt hi? cur non nominantur? si Romæ, unde eos noverat Roscius, qui Romam multis annis non venit, neque unquam plus triduo fuit? ubi eos convenit? quicum locutus est? quomodo persuasit? pretium dedit? cui dedit? per quem dedit? unde, aut quantum dedit? &c. Idem.

(29) Rerumque, quasi gerantur) Figuram hanc διατύπωσις & ὑποτίθησις vocant Græci. Exemplum illustre suppeditat Tullius Verrina VII. Patres hi, quos videtis, jacebant in limine, matresque misere pernoctabant ad ostium carceris, ab extremo complexu liberum exclusæ: quæ nihil aliud orabant, nisi ut filiorum extremum spiritum excipere sibi liceret. Aderat janitor carceris, carnifex prætoris, mors terrorque sociorum ac civium, lictor Sestius: cui ex omni gemitu doloreque certa merces comparabatur: ut adeas, tantum dabis: ut cibum tibi intro ferre licent, tantum: nemo recusabat. Quid ut uno istu securis afferam mortem filio tuo, quid dabis? ne diu crucietur? ne sapius feriat? ne cum sensu doloris aliquo & cruciatu spiritus auferatur? Etiam ob hanc causam pecunia lictori dabatur. Idem.

(30) Præcisio) Vide lib. IV. ad Herenū. Idem.

(31) Plus ad intelligendum) Refertur ad emphasim, de qua lib. IV. ad Herennium. Idem.

(32) Concisa brevitās) Brachyepiam vocat Rutilius, cujus hoc exemplum affert ex Lysia. Sed nos æquum est voluntatem dispicere. Nam consilio valuit, fortuna lapsus est: homo fuit, fatetur, concedendum non omnia posse; hoc enim decorum est proprium. Idem.

& extenuatio (33) & huic adjuncta illusio (34) a praeceptis Caesaris non abhorrens: & ab re non longa digressio (35), in qua cum fuerit delectatio, tum reditus ad rem aptus & concinnus esse debet: propositioque quid sis dicturus: & ab eo, quod est dictum, seunctio; & reditus ad propositum, & iteratio (36): & rationis apta conclusio: tum augendi, minuendive causa, veritatis superlatio (37), atque traectio: & rogatio (38), atque huic finitima quasi percontatio, expositioque sententiae suae: tum illa, quae maxime quasi irrepit in hominum mentes, alia dicentis ac significantis dissimulatio (39), quae est perjucunda, cum in

(33) *Extenuatio*) Consule lib. II. de Orat. c. 66. *Idem*.

(34) *Illusio*) De qua fufe admodum & eleganter Cæsar disserit lib. II. de Orat. cap. 57. &c. *Idem*.

(35) *Digressio*) Digressio, propositio, seunctio, reditus ad propositionem, & orationis apta conclusio, quorum omnium exempla passim occurrunt, vix inter figuras locum obtrinent. *Idem*.

(36) *Iteratio*) Qualis est hæc in oratione pro Quintio: *Ostendam primum, causam non fuisse, cur a pretore postulares, ut bona P. Quintii possideres: deinde ex editto te possidere non potuisse: postremo non possedisse. Quæsa, C. Aquili, vosque, qui estis in consilio, ut quid pollicitus sim, diligenter memoria mandetis. . . . Neco fuisse causam, cur postularet: nego ex editto possidere potuisse: nego possedisse. Idem*.

(37) *Veritatis superlatio*) Est hyperbole, de qua lib. 4. ad Herenn. & lib. 2. de Orat. c. 66. *Idem*.

(38) *Rogatio*) Rogatio aliquid detegendi causa adhibetur. Pro Roscio Comædo. *Stipulatus es? ubi? quo die? quo tempore? quo presente? quis spondidisse me dicit? nemo. Percontatio fit etiam de iis quæ notissima sunt. Pro Lege Manilia: Quid enim tam novum, quam adolescentulum privatum exercitum difficili reip. tempore conficere? confecit. huic præesse? præfuis. rem optime ductu suo gerere? gessit. Quid tam præter consuetudinem, &c. Idem*.

(39) *Dissimulatio*) Sive ironia, qua aliud dicitur; aliud omnino oppositum intelligitur. Tullius in Pisoniana ironia mirabili Pisonem exagitat, qui negaverit se triumphi cupidum esse. *Non est integrum Cn. Pompeja consilio jam uti tuo: erravit enim: non gustaras istam tuam philosophiam? ter jam homo stultus triumphavit. Crasse, pudet me tui, quid est quod confecto formidolosissimo bello, coronam illam lauream tibi sansopere decerni volueris a Senatu? P. Servili, Q. Metelle, C. Curio, P. Africano, cur non audistis tam doctum hominem, tam eruditum, priusquam in istum errorem induceremini. . . . O stultos Camillos,*

in oratione non contentione, sed sermone tractatur: deinde dubitatio (41), tum distributio, tum correctio (42) vel ante, vel postquam dixeris, vel cum aliquid a te ipso rejicias: prævinitio (43) est etiam ad id, quod aggrediare, & rejectio in alium (44): communicatio (45), quæ est

los, Cuius Sed quoniam præterita mutare non possumus: quid cessat hic homulus ex argilla & luto factus Epicureus, dare hæc præclara præcepta sapientia clarissimo & summo imperatori genero suo? fertur ille vir, mihi crede, gloria . . . meditare quibus verbis incensam illius cupiditatem comprimas atque restinguas . . . dices enim, ut ex homo faceretur, ad persuadendum concinnus, perfectus, politus e schola. Quid est, Caesar, quod se supplicationes toties decreta, tot dierum, tantopere delectens? . . . Quid tandem habet iste currus? quid vincti ante currum duces? quid simulacra oppidorum? quid aurum? quid argentum? quid legati in aquis & tribuni? quid clamor militum? quid tota illa pompa? inania sunt isto, mihi crede, delectamenta pane puerorum, captare plausus, vehi per urbem, conspici velle, &c. Hæc tu oratione non dubito quin illum jans ascenderem in currum possis revocare. O tenebra! o lutum! o sordes! &c. Vide & Verrinam ultimam, & Misopogonem Juliani, qui perpetua ironia contextus est. Idem.

(41) *Dubitatio*) De quo lib. 4. ad Herenn. Est præterea egregium exemplum lib. 5. in Verrem. Occurrebat illa ratio: *Quid Cleomene fecit? potestate animadvertere in eos, quos dicto audientes esse jussi? missum facere cum, cui imperium potestatemque permisi? . . . Pereat Cleomenes una. Ubi fides? ubi execrationes? ubi dextra complexusque? . . . fieri nullo modo poterat quin Cleomeni parceretur. Idem.*

(42) *Correctio*) Est hæc aculeata in sororem Clodii pro Cælio. *Quod quidem facerem vehementius, nisi inimicitie intercederant cum infiliis mulieris viro: fratrem volui dicere: semper hic erro. Idem.*

(43) *Prævinitio*) Qualis est hæc Tullii Philippica vii. *Ego itaque pacis, ut ita dicam, alumnus, qui quantuscunque sum (nihil enim mihi arrogo) sine pace civili certe non fuisset (periculose dico; quemadmodum accepturi P. C. sitis, horreo; sed pro mea perpetua cupiditate vestra dignitatis retinende & augende, quaeso oroque vos P. C. ut primo, si erit vel acerbum auditu, vel incredibile a M. Cicerone esse dictum, accipiat sine offensione quod dixero: neve id prius quam quale sit explicavero, repudietis): Ego ille, dicam sapius, pacis semper laudator, semper auctor, pacem cum M. Antonio esse nolo. Magna spe ingredior in reliquam orationem, P. C. quoniam periculosissimum locum silentio sum præservatus. Idem.*

(44) *Rejectio in alium*) Sic in Miloniana Cicero accusatoris partes occupat, & Clodium ipsum Miloni struxisse insidias probat: Sic apud Livium lib. xiv. Rhodii culpam totius civitatis in seditiones aliquot conferunt. Idem.

(45) *Communicatio*) Qua adversarios, vel iudices consulimus:

est quasi cum iis ipsis, apud quos dicas, deliberatio: morum ac vitæ imitatio (46), vel in personis, vel sine illis, magnum quoddam ornamentum orationis, & aptum ad animos conciliandos vel maxime, sæpe autem etiam ad commovendos: personarum ficta inductio, vel gravissimum lumen augendi: descriptio (47), erroris inductio (48), ad hilaritatem impulsio (49), anteoccupatio (50): tum duo illa, quæ maxime movent, simili-

De Orat.

B b

litu-

mus: valet ad urgendum adversarium, & confessionem ab eo exprimendam. Exemplum habes pro Quintio. *Si mehercule hæc tecum duo verba fecisses, Quid ago?* respirasset cupiditas atque avaritia paulum. Ego pro te nunc hoc consulo post tempus in aliena re, quod ut in tua re, cum tempus erat, consulere oblitus es. *Quæro abs te, C. Aquili. vadimonium mihi non obiit quidam socius & affinis meus. postulo-ne a præzore, ut ejus bona mihi possidere liceat. profecto si recto vestram bonitatem atque prudentiam cognovi, non multum me fallit, si consulamini, quid sitis responsuri: primum expectare: deinde si latitare ac diutius ludificare videatur, amicos convenire: querere quis procurator sit: domum denuntiare. dici vix potest, quam multa sint, quæ respondeatis aut fieri oportere, quam ad hanc rationem extremam necessariam devenire.* Idem.

(46) Morum, ac vitæ imitatio) Ethopœja dicitur a Græcis, de qua lib. 4. ad Her. Idem.

(47) Descriptio) Cujusmodi est hæc Pisonis apud Ciceronem in Sextiana: *Alter, o dii boni! quam teter incedebat! quam truculens! quam terribili aspectu! unum aliquem tu ex barbaris illis, exemplum imperii veteris, imaginem antiquitatis, columnem reip. diceret intueri. vestitus asper nostra hac purpura plebeja ac pæne fusca: capillo ita horrido, ut Capua, in qua ipse tum imaginis formandæ causa duumviratum gerebat, Septasiam sublatus videretur. Nam quid ego de supercilio dicam? quod tum hominibus non supercilium, sed pignus reip. videbatur. tanta eræ gravitas in oculo, tanta frontis contractio, ut illo supercilio resp., tanquam Atlante celum, niti videretur.* Idem.

(48) Erroris inductio) Qua aliquid inopinatum ac præter expectationem dicitur: ut in Heautontimorumeno Terentii actu v. Scena 1.

. . . . In me quidvis harum rerum convenit,

Quæ sunt dicta in stultum, caudex, stiper, asinus, plumbeus:

In illum nil potest: nam exsuperat eius stultitia omnia hæc. Id.

(49) Ad hilaritatem impulsio) Fit adhibitis jocis, de quibus prolixè lib. II. de Orat. c. 58. &c. Idem.

(50) Anteoccupatio) Sive prolepsis, qua id quod contra nos dici potest, anticipamus & refellimus. Ita Cicero pro Cælio: *Di-*

ces

litudō (51), & exemplum (52): digestio (53), interpellatio (54), contentio (55), reticentia (56), commendatio (57): vox quædam libera (58), atque etiam effrenatio, augendi causa: iracundia (59), objurgatio (60), promissio, de-
pre-

cet aliquis, hæc igitur est tua disciplina? sic tu instituis. adolescentes? ob hanc causam tibi hunc puerum parens commendavit & tradidit, ut in amore & voluptatibus adolescentiam suam collocaret, & hanc vitam & studia defenderes? Ego, si quis, iudices, hoc robore animi atque hae indole virtutis ac continentia fuit, ut respueret omnes voluptates, omnemque vitam suam cursum in labore corporis, atque in animi contentione conficeret: quem non quies, non remissio, non equalium studia, non ludi, non convivia delectarent, nihil in vita expensum putaret, nisi quod esset cum laude & cum dignitate conjunctum, hunc mea sententia divinis quibusdam bonis instructum atque ornatum puto. Ex hoc genere illos fuisse arbitror Camillos, &c. Idem.

(51) *Similitudo*) Sic apud Ciceronem lib. II. de Nat. Deor. Ut profluens amnis aut vix aut nullo modo, conclusa autem aqua facile corrumpitur; sic orationis flumine reprehensoris vitia diluuntur, angustia autem conclusæ orationis non facile se ipsæ rutatur. Idem.

(52) *Exemplum*) Cicero 1. in Catilinam: An vero vir amplissimus P. Scipio, pontifex maximus, Ti. Gracchum mediocriter labefactantem statum reip. privatus interfecit: Catilinam vero orbem terræ cede atque incendiis vastare cupientem nos consulēs perferemus? Idem.

(53) *Digestio*) Vide lib. 4. ad Her. Idem.

(54) *Interpellatio*) Qua sermo adversarii interrumpitur, vel ipsi indicitur silentium. Idem.

(55) *Contentio*) Antithesis est, de qua consule lib. 4. ad Heren. Idem.

(56) *Reticentia*) Vide eundem librum. Idem.

(57) *Commendatio*) Qua factum aliquod pluribus extollimus. Idem.

(58) *Vox quædam libera*) *παρρησία* est. Consule lib. 4. ad Heren. Idem.

(59) *Iracundia*) Actis & vehemens oratio, quæ iracundiam oratoris indicat. Idem.

(60) *Objurgatio*) Qua egregie adversus seditiosos utitur Germanicus apud Tacitum lib. 1. Annalium. Quid enim per hos dies inausum intemperatumve vobis? Quod numen huic corui dabo? Militesne appellem, qui filium imperatoris vestri vallo & armis circumfeditis? an cives? quibus tam projecta senatus auctoritas? Hostium quoque jus, & sacra legationis, & fas gentium rupistis, &c. Idem.

precatio (61), obsecratio (62): declinatio brevis a proposito (63), non ut superior illa digestio: purgatio (64), conciliatio (65), lætio (66) optatio (67), atque execratio (68). His fere luminibus illustrant orationem sententiæ.

B b 2 LIV.

(61) *Deprecatio*) Sophonisba uxor Syphaces victorem Massiniam sic urget precibus apud Livium lib. 30. *Si captivæ apud dominum vitæ necisque suæ vocem supplicem misere licet, si genitricem attingere dextram, precor quæsoque per maiestatem regiam, in qua paulo ante nos quoque fuimus, perque gentis Numidarum nomen, quod tibi cum Syphace commune fuit, per hujus regie deos, qui te melioribus omnibus accipiant, quam Syphacem hinc miserunt: hanc veniam supplici des, ut ipse quodcumque feret animus, de captiva statuas, neque me in cuiusquam Romani superbum ac crudele arbitrium venire sinas. Si nulla alia re potes, me morte ut vindicet ab Romanorum arbitrio, oro obsecroque.* Idem.

(62) *Obsecratio*) Est vehementior deprecatio. Idem.

(63) *Declinatio brevis a proposito*) Sive digestio, *Græcis παραβασις*, est teste Quintiliano lib. 1v. cap. 3. *alienæ rei, sed ad utilitatem causæ pertinentis, extra ordinem procurrens tractatio.* Quo ex genere est, ut ibidem dicitur, in orationibus contra Verrem conpositis, *Siciliæ laus, Proserpine raptus, pro L. Cornelio popularis illa virtutum Cn. Pompeii commemoratio: in quam ille divinus orator, veluti nomine ipso ducis cursus dicendæ teneretur, abrupto quem inchoaverat sermone, divergit.* Idem.

(64) *Purgatio*) Legati C. Manlii perduellionis crimen a se amoliantur apud Sallustium in bello Catilinario: *Deos hominesque testamur, imperator, nos arma neque contra patriam cepisse, neque quo periculum aliis faceremus: sed uti corpora nostra ab injuria tua forene, qui miseri, egentes, violentia atque crudelitate sæneratorum, plerique patria, sed omnes fama atque fortunis expertes sumus, &c.* Idem.

(65) *Conciliatio*) Tantam enim mansuetudinem, tam inusitatam inauditamque clementiam, tantum in summa potestate rerum omnium modum, tam denique incredibilem sapientiam ac pænedivinam, tacitus præserire nullo modo possum. Pro Marcello. Idem.

(66) *Lætio*) O tenebra! o lutum! o sorder! o paterni generis oblite, materni vix memor! in Pisonem. Idem.

(67) *Optatio*) Virgilius Ecloga viii.

..... En erit unquam

Ille dies, mihi cum liceat tua dicere facta?

En erit ut liceat totum mihi ferre per orbem

Sola Sophocleo tua carmina digna torchurno? Idem.

(68) *Execratio*) Dido Æn. lib. 1v. sic furit in Trojanos:

Exoriarè aliqui nostris ex ossibus ultor,

Qui face Dardanios ferroque sequare colonos.

Nunc, olim, quocumque dabunt se tempore vires,

Litora litoribus contraria, fluctibus undas

Imprecor, arma armis: pugnent ipsique nepotes. Idem.

LIV. Orationis autem ipsius, tanquam armorum, est vel ad usum comminatio, & quasi petitio, vel ad venustatem ipsa tractatio. Nam & geminatio verborum (68) habet interdum vim, leporem alias: & paulum immutatum verbum (69), atque deflexum: & ejusdem verbi crebra tum a primo repetitio (70), tum in extremum conversio (71), & in eadem verba impetus (72), & concursio, & adjunctio (73), & progressio (74): & ejusdem verbi (75) crebrius,

(68) *Geminatio verborum*) Modo vim habet, ut in prima Catilinaria: *O tempora! o mores! senatus hoc intelligit, consul videt: hic tamen vivit. vivit? imo vero in senatum venit.* Modo leporem, ut in hoc Virgillii Ecloga vi.

Addit se sociam, timidisque supervenit Ægle, Ægle Naisdum pulcherrima. Idem.

(69) *Immutatum verbum*) Consule lib. II. de Orat. c. 63. Idem.

(70) *A primo repetitio*) Anaphora dicitur hæc figura. Legum ministri magistratus, legum interpretes iudices, legum denique idcirco omnes servi sumus, ne liberi esse possimus. Pro Cluent. & Virgilius Ecloga iv.

Pan etiam Arcadia mecum si judice certet;

Pan etiam Arcadia dicat se iudice victum. Idem.

(71) *In extremum conversio*) Est epiphora, seu repetitio in clausulis. Cic. 2. Philip. *Doletis tres exercitus pop. Rom. interfecit? interfecit Antonius. Desideratis clarissimos cives? eos quoque eripuit vobis Antonius. Auctoritas hujus ordinis afflicta est? afflicta Antonius.* & Virgilius Ecloga x.

Surgamus: solet esse graves cantantibus umbra:

Juniperi gravis umbra: nocent & frugibus umbra. Idem.

(72) *In eadem verba impetus*) Complexio est, Græcis *συμπλοκή*. Vide lib. iv. ad Heren. Idem.

(73) *Adjunctio*) Sive *ε'παναληψις*, est ejusdem verbi iteratio. Martialis lib. ix. Epigr. 98.

Rumpitur invidia quidam, carissime Juli,

Quod me Roma legit, rumpitur invidia, &c. Idem.

(74) *Progressio*) Species est gradationis. Cicero pro Murena: *Vigilas tu de nocte, ut tuis consultoribus respondeas: ille, ut eo quo intendis, mature cum exercitu pervenias. Te gallotum, illum buccinarum cantus exsuscitat. Tu actionem instituis, ille aciem instruit. Tu caves ne consultores tui, ille ne urbes aut castra capiantur, &c.* Idem.

(75) *Ejusdem verbi, &c.*) Cicero in Pisonem: *Magnum nomen est, magna species, magna dignitas, magna majestas consultis.* Idem.

brius positi quædam distinctio, & revocatio verbi: & illa, quæ similiter desinunt, aut quæ cadunt similiter, aut quæ paribus paria (76) referuntur, aut quæ sunt inter se similia. Est etiam gradatio (77) quædam, & conversio (78); & verborum concinna transgressio (79), & contrarium, & dissolutum, & declinatio (80), & reprehensio, & exclamatio (81), & imminutio (82), & quod in multis casibus (83) ponitur, & quod de singulis rebus propositis ductum refertur ad singula (84), & ad propositum (85) sub-

B b 3 jecta

(76) *Paribus paria*) Vide lib. iv. ad Heren. *Idem*.

(77) *Gradatio*) Lib. iv. ad Heren. *Idem*.

(78) *Conversio*) Sive ἐπ'ανθ'Ⓢ, cum per eadem verba recurrimus. Cic. pro Cluentio: *Sine invidia culpa plectatur, & sine culpa invidia ponatur*. Tale est illud Biantis, auctore Aristotele II. Rhetor. Δὲ φιλεῖν ὡς μισήσοντας, καὶ μισεῖν ὡς φιλήσοντας: *Ita ames, ut aliquando fortasse osurus: ita oderis, ut amaturus*. *Idem*.

(79) *Transgressio*) de qua lib. iv. ad Herenn. *Idem*.

(80) *Declinatio*) An quemadmodum gradatio ascensus est ad superiora, ita declinatio descensus est ad inferiora? Nonnulla enim hic congeruntur schemata, quæ si non omnino eadem, certe sunt simillima: ut quæ mox dicitur reprehensio eadem est ac correctio. *Idem*.

(81) *Exclamatio*) Lib. iv. ad Her. *Idem*.

(82) *Imminutio*) Ibid. *Idem*.

(83) *Quod in multis casibus*) Πολυπῶτον vocant Græci, cujus hoc exemplum ex Charisio Rutilius suggerit: *Pater hic tuus nunc denique est, ut egestatem tuam debere alere videatur. Patrem nunc appellas, quem prius egentem auxilio tuo ut alienum deferuisti? Patris tu filius es ad potiundis opes, cujus ad senectutem violandam crudelissimus hostis fuisti? Nimirum nullo consilio filios procreamus. nam majorem partem ex illis doloris & contumelia capimus*. *Idem*.

(84) *Refertur ad singula*) Est enim hæc, judices, non scripta, sed nata lex: quam non didicimus, accepimus. legimus; verum ex natura ipsa arripimus, hausimus, expressimus: ad quam non docti, sed facti: non instituti, sed imbuti sumus; ut, si vita nostra in aliquas insidias, si in vim, si in tela aut latronum aut inimicorum incidisset, omnis honesta ratio esset, expediende salutis. Pro Milone. *Idem*.

(85) *Ad propositum, &c.*) Ætiologia est, quod schema, inquit Rutilius, efficitur ratione brevi & sententia, ita ut quod dubium

jecta ratio, & item in distributis (86) supposita ratio, & permissio (87), & rursus alia dubitatio (88), & improvisum (89) quiddam, & dinumeratio (90), & alia correctio (1), & disputatio (2), & quod continuatum (3), & interruptum, & imago (4), & sibi ipsi responsio (5), & im-

bium est visum, ad certam fidem adduci videatur. Cicero Divinat. in Verrem. *Intelligo quam difficili scopuloque verfer loco. Nam cum omnis arrogantia sit molesta, tum illa ingenii atque eloquentie multo molestissima.* Idem.

(86) *In distributis, &c.* Prosopodosis est, ut ait Rutilius Lupus, qua sententiis duabus, aut pluribus propositis, sua cuique ratio subiungitur. Rem illustrat hoc Demosthenis exemplo. Non enim pari ratione Philippus, atque nos, diversis rebus medetur: sed ille usque eo utitur quoad superet: nos contra statim vinci meditamur. Ille enim pro laude sicut pro patria preliatur: nobis autem si nihil accedit mali, satis ac nimium boni videtur. Idem.

(87) *Permissio* Lib. iv. ad Heren. Idem:

(88) *Alia dubitatio* Non in sententiis, sed in verbis posita: ut, Obsuit eo tempore plurimum reip. consulum sive stultitiam sive malitiam dicere oportet, sive utrumque. Idem.

(89) *Improvisum* Lib. II. de Orat. c. 63. Idem.

(90) *Dinumeratio* Ad distributionem referri potest. Idem.

(1) *Alia correctio* Quæ non sententiis, ut prior, sed vocibus constat. Philipp. III. *Patrimonium suum effudit: quamquam non sumus usi eo verbo quo decuit: non effudit, sed in salutem reip. collocavit.* Idem.

(2) *Disputatio* Ratiocinatio fortasse figuris ornata, cuius egregium habetur exemplum lib. iv. ad Herennium. Idem.

(3) *Continuatum* Continuatum, inquit Strebæus, dicitur, cui nihil deest: interruptum, cui unum verbum aut plura desunt. Idem.

(4) *Imago* Aliud nihil est quam translatio, addito adverbio similitudinis. Imagine Cicero utitur in Vatinius: *Repenne enim se, tanquam serpens e lasibulis, oculis eminentibus, inflato collo, tumidis cervicibus, intulisti.* Utitur translatione in Pisonem: *Atque adeo vos gemina voragines scopulique reip.* Idem.

(5) *Sibi ipsi responsio* Hoc adhibet schema Latinus Pacatus in Panegyrico Theodosii n. 38. ubi describit æstum Maximi antequam cum Theodosio confingeret: *Quoties sibi ipsum putamus dixisse, quo fugio? Bellumne sentabo? ut, quem viribus totis ferre non potui, parte sustineam! Alpes Cotsias obserabo? quis Juliae profuerunt! Peto Africam? quam exhausti. Repeto Britanniam? quam reliqui. Credo me Gallie? sed invisus sum. Hispania me committo? sed notus sum. Quid ergo faciam inter arma & odia*

& immutatio (6), & disjunctio (7), & ordo (8), & relatio (9), & digressio (10), & circumscriptio (11). Hæc enim sunt fere, atque horum similia, vel plura etiam esse possunt, quæ sententiis orationem, verborumque conformationibus illuminent.

LV. Quæ quidem te, Crasse, video, inquit Cotta, quod nota esse nobis putes, sine definitionibus, & sine exemplis effudisse. Ego vero, inquit Crassus, ne illa quidem, quæ supra dixi, nova vobis esse arbitrabar, sed voluntati vestrum omnium parui. His autem de rebus sol me ille admonuit, ut brevior essem, qui ipse jam præci-

B b 4

pi-

et odia medius? a tergo premor hostibus, a fronte criminibus. Si morerer, evaseram? Sed ecce nec animum sequitur manus, nec manum gladius; labitur ferrum, tremat dextra, mens satiscit. O quam difficile est miseris etiam perire! Idem.

(6) *Immutatio*) Rutilius Lupus lib. II. de figuris ἀλλοιωσις appellat schema, quod ostendit personarum, rerum, factorumque dissimilitudinem. Hoc exemplum profert ex Hypetide. Non enim simile est vivere in æqua civitate, ubi ius legibus valeat: & venire sub unius tyranni imperium, ubi singularis libido dominatur; sed necesse est aut legibus fretum meminisse libertatis, aut unius potestati traditum quotidianam commentari servitutem. *Idem.*

(7) *Disjunctio*) Qua res eadem diversis vocibus quasi distinguitur. Cicero 1. in Catil. *Patere tua consilia non sentis? constrictam jam omnium horum conscientia teneri conjurationem tuam non vides? Quid proxima, quid superiore nocte egeris, ubi fueris, quos convocaveris, quid consilii ceperis, quem nostrum ignorare arbitraris?* *Idem.*

(8) *Ordo*) In narrationibus ac descriptionibus observandus. *Idem.*

(9) *Relatio*) Eadem fere ac conversio, de qua mox diximus. *Idem.*

(10) *Digressio*) Multo brevior ea, cuius supra meminimus: ut in hoc Virgilii *Æneid.* lib. 3.

Fas omne abrupit: Polydorum obruncat, et auro

Vi petitur. Quid non mortalia pectora cogis

Auri sacra famas? *Idem.*

(11) *Circumscriptio*) Elegans & paucis comprehensa sententia. Annibal ad Scipionem apud Livium lib. xxx. *Melior tutiorque est certa pax, quam sperata victoria: hæc in tua, illa in deorum manu est.* *Idem.*

pitans, me quoque hæc præcipitem pæne evolvere coegit. Sed tamen hujus generis demonstratio est, & doctrina ipsa, vulgaris: usus autem gravissimus, & in hoc toto dicendi studio difficillimus.

Quamobrem, quoniam de ornatu omni orationis, si non sunt omnes patefacti, at certe demonstrari loci: nunc, quid aptum sit, hoc est, quid maxime deceat in oratione, videamus. Quamquam id quidem perspicuum est, non omni causæ, nec auditori, neque personæ, neque tempori congruere orationis unum genus. Nam & causæ capitis alium quendam verborum sonum requirunt alium rerum privatarum atque parvarum: & aliud dicendi genus (12) deliberationes, aliud laudationes, aliud judicia, aliud sermones, aliud consolatio, aliud objurgatio, aliud disputatio, aliud historia desiderat. Refert etiam, qui audiant, senatus (13), an populus, an judices: frequentes, an pauci, an singuli: & quales ipsi quoque oratores, qua sint ætate, honore, auctoritate, debet videri: tempus pacis, an belli, festinationis, an otii. Itaque hoc loco nihil sane est, quod præcipi posse videatur, nisi ut figuram orationis plenioris, & tenuioris, & item illius mediocris, ad id, quod agimus, accommodatum deligamus. Ornamentis iisdem uti fere licebit, alias contentius, alias summissius: omnique in re posse, quod deceat, facere, artis & naturæ est: scire, quid quandoque deceat, prudentiæ.

LVI. Sed hæc ipsa omnia perinde sunt, ut aguntur. Actio, inquam, in dicendo una dominatur.

(12) *Aliud dicendi genus*) Requiritur dicendi genus grave ac temperatum deliberationes; laudationes floridum & ornatum; judicia vel remissum vel concitatum; sermo vulgare; consolatio suave ac sententiosum; objurgatio asperum; disputatio subtile; historia simplex, fustum, & tractum. *Idem*.

(13) *Senatus*) Delectatur Senatus oratione brevi ac sapienti, populus magnifica, judices candida & perspicua, frequentes vehementiore, pauci temperata, singuli quotidiana. *Idem*.

tur. Sine hac summus orator esse in numero nullo potest: mediocris, hac instructus, summus sæpe superare. Huic primas dedisse Demosthenes dicitur, cum rogaretur, quid in dicendo esset primum, huic secundas, huic tertias. Quo mihi melius etiam illud ab Æschine dictum videri solet, qui cum propter ignominiam iudicii cessisset Athenis, & se Rhodum contulisset, rogatus a Rhodiis, legisse fertur orationem illam egregiam, quam in Ctesiphontem (14) contra Demosthenem dixerat: qua perfecta, peritum est ab eo postridie, ut legeret illam etiam, quæ erat contra a Demosthene pro Ctesiphonte edita: quam cum suavissima & maxima voce legisset, admirantibus omnibus, Quanto, inquit, magis (15) admiraremini, si audissetis ipsum? Ex quo satis significavit, quantum esset in actione, qui orationem eandem, aliam esse putaret, actore mutato.

Quid fuit in Graccho, quem tu, Catule, melius meministi, quod me puero tantopere ferretur? *Quo me miser (16) conseram? quo me vertam? In Capitoliumne? at fratris sanguine redundat. An domum? matremne ut miseram, lamentantemque videam, & abjectam?* Quæ sic ab illo acta esse constabat, oculis, voce, gestu, inimici ut lacrymas tenere non possent. Hæc eodico pluribus, quod genus hoc totum oratores, qui sunt veritatis ipsius actores, reliquerunt: imitatores autem veritatis histriones occupaverunt.

LVII. Ac sine dubio in omni re vincit imitationem veritas: sed, ea si satis in actione efficeret
 ipsa

(14) *In Ctesiphontem*) Quod sit Æschinis ac Demosthenis in causa Ctesiphontis argumentum orationum, perspicue exponit Tullius lib. de optimo genere oratorum. *Idem.*

(15) *Quanto magis, &c.*) Idem refert Valerius Maximus lib. viii. cap. 10. & Quintilianus lib. xi. cap. 3. *Idem.*

(16) *Quo me miser*) Verba ex oratione Gracchi deprompta, quibus fratris a Scipione Nasica in Capitolio interfecti necem deplorabat. *Idem.*

ipsa per sese, arte profecto non egeremus: verum quia animi permotio, quæ maxime aut declaranda aut imitanda est actione, perturbata sæpe ita est, ut obscuretur, ac pæne obruatur, discutienda sunt ea, quæ obscurant, & ea, quæ sunt eminentia & prompta, sumenda. Omnis enim motus animi suum quendam a natura habet vultum, & sonum, & gestum: totumque corpus hominis, & ejus omnis vultus, omnesque voces, ut nervi in fidibus, ita sonant, ut a motu animi quoque sunt pulsæ. Nam voces, ut chordæ sunt intentæ, quæ ad quemque tactum respondeant, acuta, gravis, cita, tarda, magna, parva: quas tamen inter omnes est suo quæque in genere mediocris. Atque etiam illa sunt ab his delapsa plura genera, lene, asperum; contractum, diffusum; continenti spiritu, intermisso; fractum, scissum; flexo sono attenuatum, inflatum. Nullum est enim horum similium generum, quod non arte ac moderatione tractetur. Hi sunt actori, ut pictori, expositi ad variandum colores.

LVIII. Aliud enim vocis genus iracundia sibi sumat: acutum, incitatum, crebro incidens;

Impius (17) me frater, ut meos malis miser Manderem natos:

& ea, quæ tu dudum, Antoni, protulisti,

Segregare (18) abs te ausus?

Ecquis (19) hoc animadvertit? Vincite...

& Atreus fere totus.

Aliud miseratio, ac mœror: flexibile, plenum, interruptum, flebili voce;

Quo nunc (20) me vertam? quod iter incipiam ingredi?

Do.

(17) *Impius*) Versus ex Thyeste, tragoedia Ennii. *Idem.*

(18) *Segregare*) Versus ex Teucro Pacuvii. Vide lib. II. de Orat. cap. 46. *Idem.*

(19) *Ecquis*) Ex Accii Atreo. *Idem.*

(20) *Quo nunc*) Ex Medea Ennii. *Idem.*

Domum paternamne? anne ad Pelia (21) filias?

& illa;

O pater (22), o patria, o Priami domus!

& quæ sequuntur,

Hec omnia vidi inflammari,

Priamo vi vitam evitari.

Aliud metus: demissum, & hæsitans, & abjectum;

Multi' modis (23) sum circumventus, morbo, exilio, atque inopia:

Tum pavor sapientiam mihi omnem exanimato expectorat:

Alter terribilem minitatur vitæ cruciatum & necem:

Quæ nemo est tam firmo ingenio, & tantæ confidentia,

Quin refugiat timido sanguen', atque exalbescat metu.

Aliud vis: contentum, vehemens, imminens quadam incitatione gravitatis;

Iterum Thyestes (24) Atreum attractum advenit:

Iterum jam aggreditur me, & quietum exsuscitat.

Major mihi moles, majus miscendum est malum,

Qui illius acerbum cor contundam & comprimam.

Aliud voluptas: effusum, lene, tenerum, hilaratum, ac remissum:

Sed

(21) *Pelia*) Pelias Neptuni filius, & Thessaliæ rex, quem filiz occiderunt, impulsu Medæ, quæ illum ad juventutem revocandum suis artibus pollicebatur. *Ovidius in Metamorph.* Idem.

(22) *O pater*) Hic & duo sequentes versiculi ex Hecuba Ennii citati sunt. *Idem.*

(23) *Multi' modis*) Versus Ennii. *Idem.*

(24) *Iterum Thyestes*) Vel ex Ennii Thyeste, vel ex Atreo Pacuvii. *Idem.*

Sed mihi cum tetulit coronam ob collocandas nuptias,

*Tibi ferebat: cum simulabat sese alteri dare;
Tum ad te ludibunda docte, & delicate detulit.*

Aliud molestia: sine commiseratione grave quidam, & uno pressu ac sono obductum;

Qua tempestate Paris Helenam innuptis junxit nuptiis,

Ego tum gravida expletis jam fere ad pariendum mensibus:

Per idem tempus Polydorum Hecuba partu postremo parit.

LIX. Omnes autem hos motus subsequi debet gestus; non hic verba exprimens, scenicus, sed universam rem & sententiam, non demonstratione (25), sed significatione declarans, laterum inflexione hac forti ac virili, non ab scena & histrionibus, sed ab armis, aut etiam a palæstra. Manus (26) autem minus arguta, digitis subsequens verba, non exprimens: brachium (27) procerius

(25) *Non demonstratione*) In hac Tullii periodo, *Cadebatur in medio foro Messanae*, &c. non est motus laterum, qualis esse ad verbera solet, torquendus; nec vox, qualis dolore exprimitur, eruenda; nec si quis de citharædo loquatur, eum compositis quasi ad pulsandos nervos manibus designare debet; permittitur tamen manum ad se referte, aut in alium intendere de quo loquitur. *Fabius lib. xi. cap. 3. Idem.*

(26) *Manus*) Quot motus habeant manus, dici vix potest; his poscimus, pollicemur, vocamus, dimittimus, &c. Est ille gestus maxime communis, quo index ad pollicem contrahitur explicatis tribus aliis digitis; convenit exordiis cum leni in utramque partem motu prolatus, capite sensim ad id, quo fertur manus, inclinante. Idem gestus erit paulo productior in narrando, in exprobrando acrior. Est & ille verecundæ actioni aptissimus, quo quatuor primis leviter in summum coeuntibus digitis, non procul a pectore ad nos fertur manus. Deinde admirationi convenit hic gestus, quo manus modice supinata, ac per singulos a minimo collecta digitos redeunte flexu simul explicatur atque convertitur. Præterea optime manus a sinistra parte incipit, & in dextra deponitur; sed ut deponi, non ferire videatur. Denique in exordiis gestus fieri non solet nisi post tria, quatuor, aut quinque verba. *Ex Quintiliano. Idem.*

(27) *Brachium*) Brachia projiciantur in contentionibus, contrahantur.

cerius projectum, quasi quoddam telum orationis: supplotio pedis in contentionibus aut incipiendis, aut finiendis.

Sed in ore sunt omnia. In eo autem ipso dominatus est omnis oculorum: quo melius nostri illi senes, qui personatum (28), ne Roscium quidem, magnopere laudabant. Animi est enim omnis actio: & imago animi vultus est, indices oculi. Nam hac est una pars corporis, quæ, quot animi motus sunt, tot significationes & communicationes possit efficere: neque vero est quisquam, qui, eadem contuens, efficiat. Theophrastus quidem Tauriscum quemdam dixit auctorem aversum (29) solitum esse dicere, qui in agendo, contuens aliquid, pronuntiaret. Quare oculorum est magna moderatio: nam oris non est nimium mutanda species, ne aut ad ineptias, aut ad pravitatem aliquam deferamur. Oculi sunt, quorum tum intentione, tum remissione, tum conjectu, tum hilaritate, motus animorum significemus apte cum genere ipso orationis. Est enim actio quasi sermo corporis: quo magis menti congruens esse debet. Oculos autem natura nobis, ut equo (30) & leoni setas, caudam, aures, ad motus animorum declarandos dedit. Quare in hac nostra actione secundum vocem vultus valet. Is autem oculis gubernatur. Atque in iis omnibus, quæ sunt actionis, inest quædam vis a natura data. Quare etiam hac imperiti, hac vulgus, hac denique barbari maxime commoventur. Verba enim neminem

mo-

trahantur in remissis. Nunquam tamen sint omnino extenta, nunquam supra oculos attollantur, nunquam demittantur infra pectus. *Ex eodem. Idem.*

(28) *Personatum*) *Masque*: quo habitu prodibant aliquando in scenam histriones. *Idem.*

(29) *Auctorem aversum*) Qui aversus ab auditore oculis, in aliquid aliud semper aspectum defigeret. *Idem.*

(30) *Ut equo*) *Leonum animi index cauda, sicut & equorum aures.* Plinius lib. VIII. cap. 16. *Idem.*

movent, nisi eum, qui ejusdem linguæ societate conjunctus est; sententiæque sæpe acutæ, non auctororum hominum sensus prætervolant. Actio, quæ præ se motum animi fert, omnes movet: iisdem enim omnium animi motibus concitantur, & eos iisdem notis & in aliis agnoscunt, & in se ipsi indicant.

LX. Ad actionis autem usum atque laudem, maximam sine dubio partem vox obtinet: quæ primum est opranda nobis; deinde, quæcumque erit, ea tuenda. De quo illud jam nihil ad hoc præcipiendi genus, quemadmodum voci serviatur: equidem magnopere censeo serviendum. Sed illud videtur ab hujus nostri sermonis officio non abhorre, quod, ut dixi paulo ante, plurimis in rebus quod maxime est utile, id nescio quo pacto etiam decet maxime. Nam ad vocem in dicendo obtinendam (31) nihil est utilius, quam crebra mutatio: nihil perniciosius, quam effusa sine intermissione contentio.

Quid? ad aures nostras & actionis suavitatem, quid est vicissitudine, & varietate, & commutatione aptius? Itaque idem Gracchus (32) (quod potes audire, Catule, ex Licinio, cliente tuo, litera-

(31) *Nam ad vocem obtinendam*) Corruptus procul dubio locus est: paulo enim ante dixerat Crassus, se nolle hic præcepta dare, *quemadmodum voci serviatur*, id est, quo modo vox obtineatur, sive melior fiat usu & exercitatione. Illud solum hic notat, quam id quod *maxime utile est*, *etiam decet maxime*. Ut hoc de voce verum esse probet, dicit nihil crebra mutatione utilius, nihil non intermissa contentione perniciosius *ad vocem*, &c. quid? certe non *obtinendam*: de eo nihil hic dicturus fuit. Tum addit, nihil varietate auribus nostris suavius aptiusque esse. Omnes fere vet. editiones & nonnulli Mss. habent *ad vocem in dicendo obtinendam*: unde Lambinus bene conjecit legendum *ad vocem in dicendo tuendam*. Sic in initio hujus cap. de voce Crassus dicit, *quæcumque erit, ea tuenda*: & in sequenti cap. cum doctrinam suam de voce breviter repetit, sic concludit; *Hæc varietas & per omnes sonos vocis cursus & se tuebitur, & actioni afferet suavitatem*. Pearcius.

(32) *Gracchus*) De C. Gracchi fistula concionatoria vide Gellium, lib. 1. cap. 12. *Præfatus*.

terato homine, quem servum sibi ille habuit ad manum) cum eburneola solitus est habere fistula, qui staret occulte post ipsum, cum concionaretur, peritum hominem, qui inflaret celeriter eum sonum, quo illum aut remissum excitaret, aut a contentione revocaret. Audivi mehercule, inquit Catulus, & sæpe sum admiratus hominis cum diligentiam, tum etiam doctrinam & scientiam. Ego vero, inquit Crassus, ac doleo quidem illos viros in eam fraudem in republica esse delapsos: quanquam ea tela textitur (33), & ea incitatur in civitate ratio vivendi, ac posteritati ostenditur, ut eorum civium, quos nostri patres non tulerunt, jam similes habere cupiamus. Mitte, obsecro, inquit, Crasse, Julius, sermonem istum, & te ad Gracchi fistulam refer: cujus ego nondum plane rationem intelligo.

LXI. In omni voce, inquit Crassus, est quiddam medium, sed suum cuique voci. Hinc gradatim adscendere vocem utile & suave est. Nam a principio clamare, agreste quiddam est, & illud idem ad firmandum est vocem salutare. Deinde est quiddam contentionis extremum, quod tamen inferius est, quam acutissimus clamor, quo te fistula progredi non sinet, & tamen ab ipsa contentione revocabit. Est item contra quiddam in remissione gravissimum, quoque tanquam sonorum gradibus descenditur. Hæc varietas, & hic per omnes sonos vocis cursus, & se tuebitur, & actioni afferet suavitatem. Sed fistulatorem domi relinquetis; sensum hujus consuetudinis vobiscum ad forum deferetis.

Edidi quæ potui, non ut volui, sed ut me temporis angustia coegerunt. Scitum est enim,
cau-

(33) *Ea tela textitur*) Carpit ætatis suæ factiones Marianas & Syllanas, quibus tota resp. concutiebatur. Cæterum eam vocem *incitatur* temere librariis excidisse putat Victorius lib. v. variarum lectionum cap. 7. *Idem*.

causam conferre in tempus, cum afferre plura, si cupias, non queas.

Tu vero, inquit Catulus, collegisti omnia, quantum ego possum judicare, ita divinitus, ut non a Græcis didicisse, sed eos ipsos hæc docere posse videre. Me quidem istius sermonis participem factum esse gaudeo: ac vellem; ut meus gener, sodalis tuus, Hortensius (34.) affuisset: quem quidem ego confido omnibus istis laudibus, quas tu oratione complexus es, excellentem fore. Et Crassus, Fore dicis? inquit: ego vero esse jam judico, & tum judicavi, cum me consule (35), in senatu causam defendit Africæ; nuperque etiam magis, cum pro Bithyniæ rege (36) dixit. Quamobrem recte vides, Catule: nihil enim isti adolescenti, neque a natura, neque a doctrina deesse sentio. Quo magis est tibi, Cotta, & tibi, Sulpici, vigilandum ac laborandum. Non enim ille mediocris orator vestræ quasi succrescit ætati: sed & ingenio peracri, & studio flagranti, & doctrina eximia, & memoria singulari. Cui quanquam faveo, tamen illum ætati suæ præstare cupio: vobis vero illum tanto minorem (37) præcurrere vix honestum est. Sed jam surgamus, inquit, nosque curemus, & aliquando ab hac contentione disputationis animos nostros, curamque laxemus.

(34.) *Hortensius*) De quo fule Tullius in Bruto, præcipue sub initium & finem. *Idem*.

(35.) *Me consule*) Anno scilicet U. C. DCLVIII. quo primum tempore, ut refert Tullius in Bruto, in foro dixit Hortensius. *Idem*.

(36.) *Bithyniæ rege*) Nicomede, qui moriens Bithyniæ populo Rom. reliquit. Bithynia autem Asiæ minoris regio nunc *Beangial*, teste Castaldo. a Turcis appellatur *Osmanli*, quemadmodum scribit Leunclavius. *Idem*.

(37.) *Tanto minorem*) Cotta & Sulpicius annis decem Hortensio majores. *Idem*.

F I N I S.

AAAAAAAA

2758698

TTTTTTTT

2758698

A



Venerabile Frate
Legato di
Via S. Maria 130 r.

B.23.6.571



B.N.C.F.
FIRENZE

